

Holy Bible

Aionian **Edition®**

सत मारग पर चलन वारो किताब

Powari Bible

Holy Bible Aionian Edition ®

सत मारग पर चलन वारो किताब

Powari Bible

Language: Powari

India (Madhya Pradesh)

Creative Commons Attribution ShareAlike 4.0 International, 2018-2026

Source text: eBible.org

Source version: 8/8/2026

Source copyright: Creative Commons Attribution ShareAlike 4.0

The Word for the World South Asia, 2023

Formatted by Speedata Publisher 5.9.2 (Pro) on 8/31/2026

100% Free to Copy and Print

TOR Anonymously and <https://AionianBible.org>

Published by Nainoia Inc, <https://Nainoia-Inc.signedon.net>

All profits are given to <https://CoolCup.org>

We pray for a modern Creative Commons translation in every language

Translator resources at <https://AionianBible.org/Third-Party-Publisher-Resources>

Volunteer help and comments are welcome and appreciated!

Celebrate Jesus Christ's victory of grace!

Preface

Powari at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Please understand these eleven words. The original translation is unaltered and a highlighted note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by/4.0, allowing 100% freedom to copy and print, if respecting source copyrights. Check the Reader's Guide and read at AionianBible.org, with Android, and with TOR network. Why purple? King Jesus' Word is royal and purple is the color of royalty! All profits are given to CoolCup.org.

History

Powari at AionianBible.org/History

06/21/75 - Two boys, P. and J., wonder if Jesus saves all and pray.
04/15/85 - Aionian Bible conceived as B. and J. pray.
12/18/13 - Aionian Bible announced as J. and J. pray.
06/21/15 - Aionian Bible birthed as G. and J. pray.
01/11/16 - AionianBible.org domain registered.
06/21/16 - 30 translations available in 12 languages.
12/07/16 - Nainoia Inc established as non-profit corporation.
01/01/17 - Creative Commons Attribution No Derivatives 4.0 license added.
01/16/17 - Aionian Bible Google Play Store App published.
07/01/17 - 'The Purple Bible' nickname begins.
07/30/17 - 42 translations now available in 22 languages.
02/01/18 - Holy Bible Aionian Edition® trademark registered.
03/06/18 - Aionian Bibles available in print at Amazon.com.
09/15/18 - Aionian Bible dedicated as J. and J. pray again.
10/20/18 - 70 translations now available in 33 languages.
11/17/18 - 104 translations now available in 57 languages.
03/24/19 - 135 translations now available in 67 languages.
10/28/19 - Aionian Bible nursed as another J. and J. pray.
10/31/19 - 174 translations now available in 74 languages.
02/22/20 - Aionian Bibles available in print at Lulu.com.
05/25/20 - Illustrations by Gustave Doré, La Grande Bible de Tours, Felix Just.
08/29/20 - Aionian Bibles now available in ePub format.
12/01/20 - Right to left and Hindic languages now available in PDF format.
03/31/21 - 214 translations now available in 99 languages.
11/17/21 - Aionian Bible Branded Leather Bible Covers now available.
12/20/21 - Social media presence on Facebook, Twitter, LinkedIn, YouTube, etc.
01/01/22 - 216 translations now available in 99 languages.
01/09/22 - StudyPack resources for Bible translation study.
01/23/22 - Volunteers celebrate with pie and prayer.
02/14/22 - Strong's Concordance from Open Scriptures and STEP Bible.
02/14/23 - Aionian Bible published on the TOR Network.
12/04/23 - Eleēsē added to the Aionian Glossary.
02/04/24 - 352 translations now available in 142 languages.
05/01/24 - 370 translations now available in 164 languages.
08/05/24 - 378 translations now available in 165 languages.
08/18/24 - Creative Commons Attribution 4.0 International, if source allows.
10/20/24 - Gospel Primer handout format.
11/24/24 - Progressive Web Application off-line format.
01/28/25 - All profits are given to CoolCup.org.
03/12/25 - 382 translations now available in 166 languages.
06/21/25 - 468 translations now available in 230 languages.
09/01/25 - 538 translations now available in 291 languages.
08/31/26 - 539 translations in 291 languages with 9,609,899 verses.

Table of Contents

NEW TESTAMENT

मती	1
मरकुस	26
लूका	41
योहन्	67
पेरीत	87
रोमियो	114
1 कुरिन्थियो	126

APPENDIX

Reader's Guide

Glossary

Maps

Destiny

Illustrations, Doré

NEW TESTAMENT



यीसु ना कहीस, हे बाबूजी इनला, छिमा कर काहेका यो नही जानासे, का यो काजक कर रहीसेत,
तबा उनना चिट्ठी टाक केना यीसु का कपरा ला आपस मा बाट लेइन।

Luke 23:34

मती

1 अबराहम को सन्तान, दाऊद को सन्तान यीसु मसीह को खानदान को पवीतर किताब मा जानकारी। **2** अबराहम लक इसहाक जलम लेईस, इसहाक लक याकूब जलम लेईस, याकूब लक यहूदा, अखीन वोको भाऊ, जलम लेईन। **3** यहूदा अखीन तमार लक फिरिस, अना जोरह जलम लेईस। फिरिस लक हिस्त्रोन जलम लेईस, अखीन हिस्त्रोन लक एराम जलम लेईस। **4** एराम लक अम्मीनादाब जलम लेईस, अम्मीनादाब लक नहसोन, अखीन नहसोन लक सलमोन जलम लेईस। **5** सलमोन अखीन राहब लक, बोअज जलम लेईस। बोअज अखीन स्त लक, ओबेद जलम लेईस। अखीन ओबेद लक, यिसै जलम लेईस। **6** यिसै लक दाऊद राजा जलम लेईस। अखीन दाऊद लक सुलेमान, उ ऊरियाह को बायको ले जलम लेईस। **7** सुलेमान लक रहबाम जलम लेईस। रहबाम लक अबिय्याह जलम लेईस, अखीन अबिय्याह लक आसा जलम लेईस। **8** अखीन आसा लक यहोसापात जलम लेईस, यहोसापात लक योराम जलम लेईस। अखीन योराम लक उजिय्याह जलम लेईस। **9** उजिय्याह लक योताम जलम लेईस, योताम लक अहाज जलम लेईस। अखीन अहाज लक हिजकिय्याह जलम लेईस। **10** हिजकिय्याह लक मनस्से जलम लेईस। मनस्से लक अमोन जलम लेईस। अमोस लक योसियाह जलम लेईस। **11** अखीन बैदी भई केन बेबीलोन जावन को बेरा मा योसियाह लक यकुन्याह, अखीन ओको भाऊ जलम भइन। **12** बेबीलोन नगर मा पहुचनो को बादमा यकुन्याह ले सालतिएल जलम भयो। अना सालतिएल लक जर्म्बाबिल जलम लेईस। **13** अना जर्म्बाबिल लक अबिहूद जलम लेईस अना अबिहूद लक इल्याकिम जलम लेईस, अना इल्याकिम लक अजोर जलम लेईस। **14** अना अजोर लक सदोक जलम लेईस, अना सदोक लक अखिम जलम लेईस, अना अखिम लक इलीहूद जलम लेईस। **15** अना इलीहूद लक इलियाजार जलम लेईस, अना इलियाजार लक मत्तान जलम लेईस, अना मत्तान लक, याकूब जलम लेईस। **16** अना याकूब लक युसुफ जलम लेईस, जो मरियम को नवरा होतो। अना मरियम लक यीसु, जोन यीसु मसीह कहलावसे जलम लेईस। **17** असो अबराहम लक, दाऊद लक, सब **14** पीढी भयो। अना दाऊद ले, बेबीलोन देस बन्दी होयके जावन तकन **14** पीढी, अना बन्दी होयके बेबीलोन जावन को बेरा ले, मसीह लक **14** पीढी भयो। **18** यीसु मसीह को जलम असो भयो। जबा वोकी माय मरियम की पक्की, युसुफ को संग भई। तबा उनको मिलन को पुढा, वा पवीतर आतमा कन लक, पोट ले भई गई। **19** वोको होवन वारा नवरा युसुफ एक नेक मानूस होतो। यो गोस्टी सांग के उ वोकी बेइज्जती करनो नही चाहत होतो। एकोलाय उ चुप्पई लक बिहाव तोडन को बिचार बनायो। **20** जबा उ असो बिचारत होतो, तबच सपना मा पिरभु को सरगदूत आयो, अना बोला कव्हन लग्यो “अगा युसुफ! दाऊद को दूरा, नोको डराय, तू आपरी बायको मरियम संग लगन कर, काहेका वोको पोट मा जोन लेकरा सेत, उ परमेस्वर को पवितर आतमा कन लक सेत। **21** अना मरियम दूरा ला जलम देहे, अना तू वोको नाव

यीसु राखजोस, काहेका उ अपरा लोकगीन ला, उनको पाप लक बचा हेत।” **22** असो होवन को यो कारन से का, पिरभु न जेना गोस्टी ला, भविष्यवक्ता गीन लक सागिसेस, उ पूरो भई जाये। **23** “आयको एक कुँवारी दूरी पोट लक रहेत, अना एक दूरा ला जलम देहे। अखीन वोको नाव इम्मानुएल ठेयो जाहे, मजे परमेस्वर आमरो संग मा से।” **24** तबा युसुफ जप लक जगयो, पिरभु को सरगदूत ना जसो सांगयो होतो, वसोच उ वोको लक लगन करके आपरो घर आनिस। **25** अना जब तकन वा दूरा जलम नहि लियो तबा तकन उ मरियम को संग नहि सोयो अना युसुफ न, वोको नाव यीसु राखिस।

2 राजा हेरोदेस जबा राज कर रहयो होतो। वोच बेरा मा, यहूदिया को, बैतलेहम नगर मा, यीसु को जलम भयो। तबच काही बेरा बाद, बिदवान जोन तारा ला चोव के पंचाग देखन वारा, येस्सलेम नगर मा आइन। **2** “उटना पुसीन यहूदिगीन को आजच जलम हुयो लेकरा राजा कहौन से? काहेका हमीना वोको तारा ला बादल मा देखीसेजन अना हमी वोकी पिराथना करन आयसेजन।” **3** जबा असो गोस्टी राजा हेरोदेस न आयकिस, वसोच उ थरथराय गयो। अखीन सप्पा येस्सलेम को लोकगीन सटिया गइन। **4** तबा वोना मुखिया याजक, अना मोसे को नियम को गुरू ला, जमा करीस। अना उनको लक पुसीस “का मसीह को जलम कहौन होवनवारा से” **5** भविष्यवक्ता गीनना राजा ला कहिन, “पवीतर गीरथ मा असो लिख्यो सेत का यहूदिया छेतर को” बैतलेहम नगर मा उ जलम लेवन वारा सेत, **6** वो यहूदा देस को बैतलेहम, नगर, तू यहूदा देस को कोनी नगर लक कम नामी नाहत। काहेका तोरो लक एक राजा होहेत जोन मोरो इजरायली परजा ला मारग चोवाहेत। **7** तबा हेरोदेस न पंचाग देसनवारा ला उगो-मुगो बुलाइस। अना यो गोस्टी ला पक्को करीस। का तारा ठीक कोनी बेरा मा चोयो होतो। **8** मंग राजा उनला बैतलेहम धाडीस। अना कहीस, जाव अना वोना लेकरा को बारे मा साजरी लक “पता लगावो” अना जबा उ तुमला मिल जाहे त मोला सांगो बल्कि मी भी आयके वोकी पिराथना कर सकु। **9** मंग उ राजा की गोस्टी ला आयक के, चली गइन। उ तारा ला बादर मा उनना देखी होतीन होती। उ उनको पुढा-पुढा जाय रहयो होतो, मंग जबा उ जघा आई जहान उ दूरा होतो त तारा वोको वारता स्क गयो। **10** जबा उनना असो देखिन त वय लगत खुसी भईन। **11** वय वोना घर मा गइन, अना उनना वोकी माय मरियम लेकरा को संग होति, उता माय अना लेकरा को दरसन करीन। अना टोंगरा टेकके, नमस्कार करन लागीन। अना आपरी-आपरी पेटी खोलके, ओमा लक मुद्रो, लुभान अना गन्धरस को भेट चघाइन। **12** पर परमेस्वर न एक सपना मा उनला चेताय देइस का वय वापसी हेरोदेस को जवर नोको जावो तबा वय एक दुसरो मारग लक अपरो देस ला लवट गइन। **13** जबा वय चली गइन त यूसुफ ला सपना मा पिरभु को एक सरग दूत न पिरगट होयके कहीस, उभो होय अना माय अना लेकरा ला धरके उगो-मुगो लक मिसर चली जाय, अना मी जबा तकन तोला नहि कहू, उत्तच रक्वने काहेकी हेरोदेस एना दूरा ला मारवा डाकन को लाई हुन्डेत। **14** तबा युसुफ उभो भयो, अना माय अखीन लेकरा ला धरके रात मा मिसर देस को लाई चली गयो।

15 अना हेरोदेस राजा को मरनो तकन, वहाँच रहयो। एको लाई की लक मन हटाव को भविस्वयवक्ता गीनको टोन्ड लक, सांयो होतो, उ पूरो भयो “मी ना आपरो दूरा ला मिसर लक हाकलिसेवा” 16 जबा राजा हेरोदेस ना यो चोवयो का, पंचाग चोवनवारा ना, मोला चुथिया बनाईसेस, तबा उ हिजड गयो अना लोकगीन ला धाडके, पंचाग देसनवारा लक सांयो बेरा मा, बैतलेहम नगर अना ओको इतानी-उतानी को जघा मा जेतरा, दुई साल अना ओको लक कम उमर को लेकरा होतीन। उन सब ला मरवाय डाकीस। 17 तबा जोन गोस्टी यीरमीयाह भविस्वयवक्ता ना जोन बचन कव्हयो होतो, उ पूरो भयो। 18 “रामाह मा एक दुखी आवाज आयकु आई। रडना अना चिल्लानो की मोठी आवाज आई राहेल नाव की बायको, आपरो दूरा ऐना लाई रडत होती। अना सान्ती लक चुप नही होवत होती काहे की वय मर गईन।” 19 राजा हेरोदेस को मरन को मंघा, पिरभु को एक सरगदूत ना मिसर मा युसुफ ला चोयो, अना कहीस! 20 “उठ, उ दूरा अना-ओकी माय ला धर के इसरायल देस मा चली जाय। काहे का जोन दूरा को जान लेवन चाहत होतीन, वय मर गईन।” 21 तब उ उठयो! अना दूरा अना ओकी माय ला धरके, इसरायल देस मा आय गयो। 22 पर यो आयक के अरखिलाउस आपरो बाप राजा हेरोदेस की जघा, यहूदिया मा राज कर रही से वहाँन जावन लाई डराय गयो। मंग सपना मा परमेस्वर लक चेतावनी पायके गलील परदेस मा चली गयो। 23 अना नासरत नाव को नगर मा जाय के रव्हन लगयो जोन लक वा गोस्टी पूरो भयी जाय जोन भविस्वयवक्ता गीन लक सांयो गयो होतो, की “उ नासरी कहलाएत।”

3 ओनो दिवस मा, योहन बसिस्मा देवन वालो, यहूदिया देस को सुनसान जंगल मा आयो अना परचार करन लगयो। 2 अपरो पाप लक दुहर भय जाव, काहे की सरग को राज कठा आय गई से। 3 योहन वोच से जोन को गोस्टी यसायाह भविस्वयवक्ता न कहिसेस का: “जंगल मा एक मानूस हाकल रहयो से का परमेस्वर की रास्ता ला तैयार करो, अना वोकी सरक सरल करो” 4 योहन को कपरा ऊट को चुन्दी लक बनयो होतो। अना आपरी कमर मा चमड़ा को पट्टा बांधत होतो। ओको जेवन फाफा अना सहेद होतो। 5 तबा येस्सेलेम नगर, अना सारो यहूदिया देस, अना यरदन नदी को इतानी-उतानी को सब जघा, का लोक ओको जवर हिटके आइन। 6 उनना आपरो-आपरो पाप ला मानके यरदन नदी मा ओको लक बसिस्मा लेईन। 7 जबा योहन न लगत सा मोसे को नियम को सिक्सक अना सदुकि फरिसी इनला बसिस्मा लेवन काजी आपरो जवर आवत चोविस, ता उनलक कहीस “हे सरप को अवलाद, तुमीला कोनी ना हेत दिलाईसेस, का आवन वालो कोप लक बचो” 8 वोनो काम गीनला चोवके तुमी अपरो पाप लक मन हटाव अना आपरो आप मा साजरो फर पावो। 9 अना असो नोको सोचो, का तुमी यो कहेके डंड लक बच सकासेव का अबराहम तुमरो पुरखा से, मी तुमरो लक कव्हसु का परमेस्वर एना पहाडी को गोटा मा लक अबराहम को लाई आवलाद पैदा कर सकासे। 10 अता गिंगिया झाड की जड पर राखियो से, जेना-जेना झाड साजरो फर नही आना से, उ कापो अना स्तो मा झोको जाहेत। 11 मि ता तुमी ला पानी लक “पाप

लक मन हटाव को बसिस्मा देवासेउ, पर जोन मोरो मंघा आवन वालो से, उ मोरो लक ताकतवर से, मि ओको सेन्डिल उचलन को लाईक नही सेऊ। उ तुमला पवीतर आतमा अना स्तो लक बसिस्मा देहे। 12 ओको सुपडो, ओको हात मा से, उ आपरो खरीयान साजरो लक सफा करेत। अना आपरो गहुँ ला आपरो ढोला मा जमा करेत पर भुसा ला ओना स्तो मा पेटाहे जोन कबच नही झिझाहेत।” 13 ओना बेरा मा यीसु ना गलील छेतर लक, यरदन नदी को किनार मा, योहन लक बसिस्मा लेवन वोको जवर आयो। 14 पर योहन यो सांगके, ओला रोकन लग्यो “मोला ता तोरो हात लक, बसिस्मा लेवनो से, अना तु मोरो जवर आयीसेस” 15 यीसु ना ओला जवाब देइस “अबा ता असो च होवन दे, काहे की आमी ला येना रित लक सबच धरम-करम ला पूरो करनो से।” तबा योहन, यीसु को गोस्टी ला मान लेइस। 16 जसोच यीसु बसिस्मा लेइस, त वसोच बाहेर आयो तबा वोको लई सरग को किवाड उघड गयो, अना वरता लक परमेस्वर को आतमा ला पेवा को जसो आपरो वरता उतरता चोइस। 17 अना सरग लक आवाज आयकु आई “यो मोरो चहेतो दूरा से, जेना लक मि सब लक ज्यादा खुस सेव।”

4 वोना बेरा आतमा यीसु ला जंगल मा ले गईस, का सैतान वोकी परिक्षा लेहे। 2 यीसु चाडीस दिवस, अना चाडीस रात लक उपास करतो रहयो, मंग बोला भुख लगी। 3 तबा परखन वालो ना ओको जवर आयके कहीस “अदी तु परमेस्वर को दूरा सेस ता कव्हका यो गोटा भाखरी बन जाए।” 4 यीसु ना जवाब देइस, का गिरंथ मा असो लिख्यो से, मानूस सिर्फ जेवन च लक नही, जितो रव्हासे, पर हरेक सबद जोन परमेस्वर को टोन्ड लक हिटासे वोको लक जितो रव्हासेत। 5 तबा सैतान यीसु ला पवीतर नगर मा लेगइस अना ओला मंदिर करसा को वरता मा उभो कर देइस। 6 अना ओला कहीस “अदी तु परमेस्वर को दूरा आस, ता खाल्या कुद जाय, काहे का पवीतर गिरंथ मा लिख्यो से, उ तोरो बारे मा आपरो सरगदूत गिनला हुकूम देहे, अना वय तोला हातो-हात उचल लेहेत। कहीं असी ना होय का तोरो पाय मा ठोकर लगे।” 7 यीसु ना ओला कहीस, पर पवीतर गिरंथ मा असो भी लिख्यो से “अपरो पिरभु मोठो परमेस्वर की परीक्षा नोको लेवजोस।” 8 मंग बालजबूल ओला एक लगत मोठो पहाड पर ले गईस, अना सारो जग को राज माया महिमा चोवाय के 9 ओला कहीस “अदी तु टोंगरा टेकके मोरी आराधना करजोस, ता मि यो सब काही तोला दे देह।” 10 तबा यीसु ना ओला जवाब देइस, हट जाय सैतान! काहेका धरम की किताब मा लिख्यो से “तु अपरो पिरभू व परमेस्वर की आराधना करो अना अखिन वोकिच सेवा करो।” 11 एको पर सैतान बोला सोडके चली गयो अना सरगदूत आयके वोकी सेवा करन लगन। 12 जबा यीसु ना यो आयकीस, का योहन धराय गयो से। ता उ गलील नगर ला चली गयो। 13 अना उ नासरत नगर ला छोडके कफरनहम नगर मा रव्हन लगयो। जो झील को जवर जबूलून अना नमाली को देस मा से। 14 असो परकार लक यसायाह भविस्वयवक्ता को कव्हयो गयो गोस्टी पूरो भयो। 15 “जबूलून अना नमाली को देस, झील को रास्ता लक यरदन नदी को बोनागन, गैर यहूदीगीन को गलील 16

जोन लोक अंधार मा बसी होतीन, उनना मोठी उजाड़ो चोबिन, अना जोन मरन को देस अना सावली मा बसी होतीन, उन पर उजाड़ो चमकयो।” 17 ओना बेरा लक यीसु ना पिरचार करन लगयो का “पाप लक मन ला हटाव मन फिराओ काहे का सरग को राज जवर आई से।” 18 यीसु गलील को झील को जवर, हिंड रहयो होतो, ओना दुई भाऊ गीन समौन जेनको नाव पतरस भी कहलावसे, अना ओको भाउ अन्दिरयास ला झील मा जाल डाकत चोबिस; काहे का वय धिवर होतीन। 19 यीसु ना उन लक कहीस “मोरो मंघा आव, ता मि तुमला मसरी धरन की जघा लोकगीन ला परमेस्वर को राज मा आननो सिकाह।” 20 वय तुस्त जाल ला सोडके ओको मंघा चलन लगीन। 21 वहान लक पुढा बढनो पर यीसु चोवयो का जबदी को दूरागिन याकूब, अना योहन दुई भाऊगीन अपरो बाप जबदी को संग नाव मा जाल ला तैय्यार करत होतिन। ता यीसु न उनला हाकलीस, 22 वय तुस्त नाव अना आपरो बाप ला सोडके वोको मंघा चली गईन। 23 यीसु सारो गलील मा हिंडत-हिंडत उनको पिराथना घर मा सिक्सा देवन लगयो होतो। अना राज को साजरो बारता को बारे मा सांगत होतो। अखीन लोक गीन की हर बीमारी, अना कमजोरी, ला साजरो करत होतो। 24 अना वोको नाव सफा सीरिया देस मा, फैल गयो। अखीन लोकगीन सप्पा बीमार ला, अना दुखी मानूस गीन ला अना जिनमा भुत-पलित झोमयो होतिन, मिरगी वारा, लकवा वारा ला ओको जवर आनीन। अना उ उनला साजरो करत होतो। 25 गलील अना दहानगर मा येस्सलेम नगर, यहूदिया छेतर अना यरदन नदी को ओनांगन लक भीड ओको मंघा भय गई।

5 यीसु एना मोठो भीड ला चोवके पहाड़ी पर चघ गयो। अना जबा बस गयो, तबा ओको चेला ओको जवर आइन। 2 अना उ यो कव्हतो हुयो सिक्सा देवन लगयो। 3 धन्य सेत वय, जो मन को गरीब सेत। काहे का सरग को राज उनको सेत। 4 धन्य सेत वय, जो सोक करासेत, काहे का वय सान्ती पाहेत। 5 धन्य सेत वय, जोन नरम सेत! काहे का वय धरती का मालीक होयेत। 6 धन्य सेत वय जो धरम का भुको अना तहान सेत, काहे का वय, अघा जाहेत। 7 धन्य सेत वय जोन रहमदिल सेत, काहे का वोको पर रहम कियो जाहेत। 8 धन्य सेत वय, जोनको मन सुध्द सेत, काहे उ परमेस्वर ला, चोहेत। 9 धन्य सेत व, जो मेल करानवारा सेत, काहेका उ परमेस्वर का दूरा कहलाहेत। 10 धन्य सेत वय, जोन धरम को कारन लक तगांयो जासेत, काहेका सरग को राज उनको च से। 11 धन्य सेत वय, जोन मानूस मोरो कारन, तुमरो बेजजाती करेहत। तुमरो पर अत्याचार अपमान करेहत अना अखीन झुठो, दोस लगाहेत। 12 तबा खुसी लक मगन होवना, काहे का तुमरो लाई सरग मा, मोठो फर से तुमरो पुढा को भविस्वयक्ता गीन ला भी एनाच रीत लक सतायो होतीन। 13 तुम्हि धरती को नोन सेव, पर अदी नोन को सुवाद बिगड जाहेत ता कोन सी जिनस लक बोला नमकीन कियो जाहेत। मंग वा कोनी काम को नाहती, एको लाई का बाहेर फेको जाहेत, अना मानूस को पाय खाल्या खुंदयो जाहेत। 14 तुमी एना जग की उजाड़ो सेव, जोन नगर पहाड़ी मा बसो से, वा लूक नही सकत। 15 अखीन लोक गीन दियो पैठाय के फुल को खाल्या डलिया मा नही

राखत, पर फूल पर राखसेत, तबा ओना घर का सारो लोक गीन ला उजाड़ो भेटासे। 16 वोको च जसो तुमरो भी उजाड़ो मानूस को पुढा चमकेत, काहे का उ तुमरो भलो काम ला देख के तुमरो बाप की सरग मा बडाई होहेत। 17 यो नोको समजो का, मि पवीतर गीरंथ या भविस्वयक्ता मोसे को नियम ला, लोप करन लाय आई सेऊ, पर मी तो बोला पूरो करन लाई आई सेव। 18 काहे की मि तुमरो लक खरो कव्हसु, का जबा तकन सरग अना धरती टल न जाहेत। तबा तकन मोसे को नियम लक एक मातरा एक बिन्दु भी, बिना पूरो हुये नही टलेत। 19 एको लाई जो कोनी, एना नहानो लक नहानो, हुकूम ला कोनी एक ला तोडके अना वसोच लोक गीन ला सिखाहे, उ सरग को राज मा सब लक नहानो कहलाहे पर जो कोनी एना हुकूम ला मानहेत अना उनला वसोच सिखाहे, उ सरग को राज मा मोठो कहलाहे। 20 काहे की मि तुम लोक गीन कव्हसु, की अदी तुमरो नेकी को काम, मोसे को नियम को गुरू लक अना, फरिसी गीन लक बडके नही होहेत। ता तुम्हि सरग को राज मा कदीच भीतर नही धस सकेत। 21 तुमी आयकि सेव का जुनो जुग का लोक गीन ला कव्हयो गयो होतो, का जान लक नोको मारने, अना जोन जान लक मारहेत, उ कचहरी मा, सजा को काबील होहेत। 22 पर मि तुमी लक यो कव्हसु, का जोन कोनी आपरो भाऊ पर हिजडेत, उ कचहरी मा सजा को काबील होहेत, अना जोन कोनी आपरो भाऊ ला निकम्मा कहे, ता उ मोठी सभा मा सजा को काबील होहेत, अना जो कोनी कहे अरे मुरख! ता उ नरक की स्तो को सजा को हिस्सेदार होयेत। (Geenna g1067) 23 एकोलाय अदी तुम्हि आपरी भेट होमन कुन्ड को जवर आनने, अना उता तुम्हिला हेत अहेत का तोरो भाऊ को मन मा तोरो लाय, काही विरोध से, 24 ता आपरी भेट उतच होमनकुन्ड को पुढा सोड देव अना जायके पहले आपरो भाऊ लक मेल-मिलाप कर। अखीन तबा आयके आपरी भेट चघाने। 25 कचहरी जातो बेरा मी रास्ताच मा अपरो मुद्ई लक मेल मिलाप कर लेवो, कही असो नोको होहेत का वय तुमला न्याय करन वालो ला सोप दे अना सिपाई तुमला जेल मा डाक दे। 26 मि तुम्हि लक खरो कव्हसु, की जबा तकन तुमी पैसा-पैसा भर नही देहो, तबा तकन उता लक सूट नही सकने। 27 तुम्हि लोकगीन आयकि सेव की कव्हयो गयोसे, का छिनालापन नोको करना। 28 पर मि तुम लक कव्हसु, की जोन कोनी कोनी बायको पर बुरो नजर डाखेत, उ ओको लक मन मा छिनाली कर लेवासे। 29 अदी तोरी उज्जो डोरा तोला ठोकर खिलावसे, ता ओला हेडके फेक दे काहे का तोरो लाई यो साजरो से, की तोरो तनमा लक एक आंग खराब होय जाहेत, अखीन तोरो सप्पा तन नरक मा नोको डाख्यो जाय। (Geenna g1067) 30 अदी तोरो उज्जो हात तोला ठोकर खवाये ता बोला काप के फेक देवने। काहेका तुम्हारे लाय योच साजरो से का तुम्हारे तन मा लक एक खराब होय जाहेत अखीन तोरी सप्पा काया नरक मा नोको डाकयो जाहेत। (Geenna g1067) 31 असो भी कव्हयो गयो होत्यो, जोन कोनी अपरी बायको ला सोड-सुट्टी देवने चाव्हसे, ता उ दे-दे। 32 पर मी तुम्हिला कव्हसु, का जोन कोनी अपरी बायको ला छिनालापन को सिवा, काही अखीन कारन लक सोड-सुट्टी देवासे, त उ छिनाली करवासेत। अना जो कोनी बोना छोड़ी हुई लक बिहा

करासे त उ छिडरापन करासेत। 33 तुम्हि आयकि सेव का पयले को जुग मा लोकगीन ला कव्हयो गयो होत्यो। का झुठी किरिया नोको खाना, पर पिरभु लाई अपरी कसम ला पूरी करने। 34 पर मी तुमला यो कव्हसु, का कभीच किरिया नोको खावने न त सरग की काहेका उ परमेस्वर को सिधासन आय। 35 ना ता धरती की काहेकि वा वोको पाय की चौकी आय। ना ता येस्सलेम की काहेकि उ महा राजा को नगर आय। 36 तुम्हि अपरी डोस्की की भी किरिया नोको खावने। कासेकि तु अपरा चुन्दी गीन ला कारा अना पांढरा नहीं कर सकासेस। 37 पर तुमरी गोस्ती हव ता हव अना नहीं ता नहीं होय। कासेकि जोन एकोलक जादा होवासे वा बुराई लक होवासे। 38 तुम्हि आयकि सेव का कव्हयो गयो होत्यो। डोरा को बदला डोरा, अना दाँत को बदला दाँत। 39 पर मी तुमला यो कव्हसु, का बुराई को बीरोध नोको करने। पर जोन कोनी तोरो उज्जो गाल मा झापड मरेत, ता वोको कन दूसरो गाल कर देवने। 40 अदी कोनी तोरो पर मुकदमा करके, तोरो कुरता ला लेवने चाहे ता वोला पचिया भी दे देने। 41 जोन कोनी तोला कोस भर मा लीजाहे त वोको संग मा दुई कोस चली जाजोस। 42 जोन कोनी तोरो लक मगे, वोला देजोस। अना जोन कोनी तोरो लक उधार लेनो चाव्हसे वोको लक टोन्ड नोको मोडजोस। 43 तुम्हि आयकि सेव का कव्हयो गयो होत्यो। का अपरो संगी लक माया राखो, अना अपरो बयरी लक बईर। 44 पर मी तुम्हिला यो कव्हसु का अपरा बयरी गीन पर माया राखो। अखीन तुम्हि अपरो सतावन वारा गीन लाई पिराथना करने। 45 जेनको लक तुम्हि अपरो सरग को परमेस्वर बाबूजी की सन्तान कहलाने। कासेकी उ साजरो अना बुरो दुई, को लाय दिवस हेडासे। अखीन ईमानदर अना बैईमान, धरमी-अधरमी दुई पर बादर- पानी बरसासेस। 46 कासेकी अदी तुम्हि अपरो लक माया राखन वारा, लक माया राखने। ता तुमरो लाई का फर होयेत? का बरगन लेवन वारा भी असो नहीं करेत। 47 अदी तुमी केवल अपरो भाऊ ला नमस्कार करो। त कौनतो मोठो काम करीसेव? का गैरयहुदी भी असो नहीं करासेत। 48 एकोलाय तुमी सिध्द बनो। जसो तुमरो सरग को परमेस्वर बाबूजी सिध्द से।

6 तुम्हि होसियार रहने, मानूसगिन ला दिसान काजी, नेकी को काम नोको करो। नहीं ता अपरो परमेस्वर बाबूजी लक सरग मा काही भी फर नहीं पावने। 2 जबा तुम्हि दान करने, ता आपरो पूढा तुरा बाजा नोको बजाओ, जसो कपटीगीन पिराथना घर सभा अना गल्ली मा करा सेत। जोन लक लोकगीन वोकी बडाई करेत। मी जसो तुमरो लक खरो सांगासु, का वय अपरो करनी को फर पाय चुकेत। 3 पर जबा तु दान करजोस, त जो तोरो उज्जो हात करेत, उ तोरो डाखिया हात ला मालूम नहीं पडहेत। 4 जोन लक तोरो दान लुको रहेत, अना तबा तोरो बाप चुपचाप मा चोवसे तोला करनी को फर देहे। 5 जबा तुम्हि पिरथना करने, ता बगला भगत को जसो नोको करने। कासेकी लोकगीन ला चोवन लाई, पिराथना घर मा अना रास्ता, चौगड्डा मा ऊभा होयके, पिराथना करने, चहेतो लगासे, मी तुम्हिला खरो सांगासु, का वय अपरो करनी को फर पाय लेहेत। 6 पर जबा तुम्हि पिराथना करने, ता अपरी खोलीमा जायके,

अना घर को किवाड लगायके अपरो परमेस्वर बाबूजी लक एकांत मा पिराथना करने, तबा तुम्हरो बाबूजी परमेस्वर जोन एकलो मा चोवासे, उ तुम्हिला करनी को फर देहे। 7 तुम्हि पिराथना करतो बेरा मा गैर-यहुदिगीन लोकगीन को जसो बक-बक नोको करने वय समजासेत का लंबी-लंबी पिराथना करने लक उनकी पिराथना आयकि जाहे। 8 एकोलाय तुम्हि उनको जसो नोको बनने काहेका तुम्हरो परमेस्वर बाबूजी तुमरो माँगन को पुढा जानासे का तुम्हि ला काजक-काजक चीज गीन की जस्त से। 9 एकोलाय तुम्हि लोक गीन असो रित लक पिराथना करने, ओ आमरो परमेस्वर बाबूजी तू जोन सरग मा सेव तोरो नाव पवीतर मानो जाय। 10 अखीन तोरो राज आय, तोरो मनसा जसो सरग मा पूरो होवासेत वसोच धरती मा पूरो होहे, 11 आमरो दिवस भर को जेवन आज अमीला देव, 12 अना जसो हमिना अपरा बुरो करन वारा ला छिमा करीसेजन, वसोच तु भी हमरो बुराई ला छिमा कर। 13 अना हमला परिकसा मा नोको डाख, पर बुराई लक बचाव, काहेकि राज अना मोठयो ताकत अना महिमा हमसा तोरो रहेत। 14 एकोलाय अदी तुमी मानूस को अपराध ला छिमा करने, ता तुम्हरो सरग को परमेस्वर बाबूजी भी तुम्हिला छिमा करेत। 15 अना अदी तुमी मानूस गीन को अपराध छिमा नहीं करने, ता तुम्हरो बाबूजी परमेस्वर भी तुम्हरो अपराध ला छिमा नहीं करहेत। 16 जबा तुमी उपास करहो, ता बगला भगत गिन जसो तुमरो टोन्ड पर उदासी नहीं छाव रहने, काहे का वय आपरो टोन्ड उतारके रहोसेत, एको लाई का लोकगीन उन ला उपासी जानेत। मि तुम लक खरो कहसेऊ की वय आपरो ईनाम पाय चुकीन। 17 पर जबा तु उपास करजोस ता आपरो डोस्की पर तेल मलन अना टोन्ड धोयके रहजोस। 18 ताकि लोक नहीं पर तोरो बाप जो छुपयो मा से तोला उपासी जाने। यो दसा मा तोरो बाप जो छुपयो मा देखासे, तोला फर देहेत। 19 आपरो लाई धरती मा तिजोरी मा धन जमा नोको करोह जिता कन कीडा अना काई बिगाडसेत, अना जिता चोर सेंध लगावसेत अना चुरावसेत। 20 पर आपरो लाई सरग को तिजोरी मा धन इकठ्ठा करोह। जिता न ता कीडा अना न काई बिगाडा सेत, अना जिता चोर न ताका करासेत अना चुरा नहीं सकेत। 21 काहे क जिता तोरो तिजोरी मा धन सेत उता तोरो मन भी लगयो रहेत। 22 तन को दियो डोरा सेत, एको लाई अदी तोरो डोरा साफ सेत ता तोरो सप्पा तन भी उजाडो होयेत। 23 पर यदि तोरो डोरा बुरो सेत, ता तोरो सप्पा तन भी ईंधारो होहेत। एकोलाय वा उजाडो जोन तोरो मा से अदी ईंधारो होहेत, ता वा ईंधारो कसो मोठो होहेत। 24 कोनी भी गुलाम मानूस दुई मालीक को सेवा नहीं कर सकासे। काहेका उ एक लक बइर अखीन दूसरो को संग माया राखेत। अना एक लक गाढोपन अना दूसरो ला नीच जानेत। तुमी परमेस्वर अना धन दुही की सेवा नहीं कर सकासो। 25 एको लाई तुमी आपरो जान लाई यो चिंता नोको करने की आमी का खावबीन अना का पीवबीन। अना आपरो तन लाई का काजक पहरबीन, का जान जेवन लक, अना देह लक, कपरा बडके नाहत? 26 बादल का पकसी ला चोवो। वय ना ता बोवासे, ना च कापासे, अना ना च खरीयान मा जमा करासेत, मंग उनको सरग को परमेस्वर बाबूजी उनला खिलावासे। का तुम्हि उन लक लगत कीमती नहीं सेव? 27 तुम्हि मा लक कोन से, जो

चिन्ता करके आपरी उमर मा एक घड़ी भी बढ़ाय सकासे? 28 अना कपरा लाई काहे चिन्ता करासो? जंगल का फुल पर मन लगावो का वय कसा बढ़ासेत वय न तो मेहनत करासेत, न कापासेत। 29 एतरो मा भी मि तुम लक कव्हसु का राजा सुलेमान भी, आपरो महिमा सप्पा धन माया मा उनमा लक कोनी को जसो कपरा नही डाकयो होतो। 30 एकोलाय जबा परमेस्वर बरी की गवथ ला, जो आज से अना काल स्तो की भट्टी मा झोकी जाहे, असो कपरा पहिनासे, ता हे कचचो भरोसा वालो, तुमी ला उ उन लक बडके, काहे नही पहिनाहे? 31 एको लाई तुमी चिन्ता करके यो नोको कव्हना, की आमी का जेवबीन, अना का पीवबीन, या का घालबीन। 32 काहे का गैरयहूदीनी यो सब चीज को खोज मा रव्हासेत। पर तुमरो सरग को परमेस्वर बाबूजी जानासे, की तुमला यो सब चीज गीन की जरूत से। 33 एको लाई पुढा तुमी परमेस्वर की राज अना ओको न्याय की खोज करोह ता या सब चीज भी तुम ला मिल जाहेत। 34 अता काल की चिन्ता नोको करो। काहे का काल का दिवस आपरी चिन्ता आप कर लेहे। अज को लाई अज को दुख लगत से।

7 दोस नोको लगावो, जेनको लक तुमरो पर भी दोस लगायो जाहेत। काहेकी, 2 जोन रीती लक तुमी दोस लगावासे, ओनोच रीती लक तुम पर भी दोस लगायो जाहेत, अना जोन पायली मा तुमी नापसेव, ओनोच पायली लक तुमला भी नापो जाहेत। 3 जबा तु आपरो भाऊ को डोरा को तिनका ला चोवासेस, तोला आपरो डोरा को लडा तोला नही सुजासे? 4 जबा तोरी च डोरा मा लडा से, ता तु आपरो भाऊ लक कसो कव्ह सकासेस, आन मि तोरो डोरा लक तिनका हेड देवासे? 5 हे कपटी पुढा आपरो डोरा मा लक, लडा हेड ले, तबा तु आपरो भाऊ की डोरा लक तिनका साजरो रीती लक चोयके हेडजोस। 6 पवीतर चीज कुतरा गीन ला नोको देव, अना आपरो मोती खालमानी को पुढा नोको डाको, असो नोको होय की वय उन ला पाय खाल्या खुँदैत अना पलट के तुमला फाड डाकेत। 7 माँगो ता तुमला दियो जाहेत हुँडो ता तुमी पाहो। खटखटाओ ता तुमरो लाई उघाडो जाहेत 8 काहे का जो कोनी माँगसे, ओला मिलासे, अना जोन हुँडासे, वोला भेटा सेत, अना जो खटखटावसे, ओको लाई उघाडो जासे। 9 तुमी मा लक असो कोन मानूस से, का अदी ओको दूरा ओला भाकर माँगसे, ता उ ओला पथरा देसे? 10 अना मसरी माँगसे, ता ओला सरप देसे? 11 अता जबा तुमी बुरो होयके, आपरा लेकरा ला साजरी चीज देवासे, ता तुमरो सरग को परमेस्वर बाबूजी आपरो माँगन वालो ला साजरी चीज काहे नही देहे? 12 योको लाई जो काही तुमी चाव्हसो की मानूस तुमरो सँग करे, तुमी भी उनको सँग वसोच बरताव करो, काहे का पवीतर गिरंथ अना मोसे को नियम अना भविष्यवक्ता गीन की सिक्सा याच से। 13 सकडो बेसकुड लक जाव, काहेका चकरो से उ बेसकुड अना सिधो से उ रस्ता जोन नास कन जावासेत। अना लगत सा लोक सेत, जोन ओना रस्ता लक जावासेत। 14 काहेका सकडो से उ बेसकुड अना कठिन से उ रास्ता जोन, जिंदगी कन पहुचासे। अना जरासा लोक सेत, जोन ओला भेटासेत। 15 खोटो भविष्यवक्ता गीन लक होसियार रव्हने, जोन साजरा कपरा घाल के मेढा को हुलीया

मा तुमरो जवर आवसेत, पर भीतर लक फाइन वारा बिधा को जसो सेत। 16 उनको फर लक तुमी उन ला चिन्ह लेहो, का लोकगीन झाडी लक अंगूर, अना काँटादार झाड लक अँजूर तोडासेत? 17 यो रीती लक साजरो झाड साजरो फर आनासे, अना निकम्मो झाड निकम्मो फर आनासे। 18 साजरो झाड बुरो फर नही आन सका, अना निकम्मो झाड साजरो फर नही आन सका। 19 जोन-जोन झाड, साजरो फर नही आनासे, उ कापके स्तो मा डाकयो जाहे। 20 येना रीती लक उनको फर लक, तुमी उन ला चीन्ह लेहो। 21 जोन मोला हे पिरभु, हे पिरभु! कव्हसे, उनमा लक हरेक सरग को राज मा नही जाय सकत। पर जोन मोरो, परमेस्वर बाबूजी को मरजी लक चलासे, उ जाय सकासेत। 22 ओनो दिवस मा मोला लगत सा लोक गीन कहेत, हे पिरभु हे पिरभु, का आमी ना तोरो नाव लक आवन वारो गोस्टी नोको सांगो? अना तोरो नाव लक बुरो आतमा भूत-पलित ला नही हेडिया? अना तोरो नाव लक लगत सा ताकत को काम नही करियो? 23 तबा मि उन लक सपा-सपा मना कर देहूँ, अना सांगू, ओरे, बुरो करम करनवालो, मोरो जवर लक चली जावो मी तुमीला नही जानासू। 24 एकोलाय जो कोनी मोरो गोस्टी ला आयक के मानासे, उ वा अक्कलवर मानूस जसो से, जेना आपरो घर ला गोटा पर बनावसे। 25 अना बरसात भई पूरा आई, अना आंधड चली अना उ घर लक टक्कराई मंग नही पडयो, काहेका ओकी पाया गोटा मा डाकी गई होती। 26 पर जो कोनी मोरी गोस्टी ला आयकसे अना उन पर नही चलासे, उ वोना मानूस को जसो से, जोन आपरो घर रेत पर बनावसेत। 27 अना पानी बरसयो, अना पूरा आई, अना आँधड चली, अना ओना घर लक टक्कराई अना वा घर पडके सत्यानास भई गई। 28 जबा यीसु या गोस्टी कह चुकयो, ता असो भयो की भीड़ ओको सिक्सा लक चकित भय गईन। 29 काहेकि उ उनको मोसे को नियम को गुरू जसो, नही पर अधिकारी जसो उनला सिक्सा देवत होतो।

8 जबा उ ओनो पहाड लक खाल्या आयो, ता एक मोठी भीड़ ओको मँघा भय गई। 2 अना एक कोढी ना जवर आयके ओला हात जोड के नमस्कार करीस अना कहीस, ओ पिरभु! अदी तु चाव्हसेत, ता मोला साजरो कर दे। 3 एतरो पर यीसु ना अपरो। हात बढ़ायके ओला छीइस, अना कहीस, मि चाव्हसु! तु साजरो भई जाय, अना उ गदने कोड लक साजरा भय गयो। 4 यीसु ना ओला कहीस, कोनी लक नोको कव्हजोस! पर मंदिर मा जायके आपरो आप ला याजक ला दिखावजोस, अना जसो पवीतर गिरंथ मा भेट चढावा मोसे भविष्यवक्ता ना तय करीसेस ओला चढावजोस, एको लाई की लोकगीन पर पूरप मजे गवाही भई जाहेती। 5 जबा यीसु कफरनहूम नगर मा आयो। ता एक सुबेदार ना ओको जवर आयके ओको लक पिराथना करीस। 6 हे पिरभु! मोरो दास घर मा लकवा को बीमारी लक लगत दुख मा सेत। 7 यीसु ना कहीस “चल मि आयके ओला साजरो करासु” 8 सुबेदार ना जवाब देइस की ओ पिरभु! मी यो लायक नही सेउ का तु मोरी घर को छत को खाल्या आवजोस, ओ पिरभु तू तो इता लक सांग दे, ता मोरो दास साजरो भय जाहे। 9 काहे का मि भी अधिकारी सेउ सरकार को नौकरी

करासु अना सिपाई मोरो बस मा सेति जबा मि एक ला कव्हसु जाय। पराय के नगर मा यो गोस्टी ला साँगीन, जिनमा भुत-पलित होतीन उनको सप्पा हाल आयकावईन। 34 तबा सबच नगर का लोक गीन यीसु लक भेटन साठी हिट के गईन, अना ओला देखके पिराथना करीन, की हमरो देस लक चली जाय।

9 मंग यीसु नाव मा चघके ओनागन गयो, अना आपरो नगर मा आयो। 2 अना देखिन का लकवा वारा, ला खाट पर धरके ओको कठा आनीन। यीसु ना उनको बिस्वास देखके, लकवा को रोगी ला कहीस, अरे दूरा हिम्मत राख! तोरो पाप छिमा भईन। 3 एको पर कई मोसे को नियम को गुरू ना सोचिन का यो तो परमेस्वर की निन्दा करासे। 4 यीसु ना उनको मन की गोस्टी ला जानके कहीस, तुमी आपरो-आपरो मन मा बुरो बिचार कायलाई करासेव। 5 सरल का से? यो कव्हनो का तोरो पाप छिमा भईन, अना यो कव्हना का उभो होय, अना चल फिर। 6 पर एकोलाय तुमी जान लेव, का “मानूस को दूरा” ला धरती पर पाप छिमा करन को, अधिकार से, तबा ओना लकवा को रोगी ला कहीस, उभो होय! अना आपरी खाट ला उठाव, आपरो घर जाय। 7 उ लकवा को रोगी उभो होयके, आपरो घर चली गयो। 8 लोक असो देखके डराय गईन, अना परमेस्वर की बडाई करन लगिन, जेना मानूस ला असो अधिकारी ठहराईसेस। 9 वहान लक लगत पुढा बढके यीसु न मती नामको मानूस ला बरगन वसुली करन वालो चौबट्टा पर बसयो चोयो त वोको लक कहीस, “मोरो मंघा भय जाव।” उ उभो होयके वोको मंघा भय गयो। 10 जबा उ घर मा जेवन मा बसयो, ता लगत सा जमा वसूल करन वारो पापी आयके यीसु अना ओको चेला संग जेवन लाय बस गईन। 11 असो देखीके फरिसी गीन ना ओको चेला ला कहिन, तोरो गुरूजी बरगन लेवन वारा अना पापी गीन को संग काय ला जेवन करासे? 12 असो आयक के यीसु ना उनको लक कहीस, बईद साजरो लाई नही से, पर बीमार गीन लाई जरूरी से। 13 एको लाई तुमी जायके एको अरथ सीक लेव। मि पुजा चढानो नही, पर दया चाहसेऊ, काहे की मि न्यायी ला नही, पर पापी गीन ला बुलावन आईसेऊ। 14 तबा योहन का चेला गीन ओको जवर आयके कहिन, का कारन से? आमी अना फरिसी एतरो उपास करासेत, पर तोरा चेला उपास नही करत। 15 यीसु ना उन लक कहीस की जबा तकन बराती नवरदेव को संग मा रव्हासे, सोक कर सकासेत? पर वय दिवस आहेति जबा नवरदेव उनको लक अलग कियो जाहे। ओनो बेरा मा उपास करयेत। 16 कोरो कपरा को नाडा जुनो कपरा पर कोनी नही लगाय सकत, काहे की उ नाडा ओ कपरा ला काही अखीन खीच लेवसे, अना उ लगत फट जासे। 17 अना लोक नवा अंगूर को रस ला जुनो कुप्पा मा नही भरत, काहे का असो करन लक कुप्पा फट जासे, अना अंगूर को रस बह जासे अना कुप्पा नास भय जासे पर नयो अंगूर को रस नयो कुप्पा मा भरासेत अना वय दुही बचया रहोसेत। 18 यीसु उन लक यो गोस्टी कर रहयो होतो। तबच एक समाज को मुखिया आयके दुई हात जोडके नमस्कार करीस अना कहीस, मोरी दूरी मर गई। चलके आपरो हात ला ओको पर राख, ता वा जितो भयी जाहे। 19 यीसु उभो होयके आपरा चेला गीन को संग मा, ओको मंघा चलन लगिन। 20 एक बायको जोनको

बारा बरस लक लाल धोवा जान की बीमारी होती। मंघा लक आयके पर इसरायल को घरानो, की गुमो मेढा को जवर जाओ।” 7 अना ओको कपरा को कागर सेव ला छीव लेईस। 21 काहे का वा आपरो चलता-चलता यो गोस्टी करो, का सरग को राज जवर से। 8 बिमारी मन मा कव्हत होती। अदी मि ओको कपरा ला छी लेहूँ ता साजरी ला साजरो करो, मरो हुवो ला जित्तो करो, कोढी ला साजरो करो, भयी जाहूँ। 22 यीसु ना मुरकके, ओला देखिस अना कहीस, अवो अखीन भूत-पलित बुरो आतमा ला हेडो, तुमी न फुकट मा पाइसेव, दूरी हिम्मत राख, तोरो बिस्वास ना तोला साजरो करीसेस। अता त फुकट मा देवो। 9 अपरो पीवसी मा न ता खुरो मुद्रो, सोनो अना वा बायको ओनो बेरा मा साजरो भयी गई। 23 जबा यीसु मुखिया न ता स्मया, अना न ता तौबा राखो। 10 रास्ता लाई कोनी जस्त को को घर मा पहुचियो। अना बंसरी बजावन वारा अखीन, भीड़ ला जिनुस नोको ठेव। जसो झोला, दुई कुरता, न ता सेन्डिल, अना न ता हुल्लड करतो देखीस। 24 तबा कहीस हट जाओ “दूरी मरी नहीं पर लाठी राखना, जहान तुम ठैयर जोस वहान सब जिनुस मिल जाहेती, जप मा से।” एको पर ओकी हसी उडावन लगीन। 25 पर जबा भीड़ काहेकी बनिहार ला वोको, बनी मिलनो जस्सी से। 11 “जोन नगर हेड पर देईन, ता उ भीतर जायके दूरी पर को हात धरिस, अना वा या गाँव मा जाओ, ता पता लगाओ, का कोनी लायक सेत, उनको च जितो भय गई। 26 अना या गोस्टी सप्पा देस मा फैल गई। 27 जबा यीसु उता लक पुढा बढयो, ता दुई अँधरा ओको मंघा असा हाकलत घसतो बोला असीस देवने। 12 अना घर मा धसतो-हुया आइन, ओ राजा दाऊद की संतान, आमरो पर रहम कर! 28 होयेत, ता तुमरो सान्ती असीस उनला भेटे, पर अदी वय लायक नहात, ता तुमरो, असीस तुमरो जवर आई जाहे। 14 जो कोनी तुमला लक हिटके, अपरो पाय की बास झड़ाय लेवने। 15 मी तुमरो लक खरो कव्हसू, का न्याय को दिवस वोनो नगर की दसा लक, सदोम अना गमोरा देस की दसा, लागत सहन लायक होयेत।” 16 “चोवो! मी तुमला मेढा जसो, बिघा गीन को बीच मा धाडस। एकोलाय सरप जसो चत्तर, अना परेवा जसो भोलो बनेन।” 17 पर लोकगीन लकन होसियार रव्हने, काहेका वय तुमला मोठि सभा मा सोपेत, अना अपरी पंचायत मा, तुमला कोडा मारहेत। 18 तुमला मोरो लाई मालगुजार, अना राजा गीन को पूढा जानो पडेत जोन लक गैर यहूदी मा गवाही भई जाय, 19 जबा वय तुमला धरायेत ता तुम्हिला काय सांगनो सेत, कसो कव्हनो सेत एको चिंता नोको करना। काहेका वोना बेरा तुम्हीला काय बोलनो सेत, सांग दियो जाहेत। 20 हेत राखो, तुम्ही बोलनवारा नहीं सेव, “तर तुमरो परमेस्वर बाबूजी को आतमा तुमरो भितर लक बोलेत।” 21 “भाऊ-भाऊ ला अना बाप दूरा ला, मरवान लाई सोफेत, अना दूरा माय-बाप को बिरोध मा, उभो होयके उनला मरवा डाकेत।” 22 “मोरो नाव को कारन सबच लोक गीन, तुमरो लक बैरी करेत। पर जो आखरी तकन धीरज धरेत, वोच बचायो जाहेत। 23 जबा वय लोकगीन तुमला एक नगर मा परेसान करयेत, ता दुसरो नगर ला पराय जाना, मी तुमला खरो कव्हसू, तुमी इसरायल को सबच नगर मा हिन्ड नहीं सकेत, का मानूस को दूरा आजा हेत।” 24 “चेला अपरो गुरू लक मोठो नहीं होवत, अना दास अपरो पिरभु मजे मालिक लक। 25 चेला को गुरू लक अना दास को, मालिक मजे पिरभु को बरोबर होवने च, लागत से। जबा उनना घर को मालिक ला सैतान कहिन ता वोको घर को दुसरो लोकगीन लक तो अखिन बुरो बरताव करहेत।” 26 “एकोलाय भेव नोको खाव! जोन लुकयो सेत, उघड जाहेत। अना जोन काही छिपयो सेत, वा परगट होयेत।” 27 “जो मी तुमला इंधारो मा सांग सू वोला तुमी उजाडो मा मुनादी करने अना जोन, कानो कान आयकासेव, वोला छत लक आयकावो।” 28 “जोन तन ला मारसे उन लक नोको डराय जावो, पर वोला डराव जो आतमा ला मार सकासे अना आतमा अना तन दुहि ला नरक मा नास कर सकासे। (Geenna g1067) 29 का पैसा मा चिडिया नहीं बिकासे? तब

10 तबा यीसु अपरा बारा चेला गीन ला, जवर हाकल के, उनला भूत-पलित ला हेडन को हक देईस अना उ ताकत लक उनला हरेक बिमारी अना दुखला साजरा करन को हक देईस। 2 वय बारा पेरीत गीन को नाव यो सेत। पहलो समौन जेनला पतरस कव्हासेत। अना ओको भाऊ अन्दिरयास, जबदी को दूरा याकूब, अना ओको भाऊ येहन 3 फिलिप्पुस, अना बरतुलमै थोमा अखीन बरगन लेवन वारा मत्ती, हलफई को दूरा याकूब अना तै। 4 सिमोन कनानी, अना यूदस इस्करियोति जेना वोला धरवायो होतो। 5 यीसु ना वय बारा चेलागीन ला, यो हुकूम देके धाडीस। का “गैर यहूदी को घरमा नोको जाने, अना सामरी लोकगीन, को कोनी नगर मा धसनो। 6

भी तुमरो परमेस्वर बाबूजी की इक्सा को बिना, उन मा लक एकात भी जघा पर, नहीं पड़ सकत। 30 अरे तुमरो डोस्की का चुन्दी भी सप्पा गिनयो हुया सेत। 31 एकोलाय नोको डराय जावो, तुमी लगत चिडिया लक बडके सेव।” 32 “जो कोनी मानूस को पुढा मोला अपना लेहत, वोला मी भी अपरो परमेस्वर बाप को पुढा सरग मा अपना लेहूँ 33 पर जो कोनी मानूस को पुढा मोरो लक, मुकर जाहेत, वोको लक मी भी अपरो परमेस्वर बाबूजी को पुढा सरग मा, मुकर जाहिना।” 34 असो नोको समजो का, मी धरती पर सान्ती-करान आईसेऊ। नहीं पर तरवार चलवान आईसेऊ। 35 मी ता आई सेव का मानूस वोको बाबूजी लक, अना दूरी वोकी माय लक अना बहू वोकी सासू लक, बेगरो कर देह। 36 मानूस का बैरी ओको घरच का, लोग होहेत। 37 “जेनको माय अना बाप मोरो लक, लगत चहेतो सेत, वय मोरो काबिल नाहत। अना जोन, दूरा-दूरी ला मोरो लक लगत चाव्हासे वय मोरो लायक नाहत।” 38 अना जोन आपरो कूरूस ला धरके दुख उचल के मोरो मंधा नहीं चलेत वय भी मोरो काबिल नाहत। 39 उ जोन आपरो जान बचावन लो कोसीस करा से, वय ओला खोय देहेत, अना जो मोरो कारन आपरो जान खोवासे, ओला जिंदगी मिलहे। 40 “जो तुमरो सतकार करासेत, उ मोरो सतकार करासेत। अना जोन मोरो सतकार करासेत, वय मोरो धाडन वारा को सतकार करासेत। 41 जोन लोक गीन भविस्वयक्ता ला, भविस्वयक्ता जानके सतकार करासेत, वय भविस्वयक्ता को बदला पाहेत अना जो नेक मानूस ला नेक जानके सतकार करासेत वय नेकी को बदला पाहेत। 42 कोनी लोक गीन एना नहानसो मा लक, मोरो चेला जान के बस एक गिलास थन्डो पानी पिलाहे। मी तुमला खरो कव्हासू, उ काही रीती लक आपरो ईनाम नहीं खोहे।”

11 आपरो बारा चेला गीन, ला हुकूम देवन को मघा यीसु वहान लक हीट गयो। गलील छेतार को नगर-नगर मा परचार करन लगयो। 2 योहन ना जेल मा यीसु मसीह को काम की गोस्ती आयकिस, अना आपरो चेला गीनला वोको लक, यो पूसन ला धाडिस 3 का आवनवालो तूच से का आमी दूसरो, को रस्ता चोवोबिन? 4 यीसु ना जवाब देइस जो काही तुमीना, आयकीसेव अना चोयोसेव सबा जायके योहन लक सांगो। 5 का अँधरा चोवासे लंगडो चलासे। कोही गीन साजरो होवासे अना भैरा आयकसे, मुरदा जितो होवासे। अना गरिब गिनला साजरो बारता आयकोवासेत। 6 अना धन्य “किस्मत वारा से” उ जोन मोला अपनावा सेत। 7 जबा वय वहान लक चले गइन तबा यीसु योहन को बारेमा सागन लगयो। जंगल मा तुमी काजक चोवन आयो सेव? घागरा गवथ ला? जोन वारा मा हिला सेत। नहीं! 8 मंग तुम्ही काजक चोवन आयीसेव? का एक मानूस ला जोन साजरो झंगा घालासेत? असो मानूस तो राज भवन मा च रहासेत। 9 मंग काजक लाय आयो सेव? का कोनी भविस्वयक्ता ला चोवन आयो सेव? हव मि तुमी लक कव्हासू, का भविस्वयक्ता लक मोठयो सेत ला। 10 यो वोच मानूस से, जोनको बारेमा असो गिरंथ मा लिख्यो से “चोव! मी आपरो दुत ला तोरो पुढा धाडासू। जोन तोरो लाई रस्ता तैय्यार करयेत।” 11 “मि तुमी लक खरो-खरो सागांस, योहन बसिस्मा देवन वालो लक

कोनी मोठो मानूस जलम नहीं लियो सेत। मंग सरग को राज मा सब लक, लहान मानूस योहन बसिस्मा देवनवरो लक मोठो सेत। 12 योहन बसिस्मा देवन वालो को दिवस लक, अबा तकन सरग को राज भयानक लडाई झेलत आयो से, अना हिन्सा को ताकत लक एला हिसकन को कोसीस चालू सेत।” 13 योहन बसिस्मा देवन वारो तकन सारो भविस्वयक्ता अना मोसे को नियम, आवन वालो गोस्ती को बारेमा सांग्यो होतो। 14 अना अदी तुम्ही मोसे को नियम अना भविस्वयक्ता गीनना जो काही कव्हो होतो वोला अपना तैयार सेव, जोनको आवन को बारेमा कव्हो होतो यो योहन वोच एलिय्याह से। 15 यो गोस्ती ध्यान धरके आयको। 16 “आज को जुग को लोकगीन को बरोबरी कोन लक करू? वय असो लेकरा को जसो सेत, जोन हाटमा बसके एक दूसरो लक हाकल के कव्हासे। 17 अमिना तुम्हरो लाय बंसरी बजायो अखीन तुमी नहीं नाचयत! अमीना सोक को गाना गायो, अना तुम्ही नहीं रडयो।” 18 काहे की योहन बसिस्मा देवन वालो आयो, जोन ना जेवत होतो, अना काही पिवत होतो, लोक वोला कव्हत होतिन, एकोमा बुरो आतमा से। 19 “मंग मानूस को दूरा आयो, जोन सबको जसो जेवन करा सेत, तरी वय लोक कव्हासेत। चोवो! यो अघोरी गजब खावन-पीवन वारा मानूस, अना बरगन लेवन वारा, अना पापी गीन को संगी सेत।” तरी काम लक अक्ल सहीमा कसो सेत पता चलासेत। 20 मंग यीसु उन नगर ला धिक्कारन लगिस जोन मा वोना अदभुत काम करयो होतो। काहेका वोरो नगर का लोकगीन पाप करनो नहीं सोड्यो होतो, अना आपरो मनला नहीं बदलो होतीन। 21 अरे अभागो बैतसैदा नगर तुम्ही मा जोन अचरज को काम कियो गयो सेत। अदि नास कियो नगर, सूर अखीन सैदा मा होत्यो। त वहान की जनता, रडत-रडत गम मनाय के, कबा लक पाप लक मन ला हटाय लेई होतिन। 22 पर मी तुमरो लक सागांस, का न्याय को दिवस, नास कियो नगर सूर अना सैदा को जसो हाल भयो होतो, अबा वोको लक ज्यादा खराब दसा ऐना नगर की भई जाहेत। 23 हे कफरनहुम नगर! का तू सरग लक, वरता करयो जाहेत? नहीं तू तो पताल लक जादा धस जाहेत। काहेका, जोन ताकत को काम तोरो, अँदर मा कियो गयो से। वोच काम सदोम नगर मा करयो, जातो ता उ आज तकन बनयो रव्हतो। (HadEs g86) 24 पर मी तुम लक कव्हासू, का न्याय को दिवसमा इनको हाल सदोम अना गमोरा देस लक जादा बुरो भई जाहेत। 25 वोच बेरा यीसु ना कव्हयो परमेस्वर बाबूजी सरग, अना धरती को पिरभू, मी तोरो धनवाद करासू, का तूना यो गोस्ती ला अक्कलवर अना समजदार लोकगीन लक, लुकाईसेस अना लेकरागिन पर परगट करयो से। 26 हे परमेस्वर बाबूजी तोला असोच साजरो लगिसेस। 27 मोरो परमेस्वर बाबूजी मोला, सब काही भेटयो से, अना दूरा ला कोनी नहीं जानासे, बस परमेस्वर बाबूजी, अना परमेस्वर ला कोनी नहीं जानासे, बस दूरा! अना दूरा जोन पर परगट करवानो, चाव्हासे वा परमेस्वर लक भेट कर सकासे। 28 ओ! सब मेहनत करन वारा, बोझा को खालया दबो लोकगीन, मोरो कठा आओ मि तुमला चैन देह। 29 मोरो जुआडी आपरो पर धरलो अना मोरो लक सीको। काहेका मी आतमा मा

नरम, अना मन को गरीब सेव तबा तूमी आपरो मन मा चैन पावने। 30 काहेका मोरो जुआडी सरल अना मोरो बोझा हलको से।

12 वोना बेरा बिसराम दिवस मा यीसु, चेला गिनको संग खेत लक होयके, जावत होतिन। अना चेला गीनला भूख लगी। अना वय गहुँ को बाल तोडके खावन लग्गिन। 2 फरिसी अना मोसे को नियम को गुरूगिन ना यो चोवके, वोको लक कहिन “चोव! तोरो चेलागिन वा करासेत जोन बिसराम दिवस मा मोसे को नियम अनुसार करने साजरो नाहत।” 3 एको पर यीसु उनला पुसीस, काय तुम्हिना नही बाचीसेव? का राजा दाऊद अना वोको संगीगिन, भूखा होतिन। तो काजक करीन? 4 उ कसो परमेस्वर को घर मा गईन, अना चढवा को भाकर ला जेइन जबकि मोसे को नियम लक वोला याजक सोड कोनिला, जेवन को हक नाहत। 5 काय तुमी पवीतर गिरंथ मा नही बाची सेव? का पवीतर दिवस, मा याजक मंदिर मा मोसे को नियम अना विधि-विधान ला तोडन पर, भी पापी नही ठहरासे। 6 पर मी तुमी लक कव्हसु, यहाँन पर जोनसे, उ मंदिर लक मोठयो से। 7 अदी तुमी ला एको मजे मालुम होत्यो “मी पुजा चधानो लक खुसी नही होवासु, पर दया लक खुसी होवासु। त तुमी बेकसूर ला पापी नही ठयरायोसेत। 8 मानूस को दूरा तो पवीतर दिवस को भी पिरभु से।” 9 यीसु वहाँन लक चलके ना उनको, पिराथना घर मा आयो। 10 उता एक मानूस होतो जेनको हात सूक गयो होत्यो उनना यीसु पर दोस लगावन लाई पुसिन, काय मोसे को नियम लक पवीतर दिवस मा बिमार ला साजरो करने खरोसे? उनना यीसु ला यो काजी पुसियो होतिन, का वय वोला दोसी साबीत करे। 11 वोना उनला सांगिस तुमरो मा असो कोन सेत? जोनको, एकच मेढा होय, अना वा बिसराम को दिवस मा खोदरा, मा पड जाय, मंग तुम्ही वोला धरके बहार नही कहाडेत? 12 अता तुमच मोला सांगो, मानूस मेढा लक कितरो किमती से? एकोलाय पवीतर दिवस, मा मोसे को नियम लक भला करने साजरो से। 13 तबा यीसु ना उ मानूस ला कव्हयो, “आपरो हात बढा वोना आपरो हात बढाईस अना वा हात भी दुसरो, हात जसो भई गयो।” 14 एको पर फरिसी गुरूगिन पिराथना घर लक बाहेर हिटीन, वय यीसु ला मारन को बिचार करन लग्गिन। 15 तबा यीसु न उनको मनकि बात जानके, वहान लक चली गयो अना लगत लोकगीन वोको मघा भई गईन अना वोना सबला साजरो कर देईस। 16 अना उनला असो हुकूम देईस, का मी तूमला साजरो करीसेव यो बात कोनिला नेको साँगजोस। 17 असो भविष्यवक्ता यसायाह को कव्हनो, पूरो भयो। 18 “आयको! एला मिना बेची सेव यो मोरो चहेतो दास आय, मी एकोलक गजब खुस सेव, मी वोको पर आपरो आतमा डाखु अना, उ गैर यहूदी मा सहि न्याय को बारे मा सागेत। 19 यो न तो बैस करयेत अना हाकलेत, अना कोनी चौबट्टा कन एको आवज आयकु आयत। 20 यो ना तो कुचलो हुओ घागरा गवथ ला तोडेत अना, न इझतो दियो ला इझाएति बुझाहेती, जब तकन न्याय ना भई जाये।” 21 “वोको नाव मा सप्पा गैरयहूदी को लोक गीन भरोसा राखेत।” 22 तबा लोकगीन एक अँधारा, गुंगो, भुत-पलित झोमयो, मानूस ला, वोको जवर आनीन, यीसु ना वोला साजरो कर देईस। अना उ गुंगो

बोलन अना चोवन लग्यो। 23 एको मा सब लोकगिन ला लगत अचरज भयो अना वय कव्हन लग्गिन “का यो मानूस दाऊद को दूरा से” 24 जबा फरीसि गिन यो आयकिन तबा कव्हन लग्गिन “यो ता बुरो आतमा को मुखिया, बालजबूल की मदद लक भूत-पलित ला हेडसे।” 25 यीसु ला उनको विचार मालुम भय गयो। उ उनला बोलयो “हरेक वा राज जोनमा फूट होवासेत वा नास भयी जासे वसोच हरेक नगर अना घराना जोनमा फूट पड जासे वा नास भयी जासे।” 26 तरी यदि सैतान च अपरो आपला बाहेर हेडेत। तबा उ आपरो च विरोधी भय जासे, मंग ओको राज कसो बनो रहेत? 27 भलो अदी मि बालजबूल बुरो आतमा की मदद, लक भूत-पलित ला हेडासु, ता तुमरो खानदान कोन की मदद लक हेडासे? एकोलाय वयच तुमरो फैसला करयेत। 28 मी परमेस्वर को आतमा की मदद लक, भूत-पलीत बुरो आतमा ला हेडासु, ता बेसक परमेस्वर को राज तुमरो जवर आई गईसे। 29 मंग असो कोनतो मानूस से जोन कोनी मोठयो पहलवान को घरमा धसके, ना वोला बिना हराये, अना बिना बान्धे वोको घर को माल लूट सकसे। 30 जो मोरो संग नहात उ मोरो बिरोध मा सेत अना जोन बगरो मेढा गीनला जमा करने मा मोरी मदद नही करासेत वा उनला छितरान वारा से। 31 यो साठी मि तुम लक कव्हसु “की मानूस को सप्पा पाप बिरोध अना निन्दा, छिमा कियो जाहेत, पर परमेस्वर को आतमा पवीतर आतमा की निन्दा छिमा नही कियो जाहेत।” 32 “जोन कोनी मानूस को दूरा को बिरोध मा बात कहे ओको अपराध छिमा कियो जाहे, पर जोन कोनी पवीतर आतमा को बिरोध मा काही कहे ओको गुनाह न ता येना जुग मा, ना आवनवारा जुग मा छिमा कियो जाहे।” (aiōn g165) 33 “तुम्ही लोक ला मालुम सेत का साजरो फर आनन लाय साजरो झाड लगानो पाहिजे अना बुरो झाड लक बुरो च फर मिलासेत। काय की झाड आपरो फर लक चीन्हो जासे।” 34 “अरे सरप का दुराहुन! तुमी खोटो होयके कसो साजरो गोस्टी कव्ह सकासेव?” मानूस को सबद जोन वोको मन मा भरयो से, वाच टोन्डमा भड-भड आवासे। 35 एक साजरो मानूस, जोन साजरोपन वोको मनमा जमासेत वोच मा लक साजरा गोस्टी हेडासेत। जबकि एक बुरो मानूस, जोन बुराई वोको मनमा सेत वो च मा लक बुरो गोस्टी हेडासेत। 36 मि तुमी लक कव्हसु, का जोन-जोन खोटो अना फालतु सबद मानूस कव्हसेत, न्याय को दिवस वय हर एक ओनो गोस्टी को लेखा देहेत। 37 काहे की तु आपरी गोस्टी को कारन निरदोस, “अना आपरी गोस्टी च को कारन दोसी ठहरायो, जाजोस।” 38 एको पर काही मोसे को नियम को गुरू अना, फरिसी गुरू ना ओला कहिन “ओ गुरू हमि तोला अचरज निसान परगट करतो चोवनो चाव्हसेजन।” 39 एको जवाब मा यीसु ना कहीस “एना जुग को बुरो अना दुस्ट लोकगीन च अचरज निसान चोवनो चाव्हासेत पर योना भविष्यवक्ता को अचरज निसान ला सोडून अखिन कोनी अचरज निसान उनला नही भेटेत।” 40 जसो योना भविष्यवक्ता तीन रात-दिवस लक मगर को पोटमा रहयो, वसोच मानूस को दूरा ला तीन रात-दिवस धरती को भीतर रव्हनोसेत। 41 न्याय को दिवस निन्वे नगरी को निवासी अजु को यो पीढी को लोकगिन संग उभो होयेत अना उनला दोसी ठैयरायत। काहेका नीन्वा नगरी को वासी

गिनना योना को परचार लक मन बदल्यो होतीन। अना यहाँन ता कोनी योना लक मोठयो मौजूद से। 42 “न्याय को दिवस दक्खिन की रानी यो पीढी को लोकगिन को संग उभो होयती अना उनला गुनाहगार ठैरायती। काहेकि वा सुलेमान को गियान आयकन को साठी धरती को छोर लक आई होती अना चोवो यहाँन उ से जोन सुलेमान लक मोठयो सेत।” 43 “जबा कोनी भूत-पलित कोनी मानूस ला सोडा सेत तबा उ अराम की खोज मा सूतसान जघा को लाय हिन्डा सेत। जबा वोला वसो जघा नहीं भेटासेत।” 44 तबा वा कव्हसेत जोन घरला मी सोड्यो होती, मी वहाँन लवट जाहिन तबा वा उतानी लवटा सेत अना अबा वोला सफा चक्काक सजो सजायो मिलासेत। 45 मंग वा लवटा सेत, अखिन अपरो संग सात भूत-पलित आनासेत। जोन वोको लक जादा बुरी होवा सेती। मंग वय सबअ आयके जुमला भयी के रव्हसेती अना वोना मानूस को दसा पयले लक लगत बुरो भयी जावा सेत। 46 यीसु अबा भीड़ लक गोस्टी सांगत होतो तबा ओकी माय अना भाऊ, बाहरे उभया होतीन, अना ओको लक गोस्टी करन लाय बाट चोवत होतिन। 47 कोनी ना यीसु लक कहीस “तोरी माय अना तोरो भाऊ बाहरे उभा सेत अना तोरो लक गोस्टी करनो चव्हसेत।” 48 जवाब मा यीसु ना सांगन वालो ला कव्हयो “कउन से मोरी माय? कउन सेत मोरो भाऊ-बन्ध” 49 मंग वोना हात लक आपरो चेला गीन कन ईसारा करके सांगन लगयो “चोवो यो मोरि माय अना भाऊ से। 50 काहेका जोन मोरो सरग को परमेस्वर को कव्हनो मा चलासे अना वोको मन को मुताबिक काम करासे, वोच मोरो भाऊ बहिन अना मायसे।”

13 यीसु वोच दिवस घर सोडके झील को किनार मा उपदेस देवन बस गयो। अना उपदेस देवन लगयो। 2 वोको आखा-पाखा एतरो मोठयो, भीड़ जमा भई गई, की तो नावमा जायके बस गयो। अना लोकगिन कगर मा उभा रखिन। 3 वोना बोधकथा लक लगत गोस्टी समजावून सांगयो, “उत एक च मानूस धान्य पेरन गयो होतो। 4 उ पेरत होतो तरी काही दाना बाटमा गीर गयो उनला पक्सी आयके खाय गयीन। 5 वोको मा काही खडखडी जमीन मा गीरी उतानी माती की कमी होती। दाना लवकरच फुटली, अना माती खोल नव्हती। 6 पर जबा दिवस को ऊन पडयो तबा झुडप मा जर गयो, अना जडी जास्त खोल मा बडयो नव्हती, महन लवकर च झाड बड गयो।” 7 काही बीज कांटा को झाड़ी मा गिरिन, काँटा मोठो भई गईन अना, फसल ला दबा देइन। 8 काही बीज साजरो जमीन मा पडयो वय रोपां ना धान्य देइन काही ना सभर गुना काहीना साठ गुना काहीना तीस गुना। 9 मंग यीसु कहीस “जरा तुमरो कान आहेत तर आयको! मि काजक कव्हसु।” 10 मंग यीसु को चेला गीन यीसु कठा आयके ओको लक कहीन “तु लोकगीन ला बोधकथा सांग-सांग के काहे सिकसा देवासेस” 11 जवाब मा यीसु ना उनलक कव्हयो “सरग राज को लुकयो भेद ला जानन को हक बस तुमरो च जवर सेत उनला नहीं।” 12 काहेका जोनको जवर जरासो सेत वोला अखिन दियो जाहेत अना वोको जवर लगत भयी जाहेत परा जोन को जवर काही नाहोती वोको लक जितरो वोको जवर सेत वा हिसक लियो जाहेत। 13 महन मी उनलक बोधकथा मा गोस्टी सांगासु। उ

चोवत-चोवत अँधरा भई जासेत, वसोच आयक सेत तरी उनला समजमा नहीं आवासे। 14 उनको बारे मा भविष्यवक्ता यसायाह ना असो लिखीसेस तुमी आयकजो पर समजमा नहीं आयेत, तुमी चोवजो, “पर तुमिला नहीं दिसेत।” 15 काहे का ऐना लोकगीन ला “अक्ल मा गोटा” पड गयी सेत ज्यादा आयक सेत, इनना डोरा बंद कर लईसेत कदी असो न होहे, का वय डोरा लक चोवके, अना कान लक आयक के; मन मा समज लेहेति, अना बदल जाय अना, मि उनला साजरो करु। 16 पर धन्य सेत तुमरो डोरा, का वय चोवसेत अना तुमरो कान वय आयकसे। 17 मि तुमी लक खरो कव्हसु तुमी जोन गोस्टी चोवसो, वोला कितरो नेक भविष्यवक्ता गीन चोवनो, अना आयकन चान्हत होतो। पर उनको किस्मत मा असो नहीं होत्यो। 18 “तबा आयको, अखिन सीको का पेरनवालो को बोधकथा काजक सेत” 19 जोन परमेस्वर को राज को बारे मा साजरा बारता आयक सेत तरी वा नहीं समजासेत। उ एक बीज को जसो से जोन रस्ता मा पड गयो अना सैतान आवा सेत अना उनलक जोन काही बोयो गयो सेत हिसक लेवासेत। 20 खडखडी जमीन मा पडयो बीज उन लोकगिन को लाय सेत। जोन एला आयक सेत अना खुसी लक साजरा बारता ला अपनावा सेत। 21 मंग यो उनमा गहराई लक नहीं धसन को कारन लगत उसीर तकन नहीं रव्हासेत एकोलाय जबा साजरा वारता को कारन मुसबत आवासेत ता वय एकच बारमा हार मान लेवासेत। 22 कांटादार झाडी को बीच गिरो बीज उन लोक गिनको लाय सेत। जोन साजरा बारता आयक सेत। मंग यो जिंदगी को चिंता अना धन को पिरम साजरा बारता मा आडो आवासेत अना वय फलवन्त नहीं होवासेत। (aiōn g165) 23 जो साजरो जमीन पर बोयो गयो से, वोच से जोन साजरा बारता आयक सेत समजासेत अना फर आनासेत कोनी सौगुना कोनी साठ गुना अना कोनी तीस गुना। 24 यीसु ना उनला एक अखीन बोधकथा सांग्यो। सरग को राज ओना मानूस को जसो से जोन आपरो खेतमा साजरो बीज बोयो। 25 पर जबा लोकगीन झोपत होतीन, तबा उनको बयरी आयो, अना गहुँ मा जँगली गवथ को बीज बोयके चली गयो। 26 जबा अँकुर फुटयो अना फसल लगयो तबा जँगली गवथ भी दिसयो। 27 एको साठी दास गीन आयके मालिक लक बिनती करन लगिन, मालिक का तु ना खेत मा साजरो बीज नहीं बोयो होतो ता ओमा जँगली गवथ को बीज कसो आ गई? 28 मालिक ना जवाब देइस, का यो सब बयरी को करामत से तबा दास पुसीन, अबा तोरी मनमा काजक सेत? आमी जायके उनला जमा करबीन? 29 मालिक ना जवाब दियो नहीं, कही असो ना होयेत, का निंदत-निंदत जँगली गवथ को संग साजरो गहुँ झाड भी उखड जाहेत, तबा ज्यादा नुकसान भई जाहेति, यो साठी अबा फसल आवन देव। 30 कापन को बेरा मा मि साँगु का जँगली गवथ ला काप लेव अना जलान काजी बोझा बान्ध लेव अना साजरो वालो गहुँ ला खरीयान मा ठेव देव। 31 यीसु उनला अखिन एक बोधकथा सांगिस “सरग को, राज राई को बीज जसो से जेनला कोनी मानूस ना आन कन, आपरो खेत मा पेरिस। 32 उ बीज सब लक नहानो बीज होवासे पर जब बढ जासे, ता सब साग-भाजी लक मोठो भय जासे; अना असो झाड बन जासे की बदल को पक्सी, भी ओको डगाली पर बसेरा करसेति।” 33 यीसु ना उनला एक

अखीन बोधकथा सांगयो सरग को राज डबल रोटी मा डाखन वालो खमीर पावडर जसो से। जोन ला आन कन एक बायको ना दहा किलो कनीक मा डाख दियो, अना सफा दहा किलो कनीक खमीर बन गयो। 34 यीसु बोधकथा मा याच सब गोस्टी साँगत होतो बिना बोधकथा को कोनी ला काही नही कव्हत होतो। 35 जेनको लाई भविष्यवक्ता को यो लिखी बात पूरो होवा से, का: मि मा सबला साँगु अना जोन गोस्टी जग बनावन को पयले लक छिपयो, होतो ओला मि सबला साँगु। 36 यीसु लोकगीन ला सार करके घर आयो। वोको चेला गीनना, ओको कठा आयके साँगन लग्गिन, का खेत को जँगली गवथ को बीज को कथा को मजे काजक सेत अमीला समजाव? 37 यीसु ना उनला जवाब देईस “साजरो बीज बोवनवालो मानूस को दूरा आय।” 38 अना खेत सारो जग सेति साजरो बीज राज को सँतान सेत। अना जँगली गवथ को बीज सँतान बुराई को सन्तान सेत। 39 जोन बैरी ना ओला बोइस, उ इबलीस से कटनी जेनको मतलब दुनियाँ को आखीर अना काटनवारा सरगदूत सेति। (aiōn g165) 40 एकोसाठी जसो जँगली गवथ समटो जासेत अना जलायो जासेत वसोच दुनियाँ को आखीर होयेत। (aiōn g165) 41 मानूस को दूरा सरगदूत ला धाडेत, अना वय ओको राज मा लक सब ठोकर को कारन गीनला अना बुरो करम करन वालो ला समटेत, 42 अना उनला स्तो को कुन्ड मा डाकेत, जिता रोवनो अना दौत पीसनो होहेत। 43 ओनो बेरा नेक मानूस आपरो बाप को राज मा दिवस जसो चमकेत जेनला आयकनो से आयक लेव। 44 सरग को राज खेतमा लुकयो हुवो, धन को जसो सेत। जेनला कोनी मानूस ला भेटयो अना उ ना पाय लेइस अना उ तिजोरी मा लूकाय देईस, अना खुसी लक जायके आपरो सब काही बीक देईस अना ओना खेत ला ले लेईस। 45 अखीन सरग को राज वोना सेठ को जसो से, जोन सब लक बढिया मोती को खोजमा होतो। 46 जबा वोला एक किमती मोती मिलयो, ता आपरो सब काही बिकके, ना उ मोती ला ले लेइस। 47 अखीन सरग को राज सागर मा डाख्यो, जाल को जसो से जो हर जात को मसरी ला धर आनीस। 48 अना जबा जाल भर गयो तबा धिवर वोला झिकसे अना किनार मा आन के साजरो-साजरो मसरी ला बेचके, आपरो ढुटी मा डाख लेवासे, अना खराब मसरी ला फेक देसे। 49 दुनियाँ को आखीर असोच होयेत। सरगदूत गीन आयके न्यायी गीन लक, दूस्टीन ला अलग करहेती। (aiōn g165) 50 अना उन ला स्तो को कुन्ड मा डाख देहेत, वहान लोकगीन रडत अना दात किटकिटात रहेत। 51 का तुमी लोकगीन यो गोस्टी, ला समजासो? चेलागीन जवाब देईन। हव! 52 यीसु ना उनला कहीस एको लाई हर एक मोसे को नियम को गुरू जोन सरग राज को चेला बनयो सेत ओनो घर को मुखिया को जसो से, जोन आपरो पेटखोली लक नवा अना जुना चीजला हेडासे। 53 यो बोधकथा ला पूरो करके वहाँन लक चलयो गयो। 54 अखिन आपरो देस मा आय गयो। मंग वोना यहूदी सभाघर मा उपदेस देवनो चालू करयो। एको लक हरेक अचरज मा पड के कव्हन लग्गिन “असो अवकल अखिन चमत्कार एला कहाँन लक भेटयो से, 55 का उ बढई को दूरा नाहाय? का एको माय को नाव मरियम नाहती? याकूब, यूसुफ, सिमोन अखीन यहूदा एकोच भाऊ बहीन आमरो बीच मा नाहत? 56 अना का एकी

सप्पा बहिन, हमरो बीच मा नही रहीसेत” 57 एना रिती लक उनना यीसु लक ठोकर खाईन। पर यीसु ना उनला कहीस “भविष्यवक्ता को आपरो नगर, अना आपरो घर ला सोड अना कही बेजजती नही होवासेत।” 58 अना ओना वहान उनको कडो मन अना अबिस्वास को कारन, लगतसा अद्भुत काम नही करीस।

14 ओना बेरा गलील को राजा हेरोदेस, ना यीसु की चरचा आयकिस। 2 अना वोना अपरा अधिकारी गीनला कहीस, “यो योहन बसिस्मा देवन वालो से जोन मरयो हुवो लक जितो, भईसे। योच कारन वोको जवर चमत्कार करन को ताकत से।” 3 असो से का ओच हेरोदेस होतो जोनना योहन ला बंदी बनायो होतो, संकली मा बाँध, बंदीघर मा डाक देयि होतीस जेना हेरोदियास को कव्हनो पर असो करियो होतो, जोन पहले ओको भाउ फिलिप्पुस को बायको होती। 4 योहन बसिस्मा देवनवालो ना हेरोदेस लक काही बेरा लाई कहीस तु हेरोदियास लक बिहा करके संग रव्हनो तोरो लाई साजरो नहोती। 5 हेरोदेस ओला मार डाकनो चान्हत होतो, पर उ यहूदी लोकहन लक डरात होतो काहेकि वय ओला भविष्यवक्ता मानत होतीन। 6 पर जबा राजा हेरोदेस को जलम दिवस आयो, तो हेरोदियास, की पोरी ना हेरोदेस अना ओको मेहमानहन को पुढा नाच के हेरोदेस ला लगत खुस करीस 7 का राजा ना “वचन हारके” कहयो, जो काही तु मोरो लक मांगजोस मि तोला देहू। 8 तबा उ दूरी आपरो माय को जवर जायके सलाह मांगीस ता वा आपरी माय को सलाह मानके राजा लक भानी मा योहन बसिस्मा देवनवालो को डोस्का ला मांगीस। 9 तबा राजा सठ भई गयो, तरी चार को बीच मा वचन को हारन को कारन लक ओने दूरी को मरजी अनुसार असो करनलाई हव कव्ह देईस। 10 तबा दूरी को मरजी को अनुसार राजा ना जेल लक योहन को डोस्का मंगवायो। 11 तबा सिपाही ना ओको डोस्का ला भानी मा आनिस अना दूरी ला दे देईस अना दूरी ना आपरी माय ला दे देइस। 12 जबा योहन को चेला गीन ला पता चलयो तबा चेलागीन आयके योहन को लास ला ले जायके दफनाय देईन अना जायके यीसु ला सांग देइन। 13 जबा यीसु ना योहन को बारे मा खबर आयकिस, मंग नाव मा चघके एक सुनसान जघा मा चली गयो। तबा लोकगीन ना ओको बारे मा आयकिन ता नगरहन लक पैदल हिटके ओको मंघा होय गयीन। 14 जबा यीसु डोंगा लक बाहेर हिटके कगर पर आयो ता ओना एक मोठी गरदी ला चोयीस। ओला उन पर तरस आयी अना ओना उनको बिमार हुन ला चांगलो करीस। 15 जबा झुलाखाली बेरा भई ता, ओको चेला गीन ना ओको कठा आयके कहीन, वसोच उसीर भयी गयी से, अखिन यो सुनसान जघा से तु लोकगीन ला सार कर, की वय बस्ति मा जायके, आपरो लाई जेवन लेहेत। 16 मंग यीसु ना जवाब देईस उनको जानो जर्री नाहत! तुमिच इनला जेवन लाई देव। 17 चेला ना यीसु लक कहीन, की आमरो कठा पाँच भाकर अना दुई मसरी सेत। 18 यीसु ना कहीस “मोरो कठा आनो।” 19 तबा वोना लोकगीन ला गवथ पर बसन लाई कहीस अना पाँच भाकर अना दुई मसरी ला लेके सरग कन चोवके परमेस्वर ला धन्यवाद देईस। अना भाकर ला तोडके चेला गीन ला देइस। अना चेलागीन ना लोक

गीनला देइन। 20 जबा सबच खायके अघाय गईन, ता चेलागिन ना बचो टुकड़ा-टाकड़ी को बारा टोपली उचलीन। 21 अना खानवारा लेकरा अना बायका गीनला छोडके, पाँच हजार मानूस को करिब होतीन। 22 तबा ओना आपरो चेला गीनला गदने नाव पर चघन को लाइ मजबूर करीस, का वय पयले झिलको ओनागन चली जाहेत। 23 उ लोकगीन ला सार करके पिराथना करन, अलग पहाड पर चली गयो अना झुलाखाली बेरा ला उ वहां एकलो होतो। 24 तबा तकन बेरा नाव किनार लक लगत दुहुर चले गयो होतो। अना लहरमा डगमग-डगमग होय रही होती काहेकि वारा उलटो चलत होती। 25 अना यीसु सक्कारी को 3-6 बजे को बीच मा झील पर चलतो हुयो, उनको कठा आयो। 26 झील मा ओला चलतो चोवके, ओको चेला गीन डराय गईन। अना कव्हन लगन “यो भुत से” अना “पोक-पोका के” चिल्लान, लगन। 27 तबा यीसु ना उन लक कहीस, नोको डराव हिम्मत राखो! 28 पतरस ना ओला जवाब देइस, अदी तु पिरभु सेस ता मोला पानी पर अपरो, जवर आवन की हुकूम देव। 29 ओना कहीस चल, अना पतरस नाव लक उतरके, यीसु को जवर जान लाई पानी पर चलन लगयो। 30 पर वारा ला चोवके डराय गयो। अना जबा बुडन लगयो, ता चिल्लाय के कव्हन लगयो “हे पिरभु मोला बचाव” 31 यीसु ना झट हात बढायके ओला थाम लियो, अना कहीस “हे कचो भरोसा वालो मानूस, तु ना काय लाई संका करीसेस” 32 जबा वय नाव मा चघ गईन, ता वारा थम गई। 33 ऐतरो पर जोन नाव मा होतीन ओला नमस्कार करके कहिन “खरो-खर तु सब लक मोठो परमेस्वर को दूरा आस।” 34 वय झील को ओनागन जघा मा उतरके गनेसरत नगर मा पहुचीन। 35 उता का लोकगीन गदने यीसु ला चीन्ह लेइन अना अगल-बगल का सप्पा देस, मा खबर ला साँग देइन तबा सब लोक बीमार गीनला ओको कठा आनीन। 36 अना ओको लक पिराथना करन लगन, का उ उनला आपरो कपरा को, कार को सेव ला छीवन दे; अना जेतारा गीनना ओला छिईस, वय बच के साजरो भय गईन।

15 मंग कही फरीसी और यहूदी मोसे को नियम को गुरु येस्सलेम नगर लक यीसु को जवर आयीन अना वोला पुसिन 2 “तोरो चेलागिन अमरो आज्ञा पुरखा को नेम-धरम को पालन काहे नहीं करासेत? वय बिना हात जेवन करासेत।”. 3 यीसु ना जवाब दियो “अपरो रीती-रिवाज को कारन तुम परमेस्वर को बिधि ला काहे तोडासेव” 4 काहेका परमेस्वर ना कव्हयो होतो, आपरो दआजी अना आपरो माय को आदर करो। अना जेव उनला बूरो कहेत उ मार डाख्यो जाय। 5 तरी तुमी यो सिकावा सेत, का अदि लोक को जवर असो काही से जोन वय अपरो दआजी अना माय की मदद करन को लाय बवज सका सेत। लेकिन कव्हसेत “यो परमेस्वर चघावा को से।” 6 अब्बा उनला आपरो दाआजी ला सम्मान देवन की जस्रत नाहोत, असो परकार तुम्ही परमेस्वर को हुकूम नहीं मानासेव जोनलक तुम्ही आपरो सिक्सा को पालन करवायो सेव। 7 अरे बगला भगतहुन! यसायाह भविष्यवक्ता को बानी तुमरो पर कितरो सही बसासेत। 8 परमेस्वर कव्हसेत अमी आपरो सब लक परमेस्वर को गौरव करासेजन पर उनको दिल सहीमा मोरो लक

लगत दुहुर सेत। 9 अना वय फालतू मा मोरो भगती करासेत, काहेका वय खुद को बनायो विधी-विधान मानूसगीन ला सिकावा सेत, असो जसो का मोरोच बिधान सेत। 10 तबा वोना लोकगीन ला आपरो, कठा हाकल के कव्हयो। आयको अना समजो। 11 जोन टोन्ड मा जासे उ मानूस ला असुध्द नहीं करा, पर जोन टोन्ड लक हिटासे वाच मानूस ला असुध्द करासे। 12 तबा चेला ना आयके ओको लक कहीन का तु जानासेत, की फरिसी गीन ला यो गोस्टी लगत बुरो लगिसेत? 13 यीसु न जवाब देईस का जोन झाड मोरो सरग को परमेस्वर दआजी ना नहीं लगाइसेस उखाड दियो जाहे। 14 उनला जावन देव; वय अँधरा, रास्ता ला दिसावन वारा मानूस सेत। अना अँधरा-अँधरा ला रस्ता चोवाय ता दुई गङ्गा मा पड जाहेत। 15 यो आयक के पतरस ना वोला कव्हो यो आहना को काजक मतलब सेत। 16 वोना कहीस का तुमी भी अब्बा तकन नासमज सेव? 17 का तुमी नहीं जानासेव का जोन काही टोन्ड मा जासे उ पोटेमा पडासे अखीन हगतबेरा पोटे लक हिटासे? 18 पर जोन काही टोन्ड मा लक हिटासे, उ मन लक हिटासे, अना उ मानूस ला असुध्द करासे। 19 काहेकि बुरो विचार हत्या, पराय बायको संग सोवनो, छिनालापन, चोरी, झुठी गवाही अना निन्दा बिरोध मन मा लक हिटा सेत, 20 या वोच सेत जोन मानूस ला असुध्द करासेत, पर हात बिना धोयो जेवन करनो, मानूस ला असुध्द नहीं करा। 21 यीसु उता लक हिटेके सुर अना सैदा, को देस कन चली गयो। 22 उ परदेस लक एक कनानी बायका हिटी, अना चिल्लायके कव्हन लगन हे पिरभु दाऊद की संतान मोरो पर रहम कर, मोरी दूरी ला भुत-पलित लगत सताय रहिसे। 23 पर उनना ओला जवाब नहीं देइस, तबा ओको चेला ना आयके ओको लक कव्हयो, एला सार कर, काहेकि वा हमरो मंघा चिल्लावत आय रहीसे। 24 ओना जवाब देइस का इसरायल को घरानो की भटकी हुयी मेढा ला सोड मि कोनी को जवर नहीं धाडो गई सेव। 25 पर वा आई अना यीसु ला नमस्कार करके कव्हन लगन हे पिरभु मोरी मदद कर। 26 ओना ओक लक कहीस, की टुरागीन की भाकर आन के कुतरा, को पुढा डाकनो साजरो नहात। 27 बायका न कहीस पिरभु यो गोस्टी खरो सेत, पर कुतरा गीन भी जुठन-काठन ला जेवसेत। जोन मालीक को ठाव मा बचासे। 28 येना गोस्टी पर यीसु ना ओला कहीस, अबो बाया तोरो बिस्वास मोठो से जसो तु चाव्हसेस, तोरो लाई वसोच होहे, अना ओको दूरी ओनो बेरा साजरी भय गयी। 29 यीसु उता लक हिटेके गलील छेत मा झील को कठा आयो अना एक पहाड पर जायके बस गयो। 30 तबा भीड पर भीड ओको कठा आई। वय आपरो सँगा लँगडा गुँगा हात-पाय लुला, अना लगत लोकगीन ला ओको कठा आनीन, अना ओना उनला साजरो करीस। 31 जबा लोकगीन ना चोवीन, की गुँगा बोलासेत अना हात-पाय लुला गीन साजरो भय गईन। अना लँगडा चलन लगन अना अँधरा चोवन लगन, तबा ता अंचम्भा करके इसरायल वासी परमेस्वर की बड़ाई करन लगन। 32 यीसु ना आपरो चेला गीन ला हाकलीस, अना कहीस, मोला या भीड पर तरस आवासे काहे की वय तीन दिवस लक मोरो सँग से अना उनको लाई जेवन लाई काही नाहत्? मि उनला भुखो, कसो धाड़। असो ना होहे की वय, रास्ता मा थक जाहेत। 33 चेला गीन ना ओला कहिन,

हमी एना जैंगल मा एतरो भाकर किता लक आनबीन। की हमि एना भीडला खिलाबीन? 34 यीसु ना उन लक पुसिस, “का तुमरो जवर केतरी भाकर सेत?” उनना साँगिन का, “सात, भाकर अना जरासी मसरी सेत।” 35 तबा यीसु लोकगीन ला जमीन मा बसन लाई कहीस, 36 अना उन सात भाकर अना मसरी ला आन के सरग को परमेस्वर ला धन्यवाद देके तोडीस, अना आपरो चेला गीन ला देवत गयो। 37 अना भीड़ जेयके अघाय गईन। अना चेला गीन ला बचा हुया भाकर को टुकड़ा बटोरन लाई कहीस। सबा टुकड़ा सात डलिया उचलिन। 38 जेवन वालो मा बायका अना लेकर, गीनला छोडके चार हजार को करिब मरद गीन होतीन। 39 तबा उ भीड़ ला सार करके, नाव मा मगदन देस को मेंड मा आयो।

16 मंग फरीसी अखिन सदुकी यीसु को जवर आयिन वय ओला ताडन चाव्हत होतीन एकोलाइ ओन्हीसीन ओकोलक कोनी चमत्कार करन लाई कहीन, मनजे मालुम कर सकेत का ओला परमेस्वर को मंजूरी मिली से की नहीं, 2 ओना जवाब देयो दिन लुकन पर तुमी लोक कव्हसेव “आज मौसम साजरो रव्हेत, काहेका बादर लाल सेत” 3 अना दिन उगन पर तुमी कव्हासेव “आज आँध्र आहेत, काहेका बादल धुँधरो अना लालसे” तुमी बादल को चिन्हानी ला बाचनो जानासेव, पर आपरो बेरा को चिन्हानी ला नहीं जानासेव। 4 यो दिवस को बूरो अना परमेस्वर ला नहीं माननवारा लोक मोला एक चिन्हानी मांगासेत मंग योना को चिन्हानी ला सोड उनला अना कोनी चिन्हानी नहीं दियो जाहे। ऐतरो सांगके उ उनला छोडके चली गयो। 5 चेला गीन झील को वानागन गईन, मंग वय भाकर लेनो बिसर गईन। 6 यीसु न उनला कहीस हुसियार रव्हो, फरिसी गुरूगीन अना सदुकि गुरूगीन को खमीर लक आपरो ला बचाय राखो। 7 वय आपस मा विचार करन लग्गिन, हमी भाकर नहीं आनीसेजन एकोलाय उ असो कव्हासे। 8 यो जानके का वय आपस मा काजक कव्हसेत यीसु न उनला कहीस, अरे कचो भरोसा राखनवारा! तुमी आपस मा काजक विचार करासो, का हमरो जवर भाकर नहात? 9 का तुमी अब तकन नहीं समजयत? का तुमीला वय पाँच हजार को लाय पाँच भाकर हेत नहोत? हेत करो, तुम्ही ना केतरी टोपली उचल्यत होता? 10 वा सात भाकर मा चार हजार मानूस जेयके ना केतरो डलिया उचल्यत होता? 11 तुम्हीला बोध नाहत, का मीना तुमीला भाकर को बारेमा नहीं कहयो, मंग फरिसी गुरूगीन अना सदुकि गुरूगीन को खमीर मनजे विचार लक हुसियार रव्हन लाई कहयो होतो। 12 तब उन चेलाहुन ला समज मा आयो, का वाना पोड़ी को खमीर ला नहीं कहयो, पर फरिसी गुरूगीन अना सदुकि गीनको सिक्सा लक हुसियार रव्हन ला कहयो। 13 जबा यीसु कैसरिया फिलिप्पी को परदेस मा आयो ता अना ओना अपरो चेला लक पुसयो लोकगीन का कव्हसेत की मानूस को दूरा कउन से? 14 उनना कहीन काही लोक योहन बरिस्मा देवन वालो कव्हसेत, अना काही लोकगीन एलियाह अना काही यीरमीयाह अना भविष्यवक्ता गीन मा लक, कोनी एक कव्हासेत। 15 यीसु ना उनला पुसिस, तुमी मोरो बारे मा काजक कव्हसेव? “का मि कउन सेउ?” 16 समौन पतरस न जवाब देईस, तु जितो परमेस्वर को दूरा मसीह आस। 17

यीसु न वोला जवाब देईस, हे समौन, योहन को दूरा तु धन्य सेस, काहेका मानूस को मन की गोस्टी नाहत, पर मोरो दाअजी परमेस्वर ना जोन सरग मा से, येनो गोस्टी ला तोरो मन मा डाखी सेस। 18 अना मी तोला कव्हसु का तु पतरस सेस, अना मी येनो गोटा पर अपरी कलीसिया बनाऊ अना मिरतु वोको, पर ताकतवर नहीं होहेत। (Hades g86) 19 मी तोला सरग राज की कुन्जी देसु, अना जोन काही तु धरती पर बाँधबिन उ सरग मा बँधेत, अना जो काही तु धरती पर उघाडबिन, वय सरग मा उघडेत। 20 तबा यीसु ना चेला गीन ला चिंतायके कहीस, तुमी कोनी ला नोको सांगने का मी मसीह सेऊ। 21 उ बेरा लक यीसु अपरो चेला ला सांगन लग्यो, जर्री से का मी येस्सेलेम नगर जाऊ अना सियानोगिन अना मुखिया याजक, अना मोसे को नियम को गुरू को हात लक लगत दुख उठाऊ अना मि मार दियो जाऊ अना तीसरो दिवस मंघा मि जितो भय जाऊ। 22 येको पर पतरस पिरभु ला अलग लिजाय, के डाटन लग्यो अना कहयो “हे पिरभु! परमेस्वर तोरो पर दया करेत तोरो सँग असो कबच नहीं होहे!” 23 वाना मंघा पछलके पतरस लक कहीस “हे सैतान मोरो पुढा लक दुहर भयी जाय” तु मोरो लाई रास्ता को ठोकर सेस, कहेका तु परमेस्वर लक आयो विचार पर नहीं, पर मानूस की सुभाव लक गोस्टी करासेस। 24 तबा यीसु न अपरो चेला लक कहीस, यदि कोनी मोरो माघा आवनो चाव्हसो, ता अपरो आप मा मुकरके, अपरो कूस खदच उचलेह अना मोरो मंघा होय जाय। 25 काहेका जोन कोनी अपरो जान बचावनो चाव्हासे, वय वोला खोय देहेत, अना जो कोनी मोरो, लाय अपरो जान खोहेत वय वोला पाहेत। 26 यदि मानूस सप्पा जग ला पाय लेहेत, अना अपरो जान को हानी उठायेहेत, ता वोला का नफा होयहेत, यो मानूस अपरो जान को बदला का देहे? 27 ता मानूस को दूरा अपरो सरगदूत को संग अपरो, बाप को गौरव मा आहेत, अना वोनो बेरा मा उ हर एक ला, उनको काम को अनुसार बदला देहे। 28 मी तुमला खरो सांगसेऊ का जो यहान उभो सेत, उनमा लक काही असो सेत का उ जब तकन, मानूस को दूरा ला राज मा आवता नहीं चोव लेहेत, तब तकन नहीं मरहेत।

17 सह दिवस मंघा यीसु, पतरस, याकूब अना ओको भाउ योहन संगा एकलो मा वरता पहाड पर गयो। 2 वहान उनको पुढा वोको स्प बदल गयो, अना वोको टोन्ड दिन को जसो चमकन लगयो। अना वोको कपरा उजारो भय गयो। 3 मंग तीन चेला हुन ना चोवयो, मोसे अना एलियाह भविष्यवक्ता यीसु संग गोस्टी कर रव्हयो सेत। 4 तबा पतरस ना यीसु ला कव्हयो, ओ पिरभु, कितरो साजरो से का हमि यहान सेजन, मी यहान तीन मान्डो बनाहँ एक तोरो लाय, एक मोसे को लाय, अना एक एलियाह को लाय। 5 जबा उ असो कव्हच रहयो होतो, तबा एक पाँढरो, बादर न उनला ढाक लियो, अना उ बादल लक एक आवाज आयी यो मोरो एकच चहेतो, दूरा से, जेनको लक मी गजब खुसी सेव “एकी आयको!” 6 जब चेला गीन न असो आयकिन, वय ऐतरो डराय गईन का वय टोन्ड को बल, पड गइन। 7 यीसु ना जवर आयके उनला छीवके कव्हसे। उभो होवो “डराव नोको!” 8 तबा वय वरता नजर करीन, अना उनला यीसु को सीवाय, कोनी नहीं चोवयो। 9 जब वय पहाड

लक खाल्या, उतर रहयो होतिन। यीसु ना उनला हुकूम देइस, जब तकन मानूस को दूरा मुरदा लक जितो नही भई जाए, यो बात कोनी ला नोको सांगने। 10 मंग यीसु को चेलागिन वोको लक पुसिन “मोसे को नियम को गुरू काय लाय कव्हासेत? पयले एलिय्याह को आवनो पक्को सेत।” 11 वोना जवाब देइस एलिय्याह आ रहयो सेत, उ सब काही साजरो कर देहेत। 12 पर मी तुमरो लक कव्हसू, का एलिय्याह आय गइसे। अना लोकगीन ला बोला चीन्हो नाहत, अना मन चाहो वोको संग करीन, असोच मानूस को दूरा ला तंगहेत। 13 तबा चेलागिन को समजमा आ गयो का यो योहन बप्तिस्मा देवन वारा, को बारेमा अमीला सांगा से। 14 जबा वय भीड को जवर आइन, तबा यीसु को जवर एक मानूस आयो। अना ठोघरा टेकके, असो कव्हन लग्यो। 15 पिरभु मोरो दूरा पर रहम कर काहेका, बोला मीरगी आवासे। अना बोला मीरगी एतरो बिकराल आवा सेत का उ बार-बार स्तो अना पानी मा पड जासे। 16 मी बोला तोरो चेला गीन को कठा अनयो होतो। पर वय बोला साजरो, नही कर सकिन। 17 तबा यीसु ना जवाब दियो अरे भिरस्ट हुयो आबिस्वासी लोकहुन मी कितरो बेरा तुम्हरो संग अखिन रहिन? बोला मोरो जवर आनो। 18 यीसु ना बुरो आतमा ला हुकूम देके डटकारीस अना बुरो आतमा दूरा मा लक हिट गयो, अना दूरा वोच बेरा साजरो भई गयो। 19 तबा चेला गीन एकान्त, मा यीसु को जवर आयके ना ओको लक पुसन लगिन “हमी बोला, काहे हेड नही सकयो” 20 तबा यीसु ना जवाब दियो, आपरो भरोसा को कमी कारन लक, काहेका, मी तुमला खरो-खरो सांगसू का यदि तुमी मा राई को बीज, को बराबर भरोसा से अना यो पहाड लक कव्हने “यहान लक हट अना उता जा!” तो उ सरक जाहेती। अना तुमरो, लाय काही भी कठिन नहात। 21 पर यो जाती पिराथना न अना उपवास, को सिवाय कोनी उपाय लक नही हिटा से। 22 जबा वय गलील छेतर मा जमा भई होतिन, तबा यीसु ना उनला कव्हयो “मानूस को दूरा लोक गीन को हात मा धरान वालो सेत। 23 जोन बोला मार डाखेत, तरी तीसरो दिवस उ जितो भयी जाहेत।” एको पर यीसु को चेलागिन लगत दुखी भयी गयीन। 24 जबा वय कफरनहम नगर मा पहुचिन तबा मंदिर को बरगन वसुलन वारा पतरस को कठा आयके पुसिन, का तोरो गुरू मंदिर को बरगन देवासे? 25 पतरस ना कहीस हौं देवासे, जबा पतरस घर मा आयो। तबा यीसु ना पयले समौन लक पूछिस “तोरो का राय से? धरती को राजा गीन बरगन कोन लक वसुलसे, आपरो लेकर लक या परायो लक” 26 तबा पतरस ना जवाब दियो का परायो लक तब, यीसु ना बोला कहीस, “तब तो लेकर छुट गयो।” 27 पर आमी उन लोकहुन ला नाराज नही करबिन एकोलाई झील पर जाय अना अपरो गल फेक अना मंग जोन पयली मसरी धराहे ओको टोंड उघाड तोला चारअना को सिक्का मिलेह। ओला आन के मोरो अना आपरो लाई उनला दे-दे।

18 वय बेरा चेला गीन यीसु को जवर आयके, पुसन लगिन “सरग राज मा सब लक मोठयो कोन से?” 2 तबा यीसु ना एक लेकर ला आपरो कठा, बुलाईस अना बीच मा उभो करके कहीस। 3 मी तुमरो लक खरो कव्हसू, का जबा तकन तुमरो मन

लेकरा गीन को जसो नही होयेत, तुमी सरग को राज मा कभी नही धस सकत। 4 सरग को राज मा सब लक महान वा से जोन खुद ला नरम राखा सेत, अना लहान लेकरा जसो बन जासे। 5 अना जोन कोनी लोक गीन मोरो नाव लक असो, एक लेकरा ला अपनावा से उ मोला अपनावा से। 6 पर जोन कोनी असो लहान अना नरम मोरो बिस्वासी मा एक ला भी ठोकर खेलावासे, तो वोको लाय यो साजरो से। का वोको गरो मा गोटा बान्ध के सागर मा डाख दियो जाय। 7 “आड- फाटा तो आवनो सेत पर आड- फाटा को कारन मोला दुनिया को लोकगिन लाय दुख सेत मोला दुखसे वोको लाय जोन बाधा को कारन बना सेत एकोलाय।” 8 यदि तोरो हात या तोरो पाय ठोकर खिलायो, ता वोला काप केना फेक दे, काहेका तोरो लाय य लगडो होयके अमर जिंदगी मा धसनो एको लक ज्यादा साजरो, से का तु दुई हात अना दुई पाय से, पर कभी नही इझन वालो स्तो मा डाख्यो जायेती। (aiōnios g166) 9 यदि तोरा डोरा तोला ठोकर खिलाये तो वोला कहाड के, फेक दे अना भोकना होयके जिंदगी मा धस जा एको लक साजरो, से का “दुई डोरा से अना नरक को स्तो मा डाख्यो जाय।” (Geenna g1067) 10 चोवो ऐना लहान मा लक कोनी, एक ला भी बेकार नोको समजो। काहेका मी तुमी लक कव्हसू, इनको सरगदत्त सरग मा हमेसा मोरो परमेस्वर दाआजी को पुढा रहसेत। 11 काहेका मानूस को दूरा गुमयो हुवो ला दूढन अखिन सूटकारा देवन काजी आयो से। 12 “तुम्ही ला काजक लगा सेत? एक मानूस को कठा 100 मेडा से। उनमा लक एक मेंडा गुम जाय, ता उ नित्यानवे ला पहाडी मा सोड के एक ला दूढन चलो जाहेत। 13 अना जब उ मेंडा बोला मिल जासे, तो मी तुमी लक खरो सांगसू उ 99 लक वा एक को लाय लगत खुस होवासेत। 14 असोच तुमरो सरग को परमेस्वर दाआजी नही चव्हसेस, का कोनी ऐना लहान लक एक भी नास भई जाय।” 15 अगर तोरो भाऊ तोरो खिलाफ पाप करा सेत, ता वोको जवर जायकर वोको गलती दिसाव। लेकिन यो काम एकान्त मा दुई को बीचमा करो, यदी उ तोरो गोस्टी मानासे ता तुना अपरो भाऊ ला आपिस जीत लियो सेत। 16 लेकिन उ अगर तोरी गोस्टी नही माना सेत, तो एक दुजो मानूस ला आपरो संग ले जाय, जोन लक वय समजायेती, मंग समजमा नही आहेत, तो वय पुस भयी जाय। जसो का गीरंथ मा कहयो सेत। यदी उ तुमरो गोस्टी मानासे ता तुमीना अपरो भाऊ ला बचाय लियो सेव। 17 अदि नही माना सेत ता कलिसिया मा जायके सांग, पर उ कलिसिया को भी नही मानहेत, तो बोला गैरयहूदी जमा लेबनवालो मुरतीपुजा वालो जान। 18 मी तुमी लक खरो कव्हसू, जोन काही तुमी धरती मा बान्धने, उ सरग मा बन्ध जाहेती, अना जोन जानकारी तुमी धरती मा खोलने, वा सरग मा उधड जाहेती। 19 मंग मी तुमरो लक खरो कव्हसू, यदि तुमी मा लक दुई मानूस धरती पर कोनी बात को लाई एक मन होयके बोला मांगसेत, ता वय मोरो बाप को कना सरग मा से उनको लाई होय जाहेत। 20 काहेकि जहान दुई या तीन लोक गीन मोरो नाव पर जमा होसेत, मी उनको बीच मा रहसू। 21 तब पतरस न जवर आयके यीसुला कहीस, हे पिरभु यदी मोरो भाऊ पाप करासे ता मी केतरी बार बोला छिमा करू? का सात बार तकन? 22 यीसु न बोला कहीस “मी तोरो लक, यो नही कव्हसू का सात

बार तकन, नही पर सात बार को सत्तर गुना तकन।” 23 तो सरग राज को बरोबरी उ राजा लक कियो जाय सका सेत वोना कहयोका मी दिवान को लेखा-जोखा जाचनो चाव्हास। 24 जबा वय हिसाब लेवन लगयो, ता वोको पुढा एक असो मान्स ला लायो गयो, जोन को पर दसो लाख रुपिया को करजा होतो। 25 वोको जवर करजा भरन काजी काही नही होत्यो। ता मालिक ना कहीस, यहाँ येकि बायको, अना टूरा-टूरी अना जोन काही येको सेत। सब बिकके करजा चुकायो जाय। 26 येको पर वोना दास पाय पडके, कहीस, हे मालीक धीरज धर, मी सब काही भर देहू। 27 तबा मालिक ना तरस खाय के करजा छिमा कर दियो। 28 पर जबा वय दास बाहेर हिटयो, ता वोको संगी नौकर मा लक एक वोला भेटयो जोन वोको सौ सिक्का, को करज दार होत्यो। तबा उ नौकर संगी को गरो धरके कहीस “मोरो करजा भर” 29 एको पर वोको संग काम करन वालो संगी पाय पडके, वोको लक गिडगिडान लगयो “धीरज धर मी सब भर देहू।” 30 पर उ नही मानयो “अना वोला कयद खाना मा डाक दियो, का जबा तकन करज भर नही देसे तबा तकन कयद खाना मा रव्हे।” 31 वोको एक संगी दास यहाँ जोन भयो होत्यो, चोयके लगत उदास भयो अना जायके, अपरो मालीक मजे राजाला सबा हाल सांगीस। 32 तबा उ मालीक ना दास ला हाकलके कहीस “का हे पापी तू न मोरो जवर पिराथना करियो, अना मी न तोरो, वय पुरा करज छिमा कर देइसेउ।” 33 एकोलाइ जसो मी तोरो पर दया करीसेव, वोसच का तोला भी अपरो संगी दास पर रहम नही करनो होतो। 34 अना वोको मालिक मजे राजाना हिजडके, वोला दन्ड देवन वालो को हात मा सोप दियो। अना जेल मा डाख दियो गयो अना करजा को पायी-पायी चुकान लाय कहयो। 35 येना पिरकार यदि तुमी मा लक हर एक अपरो भाऊ को मन लक छिमा करयेत, ता मोरो बाप जोन सरग मा से तुमी भी वसोच छिमा करयेत।

19 यीसु आपरो सिक्सा पुरो करन को मघा, गलील परदेस लक चले गयो, अना यरदन नदी को वोना गन यहूदिया, छेतर को सीव मा आयो। 2 एक मोठी भीड वोको मंघा भई गई, अना यीसु ना वहँन को लोकगीन ला साजरो कर देइस। 3 तबा काही फरिस्सी गुरु गीन यीसु को कठा आइन अना वोकी परिकसा, करन लाय सांगिन का मोसे को नियम को अनुसार कोनी भी कारन लक आपरो बायको, ला छोड-छुट्टी देवनो सही से? 4 यीसु ना जवाब दियो “काय तुमी लोकगीन पवीतर गिरंथ, मा असो नही बाची सेव? का दुनिया बनावन बारा परमेस्वर ना सुस्मा उनला, मान्स अना बायको बनाईस।” 5 अना कव्हयो का एकोलाय मान्स आपरो माय-बाबूजी ला सोडहेत अना आपरो बायको को संग रव्हसे। अना वय दुई एक देह होवेती। 6 असो परकार अबा परमेस्वर वय दुई ला एकच तन कहयो सेत ता उनला कोनी बेगरो नोको कर सका सेत? 7 उनना यीसु ला कव्हयो तबा मोसे ना आपरो नियम मा बायको, ला छोड-छुट्टी को बेरा मा लिखके, देवनो को हुकूम काहे दियो से? 8 यीसु ना जवाब दियो “मोसे ना यो हुकूम तुमरो गोटा जसो मन चोव के, तुमला आपरी, बायको ला छोडन को हुकूम देइसेस पर सरु लक असो कोनी रीत नहाय।” 9 मी तुमी लोकगीन लक सांगास, का

छिनालापन को सीवा अखीन कोनी कारन लक आपरो, बायको ला छोड-छुट्टी देके, अना दुसरो पाठ करयेत, तो उ खोटो काम करासे। 10 चेला गिनना वोला कहिन यदि नवरा-बायको, को बीचमा असो समस्या सेत, तो बिन बायको को रव्हनो साजरा सेत। 11 यीसु ना उनला कहीस सबा यो सिक्सा, ला नही अपना सकसे। पर जोनला यो वरदान दियो गयोसे, वोच अपना सका से। 12 काहेका काही लोकगीन माय को गरभ लक, हिजडा होवासे, अना काही लोकगीन ला मान्स गीन हिजडा बना देइसेस, अना काही सरग राज लाय हिजडा बनिसेस, जोन यो सिक्सा अपना सका से, उ अपना लेवे। 13 वोना बेरा काही लोकगीन लेकरागिन ला, यीसु को जवर आनीन, एकोलाय का उन पर आपरो हात राखके पिराथना करे, पर चेला गीन उनला डाटन लगनी। 14 यीसु ना कव्हयो लेकरा गिनला मोरो, जवर आवन देव, उनला रोको नोको, काहे का सरग को राज असोच हुनको से। 15 अना उ उन पर हात रखके वहाँ लक चली गयो। 16 एक बेरा एक मान्स यीसु को कठा आयो। वोको लक कहीस ओ गुरुजी “मी अमर जिंदगी पावन को लाई कोनतो, साजरो काम करई” (aiōnios g166) 17 यीसु ना वोको लक कव्हयो, साजरो काजक से? तू मोरो लक साजरो काम को बारेमा काजक, लाय पुसासे? भला केवल एक च से पर तू अमर जिंदगी चाव्हसेस, ता हुकूम ला मान। 18 वोना पुसयो “कोनतो हुकूम” यीसु ना कव्हयो, तू हत्या नोको करबिन छिनाली नोको करबिन, चोरी नोको करबिन, खोटो गवाही नोको देवजो। 19 आपरो माय बाप को आदर करनो अना आपरो, सेजारी ला आपरो समान माया करनो। 20 उ जवान ना वोला कहीस “यो सब हुकूम मी हमेसा लक मानिसेव। अबा मोरो मा कोनतो कर्मी से” 21 यीसु ना वोको लक कव्हयो, “अदि तू सिध्द होवनो चाव्हासे, ता जाय अना आपरो धन-सम्पति खोल के सब माल ला बीकदे, अना कैंगालगिन ला देव, तब तोला सरग मा धन मिलहेत, अखीन मोरो मंघा आव।” 22 जबा उ जवान ना यो गोस्टी आयकिस, उ गजब दुखी भई गयो, काहेकि उ गजब धनी होतो। 23 मंग यीसु ना अपरो चेला गिनला कहीस, “मी तुमला खरो सांगास, का धनी को सरग को राज मा धसनो लगत कठीन से।” 24 मि मंग तुमला कव्हस, का परमेस्वर को राज मा धनी लोक को धसनो लक सरल ऊट को सुई, को छेद लक बाहेर सरल हिटनो से। 25 यो आयक के चेलाहुन लगत चकित भई गईन, “अना उनना पुसिन, मंग कोन को बचाव होय सकासे” 26 यीसु ना उनको कन चोवके जवाब दियो “यो ता मान्स लक नामुफकिन सेत, पर परमेस्वर को लाई, सब काही सरल से।” 27 तबा पतरस ना यीसु कना चोवके कहयो, हमी लोकगीन ता आपरो सबच काही सोडके तोरो मंघा आयीसेत, ता हमला काजक मिलनो सेत? 28 यीसु ना आपरो चेलागिन ला कव्हयो, मि तुमला खरो कव्हसेऊ, का नवतो जुग मा जबा मान्स को टूरा महिमा को सिधासन मा बसेह, तबा तुमी जो मोरो मंघा आयोसेव बारा सिधासन मा बसके परमेस्वर को लोकहुन को न्याय करोह। 29 अना जोन कोनी लोक गीन मोरो नाव लाय, आपरो घर बार, भाऊ बहिन, माय-बाप, लेकरा बारा अना खेत ला सोडासे, उ संबंर गुना पाहेत, अना अमर जिंदगी को अधिकारी होयेत। (aiōnios

g166) 30 पर गजब सेत जो पयलो सेत, वय आखरी भई जाहेत, अना जो आखरी सेत, उ पयलो भई जाहेत।

20 सरग को राज एक जमींदार को किस्सा जसो से। जोन भुन्सोरे आपरो अंगूर को बगीचा मा काम करन बनिहार लावन हिटयो। 2 ओना खुरो को एक स्पया मा ठहरायके नौकर बनिहार ठहरायो। अना उनला आपरो अंगूर को बगीचा मा काम करन लाई धाड देईस। 3 मंग बनिहारी बेरा जमींदार मंग घर लक हिटयो अना हाट मा गयो। वोला काही बनिहार लोकहुन ला हाट मा इता-उता हिंडत चोवयो। 4 तबा वोना उनलक कहयो, तुम्हि भी मोरो अंगूर को बगीचा मा जाव, अखिन काम करो, तुमला तुमरो बेस बनी देहूँ। 5 वय बगीचा मा काम करन लाई चली गईन, मंग कोनी ला दुफरिया बेरा मा अना कोनी ला महातनी बेरा मा जायके वसोच कव्हके आनिस। 6 तबा कोनी पील-पील दिवस मा मंग हाट गयो, अना मंग काही लोकहुन ला हाट मा इता-उता उभो चोईस। ओना उनलक पुसिस, तुमी यहाँ फालतु मा दिवस भर काय लाई उभा रव्हसेव? 7 ओन्होसीन जवाब देईन, का कोनी ना आमला काम पर नही राखिन। तबा ओना उनलक कहयो, बेस से ता तुमी जाव, अना बगीचा मा काम करो। 8 जबा दिवस बुड गयो तबा अंगूर को बगीचा को मालिक ना आपरो मुनीम ला कहीस, नौकर बनिहार ला हाकल लेव अना आखरी मा लगयो नौकर लक सुरू करके जो पयले लक लगायो गयो, सबला पगार दे देव। 9 असो परकार जोन नौकर बनिहार पील-पील दिवस मा काम मा लगयो होतिन, उनमा लक हरेक ला खुरो को एक स्पया मिलयो। 10 तबा जोन पुढा आई होतीन उनना यो समझीन का हम ला लगत भेटेत। पर उन ला भी एक-एक खुरो को एक स्पया मिलयो। 11 उनना स्पया तो धर लेईन, मंग वय जमींदार पर कुडकुडान लगीन। 12 उनना कहिन, एक तास काम करनवालो ला ओतरो च पगार देईसेस, जेतरो आमीला भी देईसेस, जबकि आमी ता कडकडातो उन मा दिवस भर काम करया सेजन। 13 ओना मालक ना जवाब देइस, अरे संगी, मि तुमरो काही हानी भयी का? का तुना मोरो लक एक खुरो को सिक्का बिनी नही ठहरायो होतो? 14 जोन तोरो से उचल ले, अना प्राय जाय। मोरी मरजी या से की जेतरो तोला देहूँ, वोतरोच मंघा वालो ला भी देहूँ। 15 का यो साजरी नहात? का मि आपरो माल ला जसो चाहूँ वसोच करूँ, का मोरो नेकी ला तु बुरो चोवोसेस? 16 याच रिती लक जो मंघा सेत वय पुढा होहेत। अना जो पुढा सेत वय मंघा होहेत। 17 यीसु येस्सलेम नगर जातो बेरा बारा चेला गीन ला एकलो मा ले गईस। अना रास्ता मा उन ला कव्हन लगयो, 18 “आयको हमि येस्सलेम नगर जासेजन, अना ‘मानूस को दूरा’ मुखिया याजक अना मोसे को नियम को गुरू गीन को हात धरयो जाहेत। अना वय वोला जान लक मारन को काबील दन्द ठयराहेत। 19 अना वोला गैरयहुदी गिनको हात मा सौप देहेत। अना वय वोको मजाक मा उडाहेत, अना कोडा लक मारेत। अखीन कूरूस मा चढायेत, अना उ तीसरो दिवस जितो भई जाहेत।” 20 तबा जबदी को बायको आपरो दूरागिन को संग यीसु कठा आयके नमस्कार करीस, अना कव्हन लगी, 21 “मोरो दूरा गिनला तोरो राज मा एक उज्जो अना

एक ला डावो कन बसाजोस।” यीसु ना कहीस, “यो तु काजक मांगिसेस?” 22 तोला मालुम नहात तू काजक कव्हसेत? “जोन दुख की बटकी मी पिवनवालो सेव, का तुम्हि भी पिवने?” वय यीसु लक कहिन? “हमी पीवबीन।” 23 तबा यीसु उनला कहीस “यदी पिवने तबा भी कोनी ला डाखियो-उज्जो बसानो मोरो काम नाहत, काहेका उ तो परमेस्वर बाबुजी को काम से, वोच ला मालूम से, का कोनी बसन वारो से।” 24 यो आयक के दहा चेलागीन वय दुई भाऊ पर गुस्सा भईन। 25 यीसु ना उन ला जवर हकलके कहीस “तुमी ला मालुम सेत गैरयहुदी लोकगिन को अधिकारी उन पर हक जतावासेत। अना जोन मोठा सेत, वय उन पर अधिकार जमावा सेत। 26 पर तुम मा असो नेको होय, पर जो कोनी तुम मा मोठो होवनो चावहासे, उ तुमरो दास बने। 27 जो तुमरो मुखिया होवनो चावहासे उ तुमरो दास बने। 28 मी एको लाई नही आईसेव, का मोरो कोनी सेवा करे। पर मानूस को दूरा एकोलाय आईसेस क उ खुदच सेवा चाकरी करे। अना लगत लोकगीन को सुटकारा लाई आपरी जान देदेहेत।” 29 जबा वय यरीहो नगर लक हिटत होतीन, ता एक मोठी भीड ओको मंघा भयी गयीन। 30 अना दुई अंधरा रास्ता को किनार मा बसया होतीन। असो आयक के का यीसु जाय रहीसे, हाकलके कव्हन लगीन “हे पिरभु दाऊद की सँतान हमरो पर रहम कर।” 31 लोक गीन उनला डटकार के कहिन “उगो-मृगो रव्हो।” पर वय अखीन चिल्लाय के कहिन, “हे पिरभु दाऊद को सन्तान हमरो पर रहम कर।” 32 तबा यीसु ना उभो होयके, हाकलके कहीस, “तुमी का चावहासेव, मी तुमरो लाय काजक करूँ?” 33 उनना ओको लक कहिन, “हे पिरभु आमरो डोरा उघड जाय।” 34 यीसु ना तरस खायके उनको डोरा ला छुईस अना वय देखन लगीन, अना ओको मंघा होय गईन।

21 जबा वय येस्सलेम को कठा, जैतून पहाड मा बैतफगे गाँव को जवर आइन, ता यीसु ना दुई चेला गीनला यो कहके धाडीस, 2 पुढा को गाँव मा जावो। उता जसो च जावने तुमीला एक गाढव बँधी हुई, अना ओको संग पाटरू मिलेहेत। उनला सोडके मोरो जवर आनो। 3 अदी तुम लक कोनी काही कहे, तो कव्हना की पिरभु ला एको काम से, तबा उ गदने उनला धाड देहेत। 4 यो एकोलाय भयो की जो गोस्टी भविष्यवक्ता गिनको कन लक कव्हयो गयो होतो। उ पूरो होहेत, 5 “सिध्यों की दूरी लक सांग, चोव! तोरो राजा तोरो जवर आवासे, उ नरम से अना गदही को पाटरू पर बसी से, अना लादू को बच्चा मा।” 6 चेला गीन ना जायके, जसो यीसु ना उनको लक कही होतीस, वसो च करीन। 7 अना गाढव अना पाटरू ला आनके ओको, पर आपरा कपरा डाकिन, अना यीसु ओको पर बस गयो। 8 तबा लगत सा लोकगीन ना आपरो, कपरा रास्ता मा बिछाइन, अना लोकगीन झाड़ लक, डगाली गीन ला काटके रास्ता मा बिछाईन। 9 जोन लोकगीन को भीड़ पुढा-पुढा जावत अना मंघा-मंघा चली आवत होती। अना जोरलक कव्हत होती, “दाऊद को सन्तान की बडाई होय! धन्य से उ जो पिरभु को नाव लक आवासे, वरता बादल मा बडाई होय!” 10 जबा उ येस्सलेम मा भीतर आइन, ता सारो नगर मा खलबली मच गई,

अना लोक गीन कव्हन लग्गीन, “यो कोन आय?” 11 लोकगीन ना कहिन, “यो गलील परदेस को नासरत नगर को भविस्वयवत्ता यीसु आय।” 12 यीसु ना परमेस्वर को मंदिर मा जायके, मंदिर मा लेवन देन करनवालो सबच लोकहुन ला हेड देईस। अना सोन्ना-खुरो वालो को इसटूल अना परेवा बिकन वालो की चौकी ला उलट देईस। 13 अना उनलक कहीस, “गीरंथ मा लिखयो से, मोरो घर पिराथना को घर कहलायेत पर तुम्हिना यो जघाला डाकूगीन को अड्डा बनाय डाकयत।” 14 तबा यीसु जवर अँधरा लमँडा-पांगडा मंदिर मा आइन। अना ओना, सबला च साजरो करीस। 15 मंग जबा मुखिया याजक अना मोसे को नियम को गुरूगिन असो अचँभो काम ला जोन ओना करयो होतो, अना दूरागिन ला मंदिर मा “दाऊद की सन्तान को बडाई होय” आवाज करता चोवके वय “लाल पिवरा भय गईन।” 16 अना ओला कव्हन लग्गीन, “तु आयक यो काजक कव्हासेत?” यीसु ना उन लक कहीस, “हव का तुमी ना गीरंथ मा यो कबच नही वाचिसेव? दूरागीन अना दुध पिवता लेकरा को टोन्डलक तु ना गजब स्तुति कराईसेस।” 17 तबा उ उनला सोडके नगर को बाहरे बैतनियाह गाँव मा गयो, अना रात बिताईस। 18 सक्कार ला जबा उ नगर ला वापिस होय रहयो होतो, ता ओला भुख लग्गी। 19 रास्ता को किनारो मा अँजीर को झाड चोयके उ ओको जवर गयो। तब पान ला छोड ओमा अखीन काही नही पायो अना झाड लक कहीस, “अता लक तोरो मा कबच फर नही लगहेत।” अना अँजीर को झाड तुस्त सूक गयो। (aion g165) 20 यो चोयके चेला तुस्त अँचम्भा भय गईन अना उनना कहिन, “यो अँजीर को झाड तुस्त कसो सूक गयो।” 21 यीसु ना उन ला जवाब देके कहीस, मि तुमी लक खरो कव्हसु, “अदि तुमरो मा बिस्वास से, अना तुमरो मा संका नाहत तो तुम्ही येतरोच नही, जोन मी ना अँजीर को झाड लक करीसेऊ, बल्कि अदि तुम यो पहाड लक कव्हो, उचल अना सागर मा डूब जाय ता वसोच भयी जाहेत। 22 जोन काही तुमी पिराथना मा बिस्वास करके, मांग लेव वय सबच तुमला मिल जाहेत।” 23 यीसु मंदिर मा जायके सिक्सा, देवत ही होतो, ता मुखिया याजक अना सायनो लोक गीनना ओको जवर आयके पुसिन, “तु यो काम कोनतो अधीकार लक करासेस? अना असो अधिकारी तोला कोन बनाइसेस?” 24 यीसु ना उन ला कव्हयो, “मि भी तुमला एक बात पुसा सेऊ, अदी मोला तुमी सांगो ता मि भी तुमला सांगु, का यो काम कोनतो हक लक करासेऊ, अना कोन ना अधिकारी ठयराइसेस? 25 योहन की बप्तिस्मा किता लक होतो? सरग को कन लक या मानूस को कन लक?” तबा वय आपसी मा बहस करन लग्गीन, अदी हमी कव्हबीन सरग को कन लक, ता उ हम लक कहे, मंग तुमी ना ओको बिस्वास काय लाई नही कियत? 26 तबा वय डराय गइन अना असो कव्हन लग्गीन “अदी आमी कव्हबिन का मानूस की कन लक, ता हमला भीड को डर से, काहे की वय सबच योहन ला भविस्वयवत्ता मानासेत।” 27 अता उनना यीसु ला जवाब देईन, “हमी नही जान सेजन।” यीसु भी उन ला कहीस, “ता मि भी तुमला नही सांगु का यो काम कोन, सो अधिकार लक करासेऊ अना कोन अधिकारी ठयराइसेस।” 28 “अता सांगो, तुम्ही लोक येको बारे मा काजक बिचार करा सो? एक मानूस को

देन दूरा होतिन। उ मोठो को जवर गयिस अना कहयो, ‘अज बेटा अंगूर को बाडी मा जाय अना काम कर’ 29 ओना जवाब देईस, मि नही जाहँ, पर मंघा मा पस्तायो अना गयो। 30 मंग बाप ना दुजो ला भी जायके असोच कहीस, ओना जवाब देईस, हव जी! जासु, पर नही गयो। 31 एना दुही मा लक कोन ना बाप की मरजी ला पूरो करीस?” उनना कहिन “पयलो ना!” यीसु ना उन लक कहीस, “मि तुमला खरो कव्हसु की जमा लेवन वारा अना बेसिया गीन भी तुम लक पुडा परमेस्वर को राज मा भीतर धसेत।” 32 काहेकि योहन धरम को रास्ता दिखावन लाई, तुमरो जवर आईसे, अना तुम ना ओको बिस्वास नही करयात, पर बरगन लेवन वारा, अना बेसिया ओको पर बिस्वास करीन। अना तुमी यो चोयके मंग नही पस्तायत! नाच भरोसा करयत। 33 एक अखीन उदाहरन ला आयको, एक घर को मालिक होतो, जेना अंगूर को बारी लगाईस, ओको आस-पास स्थान रूधिस, ओमा अंगूर को रसा को कुन्ड खोदिस अना गुम्मत बनाइस, अना खेती करन वारा गिनला ओको ठेका देयके परायो देस मा चली गयो। 34 जबा फर को बेरा आयो, ता ओना आपरा दास गीन ला ओको, फर लेवन लाई किसान को कठा धाडीस। 35 पर कास्तकार ना ओको दास हिन ला पकडके, कोनी ला, पीटन अना कोनी ला मार डाकीन। अना कोनी ला पथराव करीन। 36 मंग ओना पहलो लक लगत अखीन दास गीन ला धाडीस, अना ओन्हीसिन उन लक भी वसोच करीन, 37 अखट्र मा ओना आपरो दूरा ला उनको जवर यो सोचके धाडिस की वय मोरो दूरा को मान करयेत। 38 पर किसान ना दूरा ला चोयके आपसी मा कहिन, यो ता हकदार से आओ येला मार डाकबोन अना ऐको जायजाद ला ले लेवबोन। 39 अता ओन्हीसिन ओला पकडीन अना अंगूर को बारी लक बाहेर हेडके मार डाकिन। 40 एको लाई जबा अंगूर को बारी को मालिक मजे पिरभु ओहे। ता उन कास्तकार गीनको संग का करेत? 41 ओन्हीसिन उनको लक कहीस, उ उना कंतरी कास्तकार गीन ला बुरो रिती लक नास करेत, अना अंगूर को बारी को ठेका दुजो किसान गीनला दे देहे जोन फर देवन को बेरा मा फर देहेत। 42 यीसु ना उन लक कहीस, का तुमीना कभीच पवितर गीरंथ मा यो नही वाचिसेव? “जेना गोटा ला राज मिस्त्री गीनना ठुकरायो सेत, उ कोन्टो को सिरा को गोटा भय जाहे। याच पिरभु की कन लक भईसे, अना आमरि नजर मा अचँम्भा से।” 43 एकोलाय मि तुमी लक कव्हसु, का परमेस्वर को राज तुम लक ले लियो जाहे अना असो लोक गीनला जो ओको फर आनेह, दियो जाहे। 44 जो यो गोटा पर गिरेह, उ चकनाचुर भय जाहे, अना जेनको पर उ गिरेह, ओला पीस डाकेत। 45 मुखिया याजक अना फरिसी ओको उदाहरन लक आयक के समज गईन की उ उनको बारे मा कव्हासे। 46 अना ओन्हीसिन ओला पकडनो चाहीन, पर लोकगीन लक डराय गईन काहे, की वय ओला परमेस्वर को मोठो भविस्वयवत्ता मानत होतीन।

22 यीसु मंग एना उदाहरन लक लोकहुन ला कव्हन लग्यो। 2 सरग को राज असो से जसो, एक मोठो मानूस मजे राजा ना अपरो दूरा को बिहा करीसेस। 3 वोना अपरा दास ला धाडिस का निवता दियो गयो, लोकगीन ला बिहा को जेवन मा आवन लाय

कह, पर वय आवनो नही चाहिन। 4 मंग वोना अखिन दास गीनला असो, सांग के धाडिस का निवता दियो गयो, लोकगीन ला कन्हने, “का छपन्न भोग अना पलियो हुया जनावर भी तैय्यार से। आव अना बिहा को जेवन करो।” 5 पर वय जेवन मा नही आइन पर कोनी अपरो, खेत चली गयो अना कोनी अपरो, काम-धाम मा चली गयो। 6 काही लोकगीन न दास गीनला मारिन, अना बेज्जती करीन। 7 तबा राजा ला गुस्सा आयो अना अपरी सेना धाडके, उनला नास करीस, अना धडकाय डाकिस। 8 तबा वोना अपरो दास ला कहीस, बिहा को जेवन ता तैय्यार से पर निवता दियो गयो, लोक काबिल नही होतीन। 9 एकोलाय चौवक पर जावो अना जेतारा लोक, तुमला मिलहेत सबला बिहा को जेवन, मा बुलायके आनने। 10 अखीन उन दास गीन न रास्ता मा जायके, का बुरा का साजरो भला जेतारा मिरिन सबला जोडीन, अना बिहा वालो घर पाहुना लक, गसा-गस भर गयो। 11 जबा राजा पाहुना गिनला चोवके भीतर आयो, ता वोना वहान एक मानूस ला चोयो, का जेना बिहा का कपरा नही पेहनो होतो। 12 वोना पुसीस का अगा संगी तुना बिहा, को कपरा कायलाय नही डाकिसेस? उ उगा-मुगा भय गयो। 13 तबा राजा न दास गीनला कहीस, ऐका हात-पाय बांधके इंधारो मा डाक देव, वहान रोवनो अना दात पिसनो होहेत। 14 काहेकी हाकलो गयो लगत सेत पर निवडो हुयो जरासो सेत। 15 तबा फरिसी न जायके आपस मा विचारन लगिन का बोला कसो रिती लक फसावबिन। 16 अखीन उनना अपरो चेला गीन ला हेरोदियोगीन को संग वोको जवर असो कन्हन लाई धाडिस हे गुरू हमी जानासेजन का तु खरो सेस, अना परमेस्वर को रस्ता खराई लक सिकावा सेस, अना कोनी की चिंता नही करासेस, काहेकि तु मानूस को टोन्ड चोयके गोस्टी नही करसेस। 17 एकोलाय हमला सांग तु का सोचसेस? मोसे को नियम लक केसर राजा ला जमा पटावनो साजरो से का नही? 18 यीसु न उनको मनकि कपट जानके कहीस, हे कपटी मोला कायला परखा सेव? 19 रोमन देस को राजा ला जमा पटावन वालो सिक्का ला मोला दिसाव तबा वय वोको जवर एक खुरो को सिक्का आनीन। 20 वोना उन लक पुसीस यो नाव अना छाप कोन को से? 21 उनना बोला कहिन केसर को तबा उन लक कहीस जोन केसर, को से बोला केसर ला अना जोन परमेस्वर को से बोला परमेस्वर ला देव। 22 असो आयक के उन न अचंभा करीन अना बोला सोडके चली गईन। 23 वोना दिवस सदुकी गुरूजी कन्हत होतीन का मरया हुया का जितो होवनो नहात, यीसु को जवर आइन अना ओला पुसिन, 24 हे गुरू, मोसे गुरूजी ना कन्हयो होतिस, का अदी कोनी मानूस बंझला मर जाहेत, ता ओको भाऊ ओकी बायको लक बिहा करके, ना आपरो भाऊ को नाव लक लेकरा पैदा कर सकासे। 25 अब आमरो यहान सात भाऊ होतिन, पयलो बिहा करीस अना मर गईस अना सन्तान नही होवन को काजी आपरी बायको ला आपरो भाउ लाई सोड गयो। 26 असो तरीका लक दुजो अना तीसरो ना भी करीस अना सात गीन तकन असोच भई। 27 सबच को संग वा बायको भी मर गई। 28 अता जितो होवनो पर वा सात गीन मा लक कोन की बायको होहे? काहे की वा सबच की बायको भई गई होती। 29 यीसु ना सांगिस, “तुमी पवित्र गीरिथ अना परमेस्वर की ताकत

ला नही जानासो एकोलाय भुल मा पडीसेव। 30 काहे की मरयो हुयो मा लक जितो होवनो पर वय न ता बिहा करयेत अना न ता बिहा मा दियो जाहेत, पर सरग मा सरगदूत जसो रहेत। 31 पर मरयो हुया लक जितो होवनो, को बारे का तुमी ना यो नही बाचिसेव जोन परमेस्वर ना तुमला कहिसेस, 32 मि अबराहम, इसहाक अना याकूब को परमेस्वर सेव। उ मरयो हुया को नही पर जितो को परमेस्वर से।” 33 भीड ना यो आयकिन ता ओको सिक्सा लक चकित भईन। 34 जबा फरिसी गुरू ना आयकिन का यीसु ना सदुकि गीन ला उगा-मुगा कर देईसेस, ता वय एकजुट भई गईन। 35 उनमा लक एक मोसे को नियम को गुरू गिनना ओला परखन लाई ओला सवाल पुसिन, 36 हे गुरू सांग की पवीतर गिरंथ मा सब लक मोठी हुकूम कोनतो से? 37 ओना सांगिस, तुमी आपरो पिरभु परमेस्वर लक आपरो सप्पा मन अना आपरो सप्पा आतमा अना आपरी सप्पा बुद्धि को संग माया राखजोस। 38 सब लक मोठी हुकूम ता याच से। 39 अना वोको जसी या दुसरी भी से की तुमी आपरो सेजारी लक आपरो जसो माया राखने। 40 या दुही हुकूम सेत जोन सप्पा पवीतर गिरंथ अना मोसे को नियम अखीन सफा भविष्यवक्ता गीन को मूल सेत। 41 जबा फरिसी गुरू जमा गईन, ता यीसु ना उनलक पुसिस, 42 मसीह को बारे मा तुमी का जानासेव? उ कोन को दूरा आय? उनना कहिन का दाऊद को। 43 ओना उन लक पुसिस ता दाऊद परमेस्वर को आतमा मा होयके ओला पिरभु काई लाई कव्हासे? 44 पिरभु ना मोरो पिरभु लक कहीस, मोरो उज्जो कन बस जबा तकन की मि तोरो, बैरी गीन ला तोरो पाय को खाल्या नही कर देहू। 45 भलो जबा दाऊद ओला पिरभु कव्हासे ता उ ओको दूरा कसो होहेत? 46 एको लाई जवाब मा कोनी भी एक बात नही कहे सकीन। ओनो दिवस लक कोनी ला मंग ओको लक काही पुसन की हिम्मत नही भई।

23 तबा यीसु ना भीड अना चेला ला कहीस, 2 मोसे को नियम को गुरू अना फरिसी गुरू मोसे भविष्यवक्ता की पिढो पर बसो सेत। 3 एको लाई वय तुमला जोन काही करन अना मानन ला कहेत वाच करना अना मानने पर उनको जसो काम नोको करना। काहेका वय काही कव्हासेत अना काही करासेत। 4 वय असो बोझा ला जेनला उचलनो कठिन सेत बाँधके उन मानूस को खांद पर राखासेत, पर खुदच आपरी करंगी लक भी खिसकानो नही चाव्हत। 5 वय आपरा सब काम दिसान लाई करासेत वय आपरी ताबीज ला चौडो करासेत अना कपरा की किनारो, ला बढावासेत। 6 जेवन को बेरा मा मुख्य-मुख्य जगह अना पिराथना घर मा बैठकी लाई मुख्य-मुख्य आसन को चहेतो सेत। 7 अना बाजार मा नमस्कार करनो साजरो लगासे। अना मानूस को बीच मा गुरू कहलानो साजरो लगासे। 8 पर तुमी ना ता गुरू कहलावना काहेकि तुमरो एकच गुरू से अना तुम सब गुरू भाऊ आव। 9 धरती पर कोनी ला आपरो बाबूजी नोको कव्हने, काहेकि तुमरो एकच बाप से जोन सरग मा से। 10 अना मालिक भी नोको कहलाने काहे की तुमरो एकच मालिक से, अना की मसीह। 11 जो तुमरो मा मोठो होहेत, उ तुमरो दास बनेह। 12 जोन कोनी आपरो आप ला मोठो बनाहेत, उ नहानो कियो

जाहेत अना जोन कोनी आपरो आप ला नहानो बनावे, उ मोठो कियो जाहे। 13 हे कपटी मोसे को नियम को गुरू अना फरिसी गुरू, गीन तुम पर हाय। तुम मानूस को लाई सरग को राज को किवाड बंद करोसो, न ता खुदच ओमा धस सक सो, अना न ता ओमा धसन वारा हिन ला धसन देसो। 14 हे कपटी गियानी अना फरिसी गुरूगीन, तुम पर हाय! तुमी बेवा को घर ला खाय डाखासेव, अना चोवन लाई मोठी बेरा तकन पिराथना करोसो, एको लाई तुमला लगत सजा मिलहेत। 15 हे कपटी मोसे को नियम को गुरू अना फरिसी गुरू, तुम पर हाय। तुमी एक मानूस ला आपरो पक्स मा आनन को लाई मजे यहूदी बनान काजी सारो, पानी परवान एक करासो अना जबा उ मत मा आय जासे ता ओको गत बिल्ला देवसो अना वोला दुगानो नरक मा जावन काजी बनाय देवासो। (Geenna g1067) 16 हे अँधरा गुरू तुमी पर हाय, तुमी सिकावा सेव, “अदी कोनी मंदिर को किरिया खावा से, तो कोनी गोस्टि नहात, मंग सोन्नो की किरया खाय ता ओको, लक बँध जावासेत।” 17 अगो अन्धरा बेडिमाक कोन को जादा मायना सेत, सोन्नो का उ मंदिर, जोन मा सोन्नो पवित्र होवासेत? 18 मंग कव्हसो, की अदी कोनी होमन कुन्ड की किरिया खासे ता कोनी गोस्टी नाहत। पर अदी वा होमन कुन्ड को चघावा को किरिया खासे तो वा बन्ध जासे। 19 हे अँधरा, कोन मोठो से भेट या होमन कुन्ड जेना लक चघावा पवीतर होवासे? 20 एकोलाय जेना होमन कुन्ड की कसम खासे, वा वोकी अना वोको पर टेई हुई सबच जीनुस की कसम खासे। 21 जोन मंदिर की कसम खासे वा वोकी अना वोमा रहन वालो परमेस्वर की भी कसम खासे। 22 अखीन जोन सरग की कसम खासे, उ परमेस्वर को सिघासन अना वोको, पर बसनवालो की कसम खासे। 23 कपटी मोसे को नियम को गुरू अना फरिसी गीन धिक्कार से तुमला तुमी पुदिना, सौप अना जीरा को दसमांस ता देवासेव, पर धरम बेवस्था की सही गोस्टी न्याय, अना दया अखीन बिस्वास ला छोड सो। भलो होतो स्वता तुमी असो सिक्सा को पालन करतत अना सबला असोच सिक्सा देवतत। 24 अरे अँधरा लंगडा तुमी मुगंसा ला ता छनाय डाकसेत, पर ऊट घीटक जासेत। 25 अरे कपटी मोसे को नियम को गुरू अना फरिसी गीन, तुमरो पर धिक्कार से तुमी बटकि अना भानी ला ओरिया-ओरिया, साजरो लक माजासेव, पर तुमरो भीतर हिन्सा अना सुवारत सेत। 26 अरे अँधरा फरिसी, पुढा बटकी अना भानी को भीतर लक साजरो मलके, बाहैर लक भी सुध्द भय जावो। 27 अरे कपटी मोसे को नियम को गुरू अना फरिसी गीन तुमरो, पर धिक्कार से! तुमी चुनो पोतयो कबर को जसो सेव, जेनको ओरिया, से ता सुन्दर चोवसे पर भीतर मुरदा की हडडी, अना सबच पिरकार की खोटो करम अना गंधगी भरिसे। 28 येनच रिति लक तुमी भी ओरिया लक, मानूस ला न्यायी चोवसे, पर भीतर लक कपट अना बुरो करम अधरम लक भरया हुयो सेत। 29 अरे कपटी मोसे को नियम को गुरू अना फरिसी गीन तुमरो, पर धिक्कार से तुमी भविष्यवक्ता गीनको मरघटी बनातत, अना न्यायी गीनको कबर ला सुधारसो। 30 अना कव्हसो आमी आपरो बाप-दादा गिनको, बेरा मा होतिन, ता भविष्यवक्ता गीनको, खून मा भागी नही होतिन। 31 एको लक तो तुमी खुद च गवाहि देवसो का आमी भविष्यवक्ता

गिनको हत्यारा की सन्तान सेजन। 32 अता तुमी आपरो बाप-दादा गिनको, कसर पूरो कर लेव। 33 ओ सरप अना नाग को सन्तान, तुमी नरक को दन्द लक कसो, बच सकासो? (Geenna g1067) 34 एकोलाय चोवो मि तुमरो कठा, भविष्यवक्ता गीन अक्कलवर अना मोसे को नियम को गुरू गीनला धाडासु। अना तुम उनमा लक काही ला मार डाखेत, अना काही ला कूरस मा चघायेत, अना काही ला आपरो पिराथना घर लक, हेडने अना कोडा मारके, नगर-नगर मा उनला कुदाने। 35 जोन मा न्यायी हाबिल लक, बिरिक्याह, को दूरा जकरयाह लक, जोन ला तुमी ना मंदिर अना होमन कुन्ड को जघा, को बीचम बीच मा खून बोहायो होतो। जितरो धरमीगिन को रकत धरती मा बोयो गयो से। उ सब तुमरो डोस्का पर पडहेत। 36 मी तुमी लक खरो कव्हसु, यो बात वोना बेरा को लोकगीन पर अहेत। 37 ओ येस्सलेम नगर, ओ एस्सलेम नगर, त भविष्यवक्ता गीनला मार डाखासे। अना जोन तोरो कठा धाडो गयो, उन पर तू गोटा मारसे, कितरो बार मी चहायो का जसो कुक्कडी आपरो, बच्चागिन ला आपरो पंखा को खालया जमा करा से। वसोच मी तोरो, लेकरा गिनला जमा कर लेऊ पर तुना नही चाह्यो। 38 चोवो तुमरो घर तुमरो लाय बिरान छोडयो जावसे। 39 कायका मी तुमला कव्हसु, क जबा तकन तुमी लोक नही कव्हने, धन्य से जो पिरभु को नाव लक आवासे। तबा तकन तुमी मोला कभी नही चोवने।

24 जबा यीसु मंदिर लक हिटके दुहर जाय रहयो होतो। तबा वोको चेला गीन वोको जवर आइन, अना मंदिर कना ईसारा करके ध्यान देवन कव्हन लग्गीन। 2 तबा यीसु ना उन लक कव्हयो हव तुमी यो सब चोव रही सेव मी तुमरो लक खरो सांगसु इनमा एक भी गोटा नही सोडयो जाहेत सब खाल्या फेकयो जाहेत। 3 जबा उ जैतून को पहाड मा बसो होतो, तबा चेला हुन ना वोला नीजी तौर मा कहीन, सांगो यो गोस्टी कबा होयेत? मनजे अखीन संसार को अखट को काजक हिदान होयेत? तोरो आवन को अना दुनियाँ को आखीर को काजक हिदान होहेत? (aiōn g165) 4 यीसु ना जवाब दियो, सतरक रव्हने तुमीला कोनी नोको बहकाय। 5 लगत सो लोक गीन आयके, ना तुम्ही ला सांगेत का मी मसीह सेउ। अना गजब, लोक गीन बहक जाहेत। 6 तुमी लडाई-वडाई की गोस्टी आयको, तबा नोको डरावना काहेका असो होवनो जरूरी से, पर यो आखीर नाहत। 7 लोक को विरोध मा लोक, अना राज को विरोध मा राज, उभो होहेत। जघा-जघा मा गीरानी पडहेत, अना भूईडोल होहेत। 8 असो मान लेव का लेकरा होवन को दरद जसो दरद को सुस्वात से। 9 वोना बेरा लोक तुमला धराके मार डाखेत, अना तगाहेत, अना मोरो नाव को कारन सब जाती को लोकगीन तुमरो बैरी भई जाहेती। 10 वोना बेरा मा गजब बिस्वासी गीन को भरोसा थन्डो पड जाहेत, अना वय एक दुसरो ला धरायेत, अना एक दुसरो लक घीरना करयेत। 11 गजब सो खोटो भविष्यवक्ता पैदा हो जाहेत, अना गजब लोकगीन ला बहका देहेत। 12 अधरम अना बुरो करम बढनो लक सब लोकगीन को माया थन्डो भई जाहेती। 13 पर जोन अखीर धीरज राखेत, सब सह लेहेत, वोच बचायो जाहेत। 14 यो परमेस्वर को राज को साजरो बारता सारो संसार मा लोकगीन जवर

मुनादी करयो जाहेत। तबा सारो, संसार मा गवाही भय जाहेत तबा आखीर आ जाहेत। 15 यो काजी जब तुमी उ उजाडन वालो, बेकार चीज ला चोवो, जेनको चरचा भविष्यवक्ता दानीयल को किताब मा से, पवीतर जघा मा उभो चोवयो। (जो वाचेत वोला समजमा आय जाहेत) 16 तब जेन यहूदिया नगर मा से उ सब पहाड़ी मा पराय जाय। 17 अना जोन घर को छत मा से उ जुनूस लेवन ना उतरे। 18 अना जोन खेत मा से, उ आपरो कपरा धरन काजी मघा नेको लवटे। 19 वोना दिवस मा जोन पोट लक से, अना जोन अना वय माय जिनको नहानसो लेकरा सेत, वा बायकोगिन को गजब आफत सेत। 20 तुमी पिराथना करो का जाडो को मौसम मा पवीतर दिवस मा नेको धावनो पड़ेत। 21 काहेका वोना बेरा मा असो आफद आहेत, जोन सारो जग बनान को बेरा लक, अबा तकन नही आइसेस, अर ना कभी आहेत। 22 अदी वय दिवस कम नही करयो, जातो ता कोनी को भी तन साजरो नही बचतो पर निवाडो गयो, मानूस को कारन वय दिवस घटायो, गयो से। 23 वोना बेरा कोनी सांगेत, का यीसु मसीह वहान सेत, का यहान सेत, तो तुमी बिस्वास नेको करजोस। 24 काहेका खोटो मसीहा अना खोटो भविष्यवक्ता उभो होयेती, अना मोठयो-मोठयो चमतकार करतब दिसाहेत। उनको मकसद निवाडो गयो मानूस गीन ला बहकानो से। 25 समजो मी ना तुमी ला पहले लक सांग दियो सेव। 26 एको लाय यदि कोनी सांगेत, का चोवो यीसु जंगल मा सेत। किवाड लगायके राखने बाहेर नेको हिटने, अना वा घर मा से, तो बिस्वास नेको करने। 27 काहेका जसो बीजरी दिन उगती लक हिट के दिवस बुडती तकन चमका से वसोच मानूस को दूरा आहेत। 28 जहा लास सेत वहाँच गीधाड जमा होयेती। 29 वोना दिवस मा अचरज दुख को मघा दिन इन्धार भई जाहेत। अना चन्दा को उजार खतम भई जाहेत। अना बादल मा जोन नक्सतर सेत, उ सब हिलायो जाहेत। तबा तारा चान्दनी बादल लक पड जाहेत। 30 तबा मानूस को दूरा को हिदान बादल मा चोहेत, अना सब धरती को लोकगीन आपरो, सीना ला पिटेहेत। अना मोठयो, ताकत अना महिमा को संग बादल मा मानूस को दूरा ला आवता दिसेत। 31 अना उ तुरी का मोठयो आवाज को संग, आपरो, सरगदूत गीन ला धाडेत अना सप्पा दुनिया पासुन आपरो निवाडो लोकगीन ला जमा करयेत। 32 अँजूर को झाड को उदाहरन लक सीको, जबा वोको डगाली नरम होवासे अना पान हिटासे, तबा तुमला मालूम भई जासे, का उनहारो को मौसम आय गयोसे। 33 असोच जबा तुम्हीला असो गोस्टी होवतो दिसेत। तो समज जावने का यो बेरा कठा नाहत, बल्की बेसकुड मा सेत। 34 तुमरो लक खरो-खरो सागंसु, जब लक यो गोस्टी पुरो नही होयेत। तबा तकन यो जुग को आखीर नही होहेत। 35 बादल अना धरती टल जाहेत, पर मोरो कव्हयो कदीच नही बदलेत। 36 वोना दिवस अना वोना बेरा को बारेमा कोनीला मालूम नाहत, ना सरग दूत गिनला, ना मानूस को दूरा ला यो गोस्टी बस परमेस्वर बाबुजी ला मालूम सेत। 37 जसो न्ह को परलय को बेरा मा होतो, वसोच मानूस को दूरा को भी आवनो होहेत। 38 काहेका परलय को बेरा को पयले, जोन दिवस तकन न्ह जहाज मा नही चययो होतो। वोना दिवस तकन लोकगीन जेवत-पिवत अना बिहा करत होतीन। 39

अना पानी-पूरा आयो, अना सबला बाहाय के ले गयोअना मानूस गीनला काही पता नही चलो, वसोच मानूस को दूरा को भी आवनो होहेत। 40 वोना बेरा मा दुई जन खेत मा सेत, एक सोड दियो जाहेत, अना दूसरो उचल लियो जाहेत। 41 दुई बायका चकिया मा कनीक पीसत होतीन, वा मा लक एक उचल लियो जाहेती, अना दूसरी ला सोड दियो जाहेती। 42 यो काजी तुमी जगत रव्हो अना पिराथना करत जावो, काहेका तुमीला यो मालूम नाहत का, खेत का मालिक मजे पिरभु कबा आवनवारो सेत। 43 पर तुमी यो जान लेव का घर को मालिक ला मालूम होवतो का चोर कबा धसन वारा सेत। मंग उ जागत रव्हतो अना घर मा चोरी होवतो। 44 यो कारन लक तुमी तैय्यार रव्हो जोन बेरा मा तुम्ही नही सोचा सेव वोच बेरा मानूस को दूरा आजाहेत। 45 असो बिस्वास काबील अना अक्कलवारा दास कोन सेत? जोनला वोका मालीक ना नौकर गीन को वरता, मुकतियारी मा राखेत का सबला सहि बेरा मा वोला जेवन देहेत। 46 “धन्य से उ दास जेनको मालीक जबा आवासेत, तो वोला उ मालीक वसोच, करता पाहेत।” 47 मी तुमरो लक खरो कव्हसु, का उ आपरो सब धन माया को पर वोला मूमिन राखेत। 48 “दूसरो पक्स मा एक बुरो दास से, जोन आपरो मन ना कव्हा सेत। मोरो मालिक लगत दिवस भयो लवटो नाहत। अबा उसीर से। 49 अना आपरो संगी नौकर गिनला मारन लगे। अना बेवडा को संग जेवन अना पीवन लगे। 50 तबा वोना दास को मालीक असो दिवस आहेत, जोन दिवस अना पलको बारेमा कोनी नही सोचयो होतो। 51 तबा उ वोला कडो सजा देहेत। अना पाखन्डी गिनला वोको संग डाख देहेत, जहान रडनो अना दात किचकीचानो होहेत।

25 “वोना दिवस सरग को राज वय दहा कुँवारी दूरी को जसो होयेत। जोन अपरी टेमा धरके नवरदेव ला मिरन हिटीन।” 2 उनमा पाँच मुख अना, पाँच हुसियार होतिन। 3 मुख न अपरी टेमा धरीन। तरी अपरो संग तेल नही आनीन। 4 पर अक्कलवर गीन न अपरी, टेमा को संग कुप्पी मा भरके तेल आनीन। 5 जबा नवरदेव को आवनो मा उसीर भई। ता वय सब उघनं लगनि, अना झोप गइन। 6 अरधी रात ला धूम मची चोवो नवरदेव आवासे। वोको लक मिरन लाय चलो। 7 तबा वय सब कुँवारी दूरी गीन जगके अपरी टेमा साजरी करन लगनि। 8 अना मुखगीन न अक्कलवर लक कहीन, “अपरो कुप्पी को तेल देव। काहेकि हमारो टेमा बुझसे।” 9 पर अक्कलवर गीन न कहिन, आमरो लाय अना तुमरो लाय तेल पुन्ज जाय इतरो तेल नाहती। भलो त योच से की तुमी बिकन वालो को कठा जायके, अपरो लाई आनो। 10 जबा वय लेवन साठी जावत होतीन, त नवरदेव आय गयो। अना जोन तैय्यार होतीन वय वोको संग बिहा के घर मा चली गईन, अना किवाड बंद कियो गयो। 11 एको मंघा वय दूसरी कुँवारी दूरी गीन, आयके कव्हन लगनि, “हे पिरभु-हे स्वामी हमरो लाई किवाड उघाड दे।” 12 वोना कहीस मी तुमला खरो कव्हसु, “मी तुमला नही चिन्ह तुमी कोन सेव?” 13 एको लाई जगता रव्हो, तुमी वो दिसस अना उ बेरा को बारेमा मालूम नाहत। 14 “सरग को राज वोना मानूस जसो होयेत।” जोन परदेस जातो बेर आपरा, दास गिनला हाकलके, आपरी संपति उनको

सुपस्त कर देईस। 15 वोना एक ला खुरो को सिक्का लक भरयो लक कहूँ, ओ मोरो बाबूजी को धन्य साबास लोक आव वो राज को पाँच पिवसी, दूसरो ला दोन अना तिसरो ला एक पिवसी उनको योगता को अनुसार दियो। अना मालिक यातरा मा हीट गयो। 16 तबा जेना ला पाँच सिक्का लक भरयो पिवसी मिलयो होतो। उ लवकर जायके लेवन-देन करीस। अना आपरो अवकात को लक अखीन पाँच सिक्का को पिवसी कमा लेइस। 17 असोच जोन ला दुई मिलयो होतो, ओना अखीन दुई कमायो। 18 पर जोन ला एक मिलयो होतो। उ जायके माटी खोदिस, अना आपरो मालिक को स्या को पिवसी ला जमीन मा लूका देइस। 19 लगत बेरा बीतन को मंघा उनको आयो। अना दास गीनला लेखा जोखा मांगिस। 20 जोन ला पाँच पिवसी सिक्का मिलयो होतो। ओना अखीन पाँच पिवसी सिक्का आनके कहीस, ओ मालीक तुना मोला पाँच पिवसी सिक्का दियो होतो। मि ना अखीन पाँच पिवसी सिक्का कमाई सेउ। 21 ओको मालिक ना ओला कहीस, सबास साजरो बिस्वासी दास तु जरा सो मा लायक हिटसेस। मि तोला लगत चीज गीन को वरता, अधिकारी बनाहूँ। आपरो पिरभु को सँग खुसी मनाओ। 22 अखीन जेनको कठा दुई पिवसी सिक्का होतीन, ओना भी आयके असोच सौंगिस, हे मालिक तुना मोला दुई पिवसी सिक्का दियो होतो, चोव मिना अखीन दुई कमायो। 23 ओको मालिक ओला कव्हयो साबास साजरो, अना बिस्वासी दास तु जरा सो मा लायक हिटयो से, यो काजी तोला लगत चीज को अधिकार देहूँ, तु भी आव अना आपरो मालिक को सँग खुसी मनाओ। 24 जोन ला एक पिवसी सिक्का मिलयो होतो। ओना आयके कव्हयो, हे मालिक मोला मालूम सेत, का तु कठोर मानूस सेस, तु जहान नही बोवसेस वहान कापा सेस। अना जहान नही छिडका सेस, वहान लक बटोरा सेस, तोला जवाब देवन को मोरो अवकात नही होत्यो। 25 यो काजी मि डराय गयो होतो, अना जायके तोरो मोहर ला जमीन मा छिपाय दियो। चोव जो तोरो से उ यो से। 26 ओको मालिक ना ओला जवाब देइस, वो नीच अना कोढया दास तु जानसेस, का मि जहान नही बोयि सेव, वहान लक कापा सेउ। अना जहान मि नही बोयो सेऊ, वहान लक कापासेऊ। 27 तो तोला सोचनो होतो, का मोरो स्या महाजन गीन ला दे देतो। तबा मी आयके आपरो धन ला ब्याज समेत ले लेतो। 28 एको अवकात नाहती यो काजी वा सिक्का को पिवसी ओको लक ले लेव। अना जेनको जवर दहा पीवसी सिक्का से ओला देदेव। 29 काहेका हरेक उ मानूस ला, जेना जो काही वोको कठा होतो वोला सही रीत लक बैजिसेत ओला अखीन दियो जाहेत। अना जितरो ओको जस्त सेत, वोको लक जादा मिन्हेत। पर उनलक जेनको कठा होतो। पर उ साजरो रीत लक नही बवजअ सेत, ओको कठा लक, बचो-कुचो सब ले लियो जाहेत। 30 एकोलाय वो बेकार दास ला बाहेर इन्धार मा ढकेल देव, “जहाँन लोक रडेयेत अखीन दात किच किचानो होहेत।” 31 जबा मानूस को दूरा आपरो गौरव को सँग, सरगदूत को सँग आहेत, अना गौरव को सिधासन मा बसेत। 32 ता सबच जातिहुन ओको पुढा संगरो जाहेत अना उ एक ला दूसरो लक वसोच बेगरो करेत, जसो एक गडरिया अपरी मेंढा ला सेरी लक बेगरो करासे 33 अना मेढा गीन ला उज्जो कन अना सेरी गीन, ला डाकयो कन उभो कहूँ। 34 तबा मि आपरो उज्जो कन वालो

लक कहूँ, ओ मोरो बाबूजी को धन्य साबास लोक आव वो राज को अधिकरि भय जावो, जोन सारो जग बनन को पहिले तुमरो लाइ, राजा ना तैय्यार कियो होतो। 35 काहे का मि भुखो होतो अना तुमी ना, मोला जेवन दियो अना जबा मि तहान होतो, ता तुमी ना मोला पानी पिलायो अना मि परदेसी होत्यो, अना तुमी ना मोला आपरो घर मा स्कवायो। 36 मि नंगा होतो, अना तुमी ना मोला झंगा दियो, अना मि बीमार होतो अना तुमी ना मोरो सुधि लियो अना, मि जेल मा होतो अना तुम मोरो लक भेटन आयो। 37 तबा नेक मानूसगीन ओला जवाब देहेत, हे पिरभु आमी ना कबा तोला, भूखा चोयो अना जेवन दियो अना कबा, तु तहान होतो अना हमी ना पानी पिलायो। 38 आमी ना कब तोला परदेसी चोयो, अना आपरो घर मा स्कवायो अना कब तु नंगरा होतो, अना हमीना झंगा दियो। 39 आमी ना कब तोला बीमार चोयो अना जेल मा चोयो, अखीन तोरो लक भेटन आयो। 40 तबा राजा उनला जवाब देहेत, मि तुम लक खरो कहसेउ, का तुमी ना मोरो यो नहान-नहान भाऊ गीन मा लक कोनी, एक को सँग करीसेव उ मोरो सँग, करीसेव। 41 तबा उ आपरो डाकयो कन, वालो लक सागेत ओ सापित लोकगीन मोरो पुढा लक, कभी नही बुझन वालो अमर स्तो मा जावो, जोन इबलीस अखीन ओको सरगदूत गीन लाइ तैय्यार से, (aiōnios g166) 42 काहे का मि भुखो होत्यो अना तुमी ना मोला जेवन नही देयेत, मि तहान होतो अना तुमी ना मोला पानी नही देइसेव। 43 मि परदेसी होतो अना तुमी ना मोला, आपरो घर मा जघा नही दियो, मि नंगरो होतो अना तुमी ना झंगा नही पहिनायत। मि बीमार होतो अना जेल मा होतो, अना तुमी ना मोरो सुधी नही लियत। 44 तबा वय जवाब देहेत, हे पिरभु हमी तोला कब भुखो अना, तहान, परदेसी अना नंगरो, बीमार जेल मा चोयो, अना हमी ना तोरो सेवा नही करयो। 45 तबा उ उनला जवाब देहेत, मी तुमिला खरो कव्हसू जोन ऐना लहान लेकरा को सँग मा काही नही करयत वसोच मोरो सँग नही करयत। 46 अना वय अमर सजा भोगेत पर नेक मानूस, अमर जिंदगी मा धसेत। (aiōnios g166)

26 जबा यीसु यो सबच गोस्टी को सिक्सा देवनो पुरो भयो, तबा आपरो चेला गीन, ला कव्हन लगियो। 2 “तुमी लोकहुन जानसो, का दुई दिवस को मंघा फसह को तिहार से। अना मानूस को दूरा बैरीहुन को हात मा कूरूस मा चघावन लाय धरायो जावन वारो से।” 3 तबा मुखिया याजक अना सयानो लोकगीन काइफा नाव को मोठो मुखिया याजक, को आँगन मा जमा भईन। 4 अना ओन्हीसीन कोनो तरकीब लक यीसु ला धरन अना मार डाकन को मन बनाईन। 5 मंग वय कव्हत होतीन, “आमला यो तिहार को दिवस नही करनो पाहिजे नही ता लोकहुन मा दंगा फसाद भयी सकासे।” 6 यीसु बैतनियाह गांव मा सिमोन को घर मा जोन कोड को, बीमारी लक होतो वोको घर स्कयो। 7 तबा एक बायको यीसु को जवर आयी जबा यीसु जेवन लाई बसयो होतो, ओना एक कीमती इतर संगसंगमरमर को बरतन मा भरके आनिस अना ओना यीसु को डोस्की पर उबडाय देइस। 8 चेलाहुन ना असो चोयके गुस्सा होय गयीन, अना पुसन लग्गीन, एतरो कीमती इतर नास कायलाई करीसेव? 9 यो इतर ला आमी बिकता ता एक मोठो दाम मिलतो अना ओनो धन लक आमी

गरीबहुन ला दे देता। 10 यीसु जान गयो का वय काजक कव्ह रही पर मी आखीर तकन बिस्वास करीन।” 34 यीसु ना वोको लक सेत। एकोलाई उनलक कव्हयो, “तुमी ऐना बायका ला काहे तंगा कहीस, मी तोला खरो कव्हस् “आज राती कुकडा को बाग देवन, रही सेव? ओना ता मोरो लाई भलाई करीसे।” 11 काहेका गरीब-को पयले तु तीन बार मुकर के कहजोस, मि यीसु ला नही जानास् उ गोर गीन, हमेसा तुमरो सँग रहेत, पर मि तुमरो सँग हमेसा नही रहन कोन से?” 35 तबा पतरस ना कहीस, “तोरो सँग मरने भी पडेत ता वालो सेऊ। 12 मोरो गाडो जावनो को तैय्यारी को लाय ओना मोरो मर जाहूँ,” सबच चेला गीन ना भी असोच कहिन। 36 मंग यीसु तन मा, यो सुगंध वारो इतर उडेलीसेस। 13 मी खरो साँगसू का उनको संग वोना जघा मा गयो जोन गतसमनी कहलावा सेत। अना जबच कभी सारो जग मा जबा परमेस्वर को साजरो बारता मुनादी आपरो चेला गीनला कव्हन लगयो, “इतानि बस जावो, जबा तकन कियो जाहेत, तबा वहान यो गोस्टी को, चरचा जस्त्र कियो जाहेत। मि उता जायके ना पिराथना करास्।” 37 मंग यीसु पतरस अना 14 तबा यूदस इस्करियोति जोन बारा चेला मा एक चेला होतो। उ जबदी को दुई दूरा गीनला आपरो सँग ले गयो, अना दुखी लक मुखिया याजक, को कठा गयो, अना ओको लक कहयो। 15 अदी उ उदास भय गयो। 38 मंग वोना अपरो संगी गिनला कव्हयो, “मोरो मि यीसु ला तुमला धराय देहूँ, ता तुमी लोक मोला काजक देव्हो? मन लगत उदास सेत, असो लगा सेत जसो मोरो जान हीटन वालो तबा उनना यहदा ला खरो को तीस सिक्का, देन को मनसा करीन सेत। तुम्ही मोरो संग इतानी च रूको, अना चौकस रहवो।” 39 मंग 16 वोच बेरा यहदा यीसु ला धरावन को मौका ताकन लगयो। 17 उ जरासो, पयले जायके, टोन्ड को बल पडयो अना असो पिराथना बेखमीर भाकर को तिहार को पयलो दिवस मा चेला गीन यीसु को करन लगयो। “ओ मोरो परमेस्वर बाबू, अदी भय सकासे ता या जवर आयके, पुसन लग्गिन, “तोरो का मरजी सेत, का आमी तोरो दुखको बटकी मोरो पुढा लक टल जाय, पर जसो मि चाह्वसू, वसो खावन को लाई बेखमीर जेवन को तैय्यारी किता जायके करबिन?” नही, पर तु जसो चाह्वसेस वसोच तोरो मरजी ला पूरी कर।” 40 18 ओना कहीस नगर मा फलानो मानूस को, कठा जायके ओको तबा उ आपरो चेला गीनको कठा गयो, अना वय झोपत होतीन तब लक साँगजोस, गुरूजी कव्हसे मोरो जावन को बेरा, जवर आय गई यीसु पतरस लक कहीस, “का तुमी यो लायक भी नही सेव का मोरो से। मि आपरो चेला गीन को सँग, मा तोरो घर मा बलिदान को तिहार सँग एक घडी जाग सकासेव? 41 जागत रहवो! अना पिराथना करो, मनाहूँ। 19 तबा चेला गीन ना यीसु को, हुकूम मानिन अना बलिदान का तुमी परिकसा मा नोको पडो। आतमा ता तैय्यार से, पर तन को तिहार लाय तैय्यारी करीन। 20 जबा जेवन रात भयो तबा वय, कमजोर से।” 42 मंग उ दूसरो बेरा जायके ना असो, पिराथना करन बारा चेला गीन को सँग, जेवन करन लाई बस्यो। 21 जबा वय जेवन लगयो। “हे परमेस्वर मोरो बाबूजी अदी यो बटकी, मोरो बिना पिये करत होतीन, तबच, यीसु चेला गीन ला कव्हन लगियो, “मी तुमरो नही हट सकसे ता तोरो मरजी पूरी कर।” 43 तबा ओना मंग उन लक खरो कव्हस् का तुमरो लक एक मोला धराय देहे।” 22 एको ला, झोपत पाइस, काहे का उनको डोरा मा जप होती। 44 उनला पर वय गजब उदास भय गईन। अना हर एक ओको लक पुछन उता छोडके, मंग चली गयो। अना वसोच तीसरो, बार पिराथना लग्गिन, ओ पिरसु का उ मि सेव? 23 वोना जवाब देईस जोन मोरो करीस। 45 तबा ओना चेला गीन को कठा आयके उनलक कहीस, सँग ठाव मा हात, डाकीसेस वोच से। 24 मानूस को दूरा को बारे मा अना झोपो अना अराम करो, चोवो वा बेरा आय गई से, अना मानूस को दूरा पापी गीनको हात धरायो जाहेती। 46 उभो होय! चोवो मोरो असो लिखयो से, उ ता जावसे पर ओना मानूस पर, हाय जेना लक धरान वालो कठा आय गईन। 47 यीसु असो साँगत च होतो। तबा मानूस को दूरा धरायो जाहे। अदी उ जलम नही लेतो, ता साजरो च, यूदस जोन बारा चेला गीनमा एक होतो आयो, अना ओको सँग होतो। 25 तबा वोको धरान वालो यूदस कव्हयो, हे गुरू का उ मिच मुखिया याजकगीन, अना सियानो गीन, गजब भीड को सँग हात मा आऊ? यीसु ना कहीस, “तु ता अपरो टोंड लक साँग दियोस।” लाठी, तलवार धरके ना आइन। 48 वोको धरान वालो यूदस ना 26 जब वय जेवन करत होतीन, तबा यीसु ना भाकर लेईस। अना ईसारा करीस, जोन ला भी चुमु वाच यीसु से, ओला तुमी धर लेवने। धन्य वाद माँग के ना तोडके, चेला गीन ला देवन लगयो। अना 49 मंग यूदस यीसु को कठा आयके, कहीस गुरू जी नमस्कार! अना कहीस, “या मोरो तन से।” 27 मंग बटका ला लेइस, अना परमेस्वर ओला खुब चुमीस। 50 यीसु ना ओको लक कहीस, ओ सँगी जोन ला धनवाद देइस। अना चेला गिनला कहीस, “तुमी सब येला पी काम को लाई तु आईसेस, ओला कर। तबा लोकगीन यीसु को कठा लेव।” 28 “यो मोरो रक्त से, जोन परमेस्वर को करार ला स्थापित आयके वोला धर लेइन। 51 यीसु को सँगी मा लक एक, तरवार करासेत। अना मोरो रक्त लगत लोकगिन को पापहुन को छिमा को खीच लेइस, अना मोठो मुखिया याजक को दास को, कान काट लाय बोहायो गयो सेत।” 29 मि तुमी लक कव्हस् का मी वोना देइस। 52 तबा यीसु ना कव्हयो, “आपरो तरवार आपरो मियान मा दिवस तकन अंगूर रस नही पीविन जबा तकन अपरो परमेस्वर राख ले, काहेकि जोन तरवार चलावासेत, वय तरवार लक मा रो बाबूजी को राज मा तुम्हारो संग नवतो अंगूर रस नही पीहूँ। 30 तबा जासे। 53 का तोला मालुम नहात? का अना मि पिराथना करहूँ अना वय भजन करतो हुवो, जैतून नाव को पहाड मा गईन। 31 तबा यीसु सरगदूत गीन को बारा दल लक ज्यादा मोरो कठा आय जाहेत।” 54 न अना कठिमा गिरंथ मा लिख्यो से, “मि चरानवालो ला, मारिन पर मी अदी असो करीन ता पवित्र गीरंथ मा जो लिख्यो से, उ पूरो अना करप को मेढा गीन, इतानि-उतानी पराय जाहेत। 32 पर जित्तो कसो होहे? एकोलाय, “असो होवने जरूरी से।” 55 वोना बेरा यीसु होवन मेंधा, तुमी लक पयले गलील को पहाड मा जाहूँ।” 33 एको ना भीड लक कव्हयो, “का तुमी तरवार डन्डा अना हतियार धरके पर पतरस ना कहीस, “चाहे सबा तोरो पर लक बिस्वास सोड देहेत मोला असो धरन काहे आयीसेव? जसो का मी डाकु सेऊ, मि हर

दिवस तुमला मंदिर मा सीक्सा देवत होतो, तबा तुमीना मोला नही धराइ सेव।” 56 पर असो सब एकोलाय भई से का भविष्यवक्ता गीन, “को कही गई गोस्टी पूरी होहेत।” तबा सबा चेला गीन वोको कठा, लक पराय गईन। 57 जोनना यीसुला धरी होतिन, वय यीसु ला धरके काइफा नाव को मोठयो मुखिया याजक को कठा ले गईन। जहान मोसे को नियम को गुरु गीन अना सियानो गीन, अना यहूदी नेताहुन जमा भई होतीन। 58 पतरस दुहर लक वोको, मंघा-मंघा मोठो मुखिया याजक को आँगन तकन गयो। अना भीतर जायके, का होवासे देखन लाई सिपाही गीन, को सँग बस गयो। 59 मुखिया याजक अना सब पंचयात, यीसु ला मार डाकन को लाई, वोको विरोध मा आरोप अना खोटे, गवाही को खोज मा होतीन। 60 पर लगत खोटे गवाह आवन को मंघा, भी कोनी मुद्दा नही पाईन। आखीर मा दुई जन आइन 61 अना कहीन “एना साँगीसेस की मि परमेस्वर को मंदिर ला पाड देहूँ, अना तीन दिवस मा जसो को तसो कर देहूँ।” 62 तबा मुखिया याजक उभो होयके कहीस, “तु कोनी जवाब नही देवासेत, लोकगीन तोरो विरोध मा, गवाही देवा सेत।” 63 पर यीसु उगो-मुगो रहयो। मुखिया पुजारी ना ओको लक कहीस, “मि तोला जितो परमेस्वर की क्रिया देवास, की अदी तु परमेस्वर को दूरा मसीह सेस, ता आमी ला कव्ह दे।” 64 यीसु ना जवाब देयिस, “हव मी सेऊ। पर मी तुमी लक यो भी कव्हसेउ, अता मानूस को दूरा ला सब लक ताकतवर परमेस्वर को उजो कन बसया हुया, अना बदल मा आवता चोवने।” 65 मोठोयाजक असो आयक के आपरो, कपरा फाडके कहीस, “एना परमेस्वर की निन्दा बिरोध करीसेस, अता हम ला गवाह को का मतलब? 66 तुम्ही ना परमेस्वर को बिरोधमा सांगतो आयकीसेव, अबा तुम्ही काजक सोचासेव?” “ओन्हीसीन जवाब देइन यो मार डाकन को काबिल से।” 67 तबा ओन्हीसीन ओको टोन्ड मा थुकिन। अना ओला मुक्का मारिन अना काही ना चाटा मारिन अना कहिन। 68 “हे मसीह हमरो कन लक आवन वारो गोस्टी ला साँग अना कव्हो, का तोला कोन ना मारिस?” 69 अना पतरस बाहेर आँगन मा, बसयो होतो की एक बनिहारिन ना ओको जवर आयके कहीस, तु भी ता गलीली यीसु को साँगी आस। 70 अना पतरस ना जवाब देईस, ओना सब को पुढा यो कहके मनाही करीस, अना कहीस, मि नही जानासेऊ, की तु कउन को बारे कव्हसेस। 71 जबा उ बाहेर डहलाना मा चली गयो, ता दुसरी बनिहार ना पतरस ला चोयके, जोन लोक व्हान होतीन कहीस, यो भी ता यीसु नासरी को सँग होतो। 72 मंग पतरस ना मना कर देईस अना सांगीस, मि कसम खास, का मि ओना मानूस ला नही जानु। 73 जरा देर मंघा जोन व्हान उभया होतीन, ओन्हीसीन पतरस को जवर आयके कहीस, खरो खर तु भी उन मा लक एक सेस। काहे की तोरी बोली तोरो भेद सांगासे। 74 तबा उ धिक्कारन लगयो, अना कसम खावन लगयो, की मि वो मानूस ला नही जानु। अना तुस्त, कुकडा ना चिल्लाय देईस। 75 तबा पतरस ला यीसु की कही हुयी सबद हेत, आई की, कुकडा को बाग देनो को पहिले तु तीन डाई मोरो मनाही करजोस। अना उ बाहेर जायके जोर लक रडन लगयो।

27 जबा दिवस हिटयो, तबा सब मुखिया याजक, अना सियानो गीन, आपसी मा विचार करीन, का यीसु मार डाख्यो जाय। 2 उनना यीसु ला बाँधीन, अना वोला पिलातुस राजा ला सोप देईन। 3 जबा, यीसु को धरानवारा, यदस ना चोवयो, का वोला दन्ड मिल्यो से। तब उ, गजब पस्तायो, अना उ खुरो को तीस सिक्का, वापिस आनिस। 4 मीना निरदोस मानूस को खून को सौदा, अना पाप करीसेव। तबा मुखिया यजक गिन सांगीन, हमला एको लक, काजक कामसे? तूच जान। 5 एको पर यदूस ना, खुरो को सिक्का ला, मंदिर मा फैंक दियो, अना व्हान लक चलयो गयो, अना जायके फाँसी मा झूल गयो। 6 मुखिया याजक गीन खुरो को सिक्का, ला सकल लेइन। अना कव्हन लगीन, मोसे को नियम लक यो सिक्का ला खजाना मा राखनो, पाप से। काहेका यो तो खून को किमत से। 7 यो काजी आपसी मा, विचार करन को बादमा, उनना परदेसी गीन ला दफनान काजी, उन सिक्का लक, कुम्भार को जमीन खरीद लेइन। 8 योच कारन लक, आज तकन, उ जमीन खून को जमीन कहलावसे। 9 तबा काजक भविष्यवक्ता यीरमीयाह को लिख्यो, पूरो होवासे, उनना खुरो को तीस सिक्का लियो, ओतरो रकम लक इसरायल को लोकहुन ना, बेकिमती मानूस लाय राखी सेस। 10 अना उनना यो सिक्का कुम्भार को जमीन लाय, दे दियो से जसो पिरभु ना, मोला हकूम देईसेस। 11 अबा यीसु राजपाल को पढा उभो होत्यो। राजपाल ना वोला पुसयो, का तु यहदिगीन को राजा आस? यीसु ना जवाब दियो, तु खुदच कव्हसेस। 12 मुखिया याजक, अना सियानोगीन, वोको पर लान-छान लगावत होतिन। पर यीसु ना कोनी जवाब नही दियो। 13 एको पर पिलातुस ना यीसु ला कव्हयो, “का तु नही आयकासेत? का यो तोरो विरोध मा कितरो गवाही देवासे।” 14 मंग भी यीसु ना काही सबद नही सांगयो। एको पर राजपाल ला, गजब ताजुब भयो। 15 हरेक फसह सन-तीहार को बेरा मा राज पाल, लोकहीन को मनको अनुसार, एक कैदी ला छोडत होतो। 16 वोच बेरा यीसु को संग बरब्बा नाव को एक मानूस, जेल मा होतो। 17 पिलातुस राजा ना लोकइन ला सांग्यो। “तुमी काजक चव्हासो? मी तुमरो लाय कोनी ला छोडू? बरब्बा ला का यीसु ला? जो मसीह कहलावसे।” 18 उ जानत होत्यो का, यीसु ला जलन, लक धरायो गयो से। 19 जबा राजपाल पिलातूस न्याय आसन मा बसो होतो। ता वोकी बायको ना वोको जवर खबर धाड़ी होती, “वोना सीधो-नेक मानूस को संग काही नोको करजोस, मी ना वोको बारेमा एक सपना चोवीसेऊ जोनलक अज मी दिवस भर बेचैन होती।” 20 पर मुखिया याजक अना बुजुस यहूदी नेतागिन ना भीड ला बहेका लेइन, का वय पिलातुस लक बरब्बा ला सोडन अना यीसु ला मरवान की माँग करेत। 21 जवाब मा राजपाल ना अखीन पुछ्यो, “तुम्ही काजक चव्हासो? दौनो मा कोनी ला छोडनो से?” उनना जवाब दियो, “बरब्बा ला!” 22 एको पर पिलातुस न उन लक कव्हयो, “मी यीसु जोन मसीह कहलावा से वोको का कर?” सबना जवाब देइन, “एला क्रूस मा चघा देव।” 23 पिलातुस ना कहीस “काहे ओना काजक, बुरो करीसेस?” पर वय अखीन चिल्लावसेत अना कव्हसेत, “ओला क्रूस मा चघा ओ।” 24 जब पिलातुस ना चोवयो, का यीसु ला बचावन को लाय कोनी, चांस नाहती। तबा उ

उदास भई गयो, अना वोना पानी बुलवायके, ना हात धोवके सांगीस, दियो। 49 पर बाकी बचयो लोकगीन ना सांगिन, चोवो एलिय्याह “मी यो मानूस को खून को, दोसी नही सेव, तुमच जानो।” 25 तबा सप्पा भीड ना जवाब देइन, “एको खून को बदला, आमी अना, हमरो सन्तान ला मिले।” 26 तब पिलातुस न उनको लाय, बरब्बा ला छोड देइस। अना यीसु ला कोडा लगवाइस, अना कूरूस मा चधान, काजी सिपाई गीन को हातमा सोप देइस। 27 एको मंघा राजपाल को सिपाही गीन, यीसु ला राजभवन को भीतर ले गइन। अना उनना यीसु को कठा सिपाही गीन, ला जमा कर लेइन। 28 अना यीसु को कपरा उतार के, वोला, लाल चोगा पहनाइन। 29 अना झाडी को काँटा को मुकुट गृथ के वोको, डोस्की मा राखीन। अना वोको, उज्जो हात मा एक घागरा काडी धरा देइन। तबा वोको पुढा टोंगरा टेकेके, असो मजाक करन लागीन। यहदिगीन को राजा ला नमस्कार! 30 उनना वोको पर थुकिन, अना घागरा काडी लक वोको डोस्की मा मारिन। 31 असो मजाक करन को मंघा यीसु को, चोगा ला उतार लेइन, अना वोको कपरा पहना देइन। एको मंघा वय यीसु ला कूरूस मा चघा वन काजी ले गइन। 32 नगर लक हिटतो बेरा मा, सैनीक गीन, एक कुरेन देस को रव्हनवारा, सिमोन नामको मानूस ला धरीन। अना वोला यीसु को कूरूस उचलन लाई कहीन। 33 वय गुलगुता मजे कवटी नाव को, जघा मा पहुँचीन। 34 वहान लोकगीन पीत मिलयो अंगूर को रस, यीसु ला पीवन लाय देइन, यीसु वोला चख्यो, पर नही पीवयो। 35 सीपाई गिनना, यीसु ला कूरूस मा चघा देइन। अना वोको कपरा ला आपसी मा बाट लेइन। 36 एको मंघा वय वहान बसके पहरा देवन लागीन। 37 यीसु को डोस्की को वरता मा दोस पतर लटका देइन। वोमा लिख्यो होता, यहदिगीन को राजा यीसु से। 38 यीसु को संग, उनना दोन डाकुगीन ला, कूरूस मा चघा देइन। एक ला उज्जोकिन, अना एक ला डायोकिन। 39 उता लक आवन-जावन वारा लोकगीन, यीसु को निन्दा बदी करत अना डोस्का हिलात। 40 यो कव्हत होतीन, यो मंदिर ला गीरावन वारा, अना तीन दिवस मा, मंग बनान वालो, यदि तु परमेस्वर को दूरा आस, तो आपरो आप ला बचा। अना, कूरूस लक खाल्या आव। 41 असोच मोसे को नियम को गुरू सयानो अना मुखिया याजकगीन, भी कव्हत-कव्हत मजाक करत होतीन। 42 “यो ना दूसरो ला बचाई सेस, पर आपरो आप ला नही बचा य सकसे, यो तो इसरायल जात को राजा से, अबा यो कूरूस लक खाल्या उतरे ता, हमी एको पर बिस्वास कर बीन। 43 यो परमेस्वर पर बिस्वास राखासेत। यदि सचमा परमेस्वर एको लक खुस सेत तो अबा एको बचाव कर लेहत। काहेका यो ना साग्यो होतो, का मी परमेस्वर को दूरा सेव।” 44 डाकुगीन यीसु को संग, सुली पर चधीन होतीन, वय भी असोच खरो-खोटो सांगन लागीन। 45 दूफार 12 बजे लक 3 बजे को बेरा लक, सारो देस मा इन्धार छायो, रहयो। 46 अना तीन बजे, यीसु ना जोर लक कव्हयो, “एली-एली लेमा सबकतानी,” जोन ओ मोरो परमेस्वर! ओ मोरो परमेस्वर! तूना, मोला काहे छोड देइसेस। 47 यो आयक के जवर उभो लोकगीन, बोलन लागीन, यो भविष्यवक्ता एलिय्याह ला हाकल से। 48 उन मा लक एक धावके ना, स्पंज आन लेइस अना वोला अंगूर रस सिरका, मा डुबाय के, घागरा काडी मा लगाके यीसु ला, पीवन

दियो। 49 पर बाकी बचयो लोकगीन ना सांगिन, चोवो एलिय्याह वोला बचा वन काजी आवसे, का नही। 50 तबा यीसु ना मंग ऊचो आवाज मा हाकलके, आपरो जान छोड दियो। 51 वोच बेरा मंदिर को पडदा वरता लक, खाल्या तकन फट गयो, अना दोन टुकडा भई गई। जमीन हिलन लगी, भुईँडोल भई अना, चट्टान फट गइन। 52 मरघट्टी उघड गयो, अना गजबसो पवीतर सन्त महातमा, देह समेत दुबारा जित्तो भई गइन। 53 अना वय यीसु को जित्तो, होवन को मंघा मरघट्टी लक हिट के, अना पवीतर नगर मा जायके, लगत लोक ला चोवन लागीन। 54 सेना को मुखिया, अना पहरादार, सैनीक गीन भुईँडोल अना, यो सब गोस्टी चोयके गजब डराय गइन। अना बोलन लागीन, खरो खर पक्को मा यीसु च परमेस्वर को दूरा आय। 55 वहान गजब सी आई-माई गीन दूहर लक चोवत होतीन। वय यीसु को सेवा करन वालो, गलील छेतर लक उनको संग-संग आई होतिन। 56 उनमा मरियम मगदलनी, याकूब अना यीसु को माय अना जबदी को दूरा गीन को माय होती। 57 सन्जा होवन को मंघा, अरिमितिया नगर को, एक धनी महाजन आयो। वोको नाव युसुफ होतो, उ खुद यीसु को चेला बन गयो, होतो। 58 वोना पिलातुस राजपाल को कठा जायके, यीसु को लास मागीस, अना पिलातुस ना हुकूम करीस, का देह वोला सौप दियो जाय। 59 युसुफ देह धरकेना, वोला सुध्द मलमल को कफन मा लपेट के। 60 नवो मरघट्टी मा ठेव दियो जोनला, वोना आपरो लाय चट्टान मा, खुदवायो होत्यो। उ मरघट्टी को, धसन को जघा मा एक मोठो गोटा लुढकाके चले गयो। 61 मरियम मगदलनी दूसरी मरियम कबर को पुढा बसी होतिन। 62 दूसरो दिवस मजे सूक्रवार को, मंघा पवीतर दिवस मा मुखिया पुजारी मोठयो पुरोहित अना, फरिसी गुरू गीन एक संग, पिलातुस को घरमा गइन। 63 अना बोलिन की अमीला हेत से पिरभु, क उ धोकाबाज न आपरो, जिंदगी मा असो सांग्यो होतो, का मी तीन दिवस मघा जित्तो भई जाह। 64 कहि असो न होहे का चेला उचलके, ले जाये अना जनता लक सांगन लगेत, का यीसु जित्तो भई गईसे, यो मंघा को धोका लक जादा खोटो होहेत, यो काजी तीन दिवस लक कबर को, सुरक्सा को इन्तेजाम कियो जाय। 65 पिलातुस ना कव्हयो “तुमरो कठा पहरेदार से” जाओ! अना जसो साजरो लगसे, वसोच तुमी करो। 66 वय चले गइन, अना उनना कबर को, दरवाजा मा राख्यो गोटा मा मूहर लगा देइन।

28 सब्त को मघा जबा इतवार हप्ता को सक्कारी बेरा लाल बादल मा, मरियम मगदलीनी अना दूसरो बाया मरियम कबर ला जाँचन आइन। 2 काहेका सरग लक पिरभु को सरग दुत वहान उतरियो होतो। एको लाई वोनोच बेरा एक मोठयो भुईँ डोल आयो। अना सरग दुत वहान आयके एक गोटा ला लुढकाय देइस अना वोको पर बसगयो 3 वोको रूप बादर की उजाड जसो चमचमात होती। अना वोका कपरा बरफ को जसो सप्पा होतीन। 4 वय सिपाई जोन कबर पर पहरा देत होतीन। डर को मारे कापन लागीन, अना मरो जसो भयी गयिन। 5 सरगदूत ना आई-माई लक कहीस। नोको डराव, मी जानासु, तुम्ही यीसु ला ढुंढ रही सेव। जोनला कूरूस मा चघा यो गयो होतो। 6 उ यहान नहात, उ जित्तो भई गई से। जसो,

वोना साग्यो होतो। आव, अना चोवो, जहान यीसु ला ठेवो गयो होतो।
 7 अब्बा तुमी लवकर जायके ना, वोको चेला गीन ला सांगो का, यीसु
 मरो मा, जितो भई गई से। उ तुमरो लक पुढा, गलील परदेस मा
 जाहेती। वहान उ तुम्ही ला चोहेत, चोवो मीना तुम्ही लोक गीन ला
 यो खबर सांग देई सेव। 8 आईमाई गीन गदने मरघटी को जवर
 लक, डराय के चले गइन। अना अचंभा अना खुसी लक, चेला
 गीन ला यो खबर आयकवान लाय लवकर-लवकर धाइन। 9 यीसु
 एकाएक रस्ता मा, आई-माई गीन लक भेटयो अना सूकी रव्हो असो
 कहीस। तबा वय यीसु को कठा गईन, अना पाय पडके वोको स्तुती
 करीन। 10 यीसु ना उन लक कहीस नोको भेव करो, जाओ अखीन
 यो खबर, मोरो भाऊ गीन ला आयको आयो। अना मी उनला,
 गलील परदेस मा भेटू वय वहान जाय। 11 आईमाई गीन रस्ता मा
 होतीन। का काही सीपाई नगर मा आइन। अना सारो हाल, मुखिया
 याजकगीन ला कहिन। 12 तबा मोठो याजक अना मुखिया सियानो
 गीन मिलके अपसी मा विचार करीन। अना सिपाई गीन ला भारी
 रकम देके ना सांगीन। 13 लोकगीन ला कव्हने, का रात मा, जबा
 हमी झोपयो होता। ता यीसु को चेला गीन आइन, अना वोला चोरा
 के ले गइन। 14 यो बात राजा ला मालूम पडहेत, तो हमी समझाय
 देबीन। अना तुमी चिन्ता नोको करो। 15 चौकीदार गीन, स्पीया ले
 लेइन, अना वसोच करीन, जसो उनना सिकि होतिन। वसोच सांगन
 लगीन, अना योच कहानी फैल गयो। अखीन यहूदिगीन अब्बा लक,
 असोच माना से। 16 तबा चेला गीन गलील छेतर मा वोना पहाडी
 मा गइन। जहान जान लाय यीसु ना उनला कव्हयो होतो। 17 उनना
 यीसु ला चोवीन, अना वोकी अराधना करीन। पर कोनी-कोनी ला
 सक भयो। 18 तबा यीसु ना, उनको जवर आयके सांगीस। मोला
 सरग मा अना धरती को पूरो अधिकारी बनायो गयो सेत। 19 यो
 काजी तुमी जाओ, अना सब गैर यहूदी लोक गीन ला चेला बनाओ।
 अना उनला, परमेस्वर बाबूजी अना दूरा यीसु मसीह, अना पवीतर
 आतमा को नाव लक, पानी मा बसिस्मा देवो। 20 अना मीना जोन-
 जोन हुकूम देइसेव। सब उनला माननो सिकावो, चोवो संसार को
 आखीर तकन, मी तुमरो संग सेव। (aiōn g165)

मरकुस

1 यो परमेस्वर को दूरा यीसु मसीह को साजरा बारता से। 2 येको सुखात जसो की यसायाह भविष्यवक्ता को किताब मा लिखयो गयो होतो। की आयको, परमेस्वर ना कहीस “मि एक दुत ला धाड़स, जो तोरो लाई रास्ता सुधरेत।” 3 “बियाबान मा कोनी हाकल रहयो होतो, की पिरभु को गाडादान ला तैय्यार करो अना ओको पगदन्डी ला सीधो करो।” 4 एकोलाय योहन आयो, अना मुनादी करयो “आपरो पाप लक मन हटाव अना बसिस्मा लेव, तब परमेस्वर तुमरो पाप ला छिमा करयेत।” 5 अना यहूदिया छेतर लक अना यस्सलेम नगर का गजब सा रव्हन वारा हिटके योहन जवर आइन। अना आपरो पाप ला मानके यरदन नदी मा लक बसिस्मा लेइन। 6 योहन उट को चुन्दी को कपरा घालत होतो। अना आपरी कमर मा चमड़ा को पट्टा बान्धत होतो। अना फाफा सहेद जेवत होतो। 7 अना यो परचार करत होतो की “मोरो मंघा उ आवन वालो से जो मोरो लक ताकतवर से। मि यो काबिल नही सेऊ, की नवके ओको सेन्डिल की दोरी खोलू। 8 मि तो तुमला पानी लक बसिस्मा देस पर, उ तुमला पवीतर आतमा लक बसिस्मा देहे।” 9 ओना बेरा मा यीसु ना गलील छेतर को नासरत नगर लक आयके, यरदन नदी मा योहन लक बसिस्मा लेइस। 10 जसोच यीसु पानी लक हिटीस वसोच बादल उघड़तो हुयो अना पवीतर आतमा परेवा को जसो ओको वरता उतरतो चोवीस। 11 अना बादल लक आवाज भई “की तु मोरो चहेतो दूरा आस, तोरो लक मि बेहद खुस सेउ।” 12 तबा परमेस्वर की पवीतर आतमा ना गदने ओला जंगल कन ले गयो। 13 अना जंगल मा चालीस दिवस तकन सैतान ना ओकी परिकसा लेईस, अना उ जंगल-को जनावर को संग रहयो; अना सरगदूत ओकी सेवा करता रहिन। 14 योहन ला जेल मा डाकनो को मंघा, यीसु ना, गलील छेतर मा आयके, परमेस्वर को राज को साजरा बारता ला परचार करन लगयो। 15 अना कव्हयो “बेरा भई गई से, परमेस्वर को राज कठा आय गई से पाप ला छोडो अना साजरा बारता पर भरोसा राखो।” 16 गलील को झील को कगर जावत-जावत, ओना समौन अना ओको भाऊ अन्दिरयास ला झील मा जाल डाकत देखीस, काहेकि वय डिमर होतिन। 17 अना यीसु ना उन लक कहीस “मोरो मंघा आव! ता मि तुमला मसरी धरन की जघा लोकगीन ला परमेस्वर को राज मा आननो सिकाह।” 18 वय गदने जाल ला सोडके ओको मंघा भय गईन। 19 काही दूहर जायके ओना जबदी को दूरा याकूब, अना ओको भाऊ योहन ला, नाव मा जाल ला सुधारता चोविस। 20 ओना गदने उनला हाकलीस, अना वय आपरो बाबूजी जबदी ला बनिहार को सँग नाव पर सोडके, यीसु को मंघा चली गईन। 21 यीसु अना चेलागीन कफरनहुम नगर मा आइन। अना उ गदने यहूदी गीन को बिसराम को दिवस मा पिराथना घर मा जायके सिक्सा देवन लगयो। 22 अना लोक गीन ओको सिक्सा लक चकित भईन, काहे की उ उनला मोसे को नियम को गुरू जसो नही, पर अधिकार लक सिक्सा देवत होतो। 23 अना ओनो बेरा, यहूदीगीन को सभाघर मा एक मानूस होतो। जोनमा एक

भुत होतो। 24 ओना चिल्लायेके कव्हयो “ओ यीसु नासरी हमरो लक तोरो काजक काम से? का तु आमीला नास करन ला आईसेस? मी तोला जानास, तू कोन आस? परमेस्वर कन लक धाडो गयो पवीतर मानूस आस!” 25 यीसु ना भूत-पलीत ला डटकार के कहीस “उघो-मुघो रव्ह, अना ओमा लक हिट जाय।” 26 तबा भूत ओला मरोड के अना मोठो आवाज लक बेमीया के ओमा लक हिट गयो। 27 एको लाई सब लोकगीन अचंभा करता हुया आपस मा गोस्टी करन लग्गिन की “यो कसो गोस्टी आय? यो तो कोनी नवो सिक्सा से? उ अधिकार को संग भूत ला भी हुकूम देवासे, अना वय ओको हुकूम मानासेती।” 28 एकोलाय या गोस्टी गलील छेतर को इतानी-उता लगत देस मा फैल गयो। 29 जसोच यीसु पिराथना घर चेलागीन याकूब अना योहन को संग समौन अना अन्दिरयास को घर आयो। 30 समौन की सासु बीमारी लक खाट मा लेटी होती एकोलाय वोको बारे मा यीसु ला सांगिन। 31 तबा ओना जवर जायके ओको हात धर के ओला उचलीस अना ओको बुखार उतर गयो अना वा वोकी सेवा करन लगि। 32 झुलाखाली जबा दिवस बुडतो बेरा भय गयो तो लोक सब बीमार ला अना जिनमा भूत आतमा होतीन यीसु को जवर आनीन। 33 अना नगर को सप्पा लोकगीन बेसकुड को जवर एकठो भइन। 34 अना यीसु लगत लोकगीन जोन गजब-गजब को बीमारी लक परेसान होतीन, उनला साजरो करीस, अना लगत बुरो आतमा ला हेडिस। पर उनला बोलन लक मना करीस। काहे की वय ओला चिन्हत होतीन। 35 यीसु पहट को बेरा दिवस हिटन लक लगत पुढा, जाग के हिटयो, अना एकांत जघा मा गयो, उता पिराथना करन लगयो, 36 तबा समौन अना ओको संगी ओला दुंढन ला गईन। 37 जबा उ मिलयो, तो ओको लक कहिन “की सब लोक तोला दुंढ रही सेत।” 38 ओना उन लक कहीस “आव हमि अखीन कोनी गांव-बस्ति मा जाबिन, की मि उता भी साजरा बारता सांगू, काहे की मि परचार करन लाई आइसेव।” 39 अता उ सप्पा गलील छेतर मा यहूदी गीन को पिराथना घर मा जायके गोस्टी सांगत होतो अना बुरो आतमा ला हेडत होतो। 40 एको मंघा एक कोडी यीसु कठा आयके ओको लक बिनती करन लगयो अना ओको पुढा टोघरा टेकके कव्हयो! “यदि तु चाव्हसेस तो मोला साजरो कर सकसेस।” 41 ओना ओको पर दया करके हात बड़ाइस, अना ओला छुयके कहीस “मि चाव्हसू की तु साजरो होय जाय।” 42 अना ओको कोड सजरो भय गयो अना उ साजरो भय गयो। 43 तबा यीसु न चेताय के वोला सार करीस। 44 मंघा ओको लक कहीस “आयक! कोनी ला काही नोको कव्हजोस। पर जायके आपरो आप ला याजक ला दिखाजोस, अना आपरो साजरो होवन को बारे मा जो काही मोसे ना ठहराईसेस, ओला चढावा चढाजोस, का उनला गवाही भई जाय।” 45 पर उ जयके यो गोस्टी ला लगत सांगन लगयो अना यहान तकन परचार भयो। की यीसु मंग खुल्लम-खुल्ला नही फिरयो। पर बाहरे जायके जगली जघा मा रहयो। अना चारो कन लक लोक ओको जवर आवत होतिन। अना कोनी मोठयो नगर मा नही जाय सकयो।

2 काही दिवस को बाद यीसु मंग कफरनहुम नगर मा आयो, अना असी खबर फैल गई का पहले जाहन यीसु स्कत होतो वोनच घर

मा यीसु आयो से। 2 मंग एतरो लोक इकठ्ठो भईन की किवाड़ को जवर पाय राखन लाय जघा नही होती अना यीसु उनला साजरा बारता आयकन लगयो। 3 अना चार मानूस एक लकवा को मारयो हुयो ला, ओको कठा आनीन। 4 पर जबा वय जमघट को कारन ओको जवर नही पहुच सकीन, ता जोन छपरी मा यीसु होतो वोको सट्टन ला उघाड देईन। अना जोन खाट मा लकवा को मारयो हुवो होतो वोला वय उतार देईन। 5 यीसु ना उनको भरोसा देखिस अना उ लकवा को मारो हुयो ला कहीस “ओ दूरा, तोरो पाप छिमा भईन।” 6 वहान पर काही मोसे को नियम को गुरू जी गीन उता बसी होतिन वय आपरो-आपरो मन मा सोचन लगिनी। 7 की “यो मानूस असो काय लाई कव्हसे? यो ता परमेस्वर की निन्दा करासे। परमेस्वर ला सोड कोनी पाप ला छिमा कर सकासे” 8 गदने यीसु ना आपरो आतमा मा जान लेइस, वय आपरो मन मा असो विचार कर रही सेत, एकोलाय यीसु न कहीस “तुमी असी गोस्टी कायला सोचासेव” 9 का वोको लक यो कव्हनो खरोसे का, तोरो पाप छिमा भयो, या का यो कव्हनो, ज्यादा सरल से? “का अपरी खाट उचल” अना चल? 10 पर जेनको लक तुम जान लेव की “मी मानूस को दूरा ला धरती पर पाप छिमा करन को भी हक से।” ओना ओनो लकवा को रोगी लक कहीस, 11 “मि तोला कहूँस् की उठ, आपरी खाट उचल अना आपरो घर ला जाय।” 12 उ गदने उठयो अना आपरी खाट ला उठायेके, सबको पुढा लक हिटके चलो गयो, एतरो पर सबच अचंभा करन लगिनी अना परमेस्वर को बडाई करता हुया, यो कव्हन लगिनी “की आमी ना असो कभी नही चोयो।” 13 मंग यीसु हिटके गलील झील को किनार मा गयो अना सिक्सा देवन लग्यो, तबा सप्पा भीड़ ओको जवर आई। 14 जात-जात उ ना हलफई को दूरा लेवी ला, जमा पटान की नाका मा बस्यो चोवयो, अखीन उ वोको लक साग्यो “मोरो मंघा आव।” ता उ ओको मंघा भय गयो। 15 लेवी को, घर मा जबा यीसु जेवन कर रहयो होत्यो, वहान पर लगत सा जमा वसूल करन वारो पापी अना चेला गीन, वोको मंघा आवन वालो सब लोकगीन वोको संग जेवन मा बसया होतिन। 16 फरिसी अखीन यहूदी मोसे को नियम को गुरू, ना यो चोयके की उ ता पापी गीन अना जमा वसूलन वारो को संग जेवन करासे, ओको चेला गीन ला कहिन “यीसु जमा वसूलन वालो अना पापगिन को संग काहे खावासे पिवासे।” 17 जबा यीसु आयकिस ता असो कव्हन लग्यो “साजरो गीनला बईद को काजक जस्तर से? पर बीमार ला से मि नेक मानूस ला नही पर पापी गीन ला हाकलन लाय आयी सेऊ।” 18 योहन को चेला अना मोसे को नियम को गुरू को चेला उपास करत होतिन, एकोलाय मोसे को नियम को गुरू ओला आयके असो कहिन, की योहन का चेला अना धर्मगुरू का चेला काहे उपास राखासेति? पर तोरा चेला उपास नही राखत। 19 यीसु ना उन लक कहीस की “जबा तकन बराती नवरदेव को संग मा रव्हासे, तबा तकन का वय उपास कर सका सेति? नवरदेव को संग बराति भुखा नही रव्ह सकत 20 पर वय दिवस आहेत की नवरदेव उन लक बेगरो कियो जाहे, ओनो बेरा वय उपास करहेति।” 21 “नयो कपरा को थेंगड जुनो घालन को कपरा मा कोनी नही लगावासेत; काहे की उ थेंगड ओमा लक काही खिच डाकहे, मन्जे

नयो जुनो लक अखीन उ फट जावासे। 22 नवा अंगूर को रस ला जुनो चमडा को थैला मा कोनी नही राखत नही ता अंगूर रस चमडा को थैला ला फाड डाकेह अखीन अंगूर रस अना चमडा को थैला दुही नास भई जाहे एको लाई नवा अंगूर रस ला नयो चमडा को थैला मा भरो जावसे।” 23 असो भयो का उ यहूदीगीन को बिसराम को दिवस मा खेत मा लक भयके जावत होतो अना ओको चेला चलत-चलत बाल तोडन लागीन। 24 तबा फरिसी गीन यीसु लक कहिन “चोय; या लोकगीन मोसे को नियम लक बिसराम को दिवस मा असो कायलाई करयेत जोन साजरो नाहत?” 25 यीसु उनला कव्हन लग्यो “का तुमी कबच नही बाचीसेव की जबा दाऊद राजा अना ओको सँगी भुखा होतिन, तबा उनना काजक करी होतिन? 26 ओना कायलाई अबियातार मुखिया याजक को बेरा, याजक को घर मा जायके, परमेस्वर को भेंट को भाकर खाईन मोसे को नियम लक जिनला खावनो याजक ला छोड अखीन कोनी ला बेस नही होतो अखीन आपरो संगीगिन ला भी देखिस्।” 27 अखीन ओना उन लक कहीस “बिसराम को दिवस मानूस लाय बनयो से, न की मानूस बिसराम दिवस लाय। 28 एकोलाय मानूस को दूरा बिसराम को दिवस को भी मालिक से।”

3 मंग जबा यीसु पिराथना घर मा गयो अना उता एक मानूस होतो जेनको हात सुकयो होतो। 2 धरम गुरू ओला दोस लगावन लाई ओको दाव देखत होतिन की देखबिन, उ बिसराम को दिवस मा ओला साजरो करेत का नही। 3 ओना सुक्को हातवालो मानूस ला कहीस “बीच मा उभो होय।” 4 अना उन लक कव्हसे “का मोसे को नियम लक बिसराम दिवस साजरो करन लाई नही से? का जान ला बचावन लाई नही से” तबा वय चुपई भई गईन। 5 यीसु ना फरिसी को कडो मन ला चोयके उदास भय गयो, अना हिजड के चारो कन चोयीस अखीन ओनो मानूस ला कहीस “आपरो हात बढाव।” ओना बढाईस, अखीन ओको हात साजरो भई गयो। 6 तबा फरिसी बाहेर जायके गदने हेरोदि गीन को राजा को लोक गीन संग मा ओको विरोध मा सलाह करन लगासेत, की कसो करके ओला नास करबिन। 7 अखीन यीसु चेला को संग गलील झील को कन चली गयो। यहूदिया छेतार अखीन गलील लक एक मोठी भीड़ ओको मंघा भई गई। 8 अखीन यहूदिया अखीन येस्सलेम नगर अखीन इदुमिया लक अखीन यरदन नदी को पार अना सूर अना सैदा को इता उता लक एक मोठयो भीड़ यो आयक के की उ कसो अचंभा को काम करासे ओको जवर आइन। 9 अखीन ओने आपरो चेला लक कहीस “भीड़ भई गई से एको लाई मोरो लाई एक नान्होसो नाव तैय्यार राखने जेनको लक वय मोला नही दबाय सकेत।” 10 काहे की ओना लगत ला साजरो करत होतो; एकोलाय जेतारा लोक कोड को बीमार होतिन, ओला छुवन लाई ओको पर गिरत पडत होतिन। 11 अना बुरो आतमा जबा ओला ताकत होतिन तो ओको पुढा गिरत पडत होतिन अखीन चिल्लाय के कव्होत होतिन की “तु परमेस्वर को धाडो हुयो पवीतर दूरा आस” 12 यीसु ना उनला डटकार के हुकूम देसे, मोरो बारे मा कोनी ला नोको सांगना की “मी कोन सेव” 13 यीसु मंग पहाड पर गयो अना जिन

ला उ चाव्हत होतो उनला आपरो कठा हाकलीस। अना वय ओको कठा चली गईन। 14 तबा ओना बारा मानूस ला बेचयो अना उनला पेरीत ठहाराइस की वय ओको सॅग- सॅग रहेत अखीन उ उनला धाडेह की वय साजरी बाराता परचार करेत, 15 अखीन बुरो आतमा को हेडन को हक राखेत। 16 अखीन वय यो सेति समौन जेनको नाव ओना पतरस राखिस। 17 अखीन जबदी को दूरा याकूब अना याकूब को भाऊ योहन जेनको नाव ओना बुअरगिस मजे गरजन को दूरा राखिस। 18 अखीन अन्दिरयास अना फिलिप्पुस अना बरतुल्लै अना मन्ती अना थोमा अना हलफई को दूरा याकूब अना तैद अना समौन कनानी 19 अना युत्स इस्करियोति, जेने ओला धराइस। 20 तबा यीसु घर आयो अना असी भीड उमडी की यीसु अना ओको चेला ला जेवन की बेरा नही मिली। 21 जबा ओको नातावारा ना यो आयकिन तो ओला धरान लाई हिटीन काहे की वय कव्हत होतीन की ओको दिमाग ठीकान मा नाहत। 22 अखीन मोसे को नियम को गुरू जोन येस्सेलेम लक आई होतिन यो कव्हत होतीन “ओमा बुरो आतमा से,” अना यो भी की “उ बुरो आतमा को मुखिया बालजबूल को सक्ति लक बुरो आतमा ला हेडासे।” 23 अना उ उनला जवर हाकलके उन लक हाना देके सॉगन लगयो “सैतान कसो सैतान ला हेड सकसे?” 24 अना अदी कोनी को राज मा फुट पड जासे ता उ घर काय लाई अडिग रव्ह सकसे? 25 अना अदी कोनी घर मा फुट पड जाहे ता उ घर कायलाई अडिग रव्ह सकासे? 26 अदी सैतान आपरो विरोध करेत अना आपरो मा फुट डाकेह ता उ कायलाई बनो रव्ह सकासे? ओको ता सत्यानास होय जाहे। 27 “पर कोनी ताकतवर मानूस को घर मा जायके जबा तकन बाँध नही लेहे, तब तकन ओको घर लुट नही सका।” 28 “मि तुमी लक खरो बात सागुसु, की मानूस को सब पाप अना निन्दा जोन वय करसेति, छिमा कियो जाहेति। 29 पर जोन कोनी पवीतर आतमा को विरोध मा निन्दा करेत, उ कबच छिमा नही कियो जाहे पर उ अमर पाप को दोसी ठहरेति।” (aiōn g165, aiōnios g166) 30 काहेकि वय यो कव्हत होतीन, की ओमा बुरो आतमा से। 31 यीसु की माय अना ओको भाऊ आइन, अना बाहेर उभा भयके ओला हाकलन धाडीन। 32 अना भीड ओको आजुबाजु बसी होतीन, अखीन ओन्हीसीन ओला कहीन “चोवो, तोरी माय अना तोरो भाऊ बहिन बाहेर तोला दुहासेत।” 33 ओना जबाब सॉगिस का “कोन मोरो माय अना भाऊ सेत” 34 ओना नजर इता-उता घुमायके कव्हसे “दिसो, यो आय मोरो माय अना भाऊ। 35 काहेकि जोन कोनी परमेस्वर को मरजी पर चलासे, वोच मोरो भाऊ अना बहिन अना माय आय।”

4 यीसु मंग झील को कगर सिक्सा देवन लागयो असी भीड जमघट भई की उ झील मा एक नाव पर चघके बस गयो, अना सारी भीड भुई मा झील को कगर मा उभी रहयी। 2 अना उ उनला हाना मा लगत सी गोस्टी सिकावन लगयो। अना आपरो परवचन मा उनलक कहीस। 3 “आयको एक बोनी करन वालो बीज बोवन ला हिटयो। 4 अखीन बोवतो बेरा काही ता रास्ता को कगर गिरयो अना पक्सी ना आयके ओला चुग लेइस। 5 अना काही ता गोटाडी जमीन पर गिरयो, जिता ओला लगत माटी नही मिलनो लक अखीन गहरो

न होवनो लक गदने उग आयो 6 अना जबा दिवस हिटयो ता ओला जराय डाकिस, अना जड नही धरन लक सूक गयो। 7 अना काही ता झाडी मा गिरयो, अना झाडी न मिलके दबाय डाकिस। अना ओमा फर नही लगयो। 8 पर काही साजरो जमीन मा गिरयो अना उगयो, ता जो काही बोयो गयो से ओमा कोनी तीस गुना अखीन कोनी साठ गुना अना कोनी सौगुना फर लगयो।” 9 यीसु कव्हसे, “जेका कान सेति वय जप्प आयक लेयेत।” 10 जबा यीसु एकलो रव्ह गयो ता ओको सॅगी ना जोन बारा होतीन येने किस्सा को मतलब पुसिन। 11 ओना उन लक सॉगीस, “तुमला ता परमेस्वर राज को भेद को लुकयो गोस्टी सांगयो गइ से, पर बाहेर वालो ला नही, एको लाई हाना देके आयकायो जाहेत।” 12 एकोलाय का “वय डोरा लक चोवयेत पर, उनला सुझाई नही पडहेत, अना वय आयकेत, पर समझ मा नही आहेत, कही असो ना भई जात का वय परमेस्वर को कन मुड जाहेत, अना परमेस्वर उनला छिमा कर देहेत।” 13 मंग यीसु ना कहीस, “का तुमी यो हाना नही समझीयत? ता मंग अखीन गोस्टी ला कसो समझने? 14 बोवन वालो गोस्टी बोवासे। 15 जो रास्ता को कगर का सेत, जिता गोस्टी बोयो जासे, यो वय सेत की जबा उनना आयकिन ता सैतान गोस्टी ला जोन बोयो गयो से उचल ले जासे। 16 अना वसो जो गोटाडी जमीन पर बोयो जासे यो वय सेत, की जो गोस्टी ला आयक के खुसहाली लक अपनाय लेवसे। 17 पर परमेस्वर को गोस्टी उनको भीतर सदा को लाई जड नही धरयो। वय जरा सो दिवस लाई रव्हसेत; येको मंघा जबा गोस्टी को काजी लक उन पर मुसीबत आवासे ता वय ठोकर खावसेत। 18 अना जोन झाडी मा सेत, यो वय सेत जिनना गोस्टी ला आयकिन 19 अना संसार को चिन्ता अना धन को लोभ अना अखीन चीज गिन को बुरो लोभ उनमा समायके उन ला दबाय देसेत। अना उ बेफर भई जावसे। (aiōn g165) 20 अना जोन साजरी जमीन मा बोयो गयो सेत, यो वय सेत, जोन गोस्टी आयक के अपनाय लेसेत अना फसल आनासेत, कोनी तीस, कोनी साठ अखीन कोनी सौ गुना।” 21 यीसु ना उन लक कहीस, “घर को भितर दियो एकोलाय नही आनसेत, की हमी ओला खाट को खाल्या डलिया मा राखबीन पर एकोलाय आनसेत की फूल पर राखेत? 22 काहेकि कोनी चीज लुकी नही, पर उघाडो जाहेत। अना ना काही छुपयो मा से जेनला सब ना चोवयेत 23 कान खोल लेव अना आयक लेव।” 24 मंग ओना उनलक कहीस; “चाक पाक रव्हने, की का आयकासो? जेना तरिका लक तुमी दुसरो ला परखसो, ओको लक लगत तुमला परखो जाहे जेना नाप लक तुमी कोनी ला नापसो, वाच नाप परमेस्वर तुमरो लाई नापेह, ओको लक भी लगत नापेह। 25 काहेकि जेनको जवर से, ओला दियो जाहे। पर जेनको जवर नाहती ओको लक जोन ओको जवर से, हिसक लियो जाहे।” 26 मंग ओना कहीस “परमेस्वर को राज असो से, जसो कोनी मानूस जमीन मा बीज बोवासे। 27 अना उ रात मा सोय जासे अना दिवस ला जागासे अना उ बीज असो बढासे की उ नही जान पावसे। 28 जमीन आप लक आप फसल ला बनासे अना गँहु अँकुर बनासे अना बढासे अना दाना पकासे। 29 पर जबा फसल पक जावसे, तबा उ इरा चलावासे, काहेकि कटनी को बेरा आय जासे।” 30 मंग यीसु ना कहीस “परमेस्वर को राज कोनको

जसो से। परमेस्वर को राज ला समझन लाई कोन सो हाना ला काम मा लेबबिन। 31 उ राई को दाना जसोकि जबा जमीन मा बोयो जासे, ता जमीन को सब बीजा लक नहानो होवासे। 32 पर जबा बोयो जासे ता उगके सब हिवरो साग लक मोठो भई जावासे, अना ओको असो मोठो डार हिटासेत की बादल का पक्सी ओको पर गोदा बनावसेत।” 33 अखीन यीसु उनला यो तरीको लक लगत सा हाना दे देयके उनको समझ को जसो गोस्टी साँगन लग्यो 34 अखीन बिना हाना साँगयो उन ला काही नही साँगत होतो, पर एकलो मा उ आपरो चेला ला सब गोस्टी ला समझावत होतो। 35 ओनो दिवस जबा दिवस बुड गयो ता ओना उन लक कहीस “आव हमी झील को ओनागन चलबिन।” 36 अना उ भीड ला छोडके आपरो संगीगिन को सँग नाव पर चघके चली गयो अना ओको सँग अखीन नाव होतीन। 37 तबा मोठी आँध आयी अना पहला चलन लक नाव मा पानी भरन लगयो। 38 अना यीसु जहाज को मंघा गद्दी मा झोप रहयो होत्यो, तबा चेलागीन ना जगाय के कहिन “हे गुस्जी हमि नास होय रही सेजन, का तोला हमरो चिंता नाहत?” 39 तबा ओना जाग के आँधी अना पानी ला हुकूम देइस। “सानत हो अना थमजा” अना आँधी वोतरो बेरा मा थम गई। अखीन मौसम सानत भय गयो। 40 ओना उन लक कहीस; “कायलाई डरासो? का तुमला अबा तकन भरोसा नहाय?” 41 अखीन वय गजब डराय गईन होतीन, अना आपसी मा कव्हन लग्गिन की “यो कसो मानूस से की जेकी हुकूम ला वारा अना पानी को लहर भी मानासेती?”

5 यीसु अना ओको चेला झील को ओनागन गिरोसेनियो नाव को जघा मा पहुँचीन। 2 अना जबा उ नाव लक उतरीन तो गदने एक मानूस जेने पर बुरो आतमा धसी होतो, मरघट्टी लक हिटके ओला मिलयो। 3 उ मरघट्टी म रव्हत होतो। अना कोनी ओला साकल लक बाँध नही पाइन। 4 काहे की उ लगत गन साकल लक बाँधयो गयो होतो पर ओना उन साँकल ला भी तोड दियो होतो। अना बेडी ला भी टुकड़ा-टुकड़ा कर डाकिस, अना कोनी ओला बस नही कर पाइन काहेका उ लगत बलवान होतो। 5 उ रोज-रोज मरघट्टी अना पहाड मा बेमियात होतो। अना आपरो आप ला गोटा लक घायल करत होतो। 6 उ यीसु ला दुहर च लक चोवके धायो। अना वोनो होयके डोस्का टेकिस। 7 अना उचो आवाज कव्हसे “हे यीसु सब लक वरता मा रव्हन वालो मोठो परमेस्वर को दूरा, मोरो लक तोरो का काम? मि तोला परमेस्वर को किरया देवसु की मोला तकलीफ नोको देस।” 8 काहेकी यीसु न वोको लक कहीस “अरे भूत-पलीत यो मानूस मा लक हिट जाय।” 9 यीसु ना ओको लक पुसीस की “तोरो काजक नाव से?” ओना जवाब देइस “सार संगाइ से। काहे की हमि लगत सारी सेजन” 10 अना वय वोको लक गजब बिनती करीन “आमीला यो छेतर लक नोको हेडस।” 11 उता पहाडी को ढलान मा खालमानी को एक करप चरत होतो। 12 सार-सांगड ना यीसु लक गीडगीडायके बिनती करीन की “आमीला खालमानी मा डाक देव।” 13 तबा यीसु ना ओला हुकूम देइस। की हिट जाव, तबा सारो सार संगाइ ओमा लक हिटके खालमानी को करप मा धस गई। अना करप जिनको गिनती दोन हजार को होती, लवकर झपट के

झील मा धस पडयो। अना बूड के मर गयो। 14 अना चरानवारा ना धायके नगर अना गांव मा यो खबर बिखराय देइन। 15 अना असो भयो ता ओला देखन ला लोक आइन। यीसु को जवर आयके वय वोनो मानूस ला जेमा भूत-पलीत झोमयो होत्यो कपरा घालयो हुयो अना बडिया डिमाक चोयके डराय गीन। 16 अना चोवनवारा गीनना उनला सांगीन, का भूत झोमयो हुयो मानूस अना खालमानी को सप्पा हाल, कसो भयो? 17 अना वय ओला बिनती करके कव्हन लागीन, की हमरो सिवानो लक चली जाय। 18 अना जबा उ नाव पर चघन लगयो। तो उ जोन मा पयले भूत पलित होतीन, ओकोलक बिनती करन लगयो, की “मोला आपरो सँगा आवन दे।” 19 पर ओना ओला मना कर देईस अना ओला कव्हसे, “आपरो घर ला जाव अना जो काही पिरभु ना तोरो पर दया करीसेस, वोनो मोठो काम ला सँगा।” 20 उ जायके दिकापुलिस मा यो गोस्टी को परचार करन लगयो। की यीसु ना मोरो लाई कसो मोठो काम करीसेस। अखीन सप्पा ना मोठो अचंभा करीन। 21 जबा यीसु मंग नाव लक ओनागन गयो ता एक मोठी भीड ओको जवर आयी, अना उ झील को जवर होतो। 22 अना याईर नाव को सभाघर को मुखिया मा लक एक मानूस आयके, ओको पाय पडन लगयो। 23 अना ओना यो साँगके बिनती करन लगयो, की “मोरी नहानी दूरी मरन पर से, तु आयके ओको पर हात राखजो ता वा साजरी भई जाय अना जितो रव्हे।” 24 तबा उ सँग गयो अना मोठी भीड ओको मंघा भई गई यहान तकन की लोकगीन ओको पर गिरत पडत होती। 25 अना एक बायको जेनको बारा बरस लक लाल धोवा जावत होती। 26 अना जेना बडद गीन लक लगत दुख उचलीस होतीस, अना आपरो सब काही खरच डाकिस पर काही फायदा नही मिलयो होतो, पर अखीन रोग बढ गयो होतो। 27 यीसु को चरचा आयक के भीड मा लक ओको मंघा आई अना कपरा को पल्लु ला छिवलेइस। 28 काहेकि उ कव्हत होती “अदी मि ओको कपरा को पल्लु ला च छिव लेहु तो साजरी भई जाहु।” 29 अना गदने ओको रकत बहनो बंद भई गयो। अना ओना आपरो देह मा जान लेइस, की मि ओना बीमारी लक साजरी भई गई सेव। 30 यीसु ना गदने आपरो मा जान गयो, की मोरो लक ताकत हिटी से, अना भीड ला मुरकके पुसिस, “कोन से जेने मोरो कपरा को पल्लु ला छुवीस?” 31 ओको चेला ना ओला कहिन “तु चोवसेस की भीड तोरो पर गिर पड से, अना तु कव्हसेस; की कोन ना मोला छुईसेस?” 32 तबा ओना ओला चोवन लाई चवतरफा नजर दौडाइस। 33 तबा वा बायको यो जानके की मोरी कसी भलाई भई से डरात अना कापत आयी, अना यीसु को पाय पडके, ओको लक सबच हाल खरो-खर सांगिस। 34 ओना ओको लक कहीस; “दूरी तोरो भरोसा लक तु साजरो भईसेस। सान्ती लक जाव अना सारो संकट लक बची रव्ह।” 35 उ असो कव्हत होतो की सभाघर को मुखिया को घर लक खबर आई की “तोरी दूरी ता मर गई अब काय लाई गुस्जी ला दुख देवासेस।” 36 जेन गोस्टी वय कर रही होतीन, ओकी अनसुनी करके यीसु ना ओना सभाघर को मुखिया ला कहीस “नोको डराव; बस भरोसा राख।” 37 अना ओना पतरस अना याकूब अना वोको भाऊ योहन ला छोड अना कोनी ला आपरो सँग आवन नही देइस। 38 अना सभाघर को मुखिया को घर मा पहुँचियो

ता ओना लोकगीन मा हलचल चोविस। 39 तबा ओना भीतर जायके भीड ला कहीस “तुमी कायला बेचैन सेव, अना रडसो? दूरी मरी नही से पर जपमा से।” 40 लोकगीन ओकी हसी उडाईन, पर ओना सबला बाहेर हेडके दूरी को माय-बाप अना उनको सँगी ला आन कन भीतर गयो, जिता वा दूरी होती। 41 अना दूरी को हात धरके ओको लक कहीस, “तलीता कुमी।” जेनको लक मतलब से, “हे दूरी मि तेरो लक कव्हसू, उभो होय।” 42 अना दूरी गदने जाग के चलन फिरन लग्गिन। अना वा बारा बरस की होती। यो चोवके लोकगीन ला लगत अचंभा भयो। 43 मंग ओने उनला कडो हुकूम देइस, की यो गोस्टी कोनी ला नोको सँगने। अखीन असो कहीस का “दूरी ला काही जेवन लाई देव।”

6 उता लक हिटके यीसु आपरो गाँव नासरत मा आयो। अना ओको चेला ओको मंगा भई गइन। 2 यहूदीगीन को बिसराम दिवस उ पिराथना घर मा सिक्सा देवन लगयो। लगत लोक ओकी आयक के अचंभा भईन अना कव्हन लग्गिन “यो मानूस ला यो गियान ओला कोन ना देईसेस? एको हात लक कसो-कसो अचंभा को काम होवासेत?” 3 क उ बढई को दूरा नहाय? जो मरियम लक पैदा भयो से अना जोन याकूब योसेस यहूदा अना सिमोन को भाऊ से। का ओकी बहिन गीन आमरो बीच मा नही सेत? लोकगीन ओको कारन लक ठोकर खाईन। 4 यीसु ना उनलक कहीस, “भविष्यवक्ता को का आपरो नगर आपरो कुटुंब अना घर को सिवाय कोनी जघा मा कोनी बेजजती नही होवासे।” 5 मंग काही बिमार पर हात धरके उनला साजरो करके काही अचंभा को काम नही कर सकयो, काहेका उनना यीसु पर भरोसा नही राखिन। 6 अना उनको अबिस्वास लक वोला मोठो अचंभा भयो! मंग उ गाँव-गाँव सिक्सा देवत फिरयो। 7 बारा चेलागीन ला हाकलीस अना उनला दोन-दोन करके धाडीस। अना भुत पलित कहाइन को हक देइस। 8 अना उन ला सौंगीस, की “रस्ता मा जावतो बेरा लाठी ला सोड काही नही लेवने। ना भाकर-वाकर, झोला-झकड अना न बसनी मा पैसा-वैसा काही नोको ठेवने। 9 पर पनही घालने, अना कहीस, दुई दुई कुरता नोको धरने।” 10 अना “तुम्ही जोन घर मा जावने तो वोना नगर छोडन तकन उतच रहने। 11 जेने घर मा तुमरो आवभगत नही होहेत, अना तुमरी गोस्टी नही आयकेत तबा आपरो पाय की धुल भी झडाय देने का उनको पर गवाही होहेत” 12 अना उनना जायके परमेस्वर की साजरा बारता को परचार करन लग्गिन, का पाप लक मन ला हटाव। 13 अना उ लगत भुत-पलीत ला हेडत अना बीमारगिन पर तेल लगाय के साजरो करत होतिन। 14 हेरोदेस राजा ना यीसु को बारे मा चरचा आयकिस का लोक कव्हसेत, “योहन बसिस्मा देवनवालो मर गयो, अब जितो भयी से, एको लाई वोको लक यो अचंभा को काम होवासेत।” 15 पर काही लोक सोचत होतीन। “का उ एलिय्याह से अना कोनी जुनो जुग का भविष्यवक्ता मा लक एक समजत होतीन।” 16 पर हेरोदेस राजा कव्हत होतो की “योहन जोनको मिना डोस्का कपवायो सेव, उ जितो भई गई से।” 17 राजा हेरोदेस ना आपरो सिपाही हुकूम देके योहन ला धरके जँजीर लक बाँधके जेल मा डाक दियो, ओना यो एको लाई करीस, काहेकि

हेरोदेस ना हेरोदियास लक बिहा करयो होतो अना वा ओको भाऊ फिलिपुस की बायको होती। 18 काहेका योहन हेरोदेस ला कहीस “मोसे को नियम लक असो साजरो नहाय की तुमी आपरो भाऊ बहु ला राखो।” 19 एको लाई हेरोदियास योहन की गुस्सा करत होती, अना वा ओला मारन की तक्का मा रहत होती, पर हेरोदेस को कारन मार नही सकी। 20 काहे का हेरोदेस योहन ला एक नेक अना पवीतर मानूस मानत होतो, येको लाय उ डरात होतो अना वोकी रक्सा करत होतो। जबा उ ओकी आयकत होतो, तब उ लगत डरात होतो, पर ओको गोस्टी खुसी लक आयकत होतो। 21 अना ठीक बेरा जबा हेरोदेस ना आपरो जलम दिवस मा मुख सेनापति अना गलील को मुख मानुसिन ला मोठो जेवन मा बुलाइस। 22 तबा वोकी भाउबहु हेरोदियास की दूरी ना नाचके हेरोदेस अना वोको पाहुना हुनला खुस करीस। तबा राजा ना वा दूरी लक कहीस, का “तु माँग मि तेरी मरजी ला पूरी करूँ। 23 अना वोना कसम खाइस का आपरो अरधो राज भी तोला दे देह।” 24 तबा वा दूरी आपरो माय जवर जायके? पुसिस, अवो मायँ, मी काय माँपू? तबा वोकी माय ना वोला कहीस “योहन बसिस्मा देवनवालो को डोस्का।” 25 वा लवकर राजा जवर जायके कहीस, का “मि चाहसू का तु मोरो लाय भानी मा योहन बसिस्मा देवनवारा को डोस्का देजोस।” 26 तबा राजा कुम्हलाय गयो पर अपरो कसम खानो को कारन मना नही करीस। 27 अता राजा ना एकदम सिपाही ला धाडके वोको मान कापन को हुकूम देइस। उ गयो अना जेल मा वोको मान ला कापियो 28 अना वोला भानी मा आनके दूरी ला दे दियो, अना दूरी ना आपरो माय ला दे देईस। 29 यो आयक के ना योहन का चेला ऐना आइन, अना ओको लास ला मरघट्टी मा लीजाए के राखिन। 30 मंग पेरीतगीन यीसु को कठा एकट्ठा भईन अना जोन काही उनना करयो होतीन, अना जनता ला सिकायो होतिन वा सब यीसु ला सांगिन। 31 यीसु ना आपरो चेलागीन ला कहीस, “चलबिन एकलो मा जाबिन, काहेकि यहान लोकगीन आवनो-जावनो करासेत, हमला जेवन को अना सुस्तान ला भी बेरा नाहत।” 32 एकोलाय वय नाव मा चघके, एक सुनसान जघा मा चली गयीन। 33 लगत लोक ऐना ना उनला जावत चोय लेईन अना चिन्ह लेईन तबा सब हिट के पाय-पाय धावके उन लक पुढा पहुचीन। 34 वोना खाल्या उतरके मोठी भीड चोयिस अना उन पर तरस आयो। काहेका वय असी मेढा जसो होतीन जिनको कोनी रखवालो नही होतीन। उ उनला सिकावन लगयो, 35 जबा दिवस बुढतो बेरा भयी होती, वोका चेला आयिन अना वोला कव्हन लग्गिन, “यो सुनसान जगह से। अना महातनी बेरा भय गयो। 36 इनला सौंग का इता उता गाव अना बस्ति मा जायके जेवन लाय काही आनबीन।” 37 तबा यीसु ना जवाब देइस “त तुमीच उनला काही खान लाय देव, उनना कहिन, का आठ महिना को बनी को सिक्का की भाकर खरिद आनबिन अना उन लाय देबिन?” 38 वोना उन लक कहीस “जायके चोवो तुमरो जवर केतरी भाकर सेत?” उनना पता करीन ता “पाँच भाकर अना दुई मसरी सेत।” 39 यीसु ना चेलागिन ला हुकूम देइस, की सब ला हिवरो गवथ मा पंगत मा बसाय देव। 40 वय संबर-संबर अना पन्नास-पन्नास करके पंगत मा बस गइन। 41 वोना उन पाँच भाकर अना दुई मसरी ला लियो अना

सरग कन चोयके परमेस्वर ला धन्य वाद करीस। अना भाकर ला तोड़के चेला ला देवत गयो। अना वय लोकगीन मा परसन लगीन अना वसोच दुई मसरी ला भी उन मा परोस देइन। 42 अना सब पोट भर जेय लेइन 43 चेलाइन ना भाकर अना मसरी को टुकड़ा को ला मानासेव। 44 वय करिब पाँच हजार मानुसगिन जेवन करीन। 45 तबा वोना एकदम आपरो चेलाइन ला नाव पर चघन ला मजबुर करीस का चेला गीन वोको लक पुड़ा वोना गन बैतसैदा ला चली जाहेत। तबा मंघा ओना भीड़ ला सार करीस। 46 अना उनला सार करके यीसु पहाड़ पर पिराथना करन गयो। 47 जबा दिवस बुडता सँजा बेरा भई ता यीसु एकलोच भुई मा होतो, अना नाव झील को बीच मा होती। 48 जबा यीसु ना चोयो की वय खेवत-खेवत घबराय गईन, काहे का वारा उल्टी चलत होती ता रात को 3 बजे को करीब मा उ झील पर चलत-चलत उनको जवर आयो, अना पुड़ा होवने चाहत होतो। 49 पर चेलागीन ना यीसु ला झील पर चलतो चोयके वय समजिन का भुत से। अना चिल्लान लगीन। 50 काहेका सब वोला चोय के घबराय गईन, पर वोना एकदम उन लक कन्हयो “हिम्मत राखो। मि सेउ, नोको डराव!” 51 तबा उ उनको जवर नाव मा आयो ता वारा थम गई तब वय लगत चकित भय गईन। 52 उन ला एतरो भीड़ ला जेवन करानवालो चमत्कार समजमा नही आयो। एकोलाय उनको मन कड़ो भय गयो होतो। 53 वय उतरके गन्नेसरत गाँव मा धाड़िन अना नावघाट मा नाव लगाईन। 54 जबा वय नाव लक खाल्या उतरीन ता उता का लोकगीन गदने यीसु ला चीन्ह लेइन। 55 तबा यहूदिया अना इता-उता परान लगीन अना सब लोक बीमार गीनला खाट पर डाकके जितानि-उता खबर मिलयो का उ वहां से उतच लक आनन लगीन 56 अना जिता-जिता गाँव नगर अना बस्ति मा उ जावत होतो लोक बीमारगीन ला बाजार मा राखके ओको लक बिनती करत होतीन, का उ उनला आपरो कपरा को छोर ला छुवन दे, अना जेतरा वोला छुवत होतीन, वय सप्पा साजरो भय जात होतीन।

7 तब फरिसी अना मोसे को नियम को गुरू, जोन येस्सलेम नगर लक आयो होतीन ओको आखा-पाखा जुमला भईन। 2 अना ओको चेला गीनला बिना हात धोये के जेवन जेवत चोइन। 3 काहे का फरिसी अना सब यहूदी अना मुखिया बिना हात धोवन को नेम कियो जेवत नही होतीन, काहेकि बाप दादो की रिवाज मा चलत होतीन, 4 अना बाजार लक आयके, पानी लक आपरो आप ला सुध्द करत होतीन तबच जेवत होतीन। असो बेजा सारो रिवाज ला मानके चलत होतीन, जसो कटोरा करसा तौबा को भौंडो ला धोवने अना माँजने। 5 फरिसी मुखिया अना मोसे को नियम को गुरू गिन ओको लक पुसिन “असो काय बात से? का तोरो चेला गीन बापदादा को रिती रिवाज नही चला सेत अखीन बिना हात धोये जेवासेत?” 6 यीसु ना उन लक कहीस, “यसायाह भविष्यवक्ता ना तुम्हि कपटीगीन को लाय सहीच लिख्योसे” “वय लोक गीन टोन्ड लक मोरो आदर करासेत, पर इनको दिल मोरो लक लगत दूहर सेत। 7 वय फालतू मा मोरो भगती करासेत, अना मानुस को सिक्सा ला धारमिक नियम को स्पमा सबला सिकावासेत।” 8 “तुमी

परमेस्वर को हुकूम ला टालासो अना मानुस को रीती रिवाज ला पालन करोसो।” 9 यीसु ना उनलक कहीस, “तुम्हि लोक बेजा चलाक सेव, परमेस्वर की हुकूम ला तोड़के खुदच की रिती रिवाज को मानासेव।” 10 तुमहि ला मोसे ना सांगयो होतो, “आपरो माय-बाप को आदर करने, अना जोन कोनी माय-बाप ला बुरो कहे, उ मार दियो जाय” 11 पर तुम्हि सांगासो कोनी मानुस आपरो माय-बाप कहत का, जोन काही पालन को खरचा से, ओला मि परमेस्वर ला भेट करासेऊ। 12 ता वोला आपरो माय-बाप को लाय काही नही करन देसो। 13 यो तरीका लक तुम्हि आपरो रीत लक परमेस्वर को हुकूम ला टाल के ना आपरी रीती रिवाज ला मानासो। 14 यीसु ना जनता ला आपरो कठा बुलाके उन ला सॉगीस, “तुमी सब मोरी गोस्टी ला आयको अना समजो। 15 असी कोनी बाहरी चीज नहात जोन मानुस को भीतर जायके वोला असुद करे। जोन भीतर लक बाहेर आवासे ता वा च असुद करासे। 16 जोको कठा कान से, उ मोरी आयको।” 17 जबा उ जनता को कठा लक घर मा गयो, त चेला गीन वोको लक हाना को बारे मा पुसन लगीन, 18 यीसु ना कहीस “का तुमी एतरो नासमज सेउ का? तुम्हिला एतरो समज नहात? का जोन चीज बाहेर लक मानुस को भीतर जासे वा मानुस ला असुद नही करासे। 19 काहे की उ मन मा नही पर सिध्दो पोट मा जावासे, अना हागतबेरा बाहेर हीट जासे,” असो परकार यीसु ना सब जेवन को चीज ला पवीतर ठयरायो। 20 यीसु ना मंग सॉगयो, “जोन मानुस मा लक हिटासे वोच, ओला असुद करासे। 21 काहेका भीतर मन लक खोटो बिचार, मजे छिनालापन, चोरी, जान लक मारनो, 22 लोभ, खोटो गोस्टी, छल, लुचपन, खोटो नजर, निन्दा, अहम अना मुखता हिटसे, 23 यो सब खोटो गोस्टी मानुस को भीतर लक हिटासे, यो मानुस ला असुध्द करासे।” 24 मंग यीसु उता लक सुर अना सैदा देस को सीवमेढ मा आयो अना एक घर मा गयो। उ चाहत होतो की कोनीला पता नोको चले, पर उ लुक नहि सकयो। 25 एक बायको, जोकि लहान दूरी, एक भूत को कब्जा मा होती वा यीसु को बारे मा आयक के आई। अना यीसु को पाय पडन लगी, 26 वा बायको गैरयहूदी होती। जोन सिरिया देस की रव्हनवारी होती। वोना यीसु लक बिनती करी का मोरी दूरी लक भूत ला हेड दे। 27 यीसु ना वा बायको लक कहीस, “पुढा दुरागीन ला अघान दे, काहे का दूरा को भाकर कुतरा को पुढा डाकनो साजरो नहाय।” 28 “वोना जवाब देईस।” पिरभु या बात खरो से, “पर कुतरा जुठन-जाठन जेवासेत।” 29 यीसु ना वोको लक कहीस, “तोरो भरोसा को कारन, भूत तोरी दूरी मा लक हिट गयो।” 30 जबा वा बायको आपरो घर मा जायके चोयी, दूरी खाट मा सोयी होती, अना भूत हिट गयो होतो। 31 मंग सुर सैदा को देस लक हिटके, दिकापुलिस मजे दहा नगर लक होतो, गलील को सागर कठा पहुचयो। 32 अना लोकगीन एक बावरो ला जो हकलात होतो, ओको जवर आनीन अना बिनती करीन की ओको पर हात राख 33 तबा वा बावरो ला भीड़ कन लक अलग ले गयो, अना आपरो बोट ला ओको कान मा डाक्रीस अना थुक के ओकी जुबान ला छुईस 34 अना सरग कना देखके ओना पोट भर सांस लेके कहीस, “इफतह” मजे “उघड जाय।” 35 अना ओको कान उघड गईन अना जुबान को बंधन भी उघड गई

मंग उ सप्पा-सप्पा बोलन लगयो। 36 तबा ओना उनला कहीस, यो गोस्टी को कोनी ला परचार नोको सांगने, पर मना करने पर वय अखीन ओको बारे मा सांगन लगन, 37 अना वय लगत चकित भयके कव्हत होतीन, “वोना जोन काही भी करीसेस, साजरोसे। उ मुक्कोपन ला बोलन अना भैरागीन ला आयकन को ताकत देसे।”

8 ओनो दिवस मा जबा मोठी भीड एकट्ठी भई अना उनको कठा काही जेवन ला नही होतो। तबा ओना आपरो चेला इन ला जवर बुलायके, उनला साँगीस। 2 मोला यो भीड ला चोवके तरस आवासे, काहेका अज तीन दिवस भयो, मोरो संग सेत, उनको कठा जेवन लाय काही नहात। 3 अदी मि इनला भुखो घर धाड्सु, तबा यो रस्ता मा बेहोस भय जाहेत, उनमा लक लगत लोक बेजा दुहर लक आई होतीन। 4 यीसु को चेला गीन बोला जवाब देईन। यो सुन्सान जघा मा एतरो जेवन कहान मिलहेत? 5 यीसु ना उनलक कव्हयो, तुमरो जवर केतरी जेवन सेत? उनना जवाब देईन सात भाकर! 6 तबा ओना जनता ला जमीन मा बसन लाय कहीस, यीसु ना सात भाकर धरके परमेस्वर ला धन्यवाद देईस। अना भाकर को टुकडा करके चेला गीन ला देइस, तबा वय उनला परसन लगन। 7 उनको कठा काही लहान-लहान मसरी होतीन, बोला वसोच परमेस्वर ला धन्य वाद देके, उनला परसन ला कहीस। 8 तबा वय लोक जेयके अघाय गईन, अना चेला गीन बचयो सात टोपली भरके उचलीन। 9 अना लोक चार हजार को करीब मा होतीन। तबा उनला वोना सार करीस। 10 अना उ झट आपरो चेला गीन को संग नाव मा चघके दलमनुथा नाव को जघा मा चली गयो। 11 मोसे को नियम को गुरू आयके यीसु संग बैस करन लगन, अना ओला परखन लाई ओको कन लक काही सरग लक निसान मांगन लगन। 12 ओना आपरी मन लक पोट मा सांस भरके कहीस, यो बेरा को लोकगीन कायलाई निसान ढुंढासे? मि तुमरो लक खरो सांगसु, यो बेरा को लोकगीन लाय काही निसान नहात। 13 अना उ उनला वहान सोडके अना नाव पर चघयो अना वोनागन गयो। 14 चेलागीन भाकर राखनो भूल गयो होतीन। अना नाव मा उनको कठा एकच भाकर होतो। 15 ओनो बेरा यीसु ना उनला ध्यान देवाके कव्हसे, चोवो! फिरसी गुरूगीन को खमीर अना हेरोदेस राजा को खमीर लक चाकपाक रव्हने। 16 एको पर वय आपसी मा बैस करके कव्हन लगन, आमरो कठा भाकर नहात, एकोलाय यो असो सांगासे। 17 यीसु ना यो जानके उनलक कहीस, तुमी आपस मा मन मा काहे सोचसो? का आमरो कठा भाकर नहात।

का तुमला अबा तकन समज मा नही आयो से, का तुमरो “अक्ल मा गोटा पड गयो से?” 18 तुमरो “डोरा से का चीज को बीज”, अना “कान से का परसा को पान” अना तुमला हेत नहाय? 19 जब मिना पांच हजार मानूस लाई भाकर तोडो होतो तबा तुमना केतरी टोपली भाकर को टुकडा उचलो होतो। उन ना कहीन बारा। 20 जबा चार हजार मानूस लाय सात भाकर ला दियो, तबा तुमी ना केतरो टोपली भरके उचलो होतो, उन ना कहीन सात। 21 यीसु ना उनला कहीस का तुमी अबा तकन नही समजयोसेव? 22 वय बैतसैदा गांव मा आइ। तबा लोकगीन एक अँधरा ला ओको जवर आनीन अना ओको लक बिनती करके कव्हन लगन एला साजरो कर। 23 अना

यीसु ना अँधरा ला हात धरके गाँव को बाहेर ले गयो, अना ओना ओको डोरा मा लगावन साठी थुकीस, अना ओदो हात करके आपरो हात वोको डोरा मा राखके बोला पुसिस का तोला काही चोवसे? 24 डोरा उचलके ओना कहीस की मि लोकगीन ला झाड जसो चलतो चोवसु। 25 मंग दुबारा ओना अँधरा को डोरा मा हात राखीस तबा ओला साजरो-साजरो चोवन लगयो। 26 यीसु ना ओला यो साँगेके धाडीस, मंग यो गाँव मा दुबारा पाय नोको राखजोस। पर आपरो घर जाय। 27 यीसु आपरो चेला गीन को सँग, कैसरिया फिलिप्पी को आखा-पाखा को गाँव मा आयो। रास्ता मा ओना चेलागीन लक असो पुछिस का लोक मोरो बारे मा काजक कव्हसेत? 28 उनना कहिन कोनी योहन बसिस्मा देवन वालो कव्हासेत अना कोनी भविष्यवक्ता एलिय्याह अना काही को कव्हनो से का कोनी जुनो भविष्यवक्ता मा लक एक से। 29 उ उन लक पुसासे? तुम मोला काजक कसो? मि कोन आँव? पतरस ओला कहीस, तु परमेस्वर को कन लक “सुटकारा देवन वालो मसीह आस।” 30 तबा उ उनला चेतायके हुकूम देइस, तुमी मोरो बारे मा कोनी लक नोको साँगेने। 31 मंग यीसु उनला सिकावन लग्यो का “मानूस को दूरा” को लाय यो जस्सी सेत का उ लगत दुख उठाएत सयानो, मुखिया याजक, अना मोसे को नियम को गुरू लक नकारो जाय, अना मार डाको जाए। मंग तीन दिवस को मंघा जितो भय जाए। 32 यो गोस्टी ला आयक के मंग पतरस बोला एककन ले जायके डाटन लगिस। 33 पर वोना पलट के चेला ऐना ला चोविस, अना पतरस ला डाटके कहीस, हे सैतान मोरो पुढा लक दुहर भय जाय, तु परमेस्वर को नही पर मानूस को गोस्टी पर मन लगावसेस। 34 वोना गरदी लक चेला गीनला जवर बुलायके सांगिस, अदी कोनी मोरो मंघा आवन चाव्हासे, उ आपरो आप ला तज देय। अना आपरो कूरूस ला उचलके मोरो मंघा आहेत। 35 काहे का जो आपरो परान ला बचावनो चाव्हासे, उ बोला खोय देहे। अना जो कोनी मोरो अना मोरो साजरो बारता साँगन लाय आपरो परान खो देयेत, उ ओला सुरक्षित पाहेत। 36 काहे का अदी मानूस सारो जगत ला पायके ना, आपरो जान की हानि उठायेत ता का फायदा? 37 काहेकि मानूस आपरो जान को बदला मा, का दे सकसे? 38 जो कोनी यो खोटो अना पापी पीढी बेरा मा मोरो लक अना मोरो गोस्टी लक लजाहे ता मानूस को दूरा भी जबा आपरो पवीतर सरगदूत को सँग आपरो परमेस्वर बाबूजी को महिमा मा आहे, तबा उ भी उनला आपरो कव्हन लाय लजाहे।

9 अना यीसु जनता लक कव्हासे, मि तुमरो लक खरो कव्हसु, का जोन यहान उभो सेत उनमा लक कोनी कोनी असो से, का जबा तकन परमेस्वर को राज ताकत लक आयो नही चोव लेहेत, तबा तकन वय नही मरहेत। 2 एक हफ्ता को मंघा यीसु ना पतरस याकूब अना योहन गिनको सँग एक लगत उच्चो पहाड को वरता गयो। अना उता उनको पुढा यीसु को सभ बदल गयो। 3 ओको कपरा असो चमकन लग्यो जसो कोनी बरेठ धरती मा असो पाँढरो नही कर सकत, एतरो पाँढरो होतो। 4 अना उनला भविष्यवक्ता मोसे अना एलिय्याह चोयो, वय यीसु को सँग गोस्टी करत होतीन। 5 तबा पतरस यीसु ला कव्हासे, हे गुरू जी! हमरो यहान रव्हनो साजरो

से, एकोलाय आमी तीन मान्डो बनाबिन एक तोरो एक मोसे अना एक एलिय्याह लाय। 6 काहेका वय बेजा भेवमा होतीन एकोलाय काजक जवाब देवने से वोला समजमा नही आयो। 7 तबा एक बादल ना उनला ढाक लेईस। अना वय बादल मा लक यो आवाज आयक् आयी, का यो मोरो चहेतो दूरा आय, एको आयको। 8 तबा उनना एकाएक आख-पाखा चोइन, अना यीसु को सीवाय आपरो सँग कोनी ला नही पायीन। 9 पहाड लक उतरतो बेरा वोना हुकूम देईस, का जबा तकन मानूस को दूरा मरके जितो नही होवासे। तबा तकन जोन काही तुम्ही ना चोयीसेव कोनी लक नोको सँगने। 10 उनना यो गोस्टी ला हेत करके आपसी मा बातचीत करन लगिन, का मरो मा लक जी उठनो काजक से? 11 अना चेला गीन कव्हन लगिन, मोसे को नियम को गुरू काय लाय कव्हासेत? पयले एलिय्याह को आवनो पक्को सेत? 12 वोना जवाब देईस, एलिय्याह सच मा पुढा आयके सब काही सुधारेत? पर मानूस को दूरा को बारे मा कायलाई लिखीसे की उ लगत दुख उचले अना निकम्मो गिनो जाहे। 13 अना मि तुम लक कव्हसु, का एलिय्याह तो आय गयो से? अना जसो ओको बारे मा लिखयो से उ सबच पूरो भय गयो से। 14 जब यीसु चेला गीन को कठा आयो, तो चोयीस का उनको आखा-पाखा भीड जमा होती; अना मोसे को नियम को गुरू उनको सँग बैस करत होतीन। 15 अना ओला चोयकेना सब गजब चकित भईन अना ओको कन धावके ओला दन्डवत करीन। 16 यीसु ना चेलागीन लक पुछिस तुमी इनको सँग कायला बैस करोसो। 17 भीड मा लक एक ने ओला जवाब देईस, हे गुरूजी मि आपरो दूरा ला जेनको पर भूत झोमो से वोला तोरो कठा आनयो होतो। 18 जितानी-उतानी वा ओला धरके अना पटक देसे, ओला मिरगी आवासे मीना तोरो चेला ला भूत कहाडन लाय कव्हयो, पर वय कोनी काम को नाहत ओला नही कहाड सकीन। 19 यो आयक के ओना जवाब देईस तुम्ही अबिस्वासी काहे बनयो सेव? मि कब लक तुमरो सहूँ? बिमार ला मोरो कठा आनो। 20 तबा उ बीमार ला ओको कठा आनीन, तब ओना डोरा भरके ओला चोईस, अना वा भूत ओला मरोडन लगयो, अना जमीन मा पटकन लगयो, अना उ टोन्ड लक फेसकुड फेकन लगयो। 21 तबा यीसु ना ओको बाबूजी ला कहीस, एको हाल कब लक से? ओना सौंगीस का नहानपन लक से। 22 अना वोना ओला नास करन ला कभी स्तो मा, कभी पानीमा पडात होतो, पर तु काही कर सकासेस, ता हमरो पर तरस खायके एला साजरो कर। 23 यीसु ना ओला कहीस, अदी जोन भरोसा राखासेत, वोको लाय सब काही होय सकासे। 24 दूरा को बाबूजी ना तुरत गिडगिडाय के कहीस, हे पिरभु मी बिस्वास राखसु तु मोरो अबिस्वास को उपाय कर। 25 जबा यीसु ना चोविस की लोकगीन धावके भीड लगावसे, तो ओना भूत ला हुकूम देईस। हे गुंगो अना बावरो भूत! एको मा लक हिट जाय, अना एको मा दुबारा नोको धसजोस। 26 तबा भूत बेमियायके ओला लगत मरोडके वोमा लक हिट गयो। अना उ दूरा मरो जसो भय गयो, एतरो तकन की लोग कव्हन लगिन, उ मर गईसे। 27 पर यीसु ना ओको हात धरके ओला उचलीस, अना उभो भय गयो। 28 जबा उ घर मा आयो, तो ओको चेला ना ओको लक एकलो मा पुसिन, आमी ओला काय ला नही कहाड सकया। 29 वोना उनला सौंगीस

की असो भूत-पलित बिना पिराथना कियो नही हिटासे। 30 मंग यीसु अना चेलागिन उता लक हिटके अना गलील मा लक जावत होतो, उ नही चाव्हत होतो का कोनी जान पाहे, का वय वहाँ पर सेत। 31 काहेका उ केवल आपरो चेला गीन ला सिक्सा देवत अना कव्हत होतो। मानूस को दूरा मानूस गीन को हात धराय देहेत अना वोला मार दियो जाहेत, अना उ मरनको तीन दिवस मघा जितो भय जाहेत। 32 पर या सबद उनको समज मा नही आई। पर वय पुसन लक डरात होतिन। 33 अना वय कफरनहुम नगर मा आइन, घर मा धसन को मंघा यीसु चेलागीन ला पुसासे की रास्ता मा तुमी कोन गोस्टी लक बैस कर रहया होता। 34 पर वय ऊगो मुगो भय गईन, काहेका उ रास्ता मा यो बैस करत होतीन, का आमरो मा कोन मोठो से? 35 तबा यीसु बस गयो अना वय बारा ला हाकलके कव्हसे? अदी कोनी मोठो होवने चाव्हसे, तो सब लक लहान बन जाय, अना सबको दास बनेह। 36 अना एक नहानो सो दूरा ला आपरो कन्हिया मा धरके कव्हसे। 37 जो कोनी मोरो नाव लक असो दूरा मा लक कोनी एकच ला भी अपनावसे उ मोला अपनावसे अना जो कोनी मोला अपनावसे, उ मोला नही मोरो धाडन वालो परमेस्वर ला अपनावसे। 38 तबा योहन ना ओको लक सौंगीस, हे गुरूजी आमी ना एक मानूस ला तोरो नाव लक भूत-पलीत ला हेडतया देखाया अना ओला अमीना मना करीसेजन, 39 यीसु ना कहीस का वोला मना नोको करो। काहे का असो कोनी नहात जोन मोरो नाव लक अचंभा को काम करे अना मोला बुरो कहे। 40 काहेका जोन आमरो विरोध मा नहात, उ आमरो कना से। 41 जोन कोनी तुमला मसीह होवन को कारन मोरो नाव लक एक गिलास थन्डो पानी देहे, मी तुमला खरो कव्हासू तो वोला आसीस मिलेह। 42 जोन कोनी ऐना लहान लक जोन मोरो पर भरोसा ठेवासे, अना कोनी पाप को कारन बनकर उनको भरोसा तोड देसे, ता भलो होतो की एक मोठो चक्की को पाट वोको गरो मा बांधके वोला समुद्र मा डाक दियो जातो। 43 अदी तोरो हात तोरो पाप को कारन बनासे, ता उ हात ला कापके फेक दे, भलो से की तु टुन्डो भयके जीवन पावजोस पर दुई हात को रहतो नरक मा नही पडजोस, जहान को स्तो कभू नही बुझेत। (Geenna g1067) 44 जहान कीडा नही मरन को अना स्तो नही बुझन को। 45 अदी तोरो पाय तोला पाप को कारन बनासे, तुमी वोला काप डाक, चांगलो जिंदगी योच से का तुमी लगडा भयके परमेस्वर को राज मा जावो पर दोन पाय को रहतो नरक मा जानो साजरो नहात। (Geenna g1067) 46 जहान कीडा नही मरन को अना ना स्तो बुझन को 47 अखीन अदी तोरो डोरा तोला पाप को कारन बनासे ता ओला हेड दे, भोकना भयके परमेस्वर को राज मा धसनो तोरो लाई साजरो से दुई डोरा धरके नरक मा जानो लक। (Geenna g1067) 48 जितान उनको कीडा नही मरा अना स्तो नही बुझा। 49 जसो नोन बलिदान ला सुध करासे, वसोच हर एक मानूस स्तो लक सूद कियो जाहे। 50 नोन त साजरो से, पर अदी नोन को स्वाद चलो जाहे, त कोनती सी चीज लक नमकीन करयो जाहे, एकोलाय आपरो मा नोन राखो, अना आपस मा मेल जोल राखो।

10 यीसु मसीह ना ओना जघा ला सोड देइस अना यहूदिया को परमेस्वर को राज मा धसनो गजब कठिनसे। 25 ऊट ला सुई को छेतर लक होयके यरदन नदी को पार आयो। अना भीड़ छेद लक पार होय जानो सरल से। पर धनी मानूस को परमेस्वर ओको कठा एकट्ठा भई अना वय अपरो रिति लक उनला सिक्सा को राज मा धसनो सरल नहात। 26 चेलागीन गजब चकित भयके देवन लगयो। 2 फरिसी दल को लोक यीसु को जवर आइन, कव्हन लगिन, अता कोन को सूटकारा होय सकासे? 27 यीसु ना अना वोको परिक्षा लेवन को ठानके पुसन लागीन। का मोसे को उनला चोयके कहीस, मानूसगिन लक ता असो नही होय सकासे, नियम लक नवरा आपरी बायको ला छोडासे? का यो खरो से? पर परमेस्वर को लाय सरल से। 28 पतरस न ओको लक कहीस, 3 ओना उन लक कहीस गुरूजी मोसे ना तुम ला काजक हुकूम देख, आमी त सब काही छोड- छाड के तोरो मंघा आईसेजन। 29 देइसेस? 4 उनना कहिन गुरूजी मोसे ना ता आपरी बायको ला कागद यीसु खरोपन लक उनला कव्हासे, जोन मोरो अना साजरा बारता को मा लिखके छोडछुट्टी देवन को हुकुम दियोसे। 5 यीसु ना उनला कारन, आपरो घर, भाऊ, बहिन, माय अना बाप अना लेकरा अना कहीस, तुमरो गोटा जसो मन होवन को कारन ओना तुमरो लाय असो खेत ला सोड दियो से। 6 सूस्आत मा परमेस्वर ना मरद अना बायको लेखत ला सोड दियो से। 30 अना योच जीवन मा सौ गुना पाहेत, घर, हुकूम लिखीसेस। 7 सूस्आत मा परमेस्वर ना मरद अना बायको भाऊगीन, बहिनगीन, मायगीन, लेकरागीन अना खेत, इन सबको ला बनाईस। 8 असो परकार अबा वय दुई नही पर एकच देह सेत। संग सताव अना आवन वारा जुग मा हारामेसा को लाय जिन्दगी भेटेत। (aiōn g165, aiōnios g166) 31 पर वय जोन पुढा सेत, मंघा होहेत, अना जो मंघा सेत, वय पुढा होयेत। 32 यीसु अना वोको चेला येस्सलेम नगर जावनवारी रस्ता मा लक जावत होतिन। 9 एकोलाय जोन ला परमेस्वर ना जोडीसेस ओला मानूस अलग अना यीसु पुढा-पुढा चलत होतो, तबा उन बारा ला वोना आपरो पर नोको करेत। 10 चेला गीनना घर पहुचके यो बारे मा यीसु लक मंग आवनवालो मुसीबत को बारे मा सांगिस यो आयक के चेलागीन सवाल करीन। 11 यीसु उनला कहीस, जोन कोनी आपरी बायको चकित होय गईन, अना ओको मंघा आवनवालो लोकगीन डराय ला सोड के दुसरी पाठ करेत, ता उ पयली को विरोध मा खोटो गईन। 33 चोवो, आमी येस्सलेम नगर ला जावासेजन, अना काम करासे। 12 अना अदी बायको आपरो नवरा ला सोडके दुसरो को दूरा” मुखिया याजक अना मोसे को नियम को गुरू गीनको हात मा सोप दियो जाहेत, अना वोला जान लक मारन को दन्द देवन लक पाठ करेत ता वा खोटो काम करासे। 13 लोक यीसु को सुपरत कर दियो जाहे। 34 वय वोको लेकरा गीनला आनीन, का उनला आसीरवाद देये। अना चेलागीन मजाक उडाहेत, थुकेत अना मार डाकेत, अना उ तीन दिवस मा उनला डटकारन लगिन। 14 यीसु ना यो चोयके गुस्सा लक उनलक जित्तो होय जाहेत। 35 तबा जबदी को दूरा याकूब, अना योहन ना कहीस, लेकराइन ला मोरो जवर आवन देव अना उनला मना नोको यीसु को कठा आयके कहिन, “हे गुरूजी, हमी चाव्हसेजन का तोरो करो। काहे का परमेस्वर को राज असोच लोकगीन को से। 15 मी लक जो काही भी माँगबिन, तु हमरो लाय करजोस।” 36 ओना उन तुम लक खरो कव्हसु, जोन कोनी परमेस्वर को राज लेकरा लक कहीस, की “तुम काजक, चाव्हसो? मि तुमरो लाई काजक समान नही अपनाहेत, वय ओमा कभी धस नही पाहेत। 16 अना कसु?” 37 उनना ओको लक कहिन “जबा तु महिमा को सँग आसीस देइस। 17 अखीन जबा यीसु जतरा को लाई हिटत होतो। सिहासन मा बसजोस तबा, आमी मा लक एक ला उज्जो अना दुसरो तबा एक मानूस धावत आयो, अना ओको पुढा टोघरा टेकके ओना ला डाखयो मा बसाजोस।” 38 यीसु ना उन ला कहीस “तुम्ही नही यो पुसयो, ओ साजरो गुरू! मि अमर जीवन ला पावन लाई का कसु? जानासेव, का काजक माँगसो? जोन दुख को बटकी मि पीवन पर (aiōnios g166) 18 यीसु ना ओको लक कहीस, तु मोला साजरो सेउ, वोला तुमी वोला पी सकसो? अना का जसो भी बप्तिस्मा लेवन काहे कव्हासे? परमेस्वर ला सोडके कोनी बेस नहात। 19 तु हुकूम ला तैय्यार सेव, वसोच तुमी भी बप्तिस्मा लेवन ला तैय्यार सेव?” 39 ला जानासेस का कोनी को जियान नोको लेवने, छिनाली नोको एतरो पर आपरो माय बाबूजी को आदर करने। 20 ओना यीसु ला कहीस, हे यीसु ना कहीस “जोन बटकी मि पीवन पर सेउ, ओला तुमी भी पीहो करने, चोरी नोको करने, झुठो पुस्प नोको देने, छल नोको करने, अना जोन बप्तिस्मा मोला लेनो से वोला तुमी लेहो, 40 मंग परमेस्वर आपरो माय बाबूजी को आदर करने। 20 ओना यीसु ला कहीस, हे अना जोन बप्तिस्मा मोला लेनो से वोला तुमी लेहो, 40 मंग परमेस्वर यीसु ना ओला नजर गडायके ध्यान लक चोयीस, अना ओको दिल ना जिनको लाई जघा तैय्यार करीसेस उनला च दियो जाहे। अना मा माया उमड गयो। यीसु ना ओला कहीस, तोरो मा एक गोस्टी की जानासेव, का काजक माँगसो? जोन दुख को बटकी मि पीवन पर कमी से, जाय अना जो तोरो तिजोरी माल से ओला गरीब गोर इनला सेउ, वोला तुमी वोला पी सकसो? अना का जसो भी बप्तिस्मा लेवन देदे, अना आयके मोरो मंघा चल तब तु परमेस्वर को राज मा मजे जानसो का जोन दुसरो लोकगीन को राजा अना अधिकारी जानो सरग मा धन पावजोस। 22 यो आयक के ओको टोन्ड उदास भय जावासे, उ आपरी जनता पर हक जमावासेत। 43 पर तुम्ही मा असी गई, अना उ टोन्ड उतारके घर चली गयो, काहेका उ लगत धनी बात नाहेत पर जो तुम्ही मा पयले होवनो चाव्हासे व पयले तुमरो दास होतो। 23 यीसु ना आसपास मा चोयके आपरो चेला गीनला कव्हयो बनेह। 44 जो तुम्ही मा मुखिया होवनो चाव्हासे व सबका दास बने। 24 यीसु ना ओला कहीस, तोरो मा एक गोस्टी की दास बने। 45 काहे की मानूस को दूरा आपरी सेवा करान लाय नही, पर सेवा जवाब देइस, ओ लेकरागिन जोन धन पर भरोसा राखासेत, उनको करन ला अना सबको लाय पाप को दाम चुकावन अना सूटकारा

देवन आयो से। अना लगत लोक गीनला सोडान को लाय आपरो परान देदे।” 46 यीसु अना ओको चेला यरीहो लक होयके जाय रही होतीन, तिमाई को दूर बरतिमाई एक अँधरा भिखारी होतो, अना सडक को कगर मा बसयो होतो। 47 जबा ओना आयकिस, की उ नासरत वालो यीसु से, जोन जावासे, ता हाकल के कव्हन लगयो, “हे यीसु नासरी दाऊद को सन्तान! मोरो पर दया कर!” 48 लगत लोक ओला डटकारन लग्गीन की चुप रव्ह, पर उ अखीन जोर-जोर लक हाकलन लगयो, “हे दाऊद को सन्तान मोरो पर दया कर।” 49 यीसु स्कयो अना कहीस, “ओला बुलाव,” लोकइन ना ओला बुलाइन अना कहीन की “हिम्मत राख, उभो होय! उ तोला हाकलासे” 50 उ आपरी चढ़ फेकके उछल पड़यो, अना यीसु जवर आयो। 51 यीसु ना ओको लक पुसिस की “का चाव्हसेस मि तोरो लाई कर?” अँधरा ना जवाब देइस की “गुरूजी मि चोवन चाव्हसु।” 52 यीसु ना कव्हयो “जा तोरो भरोसा ना तोला साजरो करीसेस,” अना उ चोवन लगयो अना यीसु को मँधा भय गयो।

11 जबा वय येस्सलेम को कगर जैतून पहाड़ पर, बैतफगे अना बैतनिय्याह गाँव को जवर आइन। यीसु आपरो चेला मा लक दुई ला यो कहके धाडीस 2 की “ओना नगर मा जावो, अना जसो ही तुमी धसो तो तुमला पाटरू बच्चा चोयेत। जोन पर कोनी नही बसयो से, ओला खेलके आनने। 3 अदी तुम ला कोनी पुछेत असो काहे करोसो, त कव्हने की मोरो मालिक ला एको काम से, उ ओला गदने इता धाड़ देहेत।” 4 उनना जायके उ पाटरू ला बाहेर बेसकुड को जवर चौक मा बन्धो पाईन, अना खेलन लग्गीन। 5 अना उनमा लक जोन उता उभा होतीन, कोनी कोनी कव्हन लग्गीन, “की यो का करोसो? गढव को पाटरू ला काय ला खोलोसो?” 6 उनला जसो यीसु न कहि होतीस, वसोच उनला कव्ह देईन, तबा उनना उनला जावन देईन। 7 अना उनना उ पाटरू ला यीसु को जवर आनके आपरो कपरा ओमा डाक देईन, अना उ ओमा बस गयो। 8 लगत लोकगीन ना आपरो कपरा रास्ता मा बिछाइन, अना काही ना खेत मा लक नहानी-नहानी डारी काटके फैलाय देइन। 9 अना जोन ओको पुडा-पुढा जावत, अना मंघा चलो आवत होतीन, चिल्लाव के कव्हत होतीन, “ओ पिरभू अमीला बचा! धन्य से उ, जोन पिरभु को नाव लक आवासे। 10 हमरो बाबूजी दाऊद को राज जोन आय रही से; उ धन्य से, वरता बादल मा जय जयकार हो!” 11 अना उ येस्सलेम पहुचके मंदिर मा आयो। अना चहु तरफा सब चीजहन ला चौवके, बारा चेलागिन को सँग बैतनिय्याह गाँव गयो। काहेकि झुलाखाली बेरा भई गयो होतो। 12 दूसरो दिवस जबा यीसु अना चेलागिन बैतनिय्याह लक आय रही होतीन, तबा यीसु मसीह ला भुख लग्गी। 13 अना उ दुहर लक अँजरी को झाड़ चौवके जवर आयो, जोन पत्ता लक ढकयो होतो। पर पत्ता ला छोड़ ओमा काही नही मिलयो, काहेकि फर को बेरा नही होती। 14 एतरो पर ओना झाड़ लक कहीस “अता सदा लक कोनी तोरो फर नही खाहेत।” अना ओको चेला आयकत होतीन। (aion g165) 15 मंग यीसु अना ओको चेला येस्सलेम मा आइन, अना उ मंदिर मा गयो। अना उता जो लेन-देन करत होतीन, उनला बाहेर हेडन लगयो। अना सोना-

खुरो बिकन वालो की पीढा, अना परेवा बिकन वालो की पीढा ला उलट देइस। 16 अना मंदिर मा लक होयके कोनी ला, बरतन धरके आवन-जावन नही देइस। 17 अना सीकान को लाय उनलक कहीस, “का पवीतर गिरंथ मा नही लिखियो से? की मोरो घर सब देस को लोकगीन को लाय पिराथना करन को घर कहलाहे पर तुमी ना एला डाकूगीन को अड्डा बनाय डाकिसेव।” 18 यो आयक के मुखिया पुजारी अना मोसे को नियम को गुरू ओला नास करन को तक्का चोवन लग्गीन। सब लोक ओको सिक्सा लक चकित होतीन एकोलाय वय डरात होतीन। 19 अना झुलाखाली होवनो पर यीसु अना ओको चेला नगर लक बाहेर चली गईन। 20 मंग पहत ला जबा वय उता लक जावत होतीन, त चेलागिन उ अँजरी को झाड़ जड़ ला सूक्को चोइन। 21 तब पतरस ला वा गोस्टी हेत आई, अना ओना यीसु ला कहीस, “ओ गुरू जी चोव! यो अँजरी को झाड़ जेनला तुना सराप दियो होतो, उ सूक गयो से।” 22 यीसु ना ओला साँगिस का “परमेस्वर भरोसा पर ठेवो।” 23 मि तुमी लक खरो कव्हसु “की जोन कोनी मन मा संका नही राखेत अना भरोसा राखके यो पहाड़ लक कहे, की तु उखड़ अना यहन समुदर मा पड़ जाय त ओको लाई वसो होय जाहेत।” 24 एकोलाय मि तुमी लक कव्हसु, की जो काही तुमी पिराथना करके माँगोह त भरोसा कर लेव की तुमला मिल गयो अना तुमरो लाई वसो होय जाहेत। 25 अना जबा कभी तुमी उभा होयके पिराथना करासो, त तुमरो मन मा कोनी को बारे मा काही विरोध से ता छिमा करहो, एकोलाय की तुमरो सरग को बाबूजी भी तुमरो गलती छिमा करेत। 26 अना तुमी अदी छिमा नही करहो, त तुमरो बाबूजी परमेस्वर भी जो सरग मा से, तुमरो गलती छिमा नही करेत। 27 यीसु अना वोको चेला येस्सलेम नगर मा आइन, अना जबा उ मंदिर मा फिरत होतो त मुखिया याजक अना मोसे को नियम को गुरू, अना सयाना ओको जवर आयके पुछन लग्गीन, 28 “तु यो काम कोन हक लक करसेस? अना असो हक तोला कोन न देईसेस की असो काम करजोस?” 29 यीसु ना उन लक कहीस, “अदी तुमी मोला जवाब देहो, ता मि तुमला साँगु की मि यो काम कोन हक लक करासु।” 30 योहन को बसिस्मा देवनो, का सरग को परमेस्वर को कन लक से, का मानूस को कन लक से? अता साँगो। 31 तबा वय आपसी मा बैस करन लग्गीन, की अदी आमी कहबिन सरग को कन लक सेत त उ कहेत मंग तुमी ना ओको काय लाई नही भरोसा ठेयत? 32 अदी आमी असो कव्हबिन का उ मानूस को कन लक सेत? ता लोकगीन को भेव सेत, काहे की सब जानत होतिन, योहन सचमुच मा भविष्यवक्ता होतो। 33 एकोलाय उनना यीसु ला जवाब देईन, “आमी नही जानासेजन।” यीसु ना उन लक कहीस। “मि भी तुमला नही साँगु, की यो काम कोनतो हक लक करसु?”

12 मंग यीसु मुखिया याजकगिन, अना सास्तरी, सियानो गिनलक उदाहरन मा गोस्टी सांगन लगयो, कोनी मानूस ना अंगूर को बारी लगाईस अना ओको चारो कना स्थान स्थिस अना रसा को कुन्ड खन्दिस् अना जगेली को लाय मचान वारो ढाबा बनायो अना कास्तकार गिनला ओको ठेका देयके परदेस चली गयो। 2

मंग फर को बेरा मा ओना कास्तकारगिन को जवर एक दास ला धाडिस, की कास्तकारगिन लक अंगूर को बारी को फर को हिस्सा लेय। 3 पर उनना दास ला धरके पीटीन अना छुछो हात वापिस कर देईन। 4 मंग मालीक ना एक अखीन दास ला उनको जवर धाडिस। उनना ओको डोस्का फोड देईन अना ओको बेइज्जती करीन 5 मंग ओना एक अखीन ला धाडिस, उनना ओला भी मार डाकिन, तबा ओना अखीन लगत सा हिनला भी धाडिस उनमा लक उनना काही ला पीटीन अना काही ला मार डाकिन। 6 अता एकच रह गयो होतो, जोन ओको चहेतो दूरा होतो, आखीर मा ओना उनको जवर यो सोचके धाडिस की वय मोरो दूरा को मान करयेत। 7 पर उन कास्तकार ना आपस मा कहिन, योच ता वारिस से आव आमी एला मार डाकबिन तबा राज पाठ आमरी होय जाहे 8 अना उनना ओला धरके मार डाकिन अना अंगूर को बारी को बाहेर फेक देईन। 9 एको लाई अंगूर को बारी को मालिक का करेत, उ आयके उन कास्तकार ला मारेत अना अंगूर को बारी दुजो ला दे देहे। 10 का तुमी ना पवितर गीरंथ मा यो नही बाचिसेव? “जेने गोटा ला कारिगर ना नकारो होतीन वोच कोनो को गोटा भय गयो। 11 असो पिरभु परमेस्वर को कन लक भयो अना हमरो नजर मा चमत्कार से।” 12 तबा उनना ओला धरन चाहिन काहेकि समझ गईन होतिन की ओना आमरो खिलाफ मा असो उदाहरन कहीसे पर वय लोक लक डरान अना ओला सोड के चली गईन। 13 तबा उनना यीसु ला गोस्टी मा फसावन को लाई काही मोसे को नियम को गुरू अना हेरोदि गीनला ओको जवर धाडिन 14 उनना आयके ओको लक कहिन हे गुरू आमी जानसेजन की तु खरो सेस अना कोनी को चिंता नही करस काहे की तु मानूस को टोंड चोवके बात नही करस, पर परमेस्वर को रास्ता खराई लक साँगासेस त का मोसे को नियम लक कैसर को जमा पटावनो साजरो से का नहात? 15 आमी देबिन या नही देबिन? ओना उनको कपट जानके उनला कहीस “मोला कायलाई परखोसे?” “एक सिक्का मोरो जवर आनो की मि ओला चोय लेउ।” 16 वय आन के देयीन अना ओना उनलक कहीस, “यो छाप अना नाव कोन को से?” उनना कहीन “कैसर को।” 17 यीसु ना कहीस “जो कैसर को से, उ कैसर ला अना जो परमेस्वर को से, ओला परमेस्वर ला देव।” तबा वय ओको पर लगत अचंभा करन लगीन। 18 मंग सदुकी लोक भी कहोसेत की “मरो मा लक जितो होवनो नहाय” ओको जवर आयके ओको लक पुसिन, 19 “हे गुरूजी मोसे गुरूजी ना आमरो लाई लिखीसेस, की अदी कोनी को भाउ बिना औलाद कियो मर जाहे, अना ओकी बायका रह जाहे त ओ भाउ की बायका लक बिहा कर सके अना आपरो भाऊ को लाई औलाद पैदा करेत। 20 सात भाउगीन होतीन, जिनलक पयलो भाऊ बिहा करके बिना औलाद कियो मर गयो। 21 तबा दुजो भाउ ना वा बायका लक बिहा कर लेइस, अना बिना औलाद को मर गयो। अना वसोच तीसरो ना करीस 22 अना सातोगीन लक औलाद नही भई, सब को मंघा वा बायका भी मर गई। 23 एको लाई जितो होवनो को मंघा वा उनमा लक केकी बायको होहे? काहे की वा त सातई की बायको भई गई होती।” 24 यीसु ना उन लक कहीस, “का तुमला भुल नही भई से, अना का तुमी ना कभी पवितर गीरंथ नही वाचीसेव

अना का परमेस्वर की ताकत ला नही जानासो?” 25 काहेकि जबा मरया हुया लक वय जी उठेत, त वय न त बिहा करयेत, अना न त बिहा मा दिया जाहेत, पर सरग मा दूत को जसो रहेत। 26 मरयो हुयो को जीवनों को बारे मा, का तुमी ना मोसे को किताब मा, “झाडी की कथा” ला नही वाचयत, की परमेस्वर ना कहीस “की मि अबराहम अना इसहाक अना याकूब को परमेस्वर सेव?” 27 परमेस्वर मरो हुयो का नही, वरन जितो को परमेस्वर से, “एकोलाय तुमी मोठो भूल मा पड़या सेव।” 28 मोसे को नियम को गुरू गीन मा लक एक ना आयके, उनला बैस करता आयकीस, अना यो जानके की ओना उनला साजरो रिति लक जवाब देईसेस ओकोलक पुसिस, “सब लक मोठी हुकूम कोनतो से?” 29 यीसु ना ओला जवाब देइस “सब हुकूम लक मोठो हुकूम यो से, की हे इसरायल सुन! पिरभु आमरो परमेस्वर एकच पिरभु से, 30 अना तु पिरभु आपरो परमेस्वर लक आपरो सारो मन, सारो परान अना सारो बुद्धि अना सारो सक्ति लक माया राखजोस 31 अना दुसरी या से की तु आपरो पडोसी लक आपरो जसो माया राखजोस। एकोलक मोठी अना कोनी हुकूम नही।” 32 मोसे को नियम को गुरू ना ओको लक कहीस “हे गुरूजी बिलकुल ठीक! तु ना खरो कहिसेस, की उ एकच से अना ओला सोड अना कोनी नहात। 33 अना वोको लक सारो मन, सारो अक्ल, अना सारो परान अना सारो ताकत लक माया राख, अना पडोसी लक आपरो जसो माया राख योच दूही हुकूम सप्पा होमन को बलिदान अना बलिदान लक बढके से।” 34 जबा यीसु ना चोयीस की ओना “समजदारी” लक जवाब देईसेस, त ओकोलक कहीस, त परमेस्वर को राज लक दुहर नहात, अना कोनी ला मंग ओको लक काही पुसन को हिम्मत नही भई। 35 मंग यीसु ना मंदिर मा सिक्सा देवत हुयो यो कहीस, “मोसे को नियम को गुरू कसो कव्हासेत की मसीह दाऊद को दूरा आय?” 36 दाऊद ना खुदच पवीतर आतमा मा होयके कहिसेस, पिरभु ना मोरो पिरभु ला कव्हासे, मोरो उज्जो बस जबा तकन मि तोरो जरन वालो बैरी ला तोरो पाय को पीढो नोको कर देहूँ। 37 दाऊद त आपच ओला पिरभु कव्हेस मंग उ ओको दूरा कहान लक ठहरो? अना भीड को लोक ओको खुसी लक आयकत होतीन। 38 ओना आपरो सिक्सा मा उनलक कहीस, “मोसे को नियम को गुरू गीन लक चाकपाक रव्हने, जोन लम्बो चोगा पहिनके फिरसेत अना बाजार-हाट मा नमस्कार 39 सभाघर मा मोठो-मोठो कुर्सी अना जेयन को भोज मा मुख मुख जघा चाव्हसेत। 40 वय बेवा गीनको घर हडप जासेत अना दिसावन लाई लगत देर तकन पिराथना करसेत। यो लगत दन्द पाहेत।” 41 उ मंदिर को दान पेटी को पुडा बसके देख रहयो होतो की लोक मंदिर को खजाना मा कोनी रीत लक पैसा डाकसेत अना लगत धनवान ना लगत मा लक काही डाकिन। 42 एतरो मा एक कँगाल बेवा ना आयके दुई दमडी जोन एक अधेला को बराबर होवासे डाकिस। 43 तबा ओना आपरो चेला ला जवर बुलायके उनलक कहीस, “मि तुमी लक खरो कव्हसु की मंदिर को दान पेटी मा डाकन वालो मा लक यो कँगाल बेवा ना सब लक बढके डाकीस 44 काहे की सब ना आपरो धन को बढती मा लक डाकिन, पर यो

तो आपरो सप्पा कमाई को धन दान कर देइसेस जोन काही वोको जवर होतो। एने आपरो घटी मा लक जो काही ओको जवर होतो।”

13 जबा यीसु मंदिर लक हिट रहयो होतो, त ओको चेला मा लक, एक ना ओला कहीस, हे गुरूजी चोव, कसो मोठो गोटा अना कसो सुंदर मकान सेत। 2 यीसु ना ओला कहीस, का तुमी यो मोठा- मोठा घर चोवसो, यो गोटा पर गोटा नही बचेत जो नोको पडेत। 3 जबा उ जैतून को पहाड पर मंदिर को पुढा बसयो होतो, त पतरस, याकूब अना योहन अना अन्दिरयास ना एक कन जायके ओला पुसिन, 4 “आमी ला सौंग की यो गोस्टी कब होहेत? अना जबा यो सब गोस्टी पूरी होवन पर होयेत ओनो बेरा को काजक निसान होहेत?” 5 यीसु उनलक कव्हन लगयो, “होसियार रव्हने” का कोनी तुमला नोको बहेकाय। 6 काहेका लगत सा मोरो नाव लक आयके कहेत, “मि मसिहा आऊ!” अना लगत लोक ला बहेकायेत। 7 जबा तुम लडाई-वडाई की चरचा आयको, त नोको घबराने, काहेकी इनको होवनो जस्री से, पर ओनो बेरा अन्त नही होहेत। 8 काहेकि जाति पर जाति, अना देस- देस पर चढाई करयेत। जघा- जघा भुईडोल होहेत, अना गिरानी पडहेत, यो तो जचकि को पयलो दुख को जसो से। 9 पर तुमी आपरो बारे मा होसियार रव्हो, काहेकी लोकगीन तुमला मोठी सभामा सौपेत अना तुमला सभाघर पंचायत मा पिटेत। अना मोरो कारन हाकिम अना राजा गीनको पुढा उभा कियो जाहो, असो परकार लक उन पर गवाही होयेत। 10 पर जस्री से की पुढा साजरो बारता सब देस गीनमा आयकवायो जाहेत। 11 जबा वय तुमला ले जायके कचहरी मा सोपेत, ता पयले लक चिन्ता नोको करने की आमी काजक कव्हबिन पर जोन काही तुमला ओना बेरा सांगोसे वोच कव्हने। काहेकि बोलन वारा तुमी नही सेव, पर पवीतर आतमा से। 12 भाऊ ला भाऊ अना बाप ला दूरा मार डाकन ला सोपेत, अना लेकरागीन माय- बाप को खिलाप मा जायके उनला मरवाय डाकेत। 13 अना मोरो नाव को कारन सबच लोकगीन तुमी लक बैर करयेत, पर जोन अन्त तकन धीरज धरयो रहेत, वोकोच सूटकारा होयेत। 14 एकोलाय जबा तुमी ओनो “उजाडनवारी बेकार चीज” ला जोन साजरो नहात, उता उभी चोवो, जहान वोको होवनो साजरो नहात। एला बाचनवालो समझ लेहे, तबा जो यहुदिया नगर मा होहे, वय पहाड मा पराय जाय, 15 जोन छत मा होयेत, उ आपरो घर लक काही लेवन ला खाल्या नोको उतरे अना भीतर जाये, 16 अना जोन खेत मा होहेत, उ आपरो कफरा लेवन को लाई मंघा नोको मुरके। 17 ओनो दिवस मा जोन पोट लक अना दुध पिलावन वारी होहेत, उनको लाई हाय से। 18 अना पिराथना करो की असो थन्डी मा नोको होय। 19 काहेका वय दिवस असो आफद होयेत, जसो परमेस्वर ना दुनिया बनायो से तब लक अबा तकन नही भयो से। ना ता कभू होयेत। 20 अदी पिरभु उन दिवस ला कम नही करतो त कोनी नही बचतो पर ओनो बेचयो हुयो को मानूस को कारन जिनला ओना बेचीसेस, ओनो दिवस ला घटाइसेस। 21 ओनो बेरा अदी कोनी तुमिलक कहे, चोवो, मसीह इता से या उता से, त भरसो नोको करने 22 काहे की खोटो मसीहा अना खोटो भविष्यवक्ता उभो होयेत, अना निसान आना अचँभा काम चोवाहेत की अदी होय सके

ता बेचयो हुया ला भी भरमाहेत। 23 पर तुमी सतरक रव्हने, मिना तुमला सबच गोस्टी पयले लक सौंग देईसेउ। 24 “ओनो दिवस मा दुख को मंघा दिन अँधारो भई जाहेत” अना चँदा को उजाडो नही होहेत। 25 अना बादल लक तारागीन पडेत, अना बादल को सक्ति हिलायो जाहे। 26 तबा लोक मानूस को दूरा ला मोठी ताकत अना महिमा को सँगा बादल मा आवता चोवहेत। 27 ओनो बेरा उ आपरो सरग दूत गीनला धाडके, धरती को एकछोर लक धरती को दुसरो छोर तकन, चहु दिसा लक आपरो निवाडो लोकगीन ला जमा करयेत। 28 अँजीर को झाड लक यो हाना लक यो सिक्सा सीको, जबा ओकी डार मुलाम होय जासेत, अना पत्ता हिटासेत, ता तुमी जान लेसो की गरमी जवर आय गई से। 29 येने रिती लक जबा तुमी यो गोस्टी ला होता चोव्हो, ता जान लेव की बेरा जवर च नहाय, पर बेसकुड मा से। 30 मि तुमी लक खरो कव्हसु, की जबा तकन यो सबच गोस्टी पूरी नोको होय जाय, तबा तकन यो पीडी को लोकगीन बनयो रहेति। 31 बादल अना धरती टल जायेत, पर मोरी गोस्टी कभूच नही टलेत। 32 “वा बेरा कब आहे कोनीला पता नहात? न सरग को दूत अना ना दूरा पर सीरप परमेस्वर बाबूजी।” 33 देखो, जागत रव्हो अना तैय्यार रव्हने, काहेकि तुमीला पता नहात का वा बेरा कब आहे? 34 यो उ मानूस को दसा जसो से, जोन परदेस ला जातो बेरा आपरो घर ला सोडके जासे, आपरो दास ला हक देसे, अना हर कोनीला ओको काम देवासे अना चौकीदार ला जागन को हुकूम देवासेत। 35 एकोलाय जागत रव्हो, काहेकी तुमीला पता नहात की घर को मालिक कबा आहे? सन्जा ला या अरधी रात या कुकडा को चिल्लान को बेरा, या पहत ला या दिवस हिटन को बेरा। 36 असो नोको होय की उ आहे अना तुमला झोपत पाहे। 37 एको लाई मि जो तुमला कव्हसु, तुम सब लक कव्हसु, जागत रव्हो!

14 दुई दिवस को मंघा पास्का अना बलिदान को तिहार होवन वालो होतो। मुखिया याजक अना मोसे को नियम को गुरू यो बात को तक्का मा होतिन की ओला कसो छल लक धरके मार डाकबिन। 2 पर कव्हत होतीन की “तिहार को दिवस मा नही, एकोलाय की कही असो न होय की लोकगीन मा बगावत होय जाय।” 3 यीसु जबा बैतनिय्याह समौन कोढी को घर जेवन करन लाई बसयो होतो, तबा एक बायको सील बँद सीसी मा सुध्द जटामौसी को बेसकीमती इतर आनी, अना सील तोडके तेल ला ओको डोस्का मा रिचाय देइस 4 पर कोनी आपरो मन मा गुस्सा होयके कव्हन लग्गिन, यो इतर ला बेकार काहे कर दियो? 5 काहे की यो इतर ला तीन सौ खरोको सिक्का मा जोन एक साल की मजदुरी से बिकके कँगालगीन मा बाट दियो जातो, अना वय ओला गुस्सा करके बोलन लग्गिन। 6 यीसु ना कहीस, “ओला छोड देव ओला काहे सतावासो? ओना ता मोरो सँग भलाई करीसेस। 7 कंगाल तुमरो सँग सदा रहेत, अना तुमी जबा चाव्हने तबा उनलक भलाई कर सकासो। पर मि तुमरो सँग सदा नही रहूँ। 8 जोन काही ओना कर सकीस, ओना करीस, ओना मोरो गाडन को तैय्यारी मा पुढा लक मोरो देह मा तेल रिचाइस। 9 मि तुमी लक खरो सांगासु, की सारो संसार मा जिता- जिता साजरो बारता की जाहे, उता ओको हेतमा यो

काम की चरचा भी कियो जाहे।” 10 तबा यदूस इस्करियोति जो बारा मा लक एक होतो, मुखिया याजक गीनको जवर गयो की यीसु ला उनको हात धराय दे। 11 वय यो आयक के खुस भईन अना ओला स्पये देवन को परन करीन, अना उ मौका तलासन लगयो की ओला कोनी तरीका लक धरवाह। 12 पाठी को बलिदान तिहार को पयलो दिवस जोन मा वय फसह को बलिदान करत होतीन, ओको चेला ना ओला पुसिन, “तु किता चाव्हसेस की आमी जायके तोरो लाई फसह को पाठी को बलिदान को तैय्यारी करबिन?” 13 ओना दुई चेला ला यो कहके धाड़िस, “नगर मा जाव अना एक मानूस घघरा मा पानी लेयके जावतो चोयेत ओको मंघा होय जाने।” 14 अना उ जेना घर मा जाहे, ओनो घर को मालिक लक कहने, गुरूजी कव्हसे की “कनघर” जिता मि आपरो चेला गीन को सँग फसह को जेवन जेवहु। उ किता से? 15 उ तुमला एक सजी अना तैय्यार मोठी अटारी मा खोली दिसाएत, उता हमरो लाई तैय्यारी करने। 16 चेला गीन हिटके सहर मा पहुचीन अना जसो उनलक ओना कव्हयो होतो, वसोच पायीन अना फसह को जेवन तैय्यार करीन। 17 जबा झुलाखाली भय गई त उ बारा चेला गीनको सँगा आयो। 18 जबा वय बसके जेवन कर रही होतीन त यीसु ना कहीस, मि तुमिलक खरो कव्हसु की “तुमी मा लक एक, जो मोरो सँगा जेवन कर रही से, उ मोला धराहे।” 19 चेला गीन उदास भई गईन अना वय एक-एक करके ओला पुसन लगिन, “का उ मि सेव?” 20 यीसु उनलक कहीस, “उ बारा मा लक एक से, जो मोरो संग ठाव मा हात डाकीसेस। 21 काहेका मानूस को दूरा ता जसो वोको बारे मा लिखयो से, की उ मारो जाहेत पर हाय ओना मानूस पर जेनको लक उ बैरी को हात धरायो जाहे। अदी उ मानूस को जनमच नही होतो, ता ओको लाई साजरो होतो।” 22 जबा वय जेय रही होतीन तो, यीसु ना भाकर लेइस अना परमेस्वर ला धन्य वाद देके ना तोड़िस, अना चेला गीनला देइस अना कहीस, “लेव यो मोरो तन आय।” 23 मंग ओना कटोरा लेके परमेस्वर ला धन्य वाद देइस, अना चेलागीन ला देइस अना उन सब ना ओमा लक पीइन। 24 अना यीसु उनलक कहीस, “यो मोरो खून से, जोन लगतगीन को लाई बहायो गयो से, जोन परमेस्वर की करार से। 25 मि तुमी लक खरो कव्हसु की अंगूर को रस ओनो दिवस तकन मंग कभी न पीहूँ, जबा तकन परमेस्वर को राज मा नयो अंगूर को रस नही पीहूँ।” 26 मंग वय भजन गायके, बाहेर जैतून को पहाड पर गईन। 27 तबा यीसु ना उनलक कहीस, “तुमी सब मोला छोडके पराय जाहो, काहेकि लिखीसे, मि रखवालो ला मार, अना मेढा तितर-बितर भय जाहेत।” 28 पर मि आपरो जित्तो उठन को मंघा तुमी लक पयले गलील छेतर ला जाहूँ। 29 तर पतरस ना ओला कहीस, “अदी सब सोड जाहेत पर मि नही सोडू।” 30 यीसु ना पतरस लक कहीस, “मि तुमिलक खरो कव्हसु, की आज येने रात ला कुकडा को दुई बार चिल्लावन लक पयले, तु तीन बार मोरो नाव ला मना करजोस।” 31 पर पतरस अखीन जोर देयके कव्हसे, “अदी मोला तोरो सँग मरनो भी पड़ेत, ता भी मि तोला मना नही करह।” येने रिति लक सबच चेला ना कहिन। 32 मंग यीसु अना ओको चेला गतसमनी नाव को एक जघा मा आइन अना ओना आपरो चेला ला कहीस, “यहान बसा रहवो,

जबा तकन मि पिराथना करके आवुसु।” 33 अना उ पतरस अना याकूब अना योहन ला आपरो सँगा ले गयो, अना लगत बैचेन अना परेसान होवन लगयो, 34 अना ओना उनलक कहीस, “मोरो मन लगत उदास से, यहान तकन की मि मरन पर सेउ, तुमी यहान स्को अना जागत रहवो।” 35 मंग उ पुढा बढयो अना जमीन पर गिरके पिराथना करन लगयो की अदी होय सके ता या घड़ी मोरो पर लक हट जाय, 36 अना कहीस, “ओ परमेस्वर बाबूजी, तोरो लक सब काही होय सकासे, येने दुख को कटोरा ला मोरो जवर लक हटाय ले, ता भी जसो मि चाव्हसु वसो नोको पर जोन तु चाव्हसेस, वाच होय।” 37 मंग उ वापिस आयो अना उनला झोपत पायके पतरस ला कहीस, “हे समीन, तु झोपासेस? का तु जरासी देर भी नही जाग सकयोस तू कोनी काम को नाहत? 38 जागतो अना पिराथना करता रहवो, की तुमी परिकसा मा नोको पडहो, काहेका आत्मा ता तैय्यार से पर आँग कमजोर से।” 39 अना उ चलो गयो अखीन ओनो सबद लक पिराथना करीस। 40 मंग आयो ता उनला झोपत पायीस, काहे की उनला जपरी लगी गई होती अना नही जानत होतीन की ओला का जवाब देबिन। 41 मंग तिसरो बार उन ला झोपत चोयीस ता कहीस, “का तुमी अबा तकन जप मा सेव? अना आराम कर रही सेव! अता घड़ी आय पहुचयो, चोवो! मानूस को दूरा बैरीगीन पापी को हात धरायो जाहे। 42 उठो अना चलो! चोवो मोरो धरानवालो जवर आय गई से।” 43 उ यो कव्हत च होतो की यदूस जोन बारा मा लक एक होतो, आपरो सँग मुखिया याजक अना मोसे को नियम को गुरू अना सयानो को कन लक एक मोठी भीड लेके गदने पहुचियो जोन्हासीन तलवार अना लाठी धरी होतीन। 44 यदूस ना उनला यो सौंगी होतीस की जेनला मि चुम लेहु वाच से, ओला धर लेने। 45 उ आयो, अना गदने ओको जवर जायके कहीस, “हे गुरू!” अना ओला चुमीस। 46 तबा उनना ओला धर लेईन। अना ओला बाँध देईन 47 उनको चेला मा लक एक ना तलवार खीचिस अना मुखिया याजक को दास को कान ला काट देइस। 48 यीसु ना उनलक कहीस “का तुमी मोला डाकु समझके तलवार अना लाठि लयके मोला धरन ला हिटि सेव? 49 मि ता हरपल तुमरो सँग रहयो, अना मंदिर मा सिक्सा देवत रहयो, अना तुमीना मोला नही धर सकयत, पर यो ऐकोलाई भयो की पवित्र गीरथ की गोस्टी पूरी होय।” 50 असो होवन पर ओको चेला ओला सोडके पराय गईन। 51 एक जवान आपरो मलमल को चददर घालयो ओको मंघा चल रहयो होतो, अखीन लोकगीन ओला पकड़नो चाहिन। 52 पर उ मलमल चददर ला छोडके पराय गयो। 53 यीसु मुखिया याजक को जवर ले जायो गयो, अना सब मोठा याजक, अना सयाना, अना मोसे को नियम को गुरू, ओको जवर एकट्ठो भईन। 54 पतरस दुहर लक चोवके मंघा-मंघा मुखिया याजक को आँगन तकन गयो, अना सिपाही गीनको सँग बसके स्तो तापन लगयो। 55 मुखिया याजक अना यहूदीगीन की मोठी सभा यीसु मारन डाकन लाई ओको विरोध मा पुस्प की खोज मा होतीन पर काही गवाही नही मिलयो। 56 काहेकि वय ओको बारे मा झुठी गवाही देवत होतीन अना उनको गवाही एक दुसरो लक नही मिलत होती। 57 तबा काही लोक जाग के ओको विरोध मा झुठी गवाही देवन लगिन, उनना कहिन, 58

“आमी ना यो सांगतो आयकीसेजन, ‘मि यो हात को बनायो मंदिर जसो तुमी रिती-रिवाज को लक करता आइसेस, वसोच करो। 9 ला नास कर देह, अना तीन दिवस मा दुजो बनाह। जोन हात लक पीलातुस न उनला जवाब देईस, ‘का तुमी चाव्हासेव का मी तुमरो नही बनो रहेत।’” 59 एतरो मा भी उनको गवाही एक जसो नही लाई यहूदी गीन को राजा ला छोड देऊ?” 10 काहेकि पीलातुस होतो। 60 तबा मुखिया याजक ना बीच मा उभो होयके यीसु लक जानत होतो की मुखिया याजक गीन ना ओला जरनोटी लक धराय पुसिन, “तु काहे जवाब नही देवासेस? यो लोक तोरो खिलाप मा होतीन। 11 पर मुखिया याजक गीन ना लोक गीन ला उकसाईन का का गवाही देसेत?” 61 पर उ चुप रहयो, अना काही जवाब नही पिलातुस लक यीसु को जघा बरब्बा ला उनको लाई छोडन को देइस। मुखिया याजक ना मंग ओला पुसयो, “का तु सब लक मोठो माग करे। 12 यो आयक के पीलातुस ना उनलक मंग पुसिस, “ता परमेस्वर परम धन्य को दूरा मसीह आस?” 62 यीसु ना कहीस, “मि सेउ, अखीन तुमी मानूस को दूरा ला सब लक ताकत वर परमेस्वर तुमी काजक चाव्हसो?” 13 वय मंग चिल्लाइन, “ओला कूरस मा को उज्जो कन बसा, अना बादल को बदली मा आवता चोवो।” 63 चघाव!” 14 पीलातुस ना उनलक कहीस, “काहे येने काजक जुस्म तबा मुखिया याजक ना आपरो कपरा फाडके कहिन “अता आमीला करीसेस?” पर वय अखीन जोर लक चिल्लाईन, “ओला कूरस मा पुस को का जरत से? 64 तुमीना यो निन्दा आयकासेव, तुमरी का चघा।” 15 तबा पीलातुस ना भीड ला खुस करन की मनसा लक, राय से?” वय सब कव्हन लगिन यो परान दन्द को लायक से। 65 बरब्बा ला उनको लाई छोड देइस। अना यीसु ला कोडा लगवाय के तबा सिपाही गीन ओको पर थुकन अना टोन्ड ढाकन अना ओला थपुड मारन लगिन अना कव्हन लगिन, “अता जान के सोंग, की सरकारी मोठो किला को भीतरी आँगन मा ले गईन, अना सप्पा कोन ना तोला मारिसेस?” 66 जबा पतरस आँगन मा उभो होतो, तो पलटन ला हाकल लेइन। 17 तबा उनना ओला बैजनी रँग को कपरा घालिन अना काँटा को डगाली को मुकुट बनायके ओको डोस्का पर राखिन। 18 यो कहके ओला नमस्ते करन लगिन, “हे यहूदी गीन को राजा, अमर रव्ह!” अना वोको मजाक उडावन लगिन 19 वय ओको डोस्का मा घागरा काडी मारके ओको पर थुकिन अना टोंगरा टिकाय के ओला नमस्कार करतो रहीं। 20 जबा वय ओको मजाक कर लेइन, ता ओला ओकोच बैजनी रँग को कपरा उतारके ओनाच पर डाकिन; तबा ओला कूरस मा चघान को लाई बाहेर ले गईन। 21 जब यीसु ला कूरस पर लटकान लेय जावत होतिन त रस्ता मा एक मानूस लक भैटीन, जोनको नाव सिमोन होतो। (वा सिकन्दर अना रफुस को बाबूजी होतो) उ कुरेनी मानूस गाँव लक आय रहयो होतो; उनना ओला बेगार मा धर लेईन की यीसु को कूरस ला उचल चलेह। 22 वय यीसु ला गुलगुता नाव की जघा मजे कवटी नाव की जघा मा आनीन। 23 वहान ओला दरद नासक दवा मिलयो अंगूर को रस देवन लगिन पर ओना नही लेइस। 24 तबा उनना ओला कूरस मा चघा इन अना कपरा पर चिड़ी डाकिन की कोन ला काजक मिलेह, ओला बाट लेईन। 25 अना सक्कारी नौ बजे को बेरा होतो। जबा उनना ओला कूरस मा चघा इन होतीन। 26 अना ओको दोस पतर पर यो लिख देईन की “यहूदिगीन को राजा।” 27 उनना ओको सेंग दुई डाकु ला भी कूरस मा चघाव गयो, एक उज्जो कन अना एक डाखियो कन। दुही ला कूरस मा चघाइन 28 तबा पवीतर गिरंथ को उ गोस्टी की उ दोसीगीन को संग गिनो जाहे, पुरो भयो। 29 अना रास्ता लक कटन वारा डोस्का हला-हलाय के असो कव्हके ओकी निन्दा करत होतीन, “वाह! मंदिर को नास करनवालो अना तीन दिवस मा बनावन वालो! 30 कूरस पर लक उतर के आपरो आपच ला बचाव लेव।” 31 येने रिती लक मुखिया याजक मोसे को नियम को गुरू सकट, आपस मा मजाक लक कव्हत होतीन, येने अउर लोकगीन ला सूटकारा देइस पर आपरो आप ला नही बचाय सकयो। 32 इसरायल को राजा, मसीह अता कूरस मा लक उतर, आव अखीन, “आमी चोवबिन अना भरोसा करबिन।” अखीन जोन ओको सेंग कूरस

15 पहत होतो मुखिया याजक, सयाना अना मोसे को नियम को गुरू ना अना सप्पा यहूदी गीन को मोठो सभा ना न्याय करके यीसु ला बंधवायो, अना ओला धरके ना पीलातुस को हात मा दे देइन। 2 पीलातुस ना ओको लक पुसिस, “का तु यहूदी गीन को राजा आस?” ओना ओला जवाब देइस “असो तु खुदच कव्हासेस।” 3 मुखिया याजक गीन ओको पर गजब लान-छान लगावत होतीन। 4 पीलातुस ना ओला कहीस “का तु काही जवाब नही देस? चोव यो तोरो पर केतरी गोस्टी लक लानछान लगावसेत?” 5 यीसु ना मंग जवाब नही देइस, यहान तकन की पीलातुस ला मोठो अचंभा भयो। 6 पीलातुस वोनो तिहार मा कोनी एक बन्दी ला जेनला वय लोकगीन चाहवत होत्यो उनको लाई छोड देवत होतो। 7 बरब्बा नाव को एक मानूस होतो, उ जेल मा होत्यो उ सासन को खिलाफ खुनी लडाई मा लोक गीन को संगी होतो उ रकत कियो होतो। अना बन्दी होतो। 8 अना भीड वरता जायके वोको लक पिराथना करन लगिन, का

मा चघायो गईन होतीन, वय भी ओकी निन्दा करत होतीन। 33 ओको चेला गीन अना पतरस लक कव्हजोस की उ तुमी लक पयले दुफारी होवनो पर सप्पा देस मा अँधारो छांय गयो। अना महातनी गलील जाहे। जसो ओना तुमी लक कव्हयो होतो, तुमी ओला वहान बेरा तीन बजे तकन रहयो। 34 महातनी बेरा यीसु ना मोठो आवाज चोवने।” 8 अना वय यीसु को मरघट्टी लक हिटके पराय गईन, काहे की सही मा वय डराय गई होतीन, एकोलाय उनना कोनी लक काही गोस्टी नही कहीन। 9 (note: The most reliable and earliest manuscripts do not include Mark 16:9-20.) हप्ता को पयले दिवस पहत होतो बेरा यीसु जी उचलके पयले मरियम मगदलीनी ला जोन पर लक सात बुरो आतमा हिटी होती, चोयो। 10 ओना जायके यीसु को संगीगिन ला, जो दुखी होतीन अना रडत होतीन खबर देइन। 11 उनना यो आयक के की यीसु जितो से अना मरियम ना चोबिसेस, ता उनना भरोसा नही करीन। 12 एको मंघा यीसु दूसरो स्प मा उनमा लक दुई ला जबा वय गाँव को कन जाय रही होतीन चोयो। 13 उनना भी जायके दुजो ला खबर देइन, पर उनना उनको भरोसा नही करीन। 14 मंघा यीसु उन अकरा चेलागीन ला भी, जबा वय जेवन करन बसी होतीन, चोयो, अना उनको अबिस्वास अना गोटा जसो मन को कारन उनला डाटिस। काहेकि जोन्हासीन ओको जितो उचलनो को मंघा ओला चोयो होतीन, ओन्हासीन ओको पर भरोसा नही करीन। 15 अना यीसु उनलक कहीस, “तुमी सप्पा संसार मा जायके सप्पा लोकगीन ला साजरो बारता सांगो। 16 जो लोकगीन भरोसा करेहत अना बसिस्मा डुबकी लेहेत, ओको च सूटकारा होव्हे, पर जो भरोसा नही करेहत, वोको पर दन्ड को हुक्म ठहरेत। 17 भरोसा करनवालो मा यो निसान होवेती, की वय मोरो नाव लक बुरो आतमा ला हेडेति नवी-नवी भासा बोलहेति, 18 सरप गीन ला उचल लेहेत, अना जहेर पी जाहेत ता भी उनकी काही हानि नही होव्हेत, वय बीमार गीन पर हात राखेत अना वय चाँगलो भय जाहेत।” 19 एको मंघा पिरभु यीसु चेलागीन लक गोस्टी करन को मंघा, सरग मा उचल लियो गयो, अना परमेस्वर को उज्जो कन बस गयो। 20 तबा उनना हिटके जघा-जघा परचार करन लागिन, अना पिरभु परमेस्वर उनको संग-संग काम करतो रहयो। अना गजब हिदान लक उनको गोस्टी ला पक्को करत रहयो। आमीन।

मा चघायो गईन होतीन, वय भी ओकी निन्दा करत होतीन। 33 ओको चेला गीन अना पतरस लक कव्हजोस की उ तुमी लक पयले दुफारी होवनो पर सप्पा देस मा अँधारो छांय गयो। अना महातनी गलील जाहे। जसो ओना तुमी लक कव्हयो होतो, तुमी ओला वहान बेरा तीन बजे तकन रहयो। 34 महातनी बेरा यीसु ना मोठो आवाज चोवने।” 8 अना वय यीसु को मरघट्टी लक हिटके पराय गईन, काहे की सही मा वय डराय गई होतीन, एकोलाय उनना कोनी लक काही गोस्टी नही कहीन। 9 (note: The most reliable and earliest manuscripts do not include Mark 16:9-20.) हप्ता को पयले दिवस पहत होतो बेरा यीसु जी उचलके पयले मरियम मगदलीनी ला जोन पर लक सात बुरो आतमा हिटी होती, चोयो। 10 ओना जायके यीसु को संगीगिन ला, जो दुखी होतीन अना रडत होतीन खबर देइन। 11 उनना यो आयक के की यीसु जितो से अना मरियम ना चोबिसेस, ता उनना भरोसा नही करीन। 12 एको मंघा यीसु दूसरो स्प मा उनमा लक दुई ला जबा वय गाँव को कन जाय रही होतीन चोयो। 13 उनना भी जायके दुजो ला खबर देइन, पर उनना उनको भरोसा नही करीन। 14 मंघा यीसु उन अकरा चेलागीन ला भी, जबा वय जेवन करन बसी होतीन, चोयो, अना उनको अबिस्वास अना गोटा जसो मन को कारन उनला डाटिस। काहेकि जोन्हासीन ओको जितो उचलनो को मंघा ओला चोयो होतीन, ओन्हासीन ओको पर भरोसा नही करीन। 15 अना यीसु उनलक कहीस, “तुमी सप्पा संसार मा जायके सप्पा लोकगीन ला साजरो बारता सांगो। 16 जो लोकगीन भरोसा करेहत अना बसिस्मा डुबकी लेहेत, ओको च सूटकारा होव्हे, पर जो भरोसा नही करेहत, वोको पर दन्ड को हुक्म ठहरेत। 17 भरोसा करनवालो मा यो निसान होवेती, की वय मोरो नाव लक बुरो आतमा ला हेडेति नवी-नवी भासा बोलहेति, 18 सरप गीन ला उचल लेहेत, अना जहेर पी जाहेत ता भी उनकी काही हानि नही होव्हेत, वय बीमार गीन पर हात राखेत अना वय चाँगलो भय जाहेत।” 19 एको मंघा पिरभु यीसु चेलागीन लक गोस्टी करन को मंघा, सरग मा उचल लियो गयो, अना परमेस्वर को उज्जो कन बस गयो। 20 तबा उनना हिटके जघा-जघा परचार करन लागिन, अना पिरभु परमेस्वर उनको संग-संग काम करतो रहयो। अना गजब हिदान लक उनको गोस्टी ला पक्को करत रहयो। आमीन।

47 मरियम मगदलीनी अना योसेस की माय मरियम चोवत होतीन की ओको लास कहाँन राखयो गयो से?

16 जबा बिसराम दिवस बीत गयो, ता मरियम मगदलीनी अना याकूब की माय मरियम अना सलोमी, ना यीसु को तनमा मलन काजी सुगंधित चीज खरीद के आनीन। 2 हप्ता को पयले दिवस पहत ला, दिवस हिटन को पयले वय मरघट्टी पर आइन। 3 ता वय आपस मा कव्हत होतीन, “की आमरो लाई मरघट्टी मा धसन को जघा को गोटा कवन लुडकाहे?” 4 जबा उनना चोइन तो गोटा लुडको हुयो से अना उ लगत मोठो होतो। 5 ता मरघट्टी मा जायके देखनो पर उनना एक जवान ला पाँढरो कपरा घालयो हुयो जेवनो बसा चोवीन, ता वय लगत डराय गईन। 6 ओना मानूस ना उनलक कहीस “नेको डराव, तुमी यीसु नासरी ला, जो कूरूस पर चघाव गयो होतो हुँढोसो। उ जितो होय गयो से, इता नहात, चोवो, याच उ जघा से, जिता उनना ओला राखी होतीन। 7 पर तुमी जाव, अना

लूका

1 ओ पियारो थियुफिलस, जोन गोस्टी हमरो संग मा बितो से।
मि ना उनला लिखन को मन बनाइ सेव हमरो लक 2 पयले यीसु को उन गोस्टी ला चोवन अखीन आयकन वालो दास होतिन। उनना सबच गोस्टी ला हमि तकन धाडिसेस। 3 एकोलाई अगो थियुफिलस अबा मोला यो साजरो लागि से, का उनच, गोस्टी ला खरो-खरो जाँचकेना, एक को मघा एक, ठिख-ठाख मालुम करके लिखु। 4 जेनको लक तू जानले, का वा गोस्टी, अना जोन को गियान तुना पाईसेस। कसो अटल से? 5 यहूदिया को राजा हेरोदेस को बेरा मा, अबिय्याह को दल मा, जकरयाह नाव को एक याजक होत्यो। अखीन वोको बायको हारुन को खानदान की होति। अखीन वोको नाव एलीसीबा होती। 6 वय दुई परमेस्वर को नजर मा नेक होतीन। वय पिरभु को सबच, हुकूम ला मानत होतीन। 7 उन को कोनी लेकरा बारा नही होतिन। काहेका एलीसीबा वाखड होती, अखीन उ बुडगा भई गई होतो। 8 जब जकरयाह आपरो दल को संगमा परमेस्वर को पुजा-पाट करत होतिन। 9 तबा धूप-जलावन काजी, जकरयाह याजक को नाव लक चिट्ठी हियो। का उ मंदिर मा पिरभु को पुढा धूप जलाये। 10 तबा धूप जालावन को बेरा मा, सबच बिनती करत होतिन। 11 ओच बेरा मा पिरभु को सरगदूत ओला धूप वेदी को उज्जो कन चोवयो। 12 जकरयाह डराय गयो, अखीन ओको “धिघगि बंध गयो।” 13 पर सरगदूत न ओला सांगिस, ओ जकरयाह, भेव नोको खावजोस, काहेका तोरो पिराथना परमेस्वर ना आयक, लेइस। अखीन तोरि बायको एलीसीबा लक, तोरो लाय एक दूरा होहेत, अखीन तू वोको नाव योहन राखजोस। 14 तोला खुसी होहे। अखीन गजब लोकगीन, वोको जनम को कारन, खुसी मनाहेत। 15 काहे का उ पिरभु को पुढा, मा महान होयेत। अखीन अंगूर को रस, अर दास, कभी नही पिहेत। अखीन उ आपरो माय को पोत लक, पवीतर आत्मा लक भरो होयेत। 16 अखीन भटको हुओ, इसरायल को गजब लोकगीन ला, उनको परमेस्वर को रास्ता मा आनेत। 17 उ एलिय्याह को आत्मा अखीन ताकत मा, पुढा-पुढा चलेत, क आज्ञा पुरखागीन को मन ला, लेकरा-बारा मा लगा देहेत। अखीन हुकूम नही मानन वालो ला, नेक बना देहेत। अखीन पिरभु को लाई, साजरो लोकगीन ला, तैय्यार करयेत। 18 जकरयाह ना सरगदूत सांग्यो, यो कसो होयेत? काहेकी मी, अखीन मोरो बायको, दुई को बुडगापन से। 19 तब सरगदूत ना वोला जवाब दियो, मी जिबराइल सरगदूत सेव। जोन परमेस्वर को पुढा उभो रहसु, अखीन तोरो लक बात करन, अखीन यो खबर आयकावन काजी इता आईसेव। 20 जोन दिवस तकन यो गोस्टी पूरो होहेत, ओना दिवस तकन तू गुंगो रूखजो। काहेका तू मोरी गोस्टी पर भरोसा नही मानीसेस। 21 लोग गीन जकरयाह को “बाट जोहत होतिन” अखीन चकित भईन। काहे का मंदिर मा, वोला उसीर भई गई होती। 22 जब उ बाहेर हिटयो, तो उ बोल ना सकयो, तब लोकगीन जान गईन, का मंदिर पर कोनी दरस-परस भयो से। अखीन उ ईसारा करत होतो, अखीन गुणों भय गयो होतो। 23 जब वोको सेवा को दिवस पूरो

भयो, तो उ आपरो घर चलो गयो। 24 काही बेरा को बादमा वोको बायको एलीसीबा पेट लक भई। वो 5 मास तकन आपरो ला छुपाय राखयो। 25 अखीन कव्हन लगयो, मोरो कलंक दूर करन काजी, पिरभु न किरपा करीसेस। 26 छँटवो महीना मा, परमेस्वर कन लक, एक कुँवारी को कन जिबराइल सरगदूत नाव को, सरग दूत ला धाडिस। वा दूरी गलील छेत्र को, नासरत नगर मा, रूहन वालो होती। 27 जोकि पक्की राजा दाऊद को खानदान मा, यूसुफ नामको दूरा संग भई होती। ओ कुँवारी दूरी को नाव मरियम होती। 28 सरग दूत ना, ओको कठा जायके सांगिस, नमस्कार मरियम, पिरभु को किरपा तोरो पर भईसे। 29 अखीन, यो बात ला आयक के, वा दूरी घबराय गई, अखी मनमा सोचन लगी, यो कसी गोस्टिसे? 30 तबा सरगदूत ना कहीस, मरियम तू भेव नोको कर, परमेस्वर को किरपा तोरो पर भईसे। 31 चोव! तू पोट लक होवजोस, अखीन तोरो लक एक दूरा जनम लेहे, तू ओको नाव यीसु राखजो। 32 उ महान होहे अखीन पिरभु को दूरा कहलाहे। परमेस्वर वोको आज्ञा-पुरखा, दाऊद को सिधासन वोला देहे। 33 अना उ तोरो पुरखा, याकूब को घराना मा, जुग-जुग लक राज करहे, अखीन वोको राज अमर रहेत। (aiōn g165) 34 मरियम ना सरगदूत ला कहीस, यो कसो होहे, मी तो, कोनी मरद को संग नही सोयी सेऊ। 35 सरगदूत ना वोला सांगिस, पवीतर आत्मा को ताकत तोरो पर आहेत, अखीन मोठो परमेस्वर तोरी, रक्सा करहे। एको लाई उ पवीतर, जो जनम लेवन-वालो से, परमेस्वर को दूरा कहलाहे। 36 अखीन देख, तोरो कुटुम्ब मा एलीसीबा लक वोला बुडगीपन मा दूरा होवन वालो से। अब वोको छँटवो महीना से। 37 काहे की परमेस्वर की गोस्टी खरी ठयरासे। कभी खोटो नही होवासे। 38 मरियम ना सांगिस, चोव, मी, पिरभु की सेविका सेउ। मोला तू जसो सांगासे, वसोच गोस्टी भई जाहे। तब सरगदूत ओको कठा लक चलो गयो। 39 वो ना बेरा मा, मरियम लवकर तैय्यार भई अखीन आपरो कुटुम्बी एलीसीबा को यहदा देस को पहाडी गांव मा गई। 40 वो जकरयाह को घर मा गई। अखीन एलीसीबा ला नमस्कार करीस। 41 जेधावर एलीसीबा ना, मरियम को नमस्कार आयकिस, तसोच, वोको लेकरा पोट मा उचलो, अना उ पवीतर आत्मा लक भर गई। 42 अना वा चिल्ला के कहीस, तू सबच आई-माई गीनमा धन्य से। अना धन्य से तोरो पोट को फर। 43 मोरो ऊँचो किस्मत से का, मोरो पर दया कसो भई? पिरभु को माय मोरो घरमा आई सेस। 44 काहेका, जसो तोरो नमस्कार मीना आयकीसेव, लेकरा मोरो पोट मा, खुसी लक उछल पडयो। 45 तू धन्य सेस, जोन ना बिस्वास लक असो करीसेस, का पिरभु ना जोन गोस्टी साँगीसेस, वो पूरी भई जाहेत। 46 एको पर मरियम असो गावन लगी, “मोरी जीव (मन) पिरभु को गुन-गान करासे।” 47 मोरो जीव, आपरो मुक्ती देवन वालो, परमेस्वर को खुसी मनावसे। 48 काहे का वोना आपरो सेविका को गरीबी पर, किरपा करीसेस। अब लक सब पीड़ी, मोला धन्य कहेति। 49 काहे का, गजब सत्तिसाली परमेस्वर ना, मोरो लाय मोठयो काम करीसेस, पवीतर से वोको नाव। 50 वोको तरस वोको भविष्यवक्ता गीन पर, पीढी-पीढी लक बनो रूखसे। 51 परमेस्वर ना आपरो ताकत दिखाईसेस, वोना घमन्डी गीन ला, छितराय देईसे। 52

वोना मोठो अधिकारी गिनला, उनको सिधासन लक उतार दियो से। अखीन, गरिब ला, महान बनायो से। 53 वोना भुखो-लाघो गिनला, साजरो-साजरो जेवन देइसेस। अखीन धनी गिनला, रिकामो हात लौटा दियो से। 54 वोना अपरो दया, ला ध्यान देके ना, आपरो दास इसरायल ला संभालयो से। 55 जसो कसम, हमरो बाप-दादा लक खायो होतो। का अब्राहम अखीन ओको सन्तान पर, परमेस्वर को कस्ना सदा बनो रहेत। (aiōn g165) 56 तीन महीना मरियम एलीसीबा को घर रहकेना, अपरो घर आय गई। 57 एलीसीबा को जचकी को बेरा पुरो भयी। अखीन वोना एक दूरा ला जलम दियो। 58 जब वोको पडोसी, अखीन रिस्तेदार ना यो बात आयकिन, का पिरभू को किरपा से। तब सब वोको संग खुसी मा सामील भईन। 59 आठवा दिवस दूरा को खतना को बेरा आयो। तब लोकगीन वोको नाव वोको बाबूजी जकरयाह को नाव पर, राखन चाहत होतीन। 60 पर वोको माय ना सांगीस, नही, एको नाव योहन राखबिन। 61 तब वोना लोकगीन कव्हन लग्गीन, तुम्हारे कुटुम्ब मा, कोनी को असो नाव नहात। 62 तब लोकगीन ईसारा करके वोको बाबूजी लक पुसन लग्गीन, उ का नाव राखन चाहसेस। 63 वोना पाटी मागके ओमा योहन नाव लिख्यो। 64 वोच बेरा मा, जकरयाह को जुबान खुल गयो, अखीन उ परमेस्वर को धन्यवाद करन लगयो। 65 तब सब सेजारीगीन मा भेव छाय गयो। अखीन उनको गांव को आखा-पाखा मा अना यहूदिया देस मा यो गोस्टी को चरचा फैल गयो। 66 सब आयकन वारा मन मा विचार के, ना कव्हन लग्गीन, का यो लेकरा का बनहेत? काहे का सचमुच मा पिरभू को “वोको पर हात होतो।” 67 योहन को दादजी जकरयाह, पवीतर आतमा लक भर गयो। अखीन असो कव्हत, आवन वारो गोस्टी साँगन लग्यो। 68 धन्य से इसरायल को परमेस्वर, वोना आपरो लोकगीन को सुधी लेवासे, अखीन उनको मोक्स करोसे। 69 अखीन आपरो दास दाऊद को घराना, लक एक सूटकारा देवन वालो सींग हिटिसे। 70 उ आपरो पवीतर भविष्यवक्ता को टोन्ड ले, पुरानो जमाना लक, यो कव्हतो आयो सेस। (aiōn g165) 71 क उ बैरी अखीन सब बैरी हुन को हात लक, हमीला सूटकारा करीसेस। 72 का आपरो बाबूजी दादजी पर दया करके आपरी पवीतर वायदा ला हेत करयेत। 73 वोना किरया खायके ना, हमारो पुरखा अब्राहम लक, असो सांग्यो होतो। 74 क उ हमारो दुस्मन को हाथ लक, हमीला छुडाय लेहेत। 75 जोन को लक हमी बेधडक, पवीतर, अखीन न्यायी पन लक वोको सेवा करयेत। 76 उ दूरा सब लक मोठो परमेस्वर को भविष्यवक्ता कहलाव जोस, तू पिरभू को पृढा चलन वालो दूत बनजो! तू वोको मारग तैय्यार करजो। 77 अखीन वोको लोकगीन ला, उनको पाप छिमा को कन लक, मुक्ती को गियान देवजोस। 78 हमारो परमेस्वर को यो माया, अखीन दया लक, हमी ला सरग लक, उजाडो मिलहेत। 79 जेनको लाय उ इन्धीयारो अखीन, मरन को सावली मा, जो लोग बस्यो से, वोला उजाडो देवजो! अखीन हामरो पाय ला सान्ती को रास्ता मा ले जाहेत। 80 लेकरा योहन मोठो होवन लग्यो, अखीन वोको आतमा बल बढन लगयो! उ इसरायल को सामने चोवनो को पृढा सुनसान जघा मा रव्हन लग्यो।

2 ओना बेरा मा राजा औरगुस्तुस कैसर को कना लक हुकूम हिटयो, क सारो जग का लोकईन को नाव लिखवान की जाये। 2 यो पयलो नाव लिखवाई वोना बेरा भयो, जब किवरिनियुस सीरिया को राजा होतो। 3 सब लोग आपरो-आपरो नाव लिखवान काजी आपरो नगर मा गइन। 4 मंघा यूसुफ अखीन मरियम, आपरो नाव लिखावन काजी गलील को नासरत नगर ले, यहूदिया मा दाऊद को नगर बैतलेहम मा गईन। 5 वहां दूई यूसुफ अना मरियम जोनको पक्की भयी होती जायके आपरो नाव लिखवान गईन। 6 जब उ दोई वोच नगर मा होतीन, तब मरियम को जचकि को बेरा भई गयी। 7 उनको स्कन को लाय सराय मा, जघा नही होतो। यो काजी वय गाई-बईल को कोठा मा सकिन। अखीन वोको पयलो दूरा वहांच भयो, अखीन वोला कपरा मा लपेट केना, गव्हान मा राखीस। 8 देस मा केतरा गडेरिया होतीन, जोई रात ला मैदान मा रहके, आपरो करप को निगरानी करत होतिन। 9 तबा परमेस्वर को एक सरगदूत, उनको जवर आयके, उभो भयो। अना पिरभू को तेज, चमकन लगयो, तबा उन गजब डराय गईन। 10 परमेस्वर को सरगदूत उनला कव्हसे, नोको डराव चोवो, मी तुम्ही ला मोठयो खुसी को साजरो बारता सांगस। जो सब लोग लाय होहे। 11 आज दाऊद को नगर मा तुमरो लाय एक पाप मोचक जन्म लेईसे योच मसीह पिरभू से। 12 योको यो निसान सेत का तुम्ही एक दूरा ला कपरा मा लिपटो गव्हान मा रख्यो पावजो। 13 तबा एकाएक लक उ परमेस्वर को सरग दूत संग अना दूतगिन भी परमेस्वर की भक्ती करत अना यो सांगत चोवयो। 14 सरग मा परमेस्वर की बड़ाई अना धरती मा उन मानूस लक जिन लक खुस से, अखीन सान्ती होय। 15 जब पिरभू को सरगदूत उनको जवर लक सरग मा गईन। तो गडरिया ना आपस मा कव्हन लग्गीन। आओ हमि बैतलेहम जायके, जो हमला परमेस्वर को दूत सांगिसेस देखबिन। 16 तब उनना गदने जायके मरियम अना यूसुफ ला, अखी गव्हान मा उ दूरा ला पडयो चोविन। 17 ऐना ला चोवके, उनना वा सबद जो यो दूरा को बारे मा सरगदूत सागयो होतो, उन लक सांगन लग्गीन 18 अना गडरिया को गोस्टी आयक के सब आयकन वालो ना अचंभा करीन। 19 पर मरियम यो सब कव्हनो ला, आपरो मन मा सोचत होती। 20 अखीन गडरिया जसो उनला कव्हयो होतो, वसोच चोवके, वोना लोकगीन, परमेस्वर को बड़ाई अना भक्ति करत-करत लवट गईन। 21 सरगदूत को कव्हन को लक, आठ दिवस को मंघा, जब लेकरा को खतना को बेरा आयो। तब वोको नाव यीसु राखयो, काहे का सरगदूत ना, पुढा मा असोच सांगयो होतो। 22 मोसे को नियम को लक, जब लेकरा को अरपन लक सुध्द करन को दिवस आयो। ता वय ओला येस्सलेम मा आनीन की पिरभू को पुढा लाहेत। 23 जसो का मोसे को नियम मा लिख्योसे, हर एक पयलो दूरा, पिरभू को लाय पवीतर मानो जाय। 24 अखीन एको लाय भी का, उ मोसे को नियम को हुकूम लक, पेवा को एक जोडा, या दोन बच्चा पिरभू को लाय बली चघाइन। 25 ओना बेरा येस्सलेम नगर मा, सिमोन नाव को, एक नेक मानूस रव्हत होतो। उ इसरायल को सान्ती को बाट चोवत होतो। पवीतर आतमा ओको पर होतो। 26 अखीन पवीतर आतमा लक, मिल्यो जानकारी को लक, जब तकन उ मसीह पिरभू को दरसन ना करलेहे नही मरन को, असो

वोला बरदान होतो। 27 उ पवीतर आतमा ले मिलो जानकारी को लक, मंदिर मा आयो। “जब माय-बाप लेकरा यीसु को लाय, मोसे को नियम पूरो करन, वोला भित्तर लाईन।” 28 तबा सिमोन ना लेकरा ला, अपरो कन्हिया मा लियो, अखीन परमेस्वर को धन्य करत कन्हन लगयो। 29 हे मालीक! अब तू अपरो कन्हन को लक, सान्ती लक आपरो दास सार कर। 30 काहेका मोरो डोरा ना ओको सूटकारा मोला चोविसे। 31 जो ला तुना सब लोकगीन को पूढा मा दिखवा सेस। 32 यो दुसरो लोकगीन लाय लुको गोस्टी को खुलासा लाई आखिन तोरी पर जा इसरायल ला मान देवन वालो उजाडो से। 33 दूरा को बारे मा यो गोस्टी आयक के ओको माय बाप चकित भय गईन। 34 सिमोन ना उनला, अखीन आसीस दियो। अना लेकरा को माय मरियम ला कहीस। अवो यो लेकरा, एक असो निसान से, जोन को लोकईन विरोध करयेत, यो कारन लक इसरायल मा बहुत लोकगीन को पडनो, अखीन जी उचलनो होयहेत। 35 अखीन एक तरवार, वोको हिरदय को आरपार, छेद देहेत। जेनको लक लोकगीन को, मन को बात टोन्ड मा आ जाहे। 36 हन्ना नाव को एक भविष्यवक्ता बाई होती। जो आसेर को खानदान मा, फनुएल को टुरि होती। वा गजब बुडगी होती। वा लगन को बाद मा, केवल सात साल, अपरो नवरा संग जितो रहि होती। 37 अखीन मंघा, वा बेवा भई गई होती अना ओको चऊरासी बरस लक बेवा होती। वा मंदिर को बाहेर नही हिटत होती, अखीन उपास पिराथना करत-करत, रात दिवस परमेस्वर को सेवा मा रव्हत होती। 38 वा भी वोच बेरा मा आयकेना, परमेस्वर ला धनवाद देवन लगी। अखीन जोन लोग येस्सलेम नगर को सूटकारा को रस्ता, चोवत होतीन, उन सबला वा लेकरा को बारे मा सांगन लागि। 39 मोसे को नियम को लक पिरभू लाय सब कुछ पूरो करन को मंघा, ओना गलील छेतर मा, अपरो नगर नासरत मा लवट गईन। 40 लेकरा यीसु मोठो होवन लग्यो, अखीन उ अक्ल लक भरपुर होतो गयो। काहे का “परमेस्वर को हात वोको पर होतो” मजे किरपा होतो। 41 यीसु को माय-बाप हर साल बलिदान तिहार मनावन ला, येस्सलेम नगर जावत होतयो। 42 जबा यीसु बारा साल को भयो, तबा उ आपरो रीती को लक, तिहार मनावन काजी, येस्सलेम नगर मा गईन। 43 तिहार को रोज, पूरो होवन को मंघा, वो लवट गईन, मंग लेकरा यीसु येस्सलेम मा रह गयो, वोको माय-बाप यो बात नही जानत होतीन। 44 वय समझत होतीन का, उ यातरी दलमा सेत। येको लाय उ एक दिवस को यातरा पूरो करन को बाद मा, वोला आपरो कुटुम्ब अखीन जान-पहचान का लोकगीन मा ढुन्ढ-ढान्ड करन लगीन। 45 जब यीसु उनला नही मील्यो, तब ढुन्ढत-ढान्डत येस्सलेम नगर पहुँचिन। 46 तीन दिवस को बाद मा, उनला यीसु मंदिर मा मिल्यो। उ बसके ना, धरम गुस्तीन लक सवाल-जवाब करत पायो गयो। 47 सब आयकन वारा, अक्ल अखीन सवाल-जवाब पर चक्रीत भई गईन। 48 वोको माय-बाप भी वोला चोवके ना, अचंभा भई गईन। वोको माय ना वोला कहीस, दूरा, तू ना आमरो संग मा असो काहे करीसेस? देख, तोरो बाप अखीन मी, चिन्ता मा होतीन, अखीन तोला ढुढत होतिन। 49 तब यीसु ना कन्हयो, का तुम्ही मोला काहे ढुन्ढ-ढान्ड काहे करासो? तुम्ही नही जानसो, की मी पक्को, आपरो बाबूजी को घर

मा रह। 50 पर यो गोस्टी, कोनी ला समझ नही आयो। 51 यीसु उनको संग येस्सलेम नगर लक आपरो घर नासरत नगर मा आयो। अखीन, उ आपरो माय-बाप को आधीन रहयो। वोको माय ना यो सब गोस्टी आपरो मन मा, सजोय के राखीस। 52 यीसु अक्ल अना ताकत मा, अखीन परमेस्वर अना मानूस को किरपा मा बढतो गयो।

3 तिबेरियुस को, सरकार को पांचवा साल होत्यो। कैसर को राज मा पोंतियुस पिलातुस, यहूदिया गलील को राजपाल होतयो। दोनी भाऊ, फिलिपी इतुरैया, तरखोनीतिस राज को राजा, अखीन लुसानियस, अबिलेने राज को, राजा होत्यो, अना गलील मा हेरोदेस राजा होतो। 2 हन्ना अखीन काइफा, मुखिया याजक होतो। वोना दिवस मा, परमेस्वर को कन्हनो, सूनसान जघा मा जकरयाह को दूरा, योहन को कठा पहुँचो। 3 उ यरदन नदी को आजू-बाजू को छेतर मा, घुम-घाम के न पाप छिमा, अखीन पाप लक मन हटाव, बसिस्मा, को बारे मा, परचार करन लगयो। 4 जसो भविष्यवक्ता यसायाह को पवीतर किताब मा लिख्यो से, “सून-सान जघा मा चिलावन वालो को आवाज। पिरभू को रास्ता ला तैय्यार करो! अखीन वोको रास्ता ला सीधो करो” 5 दुई टवरिया को बीच को खोदरा, भर दियो जाय, हर एक पहाड-पहाडी खाल्या करो। टेडो-टाडो रस्ता सिधो करो, उबड-खाबड रस्ता ला समान करो। 6 अना हरेक लोकगीन परमेस्वर को आतमा छुटकारा ला चोवयेत। 7 जोन लोक बसिस्मा लेवन ला आवत होतीन, योहन उनला कन्हत होत्यो, हे सरप को लेकरा कोन तुम्हीला सांगीसेस, की परमेस्वर को हिजरनो लक पराय जाओ। 8 आपरो मन ला पाप लक हटाय के पस्तावा करो, अना साजरो भई जाओ, अखीन साजरो-साजरो काम करो। तुम्ही आपरो मन मा असो मत सोचो, हमी अबराहम को खानदान को सेत। मि तुम्ही ला सांगासु, परमेस्वर ऐना गोटा लक, अबराहम को लाय, लेकरा जनमा सकसे। 9 अबा झाड को जड मा, टँगिया से। जो झाड साजरा फर नही देवासे, वोला काटपीट के ना, स्तो मा पेटाय दियो जाहेत। 10 तबा लोग गीन योहन लक पुस्यो, तो हमि काजक करबीन? 11 तबा वोना जवाब दियो, जोको कना दोन कुरता से, वोला देदो, जोन को कठा नहाती, अना जोन को कठा जेवन को सेत, वो भी वसोच करयेत। 12 अना जमा पटानवारा अधिकारी गीन ओको जवर बसिस्मा-लेवन आइन, अखीन वोला पुछीन, गुस्ती हमला का करनो से सांगो? 13 तब योहन ना कन्हयो, जितरो ठहरायो गयोसे वोको लक जादा नोको लेवने। 14 सीपाहि गीन पुसन लगीन, अखीन आमरो लाय काजक हुकूम से? तबा उ सांगयो, कोनी लक पैसा नोको एठने। अखीन झुठो दोस नोको लगावने, पर आपरो तनखा मा जिन्दगी करो, घूस नोको लेवने। 15 जबा आस लगायके होतीन अना योहन को बारे मा आपरो मन मा सोच बिचार कर रही होतीन। का योच ता मसीह नहात? 16 यो को काजी योहन कहीस, तुम्ही अपरो-आपरो मनमा काजक सोचसो, कही मी मसीह सेऊ? सच-मूच मा मी मसीह नही सेव। काहे का मि, तो तुम्ही ला पानी मा बसिस्मा देवासु, पर उ आवन वालो मसीहा, मोरो ले जादा ताकतवर से। मी वोको जूता को दोरी, खोलन को काबील नही सेव, उ तुम्हीला, पवीतर आतमा, अखीन स्तो लक

बसिस्मा देहेत। 17 वोको हात मा सूपडो से, उ आपरी खरीयान उन दिवस मा काही नही जेविस, जबा चालीस दिवस बीत गयो, तबा ला साजरो रीती लक सफा करहे। अपरो गँहु ला कोठी मा जमा करयेत। अखीन भुसा-भासी ला, कभू नही बुझन वालो स्तो मा, डक देहेत। 18 योहन असो अजब-गजब उदाहरन समेत सिक्सा, जनता ला आयकावत होतो। 19 पर योहन ना राजा हेरोदेस ला, वोको भाऊ हेरोदियास बहु को बारे मा, अखीन वोको सब गलत काम को लाई, बोला बूरो-भलो ठासन लगयो। 20 तब राजा ना, योहन ला धरवायके जेल मा डक देईस। अखीन आपरो खोटो काम को, हद पार कर देईस। 21 जबा सबा लोकगीन बसिस्मा लेईन, तबा यीसु भी बसिस्मा लेवन को बाद, परमेस्वर लक पिराथना करन लग्गिस। तबा बादल खुल गयो। 22 अखीन परेवा को देह जसो, पवीतर आतमा वोको पर उतर गयो, अखीन सरग लक यो आवाज आयो, तू मोरो चहेतो दूरा आस, मी तोरो लक गजब खुसी सेव। 23 जब यीसु ना परमेस्वर को सेवा सुरू करीस। ओना बेरा उ तीस बरस को होतो। लोग ओला यूसुफ को दूरा समझत होतिन। यूसुफ एली को दूरा होतो, 24 अखीन उ मत्तात को दूरा, अखीन उ लेवी को दूरा, अखीन उ मलकी को दूरा, अखीन उ यन्ना को दूरा, अखीन उ यूसुफ को, दूरा 25 अखीन उ मस्तियाह को दूरा, अखीन उ आमोस को दूरा, अखीन उ नहम को दूरा, अखीन उ असल्याह को दूरा, अखीन उ नोगहा को दूरा, 26 अखीन उ मात को दूरा, अखीन मस्तियाह को, अखीन उ सिमी को, अखीन उ योसेख को, अखीन उ योदाह को, 27 उ योहान को, अखीन उ रेसा को, अखीन उ जम्बाबिल को, अखीन उ सालतिएल को, अखीन उ नेरी को, 28 अखीन उ मलकी को, अखीन उ अदि को, अखीन उ कोसाम को, अखीन उ इलमोदाह को, अखीन उ एर को, 29 अखीन उ यहोस को, अखीन उ एलीएजर को, अखीन उ योरीम को, अखीन उ मत्तात को, अखीन उ लेवी को 30 अखीन उ सिमोन को, अखीन उ यहदा को, अखीन उ यूसुफ को, अखीन उ योनाम को, अखीन उ इलयाकीम को 31 अखीन उ मेलेआह को, अखीन उ मिन्नाह को, अखीन उ मत्तात को, अखीन उ नातान को, अखीन उ दाऊद को, 32 अखीन उ यिसे को, अखीन उ ओबेद को, अखीन उ बोअज को, अखीन उ सेलह को, अखीन उ नहसोन को, 33 अखीन उ अम्मीनादाब को, अखीन उ अरनी को, अखीन उ हिसरोन को, अखीन उ पेरस को, अखीन उ यहदा को, 34 अखीन उ याकूब को, अखीन उ इसहाक को, अखीन उ अबराहम को, अखीन उ तेरह को, अखीन उ नाहोर को, 35 सरग को, अखीन उ रऊ को, अखीन उ पेलेग को, अखीन उ एबर को, अखीन उ सेलेह को 36 अखीन उ केनान को, अखीन उ अरपछद को, अखीन उ सेम को, अखीन उ नूह को, अखीन उ लामेक को, 37 अखीन उ मथसेलह को, अखीन उ हनोक को, अखीन उ यारेद को, अखीन उ महल्लेल को, अखीन उ केनान को, 38 अखीन उ एनोस को, अखीन उ सेत को, अखीन उ आदम को, अउर अखीन उ परमेस्वर को दूरा होतो।

4 यीसु पवीतर आतमा लक पूरो भरके ना, यरदन नदी लक लवटयो। तबा आतमा बोला सूनसान मा लेगइस। 2 वोना जघा बालजबूल चालीस दिवस तकन वोको परीक्सा लेवत रहयो। यीसु

उन दिवस मा काही नही जेविस, जबा चालीस दिवस बीत गयो, तबा बोला गजब भूख लग्यो। 3 बालजबूल ना बोला सांग्यो, यदी तू परमेस्वर को दूरा आस, तो यो गोटा ला हुकूम देव, का यो भाकर बन जाहेत। 4 पर यीसु ना जवाब देइस। गिरंथ मा लिखीसे। मानूस भाकर लक नही, पर परमेस्वर को गोस्टी लक जितो रहेत। 5 मंग बालजबूल बोला, वरता उठायके ना ले गईस, अखीन पलभर मा जग को राज चोवाइस। 6 अखीन बालजबूल ना बोला कहीस, मी तोला यो सबच राज अना महिमा देदेह। यो मोरो अधिकार मा से, मि जोनला चोँह ओला दे सकासू। 7 यदी तू मोरो पाँय पडजोस अना नमस्कार करजोस, ता यो सबा तोला देदेह। 8 तबा यीसु ना जवाब देइस, गिरंथ मा लिखीसे, तू आपरो पिरभू परमेस्वर ला नमस्कार करजो, अखीन वोको च सेवा करजो। 9 तबा बालजबूल ना, बोला येस्सलेम नगर, को मंदिर को छेन्डी मा, उभो करयो। अखीन कव्हयो, यदि तू परमेस्वर को दूरा से, तो खाल्या कूद जाय। 10 काहेका गिरंथ मा लिखीसे, तोरो लाय परमेस्वर आपरो सरगदूत ला हुकूम देहेत, अखीन वो तोला बचाहेत। 11 कही तोरो पाँय मा खोइ, नोको लग जाय। 12 यीसु ना जवाब देइस, यो लिखी से, तू आपरो पिरभू परमेस्वर को परीक्सा नोको करजो। 13 असो परीक्सा लेवन को बाद, बालजबूल सैतान वोको जवर लक, पराय गयो। 14 यीसु आतमा को ताकत लक भरके, गलील छेतर मा हिट आयो। वोको चरचा, आखा-पाखा को सबा जघा मा फैल गयो। 15 उ सभाघर मा जायके ना, सिक्सा देवन लग्यो। अखीन लोकगीन वोको बडाई करन लग्गिन। 16 जबा यीसु आपरो नगर नासरत मा आयो। जहाँ उ पालो गयो होतो। तबा उ आपरो आदत को लक पवीतर दिवस सभाघर मा गयो। उ गिरंथ बाचन ला उभो भयो। 17 तबा बोला भविस्वयक्ता यसायाह को किताब दियो गयो, गिरंथ खोलेके ना उ जघा हेइयो, जहा लिखो से। 18 पिरभू को आतमा मोरो वरतासे, काहेका वोना मोला निवाडी सेस, का मी गरीब-गोर ला साजरो बारता आयकावाह, वोना मोला धाडीसेस। जोको लाया मी बन्दी लोकगीन को सूटकारा, अखीन अँधारा गीन ला डोरा चोवन को, खबर सुनाऊ। मी दलीत लोकगीन ला, सोडाऊ। 19 अखिन पिरभू को किरपा को साल, ला सबला साजरा बारता आयकावसू। 20 यीसु ना किताब ला बंद कर दियो, अखीन दास को हात मा धरा दियो, अखीन सबा बस गईन। सभाघर मा, सबकी नजर यीसु पर होतो। 21 तबा यीसु ना कव्हयो, यो गोस्टी आज पवित्र गिरंथ मा पूरो भई। 22 सब लोग गीन वोकी किरपा को बात आयक के चकीत भई गईन। अखीन आपस मा कव्हन लग्गिन। का यो सचमा यूसुफ को दूरा नहाय? 23 वोना उन लक कहीस, तुम्ही मोरो पर यो हाना जरूर कहजोस, हे बईद, अपरो आप ला साजरो कर, जो काही हमि न आयकी सेजन। जोन काम कफरनहम नगर मा किरिसेस, ओला अपरो देस मा कर। 24 अना वोना कहीस मि तुमी लक खरो कव्हसू, कोनी खरो भविस्वयक्ता अपरो देस मा मान-सम्मान नही पावासे। 25 अना मी तुमी ला खरो कव्हसू, की एलियाह को दिवस मा जबा साढे तीन साल तकन बादल बन्द रहीसेस, यहाँ तकन क सारो देस मा मोठयो गिरहानी पडयो, त इसरायल मा लगत बेवा होतिन। 26 पर एलियाह उनमा लक कोनी को जवर नही धाड्यो गयो होतो। उ

एकच सैदा को सारपत को एक बेवा को जवर धाड़ो गयो होतो। 27 अखीन एलिसा भविष्यवक्ता को बेरा इसरायल म गजब सो कोढी होतिन, पर नामान सिरयानी ला छोड उनमा लक, कोनी ला साजरो नही करीस। 28 यो गोस्ती ला आयक के, जेतरा लोग गीन सभाघर मा होतिन, सबच “लाल-पिवरो” भयी गईन। 29 अना उठके ओला नगर लक बाहेर हेडीन, अना जोन पहाड मा उन को नगर बसो से, ओको वरता मा ले चलिन, की ओला वहान लक खाल्या ढकल दे। 30 पर उ उनको बिचमा लक, हिटके चली गयो। 31 मग उ गलील छेतर को, कफरनहुम नगर मा गयो, अना पवीतर दिवस मा लोग गीन ला, सिक्सा देवन लग्यो। 32 उनना वोको सिक्सा ले चकित भई गईन। काहेका उ गोस्ती अधिकार सकट होत्यो। 33 सभाघर मा, एक मानूस होतो, जोन एक अशुद्ध भूत-पलित झोमो होतो। ओना चिल्लायेके कव्हयो। 34 ओ यीसु, नासरी, हमरो लक तोरो काजक काम से? का तू आमीला नास करन ला आईसेस? मी तोला जानास, तू कोन आस? तू परमेस्वर को पवीतर मानूस आस। 35 यीसु न वोला डटकार के हुकूम देइस, उधा-मूधा रह अना वोको लक हीट जाय, तब भूत वोला बीच मा पटककर बिना हानि पहुचाए, हीट गयो। 36 योच लाइ सबा ला, अचंभा भयो, अना वय आपस मा बोलन लगिनी। ये कसो ताकत अना हक से, यो भूत ला हुकूम देवासे, अना वा हिट जासे। 37 तबा यीसु की यो गोस्ती अगल-बगल जघा मा होवन लग्गी। 38 उ सभाघर लक उभो होयके, समौन के घर मा गईस। अखीन समौन की सास ला गजब बुखार होतो। अना उनना वोको लाय वोको लक बिनती करीन। 39 तबा यीसु ना ओको जवर उभो, होयके, बुखार ला हुकूम देयके डाटीस, अना बुखार उतर गयो। अना उ एकदम उठके उनको सेवा करन लग्यो। 40 दिवस बुडतो बेरा मा, जोन-जोन को घर मा बिमार होतिन उनना वोको जवर आनीन, अना उन सबपर हात ठेवके सबला साजरो करीस। 41 भूत बेमियात-बेमियात कव्हन लगिनी, तू परमेस्वर को दूरा आस, अना हीट गइन, पर यीसु उनला डाटके नही बोलन को हुकूम देइस। काहेका भूत जानत होतिन का यो मसीह सूटकारा देवनवारा सेत। 42 यीसु पहट को बेरा घर लक हिटके, अना एकांत जघा मा गयो। लोग वोला दुढत-ढाढत ओको जवर आइन। अखीन बिनती करके कव्हन लगिनी, तू हमि ला सोडके नेको जास। 43 पर वोना उनलक कव्हयो, मोला अखीन देस मा जावने से, अना परमेस्वर को साजरो बारता, आयकानो जरूरी से, काहेका मोला योच काजी धाड़ो गयो से। 44 अना उ गलील छेतर यहूदिया को सब, सभाघर मा, साजरा बारता सांगन लग्यो।

5 जनता जबा, परमेस्वर को गोस्ती आयकन को लाई, सबा जमा होय गईन। तबा यीसु गनेसरत झील को कीनार मा, उभो होत्यो। 2 वोना झील को किनार मा, दुई नाव होतो, अखीन ढीमर जाल धोवत होतीन। 3 वोना मा लक एक नाव, समोन को होतो। नाव मा यीसु बस गयो, अखीन समोन ला जघा लक जरा हटान ला, कव्हयो, अखीन यीसु सिक्सा देवन लग्यो। 4 जबा सिक्सा देके ना भई गयो, तबा यीसु ना समोन ला कव्हयो, गहरो मा नाव लेचल, अखीन अपरो जाल डाख। 5 समोन ना कव्हयो, हे मालीक, हमी

रात भर मेहनत करीसेजन, अखीन काही “हात नही लगयो” तोरो कव्हनो को अनुसार, मी जाल डाखास। 6 जबा वोना जाल डाखीस, तबा गजब मसरी जाल मा फस गईन, अखीन जाल फाटन लग्गी। 7 तबा समोन आपरो संगीइन ला, हाकलिस, अखीन सबा आय केन, जाल हेडन लगिनी, नाव मसरी लक एतरो भर गयो, का नाव बुडन लग्गी। 8 असो चमत्कार चोवकेना, समोन यीसु को पाय मा पड़ गयो। अखीन वोला कहीस, हे मालीक मोरो जवर लक जाय, काहे का मी पापी मानूस सेव। 9 काहेकि एतरो मसरी ला समट लेवन को कारन ओला अना ओको संगीगिन ला अचंभा भयो। 10 वहान जबदी को दूरा याकूब, अखीन योहन भी होत्यो। तब जोन समोन को संगी होतिन, अचंभा करन लगिनी, तबा यीसु, समोन लक कहीस, भेव नेको करो अबा, लक तू मानूस ला, परमेस्वर को राज मा आनजोस। 11 अना उनना नाव ला किनारे जघा मा, आनीन अना सबा काही ला सोडके वोको मंघा गईन। 12 जबा उ कोनी नगर मा गयो होत्यो, ता वहान एक कोढी मानूस आयो। अना यीसु को पायमा, तोन्ड को बल पडके ना बिनती करन लग्यो, हे पिरभू! यदि तू चाव्हजोस, ता मोला साजरो कर सकासेस। 13 वोना हात छिवके कहीस, मी चाव्हस, तू साजरो भय जास, वोच बेरा वोको कोढ साजरो भय गयो। 14 यीसु ना वोला हुकूम दियो, यो गोस्ती तू कोनीला नेको सांगजोस, पर आपरो आप ला मुखिया याजक ला दिसाजोस, अना जोन चढावा चढावन ला मोसे गुरूजी ना सांगिसेस, उ भेंट चढाजोस, तबा लोक गीन ला गवाही भई जाहे, का तू साजरो भय गइसेस। 15 मंग यीसु की गोस्ती गजब फैलत गई, भीड वोकी गोस्ती आयकन लाई, अना अपरी बीमारि लक साजरो होवन लाई, जमा भईन। 16 पर यीसु उन लक बेगरो होयके जंगल मा जायकेना, पिराथना करन लगियो। 17 एक रोज यीसु, सिक्सा दे रहयो होतो। मोसे को नियम को गुरू अखीन मुखिया याजकगिन, वोको कठा बस्या होतिन। वय गलील, अना यहूदिया छेतर को हर, एक गाँव लक येस्सेलेम नगर मा आयो होतिन। रोगिन ला साजरो करन को लाय, पिरभू को ताकत यीसु को संग होत्यो। 18 वोच बेरा काही लोग गीन खाट मा एक लकवा को रोगि ला आनीन। वय वोला भीतर ली जायके, यीसु को पृढा राखन चाव्हत होतिन। 19 पर गरदी को कारन लक, वोला भीतर नही आन सकिन, ता वय सपरी मा चघ गईन। अना सङ्गन कापके, रोगिला जहान यीसु बस्यो होतो, वहान पृढा मा खाट ला, खाल्या उतार देइन। 20 उनको भरोसा ला चोवके, यीसु कव्हयो, जा भाऊ, तोरो पाप छिमा भय गयो। 21 एको पर मोसे को नियम को गुरू लेखक, अना पुरोहित एक दुसरो ला, जवाब करन लगिनी। का यो परमेस्वर को निन्दा करन वारा कोन से? परमेस्वर को सिवाय कोन, पाप छिमा कर सकासे? 22 उनको यो जवाब जान के यीसु ना उनला जवाब दियो। तुमरो मन मा यो जवाब काहे, उभो रहयो से? 23 सबा लक सरल का से? यो कव्हनो तोरो पाप छिमा भय गयो। का उठ चल? 24 पर एकोलाय का तुमला मालूम भई जाये, का मानूस को दूरा ला, धरती मा पाप छिमा करन को अधिकार से। तबा उ लकवा को रोगी ला कहीस, उभो होयके आपरी खाट उचल, अना घर जाय। 25 वोनेच बेरा उ सबको पृढा उभो भयो, अना जोन खाट मा उ झोपयो होतो, वोला उचल के

परमेश्वर को बड़ाई करत-करत आपरो घर चली गयो। 26 वय सबा चक्रीत भय गईन, अना परमेश्वर को भजन बड़ाई करन लागीन। अना सबा डराय के कव्हन लागीन। आज तकन अमीना असो काम नही परख पायी सेजन। 27 मंघा उ बाहेर गयो अना उ लेवी नाव को एक जमा वसूल करन वालो ला वसूल करन को नाका पर जायके बसयो चोयो, अना उ वोला कहीस मोरो मंघा भई जाय। 28 तबा उ सारी चिज ला सोडके उभो भयो अना ओको मंघा भय गयो। 29 तबा लेवी ना अपरो घर मा वोको लाय एक मोठो जेवन देईस, अना वहान पर जमा वसूल करन वालो, अखीन बेजा लोग वोको संग मा जेवन करन ला बस गईन, वहान लगत मानूस होतिन। 30 एको पर मोसे को नियम को गुरू, अना लेखक भन्नात यीसु को चेला गीन ला कव्हन लागीन, तुमी जमा वसूल करन वालो अधिकारी अना पापी गीन को संग मा काहे जेवन करासो? 31 यीसु ना जवाब देईस बइद साजरोगिन लाई नाहाय, लेकिन बिमार लाई जसरी से। 32 नेक मानूस गीन ला नही पर पापी गी ला पस्तावा करन काजी हाकलन आईसेव। 33 उनना यीसु ला कहिन, योहन को चेला गीन बार-बार उपास राखासे। अना पिराथना मा लग्यो रहसे, अना मोसे को नियम को गुरू चेलागिन भी वसोच करासेत पर तोरा चेलागिन काहे जेवत रव्हासेत? 34 तबा यीसु ना उन लक कहीस की जबा तकन बराती नवरदेव को संग मा रव्हासे, त बराति कसो उपास रव्ह सकासेत? 35 पर वोना दिवस आवन वारा से। जबा मि इनको लक दुहर भई जाह उना दिवस मा वय उपास करयेत। 36 वोना अखीन एक उदाहरन उनको लक कहीस। कोनी मानूस नयो कपरा मा जुनो कपरा को तनी नही लगाय सकासेत। काहेकि जुनो कपरा फट जाहे अखीन जुनो कपरा मा नवतो कपरा को तनी नही लगा सकासे काहेका जुनो तनी टुट जाहेत। एकोलाय नयो मेल नही खायेत। 37 अखीन कोनी नवा अंगूर को रस जुनो चमडा को कुप्पा मा नही डाखत। नही तो नयो वालो अंगूर रस छालल ला फाडके बोह जाएत अखीन छालल नास भई जाहेत। 38 मंग नवा अंगूर को रस नवो छालल मा डाखनो खरो से। 39 कोनी मानूस जुनो अंगूर को रस पिवके नयो नही चाव्हासे। सांगासे क जुनो च साजरो से।

6 तबा यीसु अखीन वोको चेला गीन, पवीतर दिवस मा, एक खेत मा लक जावत होतो। आखिन वोको चेला गीन, सेंग तोडके, अना हात लक मल के, जेवत-जेवत जावत होतीन। 2 तबा मोसे को नियम को गुरू मा, काही कव्हन लागीन, मोसे को नियम लक जोन काम पवीतर दिवस मा, करनो मनाहिसेत, तुमी वोच काम कायलाय करोसो। 3 मंग यीसु न उनला जवाब देईस, का तुमीना यो नही बाचिसेव? दाऊद राजा अखीन वोको संगी गीनला, जबा भूख लग्यो होतो। तबा वय का करीन? 4 वय परमेश्वर को घर मा गईन, अना भेंट की बाखर ला आन के, अपरो संगीगिन सगं जेविन, जोनला मोसे को नियम लक याजक ला सोडके, कोनी ला जेवन करनो खरो नहात। 5 अखीन वोना उनला सांग्यो, मानूस को दूरा पवीतर दिवस को भी पिरभू सेत। 6 एक बेरा यीसु, पवीतर दिवस सभाघर मा जायके, सिक्सा देवन लग्यो। अना वहान एक मानूस होतो, जेनको उज्जो हात सक्यो होतो। 7 मोसे को नियम को गुरू आना धरमगुरू,

एना गोस्टी को तक्का मा होतीन, की अदी यीसु पवीतर दिवस मा साजरो करासे, ता वय ओको पर दोस लगाय सकसेत। 8 यीसु उनको मन को विचार जानत होतो, येको लाय वोना सुक्को हातवालो मानूस ला कहीस, बीच मा उभो होय जाय! तब उ उठ के उभो भय गयो। 9 यीसु ना उनला कव्हयो, मि तुमी लक पुससू मोसे को नियम लक पवीतर दिवस मा भलो करनो साजरो से का खोटो से? जान बचानो या जान ला लेवनो? 10 तबा वोना इता-उता सबला चोवीस, अना मानूस लक कहीस, अपरो हात बढाव, वोना वसोच करीस अखीन वोको हात जसो को तसोच साजरो भई गयो। 11 वय लोग गीन गजब गुस्सा भय गईन, अना आपसी मा बिचार करन लागीन, का हमी यीसु को संग मा का करबीन? 12 यीसु वोना दिवस मा पहाडी मा पिराथना करन गयो, अना परमेश्वर लक पिराथना करनो मा पूरी रात बिताइस। 13 जबा दिवस भयो तो वोना अपरो, चेला गीनला हाकल के ओमा लक बारा चेला गीनला निवाडो, अखीन उनला पेरीत कहीस। 14 अना वय यो सेत, समोन जेनको नाव, वोना पतरस राखीस। अखीन वोको भाऊ अन्दिरयास, अना याकूब, अना योहन, अना फिलिप्पस, आना बरतुल्लै। 15 अना मन्ती, अना थोमा, आना हलफई को दूरा याकूब अना सिमोन ला जोन धरमोत्साही कहलावासेत, 16 याकूब को दूरा यहदा अना युदस इस्करियोति ला जोन बिन भरोसावालो होतो, जेना यीसु ला धरवायो भी होतियो। 17 तबा यीसु उनको संग मा, खाल्या आयके, बर्रा मा उभो भयो। अना वोको चेलागीन, अना जनता को गरदि, सप्पा यहूदिया छेत, येस्सलेम नगर, आना सूर अना सैदा, सागर को जवर लक लगत सा लोक, 18 जसो की वोको आयकन वारा, आपरी बीमारी लक, साजरो होवन लाय, वोको कठा आइन। वय भुत-पलित लक भुक्तन वारा, लोकगीन ला साजरो करत होतो। 19 सबा लोकगीन यीसुला छिवन को कोसीस करत होतिन, काहेका वोको लक ताकत हिटके ना, सबला साजरो करत होतो। 20 यीसु ना आपरो चेला गीन, को कना चोवयो, अना यो कहीस, “धन्य सेव तुमी जो गरिब सेव काहेका, परमेश्वर को राज तुमरोच सेत।” 21 धन्य सेव तुम्ही जोन भूखो सेव, काहेका तुमी अघाय जाहो। धन्य सेव तुमी, अबा रोवसो काहेका तुमला हसनो पडहेत। 22 धन्य सेव तुमी जबा मानूस को दूरा को कारन लक लोक तुमरो लक बुराई करे, अना तुम ला हेड देहेत, आना तुमरो निंदा करते, अखीन तुमरो नाव ला बुरो जानके काप देहेत। 23 वोच दिवस खुसी होवने, अखीन खुसहाली मनाने काहेका, सरग मा मोठो फर सेत, उनको आज्ञा पुरखा भविष्यवक्ता गीनको संग, असोच करयो सेत। 24 अखीन हाय तुमरो पर जोकी धनवान सेव, येको लाय तुमी आपरो सान्ती पाय गयो सेव। 25 धिक्कार सेत “तुमरो पर, अता अघाय सेव, काहेका तुम, ला भुखो रव्हनो पडेत।” धिक्कार सेत तुमला, जोन अबा हासोसेव काहेका, तुमला रोवनो अखीन दुख मनानो पडहेत। 26 धिक्कार से जबा मानूस तुमला भला कहेत, काहेकि उनको बाप-आजा ना, भी खोटो भविष्यवक्ता गीनको संग असीच बरताव करयो होतिन। 27 पर मि तुमी आयकन वारा गिनला कहुँस आपरो बैरी गीन लक माया राखो, जोन तुमरो लक बैर राखासे, उनको भलाई करो। 28 तुम ला जोन सराप देवासे उनला आसीस देव। जो तुमरो

बेईज्जति करासे, उनको लाय पिराथना करो। 29 अना तोरो एक गाल मा झापड मारासे तबा दुसरो गाल ला भि देदे। जोन तोरी पचिया ला हिसकवासे वोला झंगा भी देदे। 30 जोन कोनी तोरो लक मांगासे, वोला देवने, अखीन जो चिज ला हिसकासे वोको लक नोको मांगने। 31 जसो तुमी चाव्हासेव का लोग गीन तुमरो संग करेत, तुमी भि उनको संग मा वसोच करो। 32 अखीन तुमी आपरो चाव्हन वालो को संग मा माया राखासेव, ओमा का बडाई से? काहे की पापी गीन भी आपरो चाव्हन वालो को संग मा असोच करासे। 33 अखीन तुमी आपरो भलो करन वालो संग मा, भलो करासो, असो मा तुमरो का बडाई से? काहे की पापी भी असोच करासे। 34 जोन लक मिलन को भरोसा ठेवा सो उनला उधार देवासो, तो तुमरो काजक बडाई से? काहेकी पापी भी सबला, उधारी देव से। क मंग वोतरोच पाय सके। 35 पर मिले न नोको मिले, पर माँगन वालो ला उधारी देव, यो तुमरो लाय मोठो फर होयेत। अना तुम्ही परमेस्वर को, दूरा-दूरी कहलाने, काहे की जोन परमेस्वर ला नही मानासे, अखीन बुरो भी सेत, ओको पर भी, परमेस्वर भलो सेत। अना आपरो सतर लक, माया करो। 36 जसो परमेस्वर दयालू से, वसोच तुमी दयालू बनो। 37 तुम्हि न्याय नोको करो अना “नोको बोट उठाव, नही तो तुमरो पर भी उठायो जाहेत।” छिमा देदो, तो तुमला भी छिमा कर दियो जाहेत। 38 देवो तो तुमला भी दियो जाहेत, लोकगीन ठुस-ठुस के गजब, तुमरो आचर मा डाखेत। काहेकि जोन नाप लक तुम नापिसेव, वोच लक तुमरो लाय नापयो जाहेत। 39 मंग वोना उनला यो हाना डाखिस, “का अँधरा-अँधरा ला रस्ता चोवाय सकासे? दुई खोदरा मा पड जाहेत।” 40 का चेला आपरो गुरूले मोठो होयेत, नही, आपरो गुरू को जसो भई जाहेत योच लगत से। 41 तु आपरो भाऊ को डोरा मा तिनका, काय लइ चोवासेस, पयले आपरो डोरा मा को लट्टा नही चोवसे। 42 जबा तोला आपरो डोरा को, लट्टा नही चोवासे, तबा आपरो भाऊ ला कसो कह सकसे? अगा भाउ, रव्हजोस, तोरो डोराको तिनका हेडदेसु। अगा कपटी पयले, आपरो डोरा लक लट्टा हेड, तबा, आपरो भाऊ को डोरा मा लक, तिनका हेडन काजी, साजरो लक चोवजोस। 43 असो साजरो झाड नोहोय जेव निकम्मा फर आनेत, अखीन असो नोहोय का निकम्मा झाड सजरो फर आनेत। 44 अना सप्पा झाड अपरो फर लक चिन्हो जासेत काहेका लोग गीन झाडी मा लक अँजूर नही तोडत अखीन कांटा को झाड लक अंगूर नही तोडासेत। 45 साजरो मानूस अपरो मन को साजरा पेटखोली लक सजरो गोस्टी हेडासे अना बुरो मानूस अपरो आतमा को पेटखोली लक बुरी- बुरी गोस्टी हेडासेस काय की जेनो आतमा मा ठुसीसे वाच वोको टोंड पर अवासे। 46 जबा तुमी मोरो कव्हनो नही मानो ता कायलाय मोला हे पिरभू, हे पिरभू कव्हसो 47 जोन मोरो जवर आवासे अखीन मोरी गोस्टी आयकासे वोला मी ओरखसु अना मी तुमला सांगसू का उ कोन को जसो से। 48 उ वोनी मानूस को जसो से जोन घर बनावतो बेरा मा धरती ला खोदकर गहरी करके ना वोना चट्टान मा पाया डाकीस अखीन जबा पूरा को धार वोना घर मा लगी अना वोनी घर ला नही हलाय सकीस काहेकी उ घर पक्को बनयो होतो। 49 पर जोन आयक के नही मानसे उ मानूस वोको जसो से जोन चट्टान मा पाया खोदन को जघा

जमीन मा बिना पाया को घर बनावसे अना जबा पूर आवासे, त वोको घर नास भय जासे।

7 जबा उ लोग गीन ला, गजब सी गोस्टी सांग चुकयो तबा कफनरहम नगर मा आयो। 2 वहान एक सुबेदार को, एक नौकर बिमारी लक, मरन वालो होतो। सुबेदार वोला गजब चाव्हत होत्यो। 3 यीसु की गोस्टी ला आयक के, सुबेदार यहदिगीन आपरा सयानो गीनला, अना कई नावी मानूस, ला यीसु को जवर, बिनती करन धाडिन, का जायके वोको नौकर ला बचाय लेय। 4 गुरू गीन यीसु को कठा आइन, अखीन बिनती करके कव्हन लगीन। उ सुबेदार यो काबील सेत, का वोको नौकर ला, तू साजरो कर दे। 5 काहे का, यो सभाघर ला वोच ना बनवाइसेस। अना उ आमरो लोक गीन लक माया राखासे। 6 यीसु उनको, संग-संग गयो, वय वोको, घर को, कठा पहुचयो होतिन, सुबेदार ना आपरो संगी गीनको जवर, यीसु को लाय यो खबर धाडीस। पिरभू दुख नोको उठावस, काहेकी, मी यो काबिल नही सेव, का तुमी मोरो छत मा आव। 7 एको काजी मी तोरो कठा नही आईसेव, पर तू वहाँच लक हुकूम दे, अना मोरो दास साजरो भय जाहेत। 8 मी खुदच सरकारी अधिकारी सेव। अना सिपाई मोरो हात को खाल्या सेत, अना जबा मी, एक ला कव्हसु, तू जाय, तो उ जासे अना दूसरो ला कव्हासु तू आव तो उ आवासे। अखीन अपरो दास ला कव्हासु का तु यो कर त उ करासे। 9 यो आयक के यीसु ला अचंभा भयो, वोना आपरो मंघा आवन वालो ला कव्हयो, असो भरोसा ठेवन वालो मी, इसरायल लोक मा नही चोवीसेव। 10 अना खबरिया, जबा घर मा आइन, तबा उ दास सजरो भय गयो होतो। 11 काही दिवस को मंघा, यीसु नाइन नाव को नगर मा गयो। गजब जनता, अखीन चेला गीन वोको संगमा होतिन। 12 जब वय नगर मा भीतर धसन को जघा मा गयीन, तब लोक साकोली मा एक लास बाहेर ले जावत होतिन। उ आपरो माय को एकच दूरा होतो, अना वोकी माय बेवा होती, नगर को लगत जनता वोको संग होतिन। 13 वोला चोवके यीसु पिरभू दया लक भर गयो, अखीन वोको लक काहीस, रडस नोको 14 तबा वोना जवर आयके सकोली ला छिडिअ अखीन उचलन वारा उभो भईन। तबा वोना कव्हासे ओ जुवान तोला कव्हसू का उठ जाय, 15 तबा मुरदा जाग के ना बस गयो, अखीन वोना वोकी माय ला सोप देइस। 16 यो चोवके सबा डराय गईन, अउर वय, परमेस्वर को बडाई करके कव्हन लगीन, का हमारो बिच मा एक मोठयो भविश्यवक्ता आईसे, अखीन परमेस्वर आपरो लोक-बाग गीन पर किरपा करीसेस। 17 अना ओको बारे मा यो गोस्टी सप्पा यहदिया अना अगल-बगल को सब देस मा फैल गयो। 18 योहन को चेला गीन, यो गोस्टी वोला सांगिन। 19 तबा योहन आपरो चेला मा लक दोन ला, यीसु पिरभू को कठा, यो पूसन ला धाडिस, का आवनवालो तू च आस? का दूसरो सेत, हमि वोको बाट चोयबीन। 20 तबा वय लोक ओको जवर आवा सेत ता उनना कहिन योहन बरिस्मा देन वालो यो कव्हके पूसन ला धाडिसेस। “का आवनवालो तू च आस, का अखीन कोनी सेत?” 21 ओना बेरा, ओना गजब बिमार ला दया लक साजरो करीस, अँधरा गीनको डोरा उघाडो, अना भूत-

पलीत ला भगायो। 22 वोना उनलक कहीस, जोन काही तुम्ही ना चोवीसेव, अखीन आइक् सेव, जायके योहन लक सॉंगने का, अँधरा चोवा से, लंगडा हिडंसे, कोही साजरो होवासे, बहेरा आयकासेत, मरयो हुयो जितो होवासे, अखीन गरिब गोर गीनला, परमेस्वर को साजरो बारता सांगासेत। 23 अना धन्य “किस्मत वारा से” उ जोन मोरो बारे मा ठोकर ना खाय। 24 जबा योहन को चेला चले गइन, त थीसु योहन को बारे मा लोग गीन ला सांगिस, “तुमी जंगल मा का चोवन गयो होतो? का हवा लक हिलतो, झाड-झडुला ला। 25 तुमी का चोवन गयो होतो? का नरम कपरा पहरो हुवो मानूस ला, जोन सजरा कपरा पहिरिसेस, अना सुख लक रव्हसे? उ महीमा लक राज दरबार मा रव्हसे। 26 तबा तुमी का चोवन ला गयो होतो, का कोनी भविष्यवक्ता ला? मि तुमरो लक कव्हसु, उ भविष्यवक्ता लक मोठो सेत। 27 यो वोच से जेनको बारे मा लिखिसे, चोव मी, आपरो दूत ला, तोरो पूढा-पूढा धाडसु, जो तोरो पूढा लक रस्ता सीधो करयेत। 28 मि तुमी ला कव्हसु, जोन बायको लक जलमो से, उनमा कोनी योहन लक मोठो नहात। पर जोन परमेस्वर को राज मा, सबा लक नाहो सेत, उ योहन लक मोठो सेत।” 29 सबा जनता अखीन जमा लेवन वारा अधिकारी गीन, जबा यो आयकिन तो, उनना योहन को बसिस्मा लेवन को कारन, परमेस्वर को न्यायीपन ला खरो मान लेईन। 30 अखीन धरमगुरू अना मोसे को नियम को गुरू ना, वोको बसिस्मा नही लेइन, अखीन परमेस्वर ना उनको लाय, जोन तरकिब हेडो होतो, वोला नापास कर देईन। 31 थीसु ना कव्हयो, अता मी, यो जुग को लोकगीन ला, कोनी को जसो समझ, यो कोनी को समान सेत? 32 वय वोना टूरागिन को जसो से, जो हाट मा बस्यो एक दुसरो लक हाकलके कव्हासे, अमीना तुमरो लाय बंसरी बजाया, अखीन तुमी नही नाचिसेउ, हमी दुखी भयी सेजन, अखीन तुमी नही रडीसेव। 33 योहन बसिस्मा देवन वालो कभी जेवन नही जेवो, न कभी दासु पिविस, मंग तुमीना कव्हयो, एको मा बालजबूल से। 34 मानूस को टूरा जेवन करतो अना पिवतो आयो सेत अना तुम्ही कव्हसो चोवो, यो मानूस कसो अघोरी सेत? यो तो, बरगन लेवन वारा पापी गिनको संगी सेत। 35 पर परमेस्वर की अक्कल अपरो सबा परजा को लक खरो दिसाईसेस। 36 कोनी मोसे को नियम को गुरू न बिनती करीस, की मोरो संग जेवन कर, तबा धरमगुरू को संग, ठाव मा बस्यो। 37 नगर मा एक पापी बायको होति। वोला पता चलयो, का थीसु मोसे को नियम को गुरू को घर मा जेवन ला बसीसे, वहान वोना एक सीसी मा इतर आनिस। 38 अखीन रडत-रडत थीसु को पाय को जवर उभी भई, अना अपरो आसूँ लक, ओको पाय ला धोवन लगी, अखीन अपरो चुन्दी लक पाय ला पोछन लगी। अना पाय को चूम्मा लेवन लगी, अना इतर ला मलन लगी। 39 जोन मोसे को नियम को गुरू थीसु ला निवता देई होतिस, असो चोवके! मन च मा कव्हन लग्यो “यदि यो मानूस भविष्यवक्ता होतो तो जान लेतो का यो बायको कसी से अना काजक करासे? काहे की वातो पापी होती।” 40 वोको मन को बिचार जान के थीसु वोला कव्हयो ओ सिमोन! मि तोला काही कव्हनो चाव्हसु। वोना जवाब देइस गुरूजि सांगो। 41 तबा थीसु न कहीस, कोनी साउकार का दुई करजदार होतिन, एक पाँच सौ दीनार, अना दुजो पचास

दीनार लेई होतिस। 42 उनको जवर काही पटावन ला नही होतो। तो साउकार ना उनको करजा छिमा कर देईस। वोना दुई मा कोनी साउकार लक लगत माया करयेत। 43 सिमोन ना उत्तर दियो, मोरो समज मा मी तय करासु वोच से, जोनला लगत दे दियो गयो से। वोना वोको लक कहीस, की तु साजरो कव्हासेस। 44 अना वोको बायको कन मुरकके, सिमोन ला सांगिस, का तु या बायको ला चोयोसेस, मि तोरो घर मा आयो, पर तु मोरो पाय धोवन लाई पानी नही देईस। पर या बायको, मोरो पाय ला आसूँ लक भिगोय के, अपरो चुन्दी लक पोछिसेस। 45 तुना मोला चूमा नही देईस, पर जबा लक मि आईसेऊ, या मोरो पाय ला चुमनो नही छोडिस। 46 तुना डोस्का पर जैतून तेल लगावन नही देईस, पर येना मोरो पाय मा इतर मलन लगी। 47 येको लाय मि तोला सांगसु, या बायको को लगत पाप, छिमा भई सेति। काहेका यो मोरो लक, लगत माया करासे। पर जेनको जरासो छिमा भयोसे, वा जरासो माया करासे। 48 तबा थीसु वोना बायको ला कहीस, आव बाया जाय तोरो पाप छिमा भय गई सेति। 49 तबा जोन, थीसु को संग जेवन लाय बसाया होतीन। वय बिचारन लगीन यो कोन से? जो पाप ला छिमा करासे। 50 तबा थीसु न वा बायको लक कहीस, तोला तोरो बिस्वास साजरो मोक्स देइसेस, तु सान्ती लक घर जाय।

8 योको मंघा उ नगर-नगर अना गाँव-गाँव परमेस्वर को राज को साजरो बारता साँगत होतो। 2 अना बारा चेला भी वोका संग होत्यो, अना गजब आई-माई गीन, जोन भूत-पलित लक, अखीन बिमारी लक, साजरी भयी होतिन। अना उनको नाव यो सेत। मरियम मगदलीनी जेनको मा सात भूत होतिन। 3 अना राजा हेरोदेस को खजांची खोजा की बायको, अना योअन्ना अना सुसन्ना अना लगत आई-माई गीन होतिन, अना यो आपरो धन-माया लक, पिरभू को सेवा करत होतिन। 4 जबा, मोठि भीड ओको कठा एकठो भईन, अना नगर-नगर को लोक हुन जमा होवन लगीन, तबा वोना उदाहरन लक सांगिस। 5 एक बीज-बोवनवालो, बीज-बोवन हटियो। बोनी करत बेरा, काही बीज रास्ता को कठा पडयो। अना उनला बादल को पक्सी न आयके खाय लियो। 6 अना काही बीज चट्टान पर पडयो अना उगयो, अखीन माटी न मिलन लक सूक गयो। 7 काही बीज कांटा को झाड को बिच मा पडयो अना झाड झकड संग-संग बढके ना ओला दबाय देईस। 8 अना काही बीज साजरो जघा मा पडयो अना उगके सौ गुना फर लायो। यो कहके ओना उचो आवाज लक कहीस, सबा ध्यान धरके आयको। 9 वोको चेला गीन पुसन लगीन, यो उदाहरन को काजक मतलब से? तबा वोना सांगिस, 10 “तुम ला परमेस्वर को राज को, छुपयो गोस्टी को समझाय दियो गयो से। पर परायो ला, उदाहरन लक आयकवायो जासे। एकोलाय का वय चोवकेना बिना चोवो जसो भयी जाय, अखीन आयकनो पर भी नही समजेत।” 11 उदाहरन को मतलब असो से, बीज तो परमेस्वर को गोस्टी से। 12 “रास्ता को किनार का बीज वय सेती। जोना आयकीस, तबा बालजबूल उनको मन लक, गोस्टी उचल ले जासे। कही असो नाहती की भरोसा राखेत, अना साजरो बिस्वास लक सूटकारा मिल जाये। 13 चट्टान मा पडियो बीज वय

सेत, जोन परमेस्वर को गोस्टी ला खुसी-खुसी लक आयकासेव सेत, अना मानन लगासे। पर उथलो भरोसा राखासे, काहेका उनमा जड नही रह्लासे, अखीन परिकसा को बेरा मा सब भरोसा खतम होय जासे। 14 जोन बीज कांटा को झाड पर पडासे, उ वय लोग सेत, जोन परमेस्वर को गोस्टी ला, आयकन पर, पयले धन-माया की चिंता, रोज को जिंदगी को सुक, लोभ-माया को कारन, उन मा फर नही लगासे। 15 साजरी जघा पर पडियो हुयो बीज, वय लोग होत्यो, जोन गोस्टी ला आयक केना, वोना बिचारीस, अखीन साजरो मन लक, अपनावसेत, अना धिरज लक फर आनासे।” 16 दियो पेटावनो को मंघा, बरतन लक नही ढाकासे, अखीन ना खाट को खाल्या ठेवासे। मंघ फूल मा राखसेत, का भीतर अवन वालो ला, उजाडो दिसेत। 17 काही, लुको नहात, जोन उघाडो ना जाहेत, अखीन उ सबला दिसेत, अखीन काही लुकयो नहात, जोन सबला ना दिसेत। 18 “एको लाय होसियार रह्यो, का तुमी काजक आयकसेव? काहेका जेनको जवर सेत, वोला अखीन दियो जाहेत। अखीन जेनको जवर नहात, पर जोन सेत, उ सप्पा ले लियो जाहेत, जोनला वो आपरो समजासे।” 19 वोको भाऊ, अखीन माय, वोको जवर आइन। पर भिड को कारन लक, यीसु लक, नही मिल सकिन। 20 कोनी ना सांगिस का, “तोरो माय अखीन भाऊ, बाहेर उभो सेत, वय भेंट करन आइसेस।” 21 वोना फट ने जवाब देईस, मोरी माय अखीन भाऊ वोच से, जोन परमेस्वर को गोस्टी आयका सेत, अखीन मानासेत। 22 अना एक दिवस यीसु, अखीन वोको चेला, डोंगा पर चढिन। वोना अपरो चेला लक कहीस, “आव हमी झिल को वोना गन जाबिन।” अना वोना नाव ला खेल देईन। 23 जबा नाव चलन लगी, तो यीसु झोप गयो, तबा झिल मा आँधड चली, अना डोंगा पानी मा, बुडन लगयो। अना वय संकट मा पड गेईन। 24 तबा उनना, जवर आयके वोला जगाईन, अना कव्हयो, मालीक-मालीक हमी नास भई जाबिन, तबा वोना, आँधड अखीन पानी ला डटकार के हुकूम देईस, अखीन आँधड थम गयो, अना उनको मन मा, सुकुन आयो। 25 तबा वोना उनला कहीस, “कसो, तुमरो भरोसा कहान से?” अना वय डराय गयो होतीन, अना चकित होय के कव्हन लगीन “उ कोन आय जोकी हुकूम पानी अना आँधड भी मान सेती।” 26 अना वय गिरोसेनियो नाव को देस मा पहुचीन। जोन ओनागन गलील परदेस को पुढा मा से। 27 जबा व डोंगा लक खालया मा उतरियो, तो उ नगर मा एक मानूस होतो। जेनको मा भूत-पलित धसी होतीन। उ बिना कपरा को रव्हत होतो, न तो घर मा रव्हत होतो, उ मरघट्टी को जघा मा रहोत होत्यो। 28 व यीसु ला चोवयो, तो चिलवन लग्यो, अना ओको पुढा मा, पडयो, अना उच्चो आवाज लक कव्हन लग्यो। “ओ मोठो, परमेस्वर को दूरा यीसु! मोला तोरो लक का काम से? तोरो लक बिनती करास, मोला दुख नोको दे।” 29 काहेका उ भूत-पलित ला हिटन को हुकूम देवत होतो। व ओला घडी-घडी झूमत होतो अना ओला साँकल अना बेडी मा बांधत होतिन, पर उ बंधन ला पटा-पट तोड देत होतो। अना जंगल मा भागतो फिरोत रहोत होतो। 30 यीसु न ओको लक पुसीस की, तोरो काजक नाव से। वोना सांगिस, मोरो नाव सार संगाइ से, काहेका वोको भितर मा, लगत सारी बुरो आतमा होती।

31 वोना बिनती करीस हमला नरक मा जावन को हुकूम नोको देव। (Abyssos g12) 32 वहान, पहाड मा खालमानी को एक मोठो करप चर रहयो होतो। एको लाय उनना, ओको लक बिनती करीन, हमला उनमा धसन देव। यीसु ना कहीस जाय। 33 तबा भूत-पलित ओनो मानूस लक हिटके, खालमानी मा धस गईन। अना हेड जोर लक झपटयो, अना झिल मा जायके बुड गयीन, अना मर गयीन। 34 तबा चरानवारा गीन, असो कान्ड चोय के पाय गेईन। अना नगर मा जाय के सबला सांगिन। 35 लोग यो चोवन, लाई यीसु को कठा आइन, अखीन उ भूत वालो मानूस ला चोवके ना भेव मा पड गईन। काहेका उ मानूस कपरा घाल केना सान्त यीसु को कठा बस्यो होतो। 36 अना चोवनवारा गीनना उनला सांगिन का भूत लक झोमयो हुयो मानूस कसो रिति लक साजरो भयी से। 37 तबा गिरोसेनियो छेतर को आखा-पाखा को लोकगीन, बिनती करन लगीन, तुम्ही यहान लक चली जाव, काहे का लोग गजब भेव मा पड गई होतीन। यीसु नाव मा चघ के ना लवट गयो। 38 जोन मानूस लक बुरो आतमा हिटी होती। उ यीसु लक बिनती करके कव्हन लग्यो, मोला आपरो सँगा रहन दे। तबा 39 यीसु ना कव्हयो, “का तु घर जाय, अखीन लोकगीन ला सांगजो, का परमेस्वर ना तोरो लाय, काजक-काजक काम करीसेस।” उ चले गयो अखीन सबा, नगर-नगर मा, यो गोस्टी ला परचार करन लग्यो। का यीसु ना मोरो लाय कसो मोठो काम करयो से। 40 जबा यीसु लवट गयो, तबा लोग गीन वोको मान करीन, काहे का सबा वोको बाट जोहत होतीन। 41 वोना बेरा सभाघर मा, याईर नाव को एक मुखिया आयो। अखीन यीसु को पाव पडके, ना बिनती करन लग्यो, का मोरो घर चल, 42 काहेका वोकी एकच टूरी होती। वोको, उमर 12 साल होति, व आखीर सांस लेवत होति। यीसु वोको संग जावन लग्यो। रस्ता मा भीड, यीसु ला, दबान लगीन। 43 एक बायको बारा बरस लक लाल धोवा को बीमारी लक, परेसान होती, वा साजरो होवन को लायक भी नहोती। वा आपरो सबा धन, बैद को जवर, इलाज मा लगा देयि होती, पर उ साजरो नही भई। 44 वा आयके ना, कपरा को छोर ला, छिव लेयी, अखीन वोको रक्त बहयो, बंद भई गई। 45 तबा यीसु ना कव्हयो, “मोला कोन छिवी से?” सबको मना करन को मघा, पतरस ना कव्हयो, “गुरूजी, तुम्ही भीड लक धिरोसव, अखीन भीड तोरो पर पडासे।” 46 यीसु ना कव्हयो, “कोनी ना जप्स मोला छिवी सेस, काहे का मी ना समज गई सेव, का मोरो लक, साजरो होवन वालो ताकत हिटी से।” 47 तबा वा बायको ना चोयी, का मी लुक नही सकस, तबा थरथारन लगी, यीसु को पाय पडके ना, सब लोकगीन को पढा सांगन लगी, का काहे छिवीसेव, अखीन उ कसो साजरो भई गई। 48 यीसु ना वोला कव्हयो “बेटी, तोरो भरोसा ना तोला साजरो करीसेस। तू सान्ती लक घर जाय।” 49 यीसु साँगत होत्यो, तबच उ सभाघर को मुखिया लक एक मानूस आयो। अखीन कव्हयो, “तोरी टूरी मर गई, तू गुरूजी ला सांग दे।” 50 यो आयक के, यीसु न कव्हयो, “भेव नोको खाय, भरोसा राख, उ साजरो भई जाहेती।” 51 जब यीसु याईर को घर मा, पहुचयो। तो वोना पतरस योहन अना याकूब, अखीन टूरी को माय-बाबूजी को सीवा कोनी ला भीतर नही, आवन दियो। 52 सब रडत होतीन, यीसु ना कहेयो “नोको

रडो, यो मरी नहाति, पर जप मा से।” 53 लोकगीन यीसु को मजाक उडावन लग्गिन, काहेका, सब जानत होतिन। का वा मर गईसे। 54 यीसु ना दूरी को हाथ धरके ना कव्हयो, दूरी उठ ओ। 55 तबा दूरी को जीव लवट के आई गई, अखीन उ जाग के ना बस गई। यीसु न कव्हयो, एला काही जेवन देव। 56 वाको माय-बाबूजी चकती भई गईन। पर यीसु न कव्हयो, यो चरचा कोनीला नोको सांगजोस।

9 तबा यीसु ना, 12 चेला गिनला हाकलिस। अना उनला, भूत-पलित, बुरो आतमा हेडन अना बिमारी साजरो करन की ताकत, अखीन अधिकार देईस। 2 अना उनला, परमेस्वर को राज को परचार करन लाई, अखीन बिमार गीनला, साजरो करन लाई, धाडीस। 3 वोना उनको लक कहीस, का रास्ता लाई काही नोको आनने रुपिया-पैसा, लाठी-वाठी, खानो-पिनो को समान, कुरता-पचिया झोला-झंकड नोको राखने। 4 जेनो घर मा, तुमी उतरनो, वहाँ रहने, अखीन वहाँ लक, सार होवने। 5 जेन कोनी तुम्हिला नही पुसेत, उ नगर लक हिटके ना, आपरो पाय को बास् ला झडाय लेने जेन उनको विरोध मा, गवाही होयेत। 6 अखीन वोना हिटके ना, गांव-गांव मा परमेस्वर को साजरो बारता, आयकावत होतिन। अखीन गजब लोग गिनला, हिन्ड-हिन्ड के, साजरो करन लग्गिन। 7 तबा चौथाई देस को राजा हेरोदेस, यो सबा ला आयक के, भेव खाय गयो। अखीन सांगन लग्यो, योहन मरयो हुयो जित्तो, भई से। 8 अना काही कव्हन लग्यो, का भविष्यवक्ता एलिय्याह, अखीन काही सांगत होतिन, का कोनी जुनो भविष्यवक्ता, जिव गईसे। 9 तबा हेरोदेस राजा ने कहीस, योहन जेनको मिना, डोस्का कपवायो डाखिसेव, यो कोन आय? जेनको बारे मा, असो गोस्टी आयकुस, अना उ यीसु ला देखनो की मन कर लेईस। 10 मंग पेरीतगीन लवट के, जेन काही करयो होतो, उ यीसु ला सांगीन, अना उ उनला, आपरो संग, बैतसेदा नाव को नगर मा ले गईस। 11 यो जान के, भिड ओको माघा भई गई, अना उ खुसी लक ओको संग मा मिलयो। अखीन उन को लक, परमेस्वर को राज गोस्टी करन लग्यो। अखीन जेन लोग गीन साजरो होवने चाव्हत होतिन, उनला साजरो करीस। 12 जबा दिवस बुडता बेरा भयो, तबा 12 पेरीतगीन ना, आयके वोको लक कहिन, भीड ला सार कर दे, वय चारो कन का गांव, अना बस्ती मा जाय के, रहन को इन्तेजाम करयेत, काहे की हमि, एक सुनसान जघा मा, सेजन। 13 ओना उनको लक कहीस, तुमी उनला जेवन ला देव, उनना कहिन, हमरो जवर पांच भाकर अना दुई मसरी, ला सोड अखीन कहि नहात। का तू कव्हसे, की हमि जायके, सबा लोकगीन लाय, जेवन आनबीन? 14 वहाँ पाँच हजार मानूस होतिन। मधं उ आपरो चेला गीनला, कहीस, उन ला पचास-पचास की पंगत मा बसाय देव। 15 उन ना असोच करीन, सबला बसाय देईन। 16 तबा वोना पांच भाकर अना दोई मसरी लेईस, अउर सरग को कन चोवके ना, धन्य वाद कहीस, अउर तोड-तोड के चेला गीनला देईस, क वय लोग गीन ला परसे। 17 तबा सारा लोग खायकर खुसी भईन, अना चेला गीन ना, बचया हुयो टुकडा गीन ला, 12 डलीया मा उठाईन। 18 जबा उ एकांत मा, पिराथना कर रहयो होतो। अखीन चेला वोको संग मा होतीन।

ता वोना उनको लक पुसीस, लोकगीन मोला का कव्हसे? 19 तबा चेलागिन जवाब देईन, योहन बत्तिस्मा देवन वालो, अना कोनी-कोनी, एलिय्याह अखीन गियान की सजरी-सजरी गोस्टी सांगन वालो, जुनो भविष्यवक्ता जिव गई से। 20 वोना वोको लक पुसिस, अखीन तुमी मोला, का कसो? पतरस ना जवाब देईस, तू परमेस्वर का मसीह आस। 21 यीसु ना अपरो चेलागिन ला, कडाई लक हुकूम देईस, का यो गोस्टी कोनी ला, नोको सांगने। 22 यीसु ना सांग्यो मानूस को दूरा लाय लगत दुख उठानो जरूरी से, अखीन सियानो अना मुखिया याजक अना मोसे को नियम को गुरू लक उ नकारो जाय, अना उ तिसरो दिवस मरयो हुयो लक जित्तो होहेत। 23 तबा यीसु ना सबा लक कव्हयो, जो मोरो मघ आवन चाव्हसे, आपरो आप ला नकरो, रोज कूस उठायके मोरो मघा आहेत। 24 काहे का, जेन आपरो जान बचावने चाव्हसे, उ वोला खो देहेत, अना जेन मोरो कारन आपरो जान खो देहेत, वोच वोला पाहेत। 25 वोना मानूस ला, का फायदा? जेन खुदला नास कर दे, अखीन जगत को धन पाय जाय। 26 जेन मोला अखीन, मोरो कव्हनो ला मानन लाय, लाज करयेत, मानूस को दूरा आपरो तेज को संग आहेत तो वोला सबको पुआ नकार देहेत, अखीन जेन सबको पुढा वोला मान लेहेत, वो वोला परमेस्वर अखीन पवीतर सरगदूत, को पुढा मान लेहेत। 27 मि तुम्ही लोक गीन ला, खरोखर सांगास, यहाँ काही लोकगीन सेत, जबा लक परमेस्वर को राज ला नही चोव लेत, वो नही मरहेत। 28 यो गोस्टी को हपता भर बाद मा, यीसु पतरस योहन अना याकूब ला, आपरो संगमा, पहाड मा ले गयो। अना वहाँ परमेस्वर लक पिराथना करन लग्गिन। 29 पिराथना करत-करत, यीसु को टोंड चमकन लग्यो, कपरा उजरो भय गयो। 30 एकदम चेला गीनला, यीसु को संग, दुई मानूस गोस्टी करत चोवयो, वोना मोसे, अखीन एलिय्याह भविष्यवक्ता होत्यो। 31 वय दुई मा लगत तेज होत्यो, उ काही येस्सलेम मा होवन वारा, घटना को बारेमा, सांगत होत्यो। 32 पतरस अखीन वोको सर्गी जपमा होतिन, मंग वय जप लक जाग गयो होतिन। ता वोना यीसु अखीन वय दुई ला तेज समेत चोईन। 33 वय दुई, यीसु को जवर लक, बिदा हो रहयो होतो। तबा पतरस, यीसु ला कव्हयो, मालीक, कितरो साजरो होतो, का हमि तिन मान्डो गाडबोन, एक तोरो, एक मोसे, अखीन एक एलिय्याह काजी, वोला पता नही होत्यो। क उ काजक, सांग रहि सेस? 34 उ सांग रहयो होतो, का एक बादल न आयके, वोना पर छाय गयो, अना वय डराय गइन। 35 बादल लक यो आवाज आयो, यो मोरो चहेतो दूरा आय अना मोरो निवाडो हुया से, एको आयको। 36 आवाज आवन को मघा, यीसु एकलो चोवयो, चेलागिन यो बारे मा काही, नही सांगिन। 37 दूसरो दिवस जबा, वय पहाड लक उतरिन, तबा गजब लोकगीन मिलन ला आइन। 38 अना भिड मा लक, एक मानूस ना चिल्लाय के कव्हयो, हे गुरू मी तोरो लक बिनती करास, का मोरो एकच दूरा से, वोको पर किरपा कर। 39 वोला एक भूत धरसे, अना उ एकदम बेमियासे, आँग ऐठासे, टोन्ड मा फेसकुड आवासे, अखीन वो भूत वोलो कठनाई लक छोडासे। 40 मि ना तोरो चेला गीन, लक बिनती करीसेव, का वोला हेड देव, पर कोनी नही हेड सकिन। 41 तबा यीसु ना जवाब दियो, ओ

अबिस्वासी अना केड मानूस, मि कबा तकन तुमरो संग मा रहू? लक बिनती करो, का फसल कापन लाय, बनीहार धाड़हे। 3 जावो वोला यहाँ आनो। 42 जसो दूरा समोर मा आयो, बुरो आतमा वोला धर के ना मरोड़ दियो, पर यीसु ना वोला डटकार के वोला परान को हुकूम दियो, उ दूरा साजरो भय गयो, अखीन वोला वोको बाबूजी ला सोप देइस। 43 सबा लोग गीन परमेस्वर कन लक यीसु को काम चोवके ना, चकित भई गईन। तब यीसु ना आपरो चेला गीन ला कह्यो 44 तुम कान धरके ना मोरो गोस्टी ला आयको, मानूस को दूरा मानूसगिन लक धराय जान वारा सेत। 45 पर यो गोस्टी उनला, समज मा नही आयो, काहेका परमेस्वर ना, उनको समजन को बुद्धि ला, हर लियो होतो। उनला यो बारे मा, बिनती करनलाय लाय भेव लगत होतयो। 46 चेलागिन, आपसी मा कव्हन लग्गिन। आमी मा कोन मोठो सेत? 47 यीसु ना उनको दिल को गोस्टी जान, एक लेकरा ला उभो करके, 48 अना उन लक कव्हयो, जोन मोरो नाव लक, असो लेकरा ला आपरो समजा से, उ मोला आपरो समजा से, अना जोन कोनी मोला आपरो समजा से, परमेस्वर वोला आपरो समजा से, काहेका तुम्ही लक, जोन कोनी नाहो सेत, वोच सबा मा मोठयो सेत। 49 योहन यीसु को जवर आयके ना, कव्हन लग्यो, गुरूजी एक मानूस से, जो तोरो नाव लक बुरो आतमा हेडासे, पर उ हमरो संगी नहाय। 50 तबा यीसु ना कहीस, वोला मना नोको करो। जोन आमरो विरोध मा नहात उ आमरो कना से। 51 यीसु येस्सलेम नगर जावन लाय, आपरो मन मा ठान लियो, काहेका वोको वरता उचलन को, बेरा जवर, आय गयो होतो। 52 यीसु ना आपरो पुढा सन्देसा देवन वालो ला धाडीस, समरिस्थान मा, सामरी लोक को लोकगीन रव्हत होतिन। 53 पर उन लोकगीन ना वोला नही रोखिन, काहे की वय येस्सलेम जावत होतिन। 54 यो चोव के वोको चेला याकूब अखीन योहन कव्हासेत, हे पिरभू त हुकूम दे, हमि बादल लक स्तो पड़ाये के ना, गौव ला भस्म कर डाकबो? 55 पर यीसु ना उनला डटकार देइस अना कहीस, तुमला मालुम सेत तुमी कोनतो आतमा को सेव? काहेका मानूस को दूरा लोकगीन ला मारन नही पर बचान आइसेत। 56 अखीन उ दूसरो गौव मा चले गईन। 57 रस्ता मा जावत-जावत, कोनी ना वोला सांगिस, तुम्ही जँहा-जँहा जावासो, मि संग-संग आवास। 58 तबा यीसु ना वोला कव्हयो, कोल्हिया को, रव्हन को ठिकनो से, बादर को पक्सी चिडिया-चुनगुन काजी गोदा से, पर मानूस को दूरा ला डोस्का लुकान को जघा नहती। 59 वोना दूसरो ला कहीस, मोरो मंघा आय, पर वोना जवाब दियो, हे पिरभू मोला पयले मोरो बाबूजी ला गाड के ना आवन दे, 60 यीसु ना कव्हयो, मुरदा ला मुरदा गाडन दे। पर तुम्ही जायके ना, परमेस्वर को राज को गोस्टी, सबला सांगो। 61 दूसरो ना कव्हयो, हे पिरभू मि आपरो घर लक बिदाई लेके आवासेऊ, तबा मी तोरो मंघा आँह 62 यीसु ना कव्हयो, जो नांगर को मुठ मा हात धरके ना, मंघा चोवासे वो परमेस्वर को राज मा काबिल नहात।

10 यो सबको मंघा पिरभू अखीन बहातर चेला गीनला निवाड के जोन-जोन गौव-नगर मा जावनवालो होत्यो, उता दुई-दुई करके आपरो पूढा धाड़िस। 2 यीसु ना उनला कहीस, पिको फसल गजब सेत, पर बनीहार जरासो सेत। यो काजी खेत को मालीक

लक बिनती करो, का फसल कापन लाय, बनीहार धाड़हे। 3 जावो मि तुम्ही ला बिघा गीन को बीच मा, मेढा-सेरी को बच्चा जसो धाड़स। 4 तुम्ही झोला पियूसी, सेंडिल, कपरा काही नोको आनने अखीन रास्ता मा कोनी लक, नमस्कार नोको करने। 5 जबा कोनी घरमा भितर जावो, तबा सबा लक पूढा असो सांगने, का “यो घर को कल्यान होय।” 6 अदी कोनी कल्यान को काबिल सेत, तो वा घर मा, कल्यान स्क जाहेत, नही तो उ, तुमरो कठा लवट आहेत। 7 वोच घर मा रव्हने, अखीन उनको कठा जो सेत, वोच जेवन करने, घर-घर नोको फिरने। काहेका बनीहार ला वोको बन्नी मिलन को, हक सेत। 8 कोनी गाँव-नगर मा तुम्ही जावासो, आदर को संग जोन परसा से, जेवन करने। 9 उता को बिमार गिनला साजरो करने, अखीन उनला सांगने, “परमेस्वर को राज तुमरो कना सेत।” 10 पर जोन गौव-नगर मा जावासो, अखीन वहाँ को लोग गीन, तुमरो आदर नही करासेत, तो बजार-हाट मा जायके कव्हने, 11 आमरो पाय मा धुल सेत, आमी झाड़ देसेजान। पर तुम्ही जान लेव, का परमेस्वर को राज, तुमरो कठा आईसे। 12 मि तुम्ही ला सांगासु, वो दिवस लक सदोम-अमोरा नगर जसो, उ नगर मा सत्यानास आय जाहेत। 13 यीसु कव्हयो, “खुराजिन अखीन बैतसेदा नगर ला, धिक्कार से, जोन अचंभा को काम परमेस्वर को ताकत लक, यो नगर मा भयोसे, सूर अखीन सिदोन नगर मा होतो, तो वय लोकगीन पस्तावा कर, मन बदल के, परमेस्वर को कठा, आय गईन होतिन। 14 यो काजी, न्याय को बेरामा, सूर अना सैदा नगर को दसा, जादा खराब होहेत। 15 अना हे कफरनहुम नगर, तू का सरग लक वरता कियो जावजोस? नही, तू खाल्या नरक लक गिराय दियो जाहेत।” (Hades 986) 16 जोन तुम्हारे आयक सेत, उ मोरि आयकासे, जोन तुम्हारे बेइज्जती करासे, उ मोरो बेइज्जती करासे, अखीन परमेस्वर को भी बेइज्जती करासे। 17 सत्तर चेला गीन खुसी लक, लवट के आयके कव्हन लग्गिन, हे पिरभू, तोरो नाव लक बुरो आतमा भी आमरो कब्जा मा सेत। 18 यीसु ना जवाब दियो, मी ना सैतान ला, बिजली को घाई सरग लक पडतो, चोविसेव। 19 मि ना सरप, मेहदल, अखीन बयरी को सारो ताकत ला, कुचलन को हक देवास, अखी काही भी तुम्हिला, हानी नही करयेत। 20 तरि यो काजी खुस नोको होवने, का बुरो आतमा तुमरो बस मा सेत पर एकोलक खुस होवो का तुमरो नाव सरग मा लिख्यो सेत। 21 वोच बेरा उ पवीतर आतमा लक खुसी मा भर गयो अना कव्हसेत, “हे बाबूजी, सरग अना धरती को मालीक, मि तोरो धनवाद करासु, का तूना यो गोस्टी ला, मोसे को नियम को गुरू अखीन समजदार लक लुकाके राखिसेस। अखीन नहानो लेकरा गीन पर, उजागर करीसेस। हँ हे बाबूजी तोला, असोच साजरो लगिसेस।” 22 मोरो बाबूजी न मोला सबा कछु सोप देईसेस। अना कोनी नही जानासे, का दूरा कोन आय? केवल बाबूजी, अना बाबूजी, कोन सेत, कोनी नही जानासे, केवल दूरा? अखीन जोन पर दूरा उजागर करना चाव्हासे, वोको पर उजागर करासे। 23 तबा चेला गीन कन, मुरकके ना एकलो मा कव्हयो, “धन्य सेत तुमरो डोरा, जोन यो गोस्टी चोवासे। 24 काहे का, मि तुम्ही लक कव्हसु, का गजब राजा भविष्यवक्ता, यो चोवनो चाहत होत्यो। पर उ नही चोव सकिन, आयकन चाव्हत

होतिन, पर उ नहि आयकिन।” 25 एक मोसे को नियम को गुरू, यीसु को परिकसा लेवन काजी आयो। अना पुसिस, हे गुरूजी, अमर जीवन को अधिकारी होवन लाय, मी काजक कर? (aiōnios g166) 26 यीसु ना कव्हयो, मोसे को नियम मा का लिखी सेस? अता तुमी का बाचासो? 27 वोना जवाब दियो, तू आपरो पिरभू परमेस्वर लक आपरो सारो मन अना आपरो सारो परान अना आपरो सारो ताकत अना आपरो सारो अक्ल को संग पिरम करो। अखीन आपरो सेजारी, लक आपरो जसो माया राखो। 28 यीसु ना वोला ला सांगीस, तु ना खरो सांगीसेस योच कर, तो तू जितो रहजोस। 29 एको पर एक गुरू ना आपरो आप ला, जादा खरो दिसान काजी यीसु ला सवाल करीस, लेकिन मोरो सेजारी कोन आय? 30 यीसु वोला एक उदाहरन सांगन लग्यो। एक मानूस येस्सलेम लक, येरीयो नगर जावत होत्यो। वोला डाकू गीन घेर लेइन, वोला मारपीट के लुट लेइन अखीन अधमरो करके सोड देइन। 31 एकाएक एक याजक वहान लक, पार भयो। वोला चोवके ना उतरा के चलीगयो। 32 असोच एक लेवी आयो उ भी चोवके, कतरा के चले गयो। 33 अब्बा एक सामरी लोक को आदमी वोला चोवके ना, दया लक भर गयो। 34 उ वोको कना गयो अखीन, अंगूर को रस डालके ना, मरहम पट्टी करीस, अना आपरो सवारी मा बसाय के, बइद को जवर लेगइस। ताकि ओको सेवा कियो जाहे। 35 बइद ला दोन सौ दीनार देके कहीस, का अखीन लगहे तो मी आनके दे देह अखीन रोगी को सेवा करजोस। 36 यीसु ना गुरू ला पुसयो उन तीनों लक, कोन उ मानूस को सेजारी पडोसी कहलावासे। 37 वोना जवाब देइस का, जोन ना वोको काम आइसे, यीसु कव्हयो जाओ तुमी असोच किरपा करो। 38 यीसु चेलागीन को संग एक गाँव मा गईन अखीन, वोना गाव मा मरियम अखीन, मारथा नाव को दूई बहिन रव्हत होतीन उनको घर यीसु अखीन वोको चेलागीन, पहनाई मा गईन। 39 मरियम नाव ओकी एक बहिन होती, सबा काम धाम छोड केना यीसु को कठा, बस के पिरभू को गोस्टी ध्यान लक, आयकत होती। 40 अखीन मारथा काम करत-करत हिजड गई अखीन कहीस, पिरभू तोला मोरो चिन्ता नही सेती की मोरी बहिन ना मोला सेवा को काम करन को लाई एकलोच छोड देईसेस? एको लाई ओला हुकूम दे का मोरी हात बटाये। 41 तबा पिरभू ना सागीस मारथा, तू गजब चिन्ता करासेस। 42 मरियम ना मोरो कठा, बसके संसार को सबा लक, साजरो हिस्सा निवाडो सेस, ऊ कभी नही सुडायो जाहेत।

11 यीसु कोनी जघा मा, पिराथना करत होतो। जबा पिराथना पूरो भयो, तो वोको चेला गीन मा, एक ना कव्हयो, पिरभू योहन गुरूजि ना, आपरो चेला गिनला, जसो पिराथना सिकाइसेस, वसोच अमीला पिराथना करने सिकाव। 2 वोना कव्हयो जबा तू पिराथना करने, तो असो कव्हने, हे, आमरो बाबूजी तोरो नाव पवीतर मानो जाहेत, तोरो राज आहेत। 3 अमरो दिवस भर को जेवन, अमीला देव। 4 हमिना जसो हरेक बुराई करनवालो ला, छिमा करीसेजन वसोच, आमरो बुराई ला छिमा कर, अखीन हमीला परिकसा मा नोको डाख। 5 तबा यीसु ना, उन लक कव्हयो, तुम्ही मा लक कोन सेत। वोको एक संगी अरधो रात मा, जायके वोला कहे, मोला तीन

भाकर देव, 6 मोरो घर मा संगी आइसे। वोला जेवन परसन लाय, काही नाहत। 7 उ भीतर लक कव्हन लग्यो, मोला दुख नोको देव, किवाड बंद से, अखीन लेकरा-बारा झोपीसेस। यो काजी बिछोना लक जाग के ना, काही नही दे सकस्। 8 मी तुम्हिला सांगस्, का उ टोन्ड फोड के मांगीसेस, यो काजी जेतरो जरूरत से, वोको संगी वोला जरूर देहेत। 9 अखीन मी सांगस्, क मांगजोस तबा दियो जाहेत, दुढने, पावने, किवाड खटखटाते, तो उघाडो, जाहेत। 10 काहेका जो कोनी मांगा से, वोला भेटासे। अखीन जो दुढासे, उ पावासे, अखीन जोन खटखटासे वोको काजी किवाड उघाडासे। 11 तुम्ही मा कोनतो आसो बाबूजी से, जबा दूरा भाकर मांगहे, त वोला गोटा दे देहे, मसरी मांगहे, त सरप दे देहेत। 12 ना डिम, मांगेत तो मेहदल देहेत। 13 अता जबा तुम्ही बुरो होयके, आपरो लेकरा बारो-ला, साजरो चीज देवने जानासो, तो सरग को बाबूजी, परमेस्वर आपरो मांगन वालो ला, पवीतर आतमा काहे नही देहेत। 14 मंग वोना, एक गुंगो बुरो आतमा ला कहाडिस। जबा उ बुरो आतमा हिट गयो तो, गुंगो हाका देवन लग्यो, अखीन लोकगीन चकित भई गईन। 15 पर काही लोग गीन कव्हन लग्गिन, का, यो बुरो आतमा को मुखिया, बालजबुल को सहायता लक बुरो आतमा ला हेडासे। 16 काही लोग गीन वोको परिकसा लेवन काजी, बादल लक निसान मांगन लग्गिन। 17 उनको मन को बात जानके ना, यीसु कव्हन लग्यो, जोन राज मा फुट पड जासे, उ सत्यानास हो जासे, अना जोन घरमा फुट पड जासे उ नास होवजासे। 18 अदी बालजबुल आपरो विरोध करयेत, तो वोको राज कसो बनो रहेत? काहेका, तुम्ही कव्हसो का, मि सैतान को सहायता लक बुरो आतमा हेडास। 19 अदी मि बालजबुल की सहायता लक बुरो आतमा ला हेडासेत तबा तूमी तय करो, तुमरो औलाद कोनी को साहयता लक हेडासेत? एकोलाय वोच तुमरो न्याय करयेत। 20 पर अदी मि परमेस्वर को ताकत लक बुरो आतमा हेडास, तो परमेस्वर को राज तुम्हारे कठा आईसेस। 21 जबा कोनी ताकतवर मानूस, हतियार बान्ध लेवासे अना आपरो घर को चौकीदारी आँगन मा कर रहयो से, तो धन को सुरक्षा को चिन्ता नही रक्खासे। 22 पर कोनी मोठयो पहलवान चढाई करके, वोको हतियार जोनमा वोला भरोसा होतो वोला हिसकसे, अखीन वोको सम्पत्ती लुटा से, अखीन बाट देवासे। 23 जोन मोरो संग नहात, उ मोरो विरोध मा सेत, अखीन जो मोरो संग नही सेत, उ बटोरनो सोड केना, छितरावा सेत। 24 जबा भूत पलीत, मानूस लक हीट जावासे, अखीन सूखो जमीन मा, चैन नही मिलासे। तो, उ जहान लक हिटयो से, वहान लक जावासे। 25 अखीन आके आपरो घरला, झाडो बोहरो, सजो पावासे। 26 ता उ जायकेना, आपरो लक सात बुरो आतमा ला, आपरो संग ले आवासे, अखीन वय वो मा समाके बास करासेत। अखीन उ मानूस को हाल, मंघा पूढा लक बुरो भई जासे। 27 जबा उ यो गोस्टी सांग रहयो होतो, तबा भीड मा लक, एक बाई ना जोर लक हाकलीस। धन्य से उ पोत, जेनको लक तू जनम लेइसेस। अखीन जोन माय को दूध पीवी सेस। 28 यीसु ना कव्हयो, हौं पर धन्य सेत उ, जोन परमेस्वर को गोस्टी आयक के, वोला मानसे। 29 जब गजब भीड हो लोक होत्यो तो, उ कव्हन लग्यो, यो जग को लोक गीन खोटो सेत, उ

हिदान दुन्डासे, पर योना भविष्यवक्ता को हिदान ला सोड़, अखीन कोनी हिदान, उनला नही दियो जाहेत। 30 जसो योना भविष्यवक्ता, निनवे माहानगर को लोग गिनको लाय, एक हिदान बन गयो होतो। वसोच मानूस को दूरा, यो पीढी काजी हिदान सेव। 31 न्याय को दिवस, दक्किन देस को महारानी, यो पीढी को लोग गीन संग मा, उभी होयती, अखीन इनला खोटो ठहराय देहेत। काहेका, उ राजा सुलेमान को अक्ल को, गोस्टी आयकन काजी, धरती को छोर लक आई होति। अखीन चोवो मि वोको लक महान सेव, 32 न्याय को दिवस, निनवे नगर को लोकगीन, यो पीढी को लोकगीन संग उभो होहेत, अना इनला दोसी मानेत, काहेका उनना, योना भविष्यवक्ता को संदेसा आयकके ना पस्तावा करयो होतो, अखीन चोयो सेस, क मी योना लक भी मोठो सेव। 33 दियो पेटाके कोनी बोला तहखाना मा, मंग डलीया उबडा के नही ठेवासे, पर फूल मा ठेवासे, जोन लक भीतर आन जान वालो ला उजारो चोहे। 34 तुमरो, तन को, दियो तुमरो डोरा सेत, अदी तुमरो डोरा साजरो से, तर तुमरो सारो आँग मा उजाडो से, पर उ खराब भयि जाहेत, तर आँग भी इन्धार भई जाहेत। 35 एको लाय दोन गोस्टी ध्यान राखन को से, जोन यो उजाडो तुमरो मा से उ कहि, इन्धार न होयेत जायेत। 36 अदी तुम्हरो सारो तन मा उजाडो सेत, अखीन वोको कोनी भी हिस्सा, इन्धारो मा नाहत, तो उ वसोच हमेसा लक चमकत रव्हासे जसो दियो आपरो उजाडो लक सबा ला चकाचक कर देसे। 37 यीसु सांगत होतो, तबच एक मोसे को नियम को गुरू ना कव्हयो, गुरूजी हमरो संग जेवन कर, यीसु भीतर जायके न, जेवन करन बस गयो। 38 मोसे को नियम को गुरू यो चोवके, चकीत भय गयो, का यीसु बिना हात पाय धोवके, जेवन बस गयो। 39 पिरभू ना कव्हयो, हे मोसे को नियम को गुरू, तुम्ही विधि-विधान लक हात-पाय धोवके ना, गडू-गिलास भानी ला बहार लक माजा सो, पर तुम्हारो भीतर मा ला लक बुराई भरोसे। 40 अरे मुख, जो बाहेर को हिस्सा बनइसेस, वोच भीतर भी बनाइसेस। 41 जोन भीतर सेत, बोला तुम्ही दान करदेव, अखीन चोवो सबच सुध भय जाहेत। 42 हे मोसे को नियम को गुरू, तुम लक धिक्कार से, काहेका पोदीना, सोप, अखीन हरेक हिवरो साग को, दसवा पराय लेवासो, पर परमेस्वर को, माया अखीन न्याय को लक, तुम्ही लापरवाही करा सेव। तुम्हारो लायक यो साजरो होवतो, का तुम्ही बोला भी मानासेव, अखीन येला भी। 43 मोसे को नियम को गुरू तुम्हारो पर धिक्कार सेत, तुम्ही सभाघर मा, हरेक समाजीक काम मा, ऊचो आसन चाव्हासो, अखीन बजार मा सबा परनाम करहेती, तुम्ही यो सबा माया राखासेव। 44 धिक्कार से तुम पर, काहेका, तुम्ही चुना पुतो सफा मरघटी सेव, जोन नही दिससे का, भितर मा का सेत, लोग तुमीला साजरो समज के, लोग तुमरो कव्हनो मा चलासे। 45 एक मोसे को नियम को गुरू कव्हसे, हे गुरूजी, तुम्ही असो कव्हसो, आखिन आमरो बेइज्जती करासो। 46 यीसु ना कव्हयो, हे मोसे को नियम को गुरू गीन तुमला धिक्कार सेत, तुम्ही मोठो-मोठो नियम को बोझा जनता पर लाद देसो, जो उ नही उचल सक से। अखीन वो भारी बोझा ला तुम्ही बोट भी नही, लगा सकासो। 47 तुम पर धिक्कार सेत, जुनो जमाना मा, मोठो-मोठो भविष्यवक्ता गीनला, तुमरो बाप-दादा गीन मार डाखिन अखीन

तुम्ही उनको मठ बनासेव 48 असोमा तुम्ही गवाही सेव का तुम्हरो बाप दाद ना खोटो काम करी सेस मारके उनको मठ बनाइसेस 49 यो कारन परमेस्वर कव्हासे, मि उनको जवर चेलागीन ला धाडासू उन मा लक काही ला सताहेत अखीन काही भविष्यवक्ता ला मार डाखेत 50 जोन लक दुनिया बनान को बेरा ले अब तकन जितरो भविष्यवक्ता गीनको खून बोहाय गयो सेत वोको हिसाब योच पीढी को लोकईन लक लियो जाहेत। 51 मि कव्हसू भविष्यवक्ता हाबिल पासुन जकरयाह वरीच जोनला भविष्यवक्ता को घर अना वेदी को भितर म खून कर दियेत। 52 मोसे को नियम को गुरू तुम पर धिक्कार सेत, तुम्ही ना गियान को कुन्जी हिसकसेव, अना तुम्ही खुदच नही धसेव अखीन कोनी ला भी नही धसन देसो। 53 यीसु वहान लक जावन लग्यो, त मोसे को नियम को गुरू गीन बोला फसावन काजी, सवाल-जवाब करन लग्गिन। 54 अखीन वोको विरोध मा बोला मार डाखन लाय डाव दुहन लग्गिन।

12 यीसु कोनी जघा मा पिराथना करत होतो। जबा पिराथना पूरो भई गयो हो तो। गरदी एतरो तकन बढ गई की लोकगीन एक दुजो पर पडत होतीन। तबा यीसु चेला गीन लक कव्हन लग्यो। मोसे को नियम को गुरूगीन को कपट लक सतरक रव्हने। 2 असो काही झाको नाहत जोन उघाडो न जाहेत अखीन अदी लुको नहात जोन जानो ना जाये। 3 एकोलाय जो काही तुम्हीना इन्धार मा सांग सेव उ उजयाला मा आयको जाहेत। अखीन जो काही तुम्हीला खोली मा सांगे सेव उ अटारी को वोरता लक सबला परचार करो। 4 ओ मोरो संगी हुन तुम्हीला सांगसू जो तुमी लोक गीनको तन ला नास करयेत उन लक नोको डराव पर एको मघा अखीन काही नही कर सकेत। 5 मी तुम्ही ला चोवके कव्हसू कोनी लक डराव ये वोको लक डरो जो मरनो को बाद मा जोनला नरक मा डाकन को अधिकार सेत वोको लक डराओ। (Geenna g1067) 6 उ दुई पैसा मा पाँच चिडिया मिलासे मंग भी परमेस्वर उन मा लक एक ला नही भूलासे। 7 तुम्ही भेव नोको खाव तुम्हारो जान गजब सो चिडिया गीन लक जादा कीमती सेत परमेस्वर ना तुम्हारो डोस्का को चुन्दी गिनके राखिसेस। 8 मि तुम्ही लक कव्हासू जो कोनी मानूस गीनको पुढा मोला मानसे मानूस को दूरा सरगदूत अखीन परमेस्वर को सामने मान लेवासु का यो ला मी जानासू। 9 पर जो मानूस गीन को पुढा मोला मुकर जायेत अखीन सांगासे कोन यीसु से? तो मी परमेस्वर अखीन सरगदूत गीन को पुढा सांगू मी भी यो ला नही जानासू यो कोन सेत? 10 जोन कोनी मानूस को दूरा को विरोध मा गोस्टी सांगेत वोको दोस छिमा हो जाहेत, पर जोन कोनी पवीतर आतमा को विरोध मा निन्दा करेत वोको अपराध छिमा नही होयेत। 11 जबा लोग गीन तुम्हीला सभाघर मा न्यायलय मा अधिकारी गीन को कठा लिजायेत तो हमी काजक सांगबीन सोचके नोको घबराने। 12 काहेका वोच बेरा मा काजक कव्हनो सेत पवीतर आतमा तुम्ही ला सीका देहेत। 13 भीड लक एक मानूस चिल्लायो, हे गुरू! मोरो भाऊ लक हुकूम देव, का धन को बटवारा कर देवे। 14 यीसु ना कव्हयो कोन ना मोला तुम्हारो न्यायी ठहराई सेस। 15 यीसु ना भीड लक कव्हयो कोनी को सम्पती वोको जान लक बडके नही होय सका से, पर यो काजी

आपरो आप ला लोभ लक बचाये राखो। 16 वोना एक उदाहरन लक समजावन लायो कोनी धनवान को जमीन मा गजब फसल पीकी। 17 तबा उ आपरो मन मा विचार करन लायो फसल राखन काजी अता मी काजक करू? 18 अखीन वोना सोचीस का घर मा ढोला गिनला तोड के उनला मोठी बनाके ना वहान गँहू ठे देह। 19 तबा मि आपरो मन ला सांगू, “हे मोरो मन, तोरो जवर लगत बरस को साठी लगत सी जायदाद राखीसे। सुख मनाय अना जेवन कर, खुसी मनाव।” साजरो-साजरो रव्हो अखीन चैन लक जिंदगानी करेत। 20 पर परमेस्वर ना ओला सौंगीस, हे मन्द डिमाक! आजच रात मा तोरो पिरान तोरो लक हर लियो जाहे, तबा तु अपरो धन सम्पती ला काजक करजोस अखीन जोन राखी सेस कोन को भई जाहेत? 21 जोन मानूस आपरो काजी धन जोडासे वा यो मूरख जसो सेत, परमेस्वर को नजर मा कोनी धनी नहात। 22 मंग आपरो चेला गीन ला कव्हासे, ऐना करन लक मि तुमरो लक कव्हसू, “आपरो जान लाई असो कव्हके चिन्ता नोको करने, की हमी काजक जेवन करबीन देह मा काजक पहनबीन? 23 काहेका जान सेत तो जेवन सेत, अखीन तन सेत तो कपरा सेत। 24 कावरा पर ध्यान देव! वा ना बोवासे ना कापासे ना कोठी मा ठेवासे तबा भी परमेस्वर वोला पालासे तुम्ही कावरा अखीन पंखे ला बढके सेव। 25 तुम्ही मा असो कोन सेत जो चिन्ता करके ना आपरो जिंदगी को बेरा बढा सकासे? 26 अदी एतरो नान्होसो काम तुम्ही नहीं कर सकसो ता काजक लाय चिन्ता करोसेव?” 27 “पहाडी को तराई कन ध्यान देव वहान जंगल को फुल कसो बढासे वोना आसो चोवसे का राजा सुलेमान को महिमा अना राजसी कपरा वोको पूढा फैल सेत। 28 यो काजी बरी को गवथ ला जोन आज सेत कल स्तो को भट्टा मा डाख्यो जाहेत परमेस्वर वोला असो हरो भरो राखासे, तो हे कचचो भरोसा राखन वालो! तुम्हीला काहे साजरो कपरा नहीं पहनायेत?” 29 “तुम्ही सक नोको करो का काजक जेवबीन अखीन काजक पहनबीन? 30 काहेका संसार को सप्पा मानूस मजे गैरयहूदी खुद जानासे का तुम्ही ला ये पाहिजेत। 31 पर सब लक पुढा परमेस्वर को राज अखीन न्याय ला खोजो तबा सबा चीज तुम्ही ला मिल जाहेत। 32 हे नान्हो हेड डराव नोको! परमेस्वर को इक्सा सेत, का तुम्ही ला राज देहेत।” 33 “आपरो धन-सम्पती बिक देव अना दान कर देव, अना आपरो कना असो पियुसी राखो, जोन जूनो नहीं होवासे, मजे सरग मा असो धन जमा करो जोन कमी नहीं होवासेत अना जोन को जवर चोर नहीं जावासेत, अना किडा काही बिगाड सकत। 34 काहे का जहा तिजोरी मा तुमरो धन से, वहाच तुमरो मन लगो रव्हेत।” 35 “दियो पेटाव के ठेयो अखीन अपरो कमर बान्ध के ना तैय्यार रव्हने, 36 अना तुम्ही वोना दास को जसो बनो, जोन आपरो मालीक को बाट जोहत रव्हसे का लग्न को जेवन करके ला कबा आहेत? अखीन मी किवाड खोलू। 37 धन्य सेत वय दास जेनला वोको मालीक को आवनो पर जागतो मिल्हेत, मी तुम्ही लक खरो कव्हसू, मालीक उन ला पूरी तैय्यारी को सँगा जेवन लाय बसाहे, अना जवर आयके उनको सेवा करहे। 38 धन्य सेत उ दास, जबा वोको मालीक रात मा काश्म भी आहेत, अना वोला निगरानी करतो पाहेत। 39 यो साजरो लक समजलो का, यदि घर को मालीक

ला मालूम हो तो का चोर कबा आवन वालो सेत, तो घर मा सेन्ध नहीं लगन देतो। 40 तुमी तैय्यार रव्हने जोन बेरा तुम्हि वोको आवन को मन मा विचार नहीं आनिसेव वोच बेरा मानूस को दूरा आय जाहेत।” 41 तबा पतरस पुसयो पिरभू का यो उदाहरन तुम्ही हमरो लाय सांगासो का सबको लाय सेत? 42 तबा यीसु ना कव्हयो, उ बिस्वास को काबील को ईमानदार मूनीन कौन सेत? जेनको मालीक आपरो नौकर चाकर पर मूनीम ठयरावा सेत, जोनलक उनला बेरा मा जेवन भेटेत। 43 धन्य सेत उ दास जो मालीक को अवन को बेरा मा वसोच करतो पाहेत। 44 मी तुम्ही लक खरोखर सांगसू उ वोला आपरो सब सम्पती पर अधिकारी बनायेत। 45 पर उ दास असो मन मा सोचन लगे, का मोरो मालीक ला आवन ला उसीर सेत, अना नौकर बनिहारिन ला मारन पीटन लगे, अना नसा बाजी एसो अराम करन लगेत। 46 तबा उ दास को मालीक असो दिवस आहेत, जोन दिवस को बारे मा उ मन मा विचार नहीं आनो होतो। तबा वोला गजब मोठो दन्ड देहेत, अना वोको हिस्सा भरोसा नहीं राखन वारा लोकगीन को संग होहेत। 47 आपरो मालीक को मन को गोस्टी जानके न जोन दास ना काही तैय्यार नहीं करयो, ना वोकी मन मुताबीक काम करीस, उ गजब मार खायेत। 48 पर जोना अनजान मा मार खावन को काम करी सेस, उ जरासो मार खायेत, जोनला दियो गयो सेत, वोको लक गजब हीसाब मागो जाहेत। जोन ला गजब सोपो गई सेस वोको लक गजब लियो जाहेत। 49 मी धरती मा स्तो पेटावन काजी आई सेव। मी कीतरो चाव्हसू क उभो होयके धधक जाहेत। 50 मोला एक अखीन बसिस्मा लेनो से। अखीन जबा तकन यो पूरो नहीं होवासे मी गजब दुखीसेव। 51 का तुम्ही सोचसो का मी धरती मा सान्ती अना मेल करान आयो सेऊ, नहीं मी फूट डालन आइसेव। 52 काहे का एक घर मा पाँच मानूस सेत तो उन मा फूट होहेत, तीन दोन को विरोध अना दोन तीन को विरोध करेत। 53 वय एकमेक को विरोध करेत बाप दूरा को अखीन दूरा बाप को, माय दूरी को अना दूरी माय को, सास बहु को अखीन बहु सास को विरोध करेत। 54 यीसु ना भीड ला कव्हन लागीस, अदी तुमी दिवस डबती लक बादल चोवासो तो कव्हसो, का बरसात होवन वालो सेत, अखीन असोच होवासे। 55 जबा दक्किन को वारा चलासे तो कव्हासो का लपट चलहेत अखीन असोच होवासे। 56 वो कपटी गीन, तुम्ही बादल अखीन धरती को मौसम ला चीन्हासो तबा यो बेरा को लच्छन ला काय नहीं परख सकसो? 57 तुम्ही खुदच न्याय काहे नहीं करासो, का काजक भलो सेत? 58 जबा तुम आपरो विरोधी को संग अदालत मा जावासो तो रास्ता मा वोको लक रिहाई को कोसिस करने, कही असो ना होयेत का उ तुमला न्यायी को कठा ले जाहेत। 59 मी तुम्ही लक कव्हसू जबा तकन एक-एक कवडी नहीं भरजो तबा तकन सूटकारा नहीं होवेत।

13 वोना बेरा काही लोग गीन, यीसु ला, काही गलीली मानूस गीनको बारे मा सांगन आइन, जिनको खून को बरोबरी बलिदान कियो गयो जनावर लक, राजपाल पिलातुस ना करयो होतो। 2 तबा यीसु ना उन लोग गीनला कहीस, तुम्ही काजक सोचासो का यो गलीली मानूस बाकी लोकगीन लक लगत पापी

सेत, यो कारन लक, उन पर आफद आइसेस। 3 असो गोस्टी नहात मी तुमी ला सांगस, का तुमी पस्तावा कर मन नही बदलने, तो वसोच नास होय जाने। 4 अखीन तुमी काजक, सोचासो का सीलोह मा मीनार पडन को कारन 18 लोकगीन मर गईन, उ येस्सलेम को सब रहन वारा लक जादा पापी होतिन। 5 असो नहात अदी तुमी पस्तावा कर, मन नही बदलने तो असोच नास भई जाने। 6 तबा यीसु ना उनला, एक उदाहरन सांग्यो, कोनी, मानूस को अंगूर को बारी मा, एक अँजीर को झाड़ होत्यो। उ वोमा फर खोजन आयो पर वोला, एक भी फर नही मिलयो। 7 तबा वोना अंगूर को बगीचा को माली ला कहीस, चोव! मी तीन- साल लक, यो अँजीर को झाड़ मा फर खोजन आयो, पर एकच फर नही पायो। एला, काप डाखो काहे का यो फालतु मा जघा घेरासेत। 8 पर माली ना कव्हयो, मालीक यो साल अखीन रहन दे, मी एको, चारि कन खन्दकेना येको, जड मा मी खात डाखसु। 9 तबा मंग भी नही फलेत, त काप दियो जाहेत। 10 पवीतर दिवस मा यीसु कोनी, सभाघर मा उपदेस देवत होत्यो। 11 वहान एक बाई होती जोन ला 18 साल लक, एक कमजोर करन वालो, बुरो आतमा झोमो होत्यो वा वोवन केना, कुबडी भई गई होती। वा कसी, भी सीधी नही होय सकत होती। 12 यीसु ना वोला चोवके, ना बुलायो अखीन वोला कहीस, हे बाई तु साजरी भई गइसेस। 13 अखीन वोना वोको, पर हात रख्यो, उ वोच बेरा साजरो भई गई अखीन, परमेस्वर ला धन्यवाद बडाई देवन लगी। 14 तबा सभाघर को मुखिया गीन, हिजड गईन काहेका, यीसु ना पवीतर दिवस मा बाई ला साजरो करीस, तबा लोकगीन कव्हन, लगीन 6 दिवस काम को सेत, वोना दिवस मा साजरो होव, अना पवीतर दिवस मा नोको आव। 15 पर पिरभू ना कहीस, हे कपटी गीन का पवीतर दिवस मा तुम आपरो जानवर गधा बईल गीनला डोगा मा पानी देवसो का नही? 16 का साजरो नाहती, का यो बायका जोन अब्राहम को टूरी सेत, जोनला सैतान ना अठरा साल लक बन्धो होतो, पवीतर दिवस यो बंधन लक सुटाई जाय? 17 यीसु को यो गोस्टी आयक केना, वोको सब बिरोध करनवारा लजा गईन, अना सप्पा लोकगीन वोना महीमा को काम चोवके खुसी लक भर गईन। 18 यीसु ना कव्हयो परमेस्वर को, राज कोन को जसो सेत, मी एको बरोबरी काजक लक करू? 19 सरग को राज एक राई को दाना जसो सेत, जोनला कोनी मानूस ना बगीचा मा लगायो, वा गजब मोठयो भयी गयो, अखीन पक्सी ओना झाड़ को डार मा बसेरा करन लगीन। 20 मंघा यीसु ना कव्हयो, “परमेस्वर को राज को बरोबरी काजक लक करू? 21 वो खमीर को जसो सेत जोनला लेय के, एक बायको ना दहा किलो कनीक मा मिला दियो सबा 10 कीलो आप खमीर बन गयो।” 22 यीसु गौँव-गौँव नगर-नगर सीकावत, येस्सलेम नगर को कन, जाय रहयो होतो। 23 कोनी ना पुसयो ओ पिरभू! का जरा सो लोक गीन सूटकारा पाहेत? एको पर यीसु ना कव्हयो, 24 सकडो किवाड लक, धसनो को पूरो-पूरो कोसीस करो, काहेकि मी तुमी ला कव्हसू, कोसीस करनो पर भी गजब लोकगीन धसन को लायक भी नही रहेत। 25 जब घरा को मालीक उभो भई केना, किवाड लगा देहेत, तबा तुम्हि बाहेर लक खट-खाटावने, अखीन कव्हने आमरो लाय किवाड उघाड! तब उ

तुम्हिला सांग देहेत, तुम्ही कहान लक आइसेव, मी नही जानासु? 26 तबा तुमच कव्हने, आमी तोरो संग जेवन करीसेस, तुमी बजार मा उपदेस देत होतो। 27 पर उ तुमरो लक, कव्ह देहेत, “ओ अन्याय को काम करन वालो, मी तुम्ही ला नही जानासू तुम्ही कोन सेव? तुमी मोरी नजर लक हट जाओ!” 28 जबा तुमी ही अब्राहम इसहाक याकूब अखीन, सबा भविष्यवक्ता गीनला, परमेस्वर को राज मा चोवने, पर अपरो आप ला उन लक बेगरो चोयके तुम्हि रोवने अखीन पस्तावा करने। 29 दिन उगती, दिन बुडती, उत्तर अखीन दक्खिन का लोक गीन आहेत अखीन, परमेस्वर को राज मा मोठोयो, जेवनार मा जेवन करयेत। 30 चोवो जोन मघा सेत, उ पुढा भई जाहेत। अखीन जो पुढा सेत, उ मंघा भई जाहेत। 31 वोच बेरा मा काही मोसे को नियम को गुरू जी गीन, आयके सांगन लगीन, हे गुरूजी तुम्ही यहान लक, बिदाई लेलो काहेका, राजा हेरोदेस तुमी, ला मार डाखनो चाव्हासे। 32 यीसु ना उनला कव्हयो, जाके ना उ कोल्लिया ला कव्हने, मी आज काल अखीन परो, बुरो आतमा गीन ला हेडासु, अखीन रोगी गीनला साजरो करासु, अखीन परो को दिवस मोरो काम पूरो भई जाहेत। 33 आज काल अखीन परो को दिवस मोला चलनो से, काहेका यो नही होय सकासे, का कोनी परमेस्वर को भविष्यवक्ता येस्सलेम तीरथ लक, बाहेर मारो जाहेत। 34 यो येस्सलेम नगर तु भविष्यवक्ता गीनको हत्या करासे अखीन तोरो कना, जोन परमेस्वर को गोस्टी आना सेत, वोला गोटा लक मार डाकासेत, मीना कितरो बार चाहयोसेव, का तोरो सन्तान गीनला, इक्कठो करू, जसो कुकडी आपरो बच्चा गीन, ला पंखा को खाल्या, लुकाय लेवासे असोच सबा ला, लुकाय लेऊ, पर तु ना मोरो एक नही चलन दियो। 35 अता तुम्हारो घर तोरो लय, छोड दियो जाहेत। मी तुमी लक खरो सांगासु, तुम्हि मोला जबा तकन नही चोवने, तबा तकन तुम्हि आवन वारो बेरा मा असो नही सांगने, का धन्य से उ जोन पिरभू को नाव लक आवासे।

14 यीसु पवीतर दिवस मा कोनी, मोसे को नियम को गुरू को यहान जेवनार मा गयो होतो, लोग वोला फसावन को ताक मा होतिन। 2 यीसु को पुढा एक जलोदर को रोगी आयो। 3 यीसु ना मोसे को नियम को गुरू गीन ला पुसिस, “का मोसे को नियम लक पवीतर दिवस मा कोनी रोगीला साजरो करनो खरो काम सेत का खोटो काम सेत?” 4 तबा वोना ऊगा-मूगा रह गईन, तबा यीसु ना उ रोगि ला हात धरके ना साजरो कर देइस, अना वोला बिदाई दे देइस। 5 तबा यीसु ना उनला कहीस, अदी कोनी को टूरा या बईल बिहर मा पड जाहेत, तो तुमी मा कोन सेत जो पवीतर दिवस मा वोला बिहर लक नही हेडेते? 6 अखीन वय वोको जवाब देवन को लायक भी ना होतिन। 7 जेवनार मा आयो लोग गीन बसन लाय ऊचो-ऊचो जघा निवाडन लगीन, असो चोवके ना यीसु एक उदाहरन लक, समजावन लगीन। 8 जबा कोनी लगन मा नेवता देवासे, ता सबा लक मूख जघा मा नोको बसने। का मालूम तुमरो लक मोठो लोक ला घरवाला ना नेवता देइसेस। 9 अना जोना दुई ला निवता देइसेस, वोच आय के सांगेत, का उभो भय अखीन खाल्या जायके बस, तबा लजानो पडेते। 10 यो काजी जबा तुमला न्योता मिल्हे तो पूढा नोको

बसने, मंथा जायके, बसने, तबा घर को मालीक आयके सागेत, अगो संगी पृढा बस, ता तुमरो महिमा होयेत, 11 काहेका जोन आपरो आप ला, मोठयो मानासे उ लहान कियो जाहेत, अखीन जो लहान सेत, उ मोठयो करो जाहेत। 12 मंग यीसु ना निवता देवन वालो, ला सांग्यो। जबा तुमी दूफर या रात मा जेवनार देवो, तबा संगी गीन ला नोको हाकलो अना आपरो, भाऊ कुटुम्ब, धनी सेजारी गीनला नोको हाकलो, कही असो ना होय का आपरो, घर मा नेवता देके, ना बदला चुकाय देहेत। 13 पर जब तुमी, जेवनार देव तो अँधरा लगंडा लूलो ला हाकलो। 14 तबा उ तुमी धन्य भई जाने, काहेका, उनको कठा बदला देन काजी काही नहात, अखीन तुमला परमेस्वर को अदालत मा, नेक गिनको जितो होवन को मथा फर भेटे। 15 वोको संग जेवन करन वालो मा लक, एक मानूस यो गोस्टी आयक के सांगिस, धन्य से उ जोन परमेस्वर को राज मा जेवन करयेत। 16 वोना ओको लक कव्हयो, कोनी मानूस ना गजब मोठो जेवनार दियो। अना गजब लोक हीनला न्योता दियो। 17 जबा जेवन तैय्यार भय गयो, ता वोना आपरो दास को हात मा न्योता हारो गीनला, सांग के धाडिस, “आव अबा जेवन तैय्यार से”। 18 पर वय सबा वोको लक माफी माँगन लग्गिन, पहलो ना नौकर लक, कव्हयो, “मी ना खेत लेयी सेव, वोला चोवन जानो से तोरो लक मोरो अरज से, का मोरो कन लक माफी मांग लेवजो।” 19 अखीन एक ना कव्हयो “मी ना पाँच जोडी बईल लेईसेव, अना उनला परख करनो से। तोरो लक मोरो बिनती से, का मोरो कन लक माफी मांग लेव जोस।” 20 अखीन एक ना कव्हयो, “मोरो लगन भई सेस एको लाय मी नही आ सकसू।” 21 दास ना लवट के आपरो मालीक ला यो सबा हाल सांगीस, तबा मालक हिजड के ना आपरो नौकर ला कहीस, “लवकर नगर को बाजार सरक, गली मा जायके ना गरीब गोर, अँधरा लगडा लूलो गीन ला यहाँन ले आओ।” 22 तबा दास कहीस, मालीक तोरो हुकूम पुरो भई से, पर अबा जघा खाली सेस। 23 ता मालीक ना दास ला कहीस, “सडक मा अखीन स्थान बाहेर जितरो लोक, चोहेत सबला आनो जीनको लक घर भर जाहेत।” 24 काहेका मी सबा लक कव्हस, जोनला न्योता दियो होतो, उनमा लक कोनी जेवन नही जेव पाहेत। 25 यीसु को संग-संग एक मोठयो भीड चलत होत्यो, यीसु ना भीड को लोग गीन लक असो सांग्यो, 26 “अदी कोनी मोरो कन आवासे अखीन आपरो माय बाप नवरी, सन्तान, भाऊ बहिन अखीन यहाँ लक की आपरो जान लक बैर नही करत, तो उ मोरो चेला नही होय सकासे?” 27 जोन आपरो कूरूस उचलके, नही ले जावासे, अखीन मोरो मंथा नही चलासे, उ मोरो चेला नही होय सकेत। 28 तुमी मा कोन असो सेत, जोन मीनार बनवानो चाव्हासे, अखीन पुढा घर मा बस के, ना खरचा को अन्दाज हिसाब नही करयेत। अखीन यो ना चोवेत, का वोको जवर केतरा स्पया सेत। 29 कही असो ना होयेत, का पाया डाकन को मथा, घर को काम अधूरो छोड देहेत, अखीन चोवन वोरु, मजाक उडावत कहेत, “यो घर बनान को लायक भी नाहती।” 30 यो मानूस ना घर बनान काजी नीव डाखीस, पर पूरो करन को लायक भी नहाय। 31 अना कोन राजा होयेत, जोन दूसरो राजा लक, लडाई मा जावासे, अखीन पृढा बसके, यो विचार नही करासे, का जोन

राजा बीस हजार सेना को, फौज को संग वोको पर चढाई कर रही सेस, तो का उ दहा हजार सैनीक को फौज लक, सामना कर सकासे का नही। 32 यदि उ सामना नही कर सकासेत, तबा दूसरो राजा को, कन सान्ती को लाय, राजदूत लक बिनती धाड देहेत। 33 असोच तुम्ही लक जोन कोनी, सबा काही नही छोड देसे, उ मोरो चेला नहात। 34 “नोन साजरो सेत, पर वोको स्वाद बिगड जाय, तो कसो नमकीन होय सकासेत? 35 उ ना तो जमीन को खात को काम को से, एकोलाय लोकगीन वोला बाहेर फेक देवासे। जोन को कान होयेत, उ आयक लेव।”

15 यीसु को सिक्सा आयकन लाय, सबा पापी अना जमा लेवन वारा, अधिकारी आवत होतिन। 2 पर सास्त्री अखीन मोसे को नियम को गुरू मोसे को नियम को गुरूगिन, कुडकुडान लग्गिन, अना कव्हन लग्गिन यो तो पापी लोक गीन, संग मिलसे उनको च संग जेवन करासे। 3 तबा वोना एक उदाहरन सांगन लग्यो 4 तूम्ही लक कोन सेत, जेनको जवर 100 मेढा सेत, अखिन वोमा लक, एक गुम जाहेत, तबा 99 ला जंगल मा छोडके, उ एक ला जबा तकन ना भेटे, दुन्धत ना रह। 5 अखीन जबा उ मिल जावसे, तबा उ गजब खुसी होवासे, अखीन मेढा ला कन्धा मा उचल लेवसे। 6 अखीन आस पडोस को लोक घर को लोक संगी गीन, ला इक्कठो करके कव्हसे, का खुसी मनावो मेढा गुम गयो, होत्यो मिल गयो से। 7 मी तुमी लक सांगस, असोच एक पाप लक मन ला हटाव अना पस्तावा करन वालो, पापी को बारे मा सरग मा इतरोच खुसी होवासे, जितरो की 99 असो न्यायी को बारे मा नही होवासे। जोन ला मन बदलन को जरूरत नही सेती। 8 कोनी असो बाया होवती जोको जवर दहा मुन्दरी को सिक्का होहेत, वोमा लक एक गुम जाये, ता उ दियो पेटाय के, अखीन घर झाड बुहार के, जबा तकन ना मिल जाहेत, जान लगाय के दुन्धत रही। 9 अखीन जबा उ मुन्दरी को सिक्का मिल जासे, उ आपरो सहेली अना सेजारीन ला इक्कठो करासे, अखीन कव्हसे, का मोरी सिक्का गुम गयो, होतो मिल गयो से, मोर संग खुसी मनाओ। 10 मी तुमी लक कव्हसु, का असोच एक पाप ला सोडो हुया, पापी को बारेमा, सरग मा परमेस्वर को, सरगदूत गीन खुस होवासेत। 11 मंग यीसु ना कव्हयो, कोनी मानूस को दोन दूरा होतिन। 12 उनमा लक लहान ना आपरो, बाबूजी लक कव्हसे, बाबूजी, धन मा लक जोन मोरो हिस्सा सेत, मोला देदे। वोना आपरो धन बाँट दियो। 13 लगत दिवस बीत गयो, लहान दूरा सब धन जमा करके, ना लगत दूर देस मा जिंदगी बितान चले गयो। अखीन वहाँन आपरो धन खरचा कर डाखीस, अखीन कंगाल भई गयो। 14 तबा उ देस मा गजब गीरानी पड गयो, अखीन वोको कन, जेवन लाय दाना नही होतो। 15 तबा उ देस मा एक मानूस को, कन उ गयो, अखीन वोला वोना खालमानी चरावन को, लाय नौकरी मा राख लियो। 16 वोको मालीक खालमानी गीन ला, खावन काजी जो सेंगा देवत होतो बोच ला उ लहानो दूरा भी खावत होतो। 17 जबा उ एक दिवस सोचन लग्यो, मोरो बाबूजी को घर मा कितरो बनिहार सेत, उनला भरपेट जेवन भेटासे अखिन मी भूखो मर रहीसेव। 18 अना मी उठके, ना आपरो बाबूजी को कठा जाह, अखीन वोको

लक सांगू, का बाबूजी मी ना सरग को विरोध मा अखीन तोरो विरोध मा पाप करीसेव। 19 अबा मी तोरो दूरा कहलान को, काबील नहिसेव, अबा मोला आपरो एक बनिहार जसो राखले। 20 तबा उभो भयो अखीन आपरो, बाबूजी को कठा जावन लग्यो। वा अबा दूरच होत्यो, का वोको बाबूजी ना वोला चोक्के उ तरस लक, भर गयो। अखीन परायके ना गरो लगाय लियो अना चुमन लग्यो। 21 तबा दूरा ना वोला कव्हयो, बाबूजी मी ना सरग को विरोध मा अखीन तोरो नजर मा पाप करीसेव। अबा मि यो लायक नही सेव, का तोरो दूरा कहलाउ। 22 पर वोना आपरो दास गीन ला कहीस, झटाक ना साजरो लक साजरो कपरा हेडके वोला पहनाव, अखीन वोको बोट मा मुन्दरी अना पायमा पनहि पहनवो। 23 अखीन पलियो हुओ बोकरा आनके, मारो जेवन करो खुसी मनाओ। 24 काहेका मोरो दूरा मर गयो होतो, मंग लक जितो भय गयो से। गुम गयो होतो, अबा मिल गयो से। अना सबा खुसी मनान लगीन। 25 पर वोको मोठो दूरा खेत मा होत्यो। जबा उ घर को कठा, आयो ता वोना गानो बजानो को आवाज आयकिस। 26 तबा दास ला हाकल के पुसिस, यो सबा काजक से? 27 तबा वोना वोला कहीस, तोरो भाऊ आइसे, अना तोरो बाबूजी ना बोकरा कटवायो सेस। 28 एको पर उ हिजड गयो अखिन भीतर नही गयो। तबा वोको बाबूजी वोला बाहेर आयके, वोला मनान लग्यो। 29 तबा मोठयो दूरा ना आपरो, बाबूजी ला जवाब दियो, मि एतरो साल तोरो चाकरी करीसेव, अखीन मि तोरो हुकूम ला कभीच नही टालेसेव, तो तु ना कभी मोला सेरी को पाठी नही दियो से का मि आपरो संगी गीन को संग खुसी मनाऊ। 30 पर जब तोरो लहान पोरगा, आयो जो रन्डीबाजि सरो धन खरचा कर दियो से मंग तू बोकरा कटवायो से। 31 तबा बाबूजी कव्हसे बेटा मि हमेसा तोरो संग सेव जोन काही मोरोसे उ सबा तोरो से। 32 पर अबा खुसी मनाव काहेका, तोरो लहान भाऊ मर गयो होतो, मंग जितो भई गई से। गुम गयो होतो अबा मिल गयो से।

16 यीसु ना चेला गीनला कव्हयो, “एक धनवान को एक मूनीम होत्यो। धनवान को पढा लोकगीन, कव्हन लगीन का खँजाचि तोरो, माल ला उडवासे।” 2 तबा धनवान ना मूनीम ला हाकल के, पुसिस, यो काजक आयकसु? तू आपरो हिसाब-किताब जचवा मि तोला नौकरी लक हेडसु। 3 तबा दिवान कव्हसेत मि काय करू, माती खदन को ताकत नाहती यो काम तो मोरो लक, नही होयेत? मोला कोनी भिख भी नही देहेत, मालीक तो हेड देहेत। 4 दिवान कसे तबा का करनो से मोला समजमा आय गई से। लोग गीनको फायदा कराय देसु, जोन मुसिबत मा काम आहेत। 5 वोना आपरो मालीक को एक-एक करजदार गीन ला बुलायो अखीन पहलो ला पुछिस, तोरो पर कितरो करजा सेत? 6 वोना कव्हयो तीन हजार लीटर जैतून तेल, तबा खँजाचि कव्हयो, आपरो करजा को रसिद आन बसके ना वोमा 15 संबर लीटर लिख दे। 7 अखीन दुसरो ला पुसयो, तू कितरो को करजदार सेत? तबा वोना जवाब देइस, 100 मन गँहु तबा खँजाची ना कहीस, 80 लिख दे 8 मालीक ना वो अन्यायी मूनीम को बडाई करीस, काहेका उ चलाकी लक काम करीस, यो जुग मा भी असोच लोग परमेस्वर को

लोकगीन लक लगत चतुर सेत। (aiōn g165) 9 एको लक मी सांगा सेऊ, यो अन्याय को धन लक, आपरो लाय असोच संगी बनाय लेव, जसो खँजाची ना बनायो होतीस, ताकि सरग मा तुमी अमर निवास मा रहने। (aiōnios g166) 10 जोन नहान-नहान गोस्टी मा बिस्वास काबिल सेत, उ लगत मा भी बिस्वास को काबिल सेत, अना जो लहान-लहान गोस्टी मा अबिस्वासी सेत, उ लगत मा अबिस्वासी ईमानदार सेत। 11 अदी तुमी संसार को, धन मा बिस्वास को काबिल नही सेव, तो खरो धन परमेस्वर तुमी ला, काहे सौपे 12 अदी तुमी परायो धन मा बिस्वास को काबिल नही सेव तो तुमरो आपरो, धन तुम्ही ला कसो मिलेहेत। 13 कोनी मानूस दुई मालीक को चाकरी नही कर सका; उ एक लक बैर धरे अखीन, दुजो लक माया धरे या एक ला, आदर देहेत अखीन दुजोलक अपमान करयेत, तुमी परमेस्वर अना धन दुई को सेवा एक संग नही कर सकसेव। 14 मोसे को नियम को गुरू गिन धन-दौलत लक माया करत होतीन एकोलाय, यीसु को गोस्टी आयक के मजाक उडावत होतीन, 15 एको पर यीसु ना कव्हयो, तुमी लोकगीन को पढा सच्चो होवन को ढोंग करासो पर परमेस्वर तुमरो दिल ला जानासे, जोन चीज मानूस को नजर मा उच्चो से दुनिया को धन-दौलत, वा परमेस्वर को नजर मा बेकार से। 16 मोसे को नियम अना भविष्यवक्ता योहन बसिस्मा देवन वालो तकन रहयो, वोना बेरा लक परमेस्वर को राज को साजरो बारता, आयकोआय रहोसेत, अना हरेक वोमा जान काजी जबरन कोसीस करासेत। 17 बादल अना धरती दुई सरक जाहेत, पर मोसे को नियम को एक-एक गोस्टी नही टलयेत बल्कि सबा पूरो होयेत। 18 जोन नवरा अपरी बायको ला छोडके अना दुसरो पाठ करयेत, उ वोको संग छिडरापन करासे, अना जो अपरो नवरा ला छोडके, दुसरो मानूस लक संग रहोसे, व वोको संग पाप करासे। 19 एक धनवान मानूस रहत होतो। उ गजब मंहगो ऊचो-ऊचो कपरा घालत होत्यो, अना रोज साजरो-साजरो जेवन करत होतो। 20 वोको घर को बेसकूड मा एक गरिब लाचार मानूस पडयो रहत होत्यो, वोको नाव लाजर होत्यो, वोको आँग भर फोडा-फुन्सि होत्यो। 21 उ धनवान मानूस को जुठो-काठो गिरो-पडो जेवन जेत होत्यो, अखीन कुतरा वोको फोडा ला जिबली चाटत होत्यो। 22 उ गरिब एक दिवस मर गयो, अखीन सरगदूत वोला धरकेना अब्राहम को कोरा मा राखदेइन। मंग धनवान भी मर गयो, अना वोला भी माती देइन। 23 उ नरक मा दूख भोगन लग्यो, आपरो डोरा वरता उठायके ना, दूर लक अब्राहम अखीन वोको कोरा मा गरिब लाजर ला चोवयो। (Hadēs g86) 24 वोना हाकलिस, अब्राहम दादजी मोरो पर दया कर, अखीन लाजर ला धाड, उ आपरो बोट ला पानी मा फिलायके, मोरो तोन्ड मा डाखेत काहेका, मि इस्तो मा तडपासु। 25 तबा अब्राहम ना वोला सांगिस, हेतकर मोरो लाल, तोरो जीवन मा कसो-कसो सुख मिलिसेस, अखीन लाजर को जीवन मा कितरो मोठो-मोठो दुख होतो, अबा वोला चैन मिलि सेस, अना तोला दुख। 26 अखीन तोरो अना हमारो, बिच मा गहरो खोदरा सेत, एको लाय यदि कोनी तोरो कठा, जावन चाव्हासे, तो भि नही जाय सकत, ना कोनी वोना गन लक एनागन आय सकत। 27 तबा धनवान ना जवाब दियो दादजी, मोरो बिनती सेत क लाजर ला मोरो बाबूजी को गाँव मा

धाड, 28 काहेका मोरो पाँच भाऊ सेत, उ उनको पुढा एना गोस्टी ला चेतयेत, असो नहोय की वय भी एना तकलीफ की जघा मा आहेत। 29 तबा अबराहम ना कव्हयो, उनको कना मोसे को नियम अना भविष्यवक्ता गिनको पवीतर गिरंथ से, वय उनको गोस्टी मानेत 30 तबा धनवान मानुस कव्हासे, अबराहम दादजी, वोना कहान आयकेसी? पर मूरदा लक कोनी उनको कठा जाहेत, तबा वय पस्तावा करके ना मन बदलेत। 31 एको पर अबराहम कव्हसे, जबा वय मोसे को नियम अना भविष्यवक्ता गिनको पवीतर गिरंथ को नहीं मानासे, तो कोनी मूरदा लक, जी उठेत ता वोको भि नहीं समजेत।

17 यीसु ना आपरो चेला गीन, ला कव्हासे, “पक्को पाप को लोभ मानुस को पुढा जर्र आहेत, मंग उ मानुस ला धिक्कार सेत, जोन को लक मानुस पाप को लोभ मा पडासे! 2 जोन मानुस ऐना लहान लोक गीनको पाप को कारन सेत, वोको सजा यो से का, गरो मा चकिया को गोटा बान्धके, ना सागर मा डाख दियो जाये।” 3 “एकोलाय सतरक रहने, अदी तुमरो कोनी भाऊ गलति पाप करासे ता वोला नोको डाटो पर समजा लेव, अखीन उ पस्तावा करासे, ता वोला छिमा कर। 4 अदी कोनी दिवस मा सात बार तोरो विरोध मा पाप करासे, अखीन पस्तावा के छिमा मांगासे ता छिमा करदेव।” 5 तबा चेलागिन पिरभू ला कव्हासेत, आमरो भरोसा ला बढाव, 6 पिरभू कव्हासेत, अदी तुमला राई को दाना बरोबर भरोसा होत्यो, अना सहतूत को झाड ला हुकूम देवतो, का उखड अना सागर मा लगी जाय! ता उ तोरो हुकूम ला मानतो। 7 “यदि तुमरो दास नांगर धरकेना खेत लक लवटसे, या सेरकी सेरी चरा के ना लवटासे, तो तुमी मा लक असो कोन सेत? जोन सांगेत आ अबा जेवन करले। 8 अना यो नहीं कहे, की मोरो जेवन तैय्यार कर, अना मि जबा तकन जेव नहीं लेऊ, तबा पासुन तैय्यार रव्हेके मोरी सेवा कर, एको मंघा तु भी जेव लेजोस। 9 का मालीक आपरो दास ला एको, लई धनबाद देनो चाव्हासे, का ओना कव्हनो मानीसेस? 10 हमी भी वसोच सेजन, जसो सबरई हुकूम को माननो को मंघ, हमी नालायक दास सेजन, काहेकी हमना अपरो करम करी सेजन।” 11 यीसु येस्सलेम नगर जावत-जावत सामरिया अना गलील, परदेस को सिवमेढो मा लक होय कना, जाय रहिया होतिन। 12 कोनी गाँव मा धसीन, ता उन ला दहा कोडी मिलिन वय गाँव को सिव मेढो पर उभा होतिन। 13 वय उच्चो आवाज मा कहिन, का यीसु हमरो पर दया कर! 14 यीसु ना उनला चोवके उनला कहीस, जावो! “अना अपरो आप ला याजक ला देखव” जबा वय जाय रहया होतिन, त रास्ता मा च साजरा भय गईन। 15 तबा वोमा लक एक असो चोय केना, का मी सजरो भय गयो कहेकर उच्चो आवाज लक, परमेस्वर को पिराथना बडाई करत, लवट गयो। 16 उ यीसु ला धन्यवाद देता-देता वोको पाय पर टोन्ड को बल पड गयो, अना उ सामरी होतो। 17 एको मघा यीसु ना सांग्यो, “का दहा साजरो नहीं भयो, तो मंग नउ कहान सेत? 18 अखीन ऐना परदेसी ला छोड केना, असो कोनी नई हितयो जेव लवट केना, परमेस्वर की बडाई करतो?” 19 तबा यीसु न वोको लक कहीस, “का उभो होय जाय काहेका, तोरो भरोसा ना तोला साजरो करीसेस।” 20 एक बेरा मा मोसे को

नियम को गुरू ना यीसु लक पुसिस, का परमेस्वर को राज कबा आहेत? तबा यीसु न वोला जवाब दियो, “परमेस्वर को नहीं चोवन वारा स्प मा राज आहेत, काहेका वा परगट नाहत। तो लोग गीनला कसो चोहेत? 21 लोक यो नहीं सांगासे ता चोवो उ यहान से उता सेत, काहेका परमेस्वर को, राज तुमरो बीच मा सेत।” 22 यीसु ना आपरो चेला गीनला सांगिस, एक बेरा असो आहेत, जबा तुम मानुस को दूरा एक दिवस चोवनो चाव्हने, पर वोला नहीं चोवने। 23 लोक तुम्ही लक कव्हेत, चोवो उ वहान से, चोवा उ यहान से, ता तुमी उता नोको जावने, अखीन उनको मंघा नोको जावने। 24 काहेका जसो बादल मा बिजली कडकासे अखीन यो छोर लक उ छोर तकन चमका से, वसोच तुमी मानुस को दूरा को आवन को बेरा होयेत। 25 पर पुढा बेजा दुख उठानो पडेत, यो जर्री सेत का लोक गीन, वोला नकारेत। 26 जसो भविष्यवक्ता नूह को बेरा मा हुओ होत्यो, वसोच मानुस को दूरा को दिवस मा भी होयेत। 27 भविष्यवक्ता नूह को पानी जहाज मा बसन तकन, लोकगीन जेवन अना सादी ब्याह करत होतिन। तबा परलय आयो अना सबला बुडा देइस अना सबा सत्यानास भई गइन। 28 लूत को बेरामा भी असोच भयो, लोग जेवन करत रहयो, घर बनावत होत्यो पौधा लगावत होतिन 29 पर जोन दिवस लूत ना सदोम नगर सोडयो परमेस्वर ना बादल लक स्तो बरसायके, सबला नास कर डाख्यो। 30 मानुस को दूरा को आवन को बेरा मा असोच होयेत। 31 वोना दिवस जोन अटारी मा सेत, वो समान लेवन लाय घर मा खाल्या नोको आहेत, अखीन जोन खेत मा सेत, उ मंघा नोको लवटे। 32 लूत को बायको ला हेत करो। 33 जोन आपरो जान सुरक्षीत रखनो चाव्हासे, उ वोला गुमा देहेत अखीन, जोन आपरो जान देहेत, उ जित्तो रहेत। 34 मी तुम लक कव्हसु, वोना रात दूई झन एक खाट मा झोपेत, एक उचल लियो जाहेत, अखीन दुजो सोड दियो जाहेत। 35 “दोन बाया संग-संग चक्कीया मा दरत रहेत अना एक ला उचल लियो जाहेती अखीन दुसरी ला सोड दियो जाहेती।” 36 “दुई जन खेत मा सेत, एक उचल लियो जाहेत, अखीन दुजो सोडयो जाहेत।” 37 यो आयक के चेलागिन, न पुसयो, “हे पिरभू यो कहान, होयेत?” तबा यीसु ना कव्हयो, “जहान लास सेत, वहाँच गीधाड इक्कठो होवासे।”

18 मंग यीसु ना हमेसा पिराथना करनो से, अखीन हिम्मत नहीं छोडनो से समझावन काजी, एक किस्सा सांगीस। 2 कोनी नगर मा एक न्यायी रव्हत होतो, जोन नातो परमेस्वर को भगती करत होतो ना डरत होतो अना मानुस गीन को भेव खावत होत्यो। 3 वोच नगर मा एक बेवा रव्हत होती, जो वोका कठा आय आयके, कव्हत होती, मोरो बदला, देव अखीन मोला, मुकदमा करन वालो लक बचा। 4 काही बेरा तकन उ नहीं मानिस, पर आखीर मा मन मा बिचारन लगीस, का मोला ना तो परमेस्वर को भेव से ना ता कोनी लोकगीन को भेव सेत। 5 पर मोला रोज वा बेवा परेसान कर डाखीस, एको लाय मी आज एको, न्याय कर देसु कही असो ना होयेत, का बार-बार आयके, ना मोरो नाक मा दम कर देहेत। 6 यीसु पिरभू कव्हसे, आयको! यो अन्यायी न्यायी का कव्हसे? 7 एकोलाय का परमेस्वर आपरो पुढा, बेचयो लोक गीनको, बदला लेहे जो रात

दिवस, वोकी दोहाई देवासे। का उ उनको बारे मा देर करयेत? 8 मी तुमरो लक कव्हसु, उ एक दम सटाकना उनको बदला लेहे, तबा मानूस को दूरा जबा आहेत त का उ धरती मा बिस्वास पाहेत? 9 जोन आपरो उपर न्यायी होवनको, भरोसा राखत होतिन, उन लक एक उदाहरन सांगीस। 10 “दोन मानूस मंदिर मा पिराथना करन लाय, गइन एक मोसे को नियम को गुरू होतो, अखीन एक जमा लेवन वारा होतो।” 11 मोसे को नियम को गुरू उभो-उभो असो, पिराथना करत होतो। “परमेस्वर मी तोला धनवाद देवासु, का मी दुसरो लोकगीन जसो, लोभी, अन्यायी, गलत काम करन वालो नहि सेव, अखीन यो जमा वस्ली करन वालो, अन्धेर करन वालो जसो नही सेव। 12 मी हफ्ता मा दूई दिवस उपास रहसु, अखीन आपरो सप्पा आय, को दसवा हिस्सा दान करासु।” 13 जमा वस्ली करन वालो, पापी अधिकारी काही दुहर मा उभो होतो, बोला सरग कना, डोरा उठानो तकन को हिम्मत नही होतो। उ आपरो छाती पीट-पीट के ना कव्हत होत्यो, “परमेस्वर मोरो पर दयाकर।” 14 यीसु ना कव्हयो, “मी तुमरो लक कव्हसु, उ पहलो नही पर यो मानूस पाप लक सूटकारा पाय के अना न्यायी ठहराय के आपरो घर गयो।” काहेका “जोन कोनी आपरो आप ला ऊचो करासे, उ खाल्या कियो जाहेत, पर जोन आपरो आप ला खाल्या करासे, उ ऊचो कियो जाहेत।” 15 लोक गीन यीसु को कठा, लहान- लहान लेकरा ला जवर आनीन का उ उनला छिव दे। चेला गीन ना यो चोवके, ना डाटन लगनी। 16 पर यीसु न लेकरा गीनला, आपरो जवर बुलायो, अखीन कव्हयो, लेकरा गीनला मोरो कठा, आवन देव, नोको मना करो, काहेका परमेस्वर को राज इनको जसा लोक गीनको सेत। 17 मी तुमरो लक खरो कव्हसु, जोन मानूस लहान-लहान लेकरा गीन जसो, परमेस्वर को राज ला नही अपनायेत, उ वोमा कभी नही धसने पाहेत। 18 एक मुखिया ना यीसु लक असो पुसयो, ओ सब लक साजरो गुरू, अमर जीवन को वारसान, बनन लाय मी काजक करु? (aiōnios g166) 19 यीसु ना बोला सांगीस, “मोला साजरो गुरू काहे कव्हसो? परमेस्वर ला सोड अखीन कोनी साजरो नहाय। 20 तुमी सप्पा हुकूम ला तो जानसो, बुरो नजर लक नोको चोवो, छिनाली नोको करो, कोनी ला जान लक नोको मारो, चोरी नोको करो खोटो, गवाही नोको देव, आपरो माय बाप को आदर करो।” 21 बोना जवाब दियो “यो सबा मी तो बचपन लक मानसु।” 22 यीसु ना यो आयक के ओको, लक सांगीस, “तोरो मा एक बात की कमीसे। आपरो सप्पा बिग दे तिजोरी खोलके अखीन गरीब गोर मा बाट के ना मोरो मंघा आव। तब सरग मा धन मिलहेत।” 23 उ यो आयक के ना गजब उदास भय गयो, काहेका उ गजब धनवान होत्यो। 24 यीसु ना बोला उदास चोवके ना कहीस, “धनवान लोक गीनको, परमेस्वर को राज मा धसने कठीन सेत 25 पर ऊँट को सूज्जी को नाक लक हीटनो सरल से।” पर उनको परमेस्वर को राज मा धसने कठीन से। 26 येको पर आयकन वालो, लोक गीन कव्हन लगनी, तो कोन सूटकारा पाय सकासे? 27 यीसु ना जवाब दियो जोन मानूस लक नही होय सकासे वा परमेस्वर कर सकासे। 28 तबा पतरस ना कव्हयो, चोव, अमी लोकगीन आपरो सबा कही छोड-छोड केना, तोरो माघा-मघा आय गयो सेजन। 29 यीसु ना जवाब

दियो, मी तुम्ही लोक हिनला खरो सांगसु, असो कोनी नहात जोन ना परमेस्वर को राज लाय, घर बार, अना बायको अना भाऊ गीन अना माय-बाबूजी अना बाल-बच्चा छोड-छाड देईसेस। 30 यो जुग मा बोला, कई गुना मीलहेत अखीन अमर जीवन भी मिलहेत। (aiōn g165, aiōnios g166) 31 मंग यीसु बारा चेला गीनला अलग-थलग करके उन लक सांगीस, आयको हमी येस्सलेम नगर जाय रहयो सेत, मानूस को दूरा बारे मा जोन काही भविष्यवक्ता गीनना पवीतर गीरंथ मा लिखयो सेत, उ सप्पा पूरयो होवन वालो सेत। 32 काहेकि मी गैरयहुदी गीनको हात मा सौप दियो जाहेत, बोना मोरो मजाक उडाहेत, मोरो बेईज्जती करयेत अना मोरो पर थूकेत। 33 वय बोला कोडा मारेत अखीन मार डाखेत। पर उ तीन दिवस मा जितो भई जाहेत। 34 उनला यो सबद समजमा नही आयो काहेका, परमेस्वर ना उनको, समज ला बंद कर दियो। 35 जब यीसु येरीयो नगर को कठा पहुचयो, वहान एक अँधरा रास्ता को कीनार मा बसके, भीख माँग रहयो होतो। 36 बोना भीड भाड जावन को आवाज आयकीस, अखीन पुसो यो काजक होवासे? 37 तबा लोकगीन बोला सांगिन यीसु नासरी जाय रहि सेस। 38 तबा उ जोर लक हाकलन लग्यो, “ओ यीसु दाऊद को खानदान मोरो पर दया कर!” 39 तबा पृढा चलन वालो लोग गीन, ना चुप होवन काजी डाटन लगनी, पर उ अखीन जोर लक, वसोच हाकलीस। “ओ दाऊद को औलाद, मोरो पर दया कर।” 40 यीसु थम गयो अखीन बोला वोको कठा, लावन को हुकूम दियो जबा उ जवर आयो, तबा यीसु ना पुछयो 41 तु काजक चाव्हासे, मी तोरो लाय काजक करु? बोना जवाब दियो मालीक मी चोवन चाव्हासु। 42 यीसु कव्हसे, तो चोव, तोरो भरोसा ना तोला साजरो करीसेस। 43 वोच बेरा उ चोवन लग्यो, अखीन उ परमेस्वर को स्तुती बडाई करन लग्यो अखीन यीसु को, मघा जावन लग्यो सारी जनता यो चोवके, ना परमेस्वर को स्तुती करन लगनी।

19 यीसु येरीयो नगर मा धसके, ना जाय रहयो होतो। 2 वहान जक्कई नाव को एक मानूस होत्यो, जो जमा लेवन वालो को सुखीया होतो, उ गजब धनवान सेत। 3 उ यीसु ला चोवने चाव्हत होतो, उ चोव नही सकत होत्यो, काहेका उ खुज्जा होतो। 4 बोना यीसु ला देखन काजी पुढा धावके, ना उमर को झाड मा चघ गयो, काहेका यीसु वोच रस्ता लक, जावन वालो होतो। 5 जबा यीसु बोना जघा मा पहुचो तबा वरता, नजर घुमाय के कव्हन लग्यो, ओ जक्कई तू खटाक ने खाल्या आव! काहेका, आज मी तोरो घर मा स्नन वालो सेव। 6 उ एक दम उतर केना, खुसी लक आपरो घर ले गयो। 7 यो चोवकर सप्पा लोक गीन, कुड कुडा के कव्हन लगनी, उ तो एक पापी मानूस को, यहाँ पाहना सेत 8 जक्कई न उभो होयके पिरभू यीसु ला कव्हयो। हे मालीक चोव! मी आपरो धन को आरधो हिस्सा मी कंगाल गीन ला देवासु, अखीन काही अन्याव करके, ना राखीसेव तो बोला, मी चौगुना वापस देवासु। 9 तबा यीसु ना कव्हयो, अबा यो घर मा सूटकारा आयो से, एको लाय का यो भी अबराहम को एक दूरा सेत। 10 काहे का मानूस को दूरा गुमो हुओ ला दुढन अखीन बोला सूटकारा देवन काजी आई सेव। 11 जबा बोना यो गोस्टी ला आयकत होतिन, तो बोना एक उदाहरन सांगन

लगीस। काहेका वय लोकगीन, येस्सलेम नगर को कठा होतिन अखीन उ समजत होतिन, का परमेस्वर को राज अब्रासीन आवन वालो सेत। 12 एक धनी मानूस होतो, उ दूर देस जावन लण्यो, का राज पद पाय केना आपस लवट आयो। 13 वोना आपरो दास मा लक, दहा ला बुलाव्ये, ना उनला दहा मोहर दियो, अखीन कन्हयो मोरो लवट के आवत तकन धन्धा करने। 14 पर उ नगर को र्हासी गीन, वोको लक बैर राखत होतिन, अखीन वोको मंधा दूत गीन लक खबर पायो, हमी नही चाव्हसेत का तू आमरो पर राज करयेत। 15 जबा उ राज पद पाय के, लवटो तो असो भयो का वोना, आपरो दास गीनला बुलायो, अखीन पुसन लण्यो का, कोन-कोन न कितरो कमाई सेस? 16 तबा पहलो ना आयके कन्हयो, मालीक तोरो दहा मोहर लक मी अखीन दहा कमाई सेव। 17 तब वोना कन्हयो वाह साजरो दास गीन, मा तू एकच बिस्वास को काबील सेस। अबा 10 नगर मा अधिकार राख। 18 तबा दूसरो ना कन्हयो मालीक मी तोरो, मोहर लक पाँच मुहर कमाई सेव। 19 तबा वोना वोला भी कन्हयो, तू पाँच नगर पर अधिकार राख। 20 तीसरो ना आयके कन्हयो, हे मालीक देख यो तोरो मोहर से जसो को तसो मी गमछा मा बान्ध के राखी सेव। 21 काहेका मी जानासू, तू गजब कठोर मानूस से एको, लाय मोला तोरो लक भेव लागीस, का कहि मी जानासू, जोन तू ना नही राखीसेस, वोला उचल लेवासे अखीन जो तू ना नही बोयो सेस, वोला काप लेवासे? 22 तबा वोना वोला कन्हयो, हे दुष्ट दास! मी तोरो टोन्ड लक, हितयो गोस्टी लक, तोला दन्ड देवासू, तू मोला जानत होतो का मी कठोर मानूस सेव, जो मीना नही ठेवी सेव, वोला उचल लेवासू, अखीन मी जो नही बोयि सेव, वोला मी कापसू। 23 तो तूना यो मोहर ला माहाजन कठा ठेव देतो मी आकेना, ब्याज समेत ले लेतो। 24 अखीन जोन कठा होतिन, उनलक कन्हयो का उ मोहर वोको लक, ले लेव अखीन जोको कठा, दहा मोहर सेत वोला, देदो। 25 उनना कन्हयो, मालीक वोको, कठा तो दहा मोहर सेत। 26 मी तुम्ही लक कव्हसू, का जोको कठा सेत, वोला अखीन दियो जाहेत, अखीन जोको कठा नही सेत, वोको लक जो सेत, वे भी ले लियो जाहेत। 27 पर मोरो उन बैरी गीनला जोन नही चाव्हत, होतिन का मी राज करू, उनला आन केना मार डाखो। 28 अखीन यीसु ये गोस्टी कन्हयो अना उ येस्सलेम नगर को कना, उनको पृढा चल्यो। 29 जबा यीसु जैतून पहाड को कठा, बैतफगे अना बैतनिय्याह गाँव को जवर पहुच्यो, तबा वोना, दोन चेला गीनला 30 “असो सांगत पठाय दियो का पृढा को गाँव मा, जाव जबा तुम्ही वहाँन, पहुचजो तबा तुम्हिला, खटा मा बन्धो एक गधी को बछेरू मिल्लेह, जोको पर अबा कोनी, सवारी नही करीसेन 31 वोला छोट केना आनो यदि कोनी तुमला पछेत, तो कव्हजोस का यीसु पिरभू ला, एको जरस्त से।” 32 जोन चेला गीनला धाडीस होतीस, वोना जसो यीसु ना सांग्यो होतो, तसोच पाईन। 33 जबा वय बछेरू ला छोटत होतिन, तबा वोको मालीक आयकेना कव्हसे “तुम्हि काहे छोडोसो।” 34 तबा उनना जवाब देइन का, “यीसु पिरभू ला एको जरस्त से, वोच हमीला धाडीसेस।” 35 वय बछेरू ला वोको कठा, आनीन अखीन लोक गीन ना चढ़र बिछा के वोमा यीसु ला, बसाय देइन। 36 जसो-जसो यीसु पृढा बडतो गयो, लोक गीन वोको पृढा रास्ता मा, चढ़र

बिछात होतिन। 37 जबा वय जैतून पहाड को, उतार मा पहुचियो तबा सब चेला गीन, खुसी होयके ना जोन काम उनना चोयो होतो, उ सबा अचंभा होवन वालो काम को, हेत कर केना सबा लक, उच्चो आवाज मा परमेस्वर को, स्तुती करन लागीन 38 धन्य से उ राजा जो पिरभू को, नाव लक आवासे सरग मा सान्ती सबा लक, ऊचो सरग मा महिमा। 39 भीड मा काही मोसे को नियम को गुरू होतिन, वोना यीसु लक कहिन गरुजी चेला गीनला डटकार 40 यको पर यीसु ना जवाब दियो “मी तुम लक कव्हसू, यदि वोना चूप रहयो, ता गोटा चिलावन लगेत।” 41 जबा यीसु जवर आयो अना, नगर ला चोवयो अखीन उ रोवन लण्यो। 42 अना बोलयो, “कितरो साजरो, होतो का तू आज को दिवस, यो समज पातो का कोनतो, बात मा तोरि सान्ती, से?” पर अबा यो बात तोरी डोरा लक लुको हुओ सेत। 43 तोरो पर उ दिवस आहेत, जबा तोरो बैरी तोरो चारो लक घेर लेहति अखीन, तोरो पर दडब डाखेत। 44 तोला अखीन तोरो मा निवास करन वालो, तोरि सन्तान ला माती मा मिला देहति, अखीन तोरो मा एक भी गोटा तरा उपर नही रव्हेत, काहेका तूना उ साजरो दिवस ला नही चिन्हिसेस, जब परमेस्वर ना तोरि सुधि लेइसेस। 45 यीसु मंदिर मा धसिस अखीन, बिकन वालो ला यो सांगत बाहिर कहाडिस, का 46 लिखो से परमेस्वर को घर पिराथना को, घर होयेत, पर तूमना वोला डाक् को, अद्दा बना दियो से। 47 यीसु हर रोज मंदिर मा उपदेस देवत होतो, अखीन मोसे को नियम को गुरू मुखिया याजक अखीन, जनता गीन यो डाव दुढत होतिन, का यीसु को कसो नास कियो, जाय। 48 पर उनला नही सुझत होतो का, काजक करे? काहेका, जनता यीसु को बात लक खुसी होतिन।

20 एक रोज यीसु मंदिर मा, जनता ला साजरो बारता सांगत होतो। का मोसे को नियम को गुरू, लेखक, मुखिया याजक ओको कठा आइन। 2 अखीन वोला पुसीन, यो तू हमला सांग का कोनतो, अधिकार लक यो काम करासे? उ कोन आय जोना तोला यो अधिकार देइसेस? 3 तबा यीसु ना जवाब दियो, मि भी तुम्ही लक एक सवाल पूसासू, अखीन तुमी सांगो 4 योहन बसिस्मा देवन वालो को बसिस्मा, सरग कन लक होतो, का मानूस को कन लक होतो? 5 वय आपसी मा सलाह करासे, हमि सरग कन लक सांगबीन तो उ कहेत, का तुम्ही योहन पर भरोसा काहे नही ठेवासो? 6 अदी हमि सांगबीन का मानूस कन लक तबा जनता हमला गोटा लक मार-मार के ना मार डाखेत। काहेका लोक गीन ला यो भरोसा होतो, का योहन परमेस्वर को भविश्यवक्ता आय। 7 एको लाय उनना जवाब दियो का, आमी नही जानसेजन, का योहन कोन कन लक से। 8 एको पर यीसु ना उन लक, कव्हयो “तबा मि भी तुम्ही लक नही सांगसू, का मि कोनतो अधिकार लक यो काम करासू।” 9 तबा यीसु जनता ला यो उदाहरन सागन लण्यो, एक किसान आपरी अंगूर को बारी, किसान गीनला ठेका मा देयके, ना गजब दिवस काजी, परदेस मा चले गयो। 10 जबा बेरा भयो ता उ मालीक ना आपरो एक दास ला धाडिस, का अंगूर को बारी को बटाई देय दे। पर किसान गीन वोला, मर-पीट के ना रिकामो हात पराय देइन। 11 मंग उ मालीक ना दूसरो दास ला धाडिस, अना वोला भि वसोच मार-पीटके

ना रिकामो हात लवटा दियो। 12 मंग मालीक ना तिसरो नौकर ला धाडिस, अखीन उनना वोला भी घायल करके ना कहाड देइन। 13 तबा अंगूर को बारी को मालीक ना सोचिस, का मी काय करू? मि आपरो चहेतो दूरा ला धाडस, साइद वोना लोक गीन वोको आदर करयेत। 14 जबा किसान ना वोला चोविन तो, आपस मा बिचारन लगीन, यो ता ओको वारिस आय, आओ एला मार डाखो, का यो बारी हमेसा लक आमरो भई जाहेत। 15 अखीन वोला अंगूर को बारी लक, बाहेर कहाड केना मार डाखिन। एकोलाय अबा अंगूर को बारी को मालीक उनको संग का, करयेत? 16 उ आयके ना वोना किसान गीनला नास करयेत, अखीन अंगूर को बारी ला दूसरो ला देहेत। उनना यो आयक के ना ओला कहिन, परमेस्वर करे असो नोको होयेत। 17 वोना उनको कना चोवके ना कहीस, अखीन का लिखोसे? जोन गोटा ला मिस्तरी ना नकारो सेस, वोच कोनटा को सप्पा बजन सहन वालो, गोटा भई गईस। 18 जोन कोनी वो गोटा मा पड़ेत, चकनाचूर भई जाहेत। अखीन गोटा जोनको पर पडहेत उ पिस जाहेत। 19 वोच बेरा मुखिया याजक, अखीन मोसे को नियम को गुरू लिखनवारा, समज गइन का यो उदाहरन आमरो पर लक सांगिसेस, ओना यीसु ला पकडन चाहत होतिन, पर जनता लक भेव खाइन। 20 वय यो ताका मा होतिन, का भेद लेवन काजी कोनि मानस ला धाडेत जोन झूठो बहाना लक नेक बनेके वोला कोनी ना कोनी गोस्टी मा पकडेत, अना वोला अधिकारी को हात को सुपस्त करहेत। 21 वोना गीनना वोला पुसिन, हे गुरू हमि जानसेजन का तू खरो, सांगासेस अखीन सिकावासे। परमेस्वर को मारग खराई लक, सांगासेस अखीन कोनी, तरफदारी नही करासे। 22 ता अबा सांग मोसे को नियम लक का अमीला राजा कैसर ला, जमा को सिक्का देवनो खरो, से का खोटो से? 23 वोना उनको होसियारी, समज गयो अखीन कव्हयो, 24 एक रुपया को सिक्का मोरो कठा आनो, तबा जनता लक पुछयो योमा कोन को छापा सेत अखीन कोको नाव सेत? लोगगीन कहिन राजा कैसर को। 25 तबा उ उनला कहीस, जोन राजा कैसर को सेत, उ राजा कैसर ला देव, अखीन जो परमेस्वर को, से वो परमेस्वर ला देव। 26 वय लोकगीन वोला मिसा लक पकडन को ताका मा होतिन, यो काजी नेकी को भेस धरके ना काही लोक गिनला ओको कठा मिसा लक धाड़िन, का वय वोको कोनी सबद पकड़े, अखीन वोला अधिकारी गीन लक, सिकायत करके ना धराय देहत। 27 एको बाद काही सद्की गुरूगीन, यीसु को जवर आइन जोन मरन को बाद जी उचलनो नही मानत होतिन। उनना वोला यो सवाल करीन, 28 गुरूजी, मोसे गुरूजी ना आमरो लाय, एक नियम बनाइसेस, का कोनी को भाऊ बिना सन्तान को मर जासे, तो वोको भाऊ उ बेवा ले बिहा करके ना आपरो भाऊ को, काजी सन्तान पैदा करेत। 29 एक परिवार मा सात भाऊ होतिन मोठो ना बिहा करकेना नवरी आनीस, अखीन उ बझला मर गयो। 30 दुजो अखीन तिसरो 31 असो सातो भाऊ बा बायको, लक बिहा करके ना बिना सन्तान को मर जावासे। 32 आखीर मा उ बायको भी मर जासे। 33 अबा सांगो जितो होवनो को बाद मा वा बायको, कोन की बायको होयेत? उ तो सातो को बायको होति। 34 यीसु ना कव्हयो एना जुग मा मरद-बायको, को बिहा होवासे। अखीन नवरा-नवरी

होवासे। (aiōn g165) 35 पर आवन वालो जुग मा जबा, सप्पा मुद्रा जितो होवनो भई जाहेत, वहान बर-बिहा नही होयेत। (aiōn g165) 36 पर सबा जी उचलनो को मंघा अमर होयके ना, सरग दुत जसो परमेस्वर को सन्तान बन जाहेत। 37 पर यो गोस्टी को की मरयो हयो जितो जित्ता होवासे, मोसे ना स्तो पेटायो झाडी को किस्सा मा सांगिसेस, जहान उ पिरभू कव्हासे का मि अबराहम, इसहाक अना याकूब को परमेस्वर सेउ। 38 उ मुद्रा को नही पर जितो को परमेस्वर सेत। कायको लाय का वोको, पूढा सबा जितो सेत। 39 एको मंघा मोसे को नियम को गुरू अना लेखक गीन कहिन का, तू ना साजरो सांगिसेस। 40 अखीन यीसु लक कोनी सवाल पुसन को, हिम्मत नही भयो। 41 मंग यीसु ना उनला पुसयो, मसीह ला राजा दाऊद को, सन्तान काहे कव्हासेत? 42 राजा दाऊद खुदच आपरो भजन को पवीतर किताब मा कव्हासे, परमेस्वर ना मोरो मालीक लक कव्हयो। 43 मोरो उज्जो बस जबा तकन मि तोरो बयरी गीन ला तोरो पाँय को खाल्या को पीढो नही कर देवास। 44 राजा दाऊद ता वोला पिरभू कव्हासे त मंग वा कसो वोको सन्तान से? 45 जबा सबा लोक गीन आयकत होतिन, तबा वोना आपरो चेला गीनला कव्हासे, 46 लेखक मोसे को नियम को गुरू ले होसियार रव्हो। जोन ला, लम्बो-लम्बो कपरा पहनो अखीन, फिरनो चाव्हासेत अखीन उनला, बजार मा नमस्कार अखीन, सभाघर मा उच्चो आसन 47 वय बेवा गीनको घर अना धन चट करासे अना दिसावन को लाय लम्बो-लम्बो पिराथना करोसे, उनला कठोर दन्द मिलहेत।

21 मंग वोना डोरा उठय के, ना धनी गीनला आपरो-आपरो दान पेटी मा डाखत चोवो, 2 वोना एक गरिब बेवा ला, वोमा दोन दमडी डाखत चोयो, तबा वोना कव्हयो, मि तुम्ही लक खरो सांगास, का यो गरिब बेवा ना सबा मा बड़के दान डाखयो से। 3 तबा वोना कव्हयो, मी तुम्ही लक खरोखर सांगास, का यो गरिब बेवा ना सबा मा बड़के, दान डाखिसे। 4 यो तो आपरो सप्पा कमाई को धन दान कर देइसेस, बाकि लोग गीन आपरो बढत लक, उलफा रुपिया डाखिन। 5 जबा काही लोकगीन मंदिर को, बारे मा कव्हत होतिन, का यो कसो सुन्दर गोटा अना भेंट को, चीज लक सजायो गयो से? 6 तबा यीसु ना कव्हयो, वोना दिवस आहेत, जोन मा यो जोन काही तुम्हि चोवासो, उनमा लक कोनी गोटा लक गोटा नही बचेत, सबा नास कर दियो जाहेत। 7 उनना वोला पुसिन “हे गुरू यो सबा कबा होयेत? अना यो बात पूरो होवन को, का निसान सेत?” 8 तबा उ कव्हसे “होसियार रव्हो का कोनी, तुमिला नोको भरमाय, काहेका गजब लोकगीन मोरो, नाव लक आहेत अखीन सांगेत, का मी वोच सेव अना यो, भी का बेरा जवर आय गयो से, तुमी उनको मंघा नोको जावने।” 9 जबा तुम्ही लडाई-बलवा को, चरचा आयकने तो नोको, घबराने, इनको पुढा होवनो जस्री से, पर वोना बेरा अन्त नही होयेत। 10 तबा वोना उन लक कव्हयो, लोक पर लोक अखीन, राज पर राज चढाई करयेत। 11 अखीन मोठयो-मोठयो भुईडोल होयेत, अना जघा-जघा गिरानी पड़ेत, मरही आहेत अना वरता बादल मा, मोठो-मोठो निसान चोवेत। 12 पर इनलक पूढा लोग मोरो नाव को कारन, तुमला धराय देहेत, अखीन तगायेत अना सभाघर मा सोपेत, अना

जेल मा डाख देयेत, अना राजा न्यायईगिन को पृढा लेजायेत। 13 यो तुमरो लाय गवाही को बेरा होयेत। 14 एकोलाय आपरो-आपरो, मन मा ठान लेवका हमि उनको पृढा का कव्हनो से? यो चिन्ता नोको करने। 15 काहेका मि तुमीला असो बोल अना अक्ल देह, का तुमरो विरोध करनवालो, काप नही सकेत। 16 तुमरो माय-बाप अना, भाऊ कुटुम्ब, अना संगी भी तुमीला धराय देहेत, अना यहान तकन का तुमी लक कोनी-कोनी, ला मरवा डाखेत। 17 मोरो नाव को कारन सबा लोक तुमी लक बैर करेत। 18 पर तुमरो डोस्का को, एक चुन्दी भी नही उखान सकेत। 19 पर आपरो धिरज लक, तुमी आपरो पिरान बचाय राखो। 20 जबा तुमी चोवने का, येस्सलेम नगर सेना लक, धिरो सेत तबा जान लेवने, का वोको नास कठा सेत। 21 वोना बेरा जो यहूदिया परदेस मा सेत, उ पहाडी मा पराय जाय, अना जोन येस्सलेम नगर को भीतर सेत, उ बाहेर हीट जाय, अखीन जोन देस मा नाहती उ सहर मा नोको जाय। 22 काहेका उ बदला को दिवस होयेत, जोन मा पवीतर गिरंथ मा लिखयो सबा बात पूरो भई जाहेत। 23 वोना बायको को लाय, दूख को दिवस होयेत, जोन पेट ले सेत, अना वा लेकरा ला दूध पिलाय सेति। काहे का धरती मा गजब मोठो विपदा आ जाहेत। 24 लोकगीन तलवार लक, काप दियो जाहेत। अना उनला बन्दी बनाय के ना, गैरयहुदी लोकगीन मा लीजाय लेहेत। अना गैरयहुदी लोकगीन को लक, येस्सलेम नगर, जबा तकन बेरा पूरो ना भई जाय रवदो जाहेत। 25 दिन-चन्दा तारा मा हिदान होयेत, सागर गरजेत अखीन पूरा-पानी लक, धरती को सबा मानूस लोक घबरा जाहेत। 26 भेव को कारन मा अना संसार मा होवन वारा अचंभा को काम को कारन आवनवालो बेरा को बाट जोहत-जोहत, लोकगीन को जान ठिकानो पर नही रहेत। काहे का बादल को ताकत डुलायो जाहेत। 27 तबा उ मानूस को दूरा मोठो ताकत न महिमा को, संग बादल म आवत चोहेत। 28 जबा यो बात होवन लगेत, तबा आपरो, मान सीधो करके ना उठने, काहेका तुमरो सूटकारा जवर होहेत। 29 वोना एक उदाहरन लक समजायो, अँजीर को झाड ला चोवो, 30 जबा उन मा नवा पान आवासे, तबा तुम्ही जान लेवासो का उनहारी को मौसम आय गयो सेत। 31 तुमी जबा असो होवत चोवने, तबा यो जान लेने का परमेस्वर को राज जवर सेत। 32 मी तुम्ही लक खरो सांगासू, का जबा लक यो बात नही होयेत, यो पीढी को अन्त नही होयेत। 33 बादल अना धरती टल जाहेत, पर मोरो बात नही टलहेत। 34 एकोलाय होसियार रव्हने, असो ना होहेत एने जीवन को, भोग-विलास, नसा-पानी अना संसार को, चिन्ता मा तुमरो मन लग जाहेत, अना एकदम वोना दिवस जाल जसो आ जाहेत। 35 काहेका धरती मा रव्हन वालो, सबा पर असोच एकदम लक आफत आ जाहेत। 36 एकोलाय जागतो रव्हो अखीन, पिराथना करो का आवन वालो घटना लक, बचके न असो ताकत लक भर जावो का मानूस को दूरा पुढा उभो रह सको। 37 यीसु दिवस मा मंदिर मा उपदेस देवत होतो, अना रात मा उ नगर को बाहेर हिटके ना जैतून पहाड मा रात बितात होतो। 38 अना पहेट मा उपदेस आयकन काजी मंदिर मा लोक आवत होत्यो।

22 बेखमिरी भाकर को तिहार जोन ला, बलिदान तिहार कव्हसेत, जवर आय गई। 2 मोसे को नियम को गुरू अना लेखक, मुखिया याजक, यीसु ला मार डाखन को उपाय दूढत होतिन, पर वय जनता लक भेव करत होतिन। 3 वोना बेरा मा सैतान ना यदस इस्करियोति, मा धस गयो, यदस बारा चेला मा एक होत्यो। 4 वोना मोसे को नियम को गुरू अना मुखिया याजक लक, यीसु ला धरान को बारेमा चरचा करीस, का यीसुला उनको, हात धराय देयेत। 5 वोना खुस भई गयिन अना धन देवन को लोभ देईन। 6 यदस भिड लक अलग यीसुला, धरान को डाव दुढन लगिस। 7 बेखमिरी भाकर को दिवस आयो, वोना दिवस पाठी को बलिदान करनो जरूरी होत्यो। 8 यीसु पतरस अना योहन ला यो सांगके धाडिस, “जाओ बलिदान तिहार को तैयारी करो, का अपन सबा संग-संग जेवन करबीन।” 9 उनना यीसुला पुसिन, “कहाँ तैयारी करबीन हमला सांग का तोरो मन मा काय सेत?” 10 यीसु ना जवाब दियो, “जसो नगर मा धसने वसोच तुम्ही ला, एक मानूस घघरा मा पानी लेयके जावतो चोयेत, वोको मधा-मधा जावने अना उ जोन घर मा जायेत, वोच घर मा जावने। 11 अना उ घर को मालक ला सांगने का, गुरूजी यहान बलिदान तिहार मनानवालो सेत, मिजवान खोली कोनतो से? जहा उ आपरो चेला गीनको संग जेवन करहेत। 12 उ तुमला सजो अटारी मा खोली दिसाएत वहाँच तैयारी करने।” 13 वोना चले गइन अखीन यीसु ना जसो सांगो होतो, वसोच पाइन अखीन वहान बलिदान तिहार को जेवन तैय्यार करन लगिन। 14 जबा बेरा भयो, तबा यीसु चेला गीनको संग जेवन लाय बर्यो। 15 यीसु ना उनलक कव्हयो, “मोरो दिल मा यो गोस्टी होत्यो, का मी को बलिदान तिहार मा तुमरो संग मा जेऊ। 16 काहेका जबा तकन परमेस्वर को, राज पूरो रीति लक नहि आ जाहेत, मी मंग जेवन नहि करू।” 17 एको मधा यीसु ना बटकी लियो, अना परमेस्वर ला धनवाद देके कव्हयो “एला, आपसी मा बाट लेने 18 काहेका मि तुमी लक कव्हसू, का अज को मधा जबा तकन परमेस्वर को राज पूरी रिति लक नही आ जाहेत, मी अंगूर रस नही पिवन को।” 19 यीसु ना भाकर लियो अखीन, परमेस्वर लक पिराथना करके चेलागिन ला भाकर दियो, अखीन सांगिस यो मोरी देह आय, मोरो हेत करन को लाय असोच करने। 20 यो जेवन को बाद मा यो सांगत बटकी दियो अना कहो, “यो बटकी मोरो रक्त को बायदा को नवतो करार सेत जो तुमरो लाई बहायो गयो से।” 21 चोवो! जोन पातर मा जेवसे, वोच मा छेद करन वारा मोरो, संग से अखीन वोको हात ठाव मा से। 22 काहेका मानूस को दूरा ता जसो वोको लाय पक्को, करयो गयो से वसोच होहेत। “पर धिक्कार से वो मानूस ला, जो वोला धराय रहीसे।” 23 वोना एक दूजो लक पुसन लग्यो का, हमी लोक गीनमा कोन सेत? 24 चेला गीन मा विवाद बड गयो का, हमरो मा मोठयो कोन से? 25 तबा यीसु ना कव्हयो, “गैरयहुदी लोकगीन को, राजा उन पर सासन करासे, अना जोन उन पर अधिकार राखासे, उ उपकार करन वालो कहलावासे।” 26 पर तुमी असो नोको होवने, पर जो तुमरो मा मोठयो से, उ लहान जसो अना जो मुखिया से उ सेवा करन वालो को जसो बनेत। 27 कायलाई का मोठयो कोन से, जो जेवन करन बर्यो से? का उ जोन

सेवा करासे? का उ नहीं जो जेवन करन बसो सेस? पर मी तुमरो बीचमा नैकर जसो सेव। 28 पर तुम्ही मोरो परिकसा मा, हमेसा मोरो संग रहयो। 29 अना जसो परमेस्वर ना मोरो लाय एक राज ठरयायो से। 30 वसोच मी तुमरो लाया ठरयावास, जोन लक तुम्ही मोरो राज मा मोरो संग राजगद्दी मा बसो, संग जेवन करो, अना इसरायल राज को 12 गोत को नियायी बन जाओ। 31 पतरस ओ समौन चोव सैतान ना तुम्ही लोग गीनला मांग लियो से का गँहु जसो तुम्ही ला फटके। 32 पर मी तोरो लाय पिराथना कस्सेव का तोरो भरोसा, ना चलो जाय, अना जबा, तु वापस आवजोस, ता आपरो संगी भाऊ गीनला थामजोस। 33 पतरस ना बोला कहीस, का पिरभू! मी तोरो संग मा जेल जान लाय अखीन मरन लाय राजी सेव। 34 पर यीसु न कव्हयो, पतरस मी तोरो लक कव्हस का आज कुकडा को चिल्वनो को पढा, तू मोला तीन बार नकारजोस। 35 यीसु ना चेला गीनला कहीस, जबा मीना पियुसी, झोला अखीन सेंडिल को, बिना धाडयो होतो तबा, “काही चीज की कमी भई का?” 36 वय जवाब देईन का कोनी चीज की नहीं, एतरो पर यीसु ना कव्हयो, पर अबा मी कव्हसू अबा जेनको, कठा पियुसी से बोला धर लेव वसोच, झोला अखीन तरवार आपरो झंगा बिक केना आनलो। 37 काहे का मी तुम्ही लक कव्हसू, का यो जोन लिखयो से का उ दोसीगीन को संग गिनो गयो। वोको मोरो पर पुरो होवो जस्सी से, काहेका मोरो बारे मा यो गोस्टी पुरो होवो पर सेत। 38 उनमा कव्हयो, हे पिरभू चोव यहाँ दोन तरवार सेत! वोना कव्हयो लगत से? 39 तबा उ बाहेर हिटके आपरो आदत लक जैतून पहाड मा गयो अना चेला गीन, उनको मंघा भई गइन। 40 वोना जघा पहुचकेना वोना उन लक, कव्हयो तुम्ही परिकसा मा नोको, पडजोस यो काजी पिराथना करो। 41 तबा उ काही जरासो दूरी बनाय के, ना चेला गीन लगी अलग पिराथना करन लग्यो। 42 हे परमेस्वर मोरो बाप, यदि तोरी इक्सा से तो यो दुख ला मोरो पढा लक हटाय, ले। मंग मोरो नहीं तोरो मनसा, मोरो जीवन मा पुरो होहे। 43 तबा यीसु ला एक सरगदूत दिख्यो, जोना, बोला ताकत देतो रहयो। 44 यीसु संकट लक दूखी भय गयो अखीन गजब दूखी मन लक परमेस्वर लक पिराथना करन लग्यो। अखीन वोको पसी रकत को बुन्द जसो, थेम-थेम जघा मा टपकन लग्गिन। 45 तबा उ पिराथना करके ना उठयो, तबा आपरो चेला गीन, को जवर आयो चेला गीन उदास मन लक सो रहयो होतीन, तबा यीसु ना कव्हयो, तुमी काहेला सोवसो। 46 उठो अखीन पिराथना करो, क तुम्ही परिकसा मा नोको पडो। 47 तबा उ कव्हत होतो का एक भीड को, पढा-पढा, यीसु को चेला युदस आयो, उ यीसु को कना चूमा लेवन काजी, बढयो। 48 तबा यीसु ना कव्हयो हे युदस का तू चुम्मा लेयके, मानस को दूरा धरा रहोसे। 49 तबा यीसु को चेला गीन कव्हन लग्गिन, पिरभू का हमी तरवार चलाबीन? 50 अखीन उनमा लक एक ना तरवार कहाडके ना मुखिया पुजारी को, दास को जेवनो कान उडाय देईस। 51 तबा यीसु न कव्हयो बंद करो यो खून खराबा, अखीन वोको कान ला, वोको जगहा मा धरके ना, साजरो कर दियो। 52 तबा यीसु ना मुखिया पुजारी अखीन, मंदिर को रक्सक को मुखिया, अना सथानो गीन, जो वोना भीड मा लाठी-वाठी तरवार धरके ना आयो होतिन, उनला कव्हयो का तुम्ही

मोला, डाकू वाकू समझकेन, हथीयार धर के मोला मारन आयीसेव। 53 जबा मी मंदिर मा हर रोज तुमरो, संग होतो तबा तुमना मोला नहीं धरयात पर यो तुमरो बेरा से, वोका पर इन्धारो को अधिकार से। मतलब मोला मालूम से का सैतान मोरो, संग काजक करन वालो से। 54 मंग बोला धरकेना, मुखिया याजक को घर मा पहुँचा देइना। पतरस काही दूरी बनाय के, ना यीसु को मघा-मघा जावन लग्यो। 55 अखीन आँगन मा अघेटा पेटायो होतीन, वहाँच पतरस उनको बीच मा जायके बस गयो। 56 एक दूरी जो उनकी दासी होती पतरस ला, स्तो को उजाडो मा, चोवके ना कव्हन लग्गिस, यो भी वोको संग होतो। 57 पर पतरस मना करके ना कव्होसे, बाई मी बोला नहीं जानासू। 58 जरा देर को मघा कोनी दूसरो ना पतरस ला चोवके कव्हयो, “तू भी वोमा लोक गीनको संगी मा लक एक आस! पतरस ना कव्हयो, नहीं भाऊ मी नहीं सेउ।” 59 एक तासको बाद मा कोनी मानूस ना पक्को चीन्ह केना कव्हयो “खरो खर यो वोको संग होतो काहेका, यो भी गलीली मानूस से।” 60 पतरस ना कव्हयो “हुट भाऊ, मी नहीं जानासू, का तुम्ही काजक सांगसो?” उ जसो बोल रहयो होतो। वसोच कुकडा ना चील्लायो, कोक रे कोक। 61 अना पिरभू ना लवट के पतरस कना चोवयो, तबा पतरस ला हेत आयो का पिरभू ना बोला, काय कव्हयो होतो? का अज कुकडा को चिल्लान को पढा तो मोरो, तीन बेरा मुकर करजोस। 62 अना उ बाहेर हिटके ना बिलख-बिलख के रोवन लग्यो। 63 यीसु को पहरा देवन वालो सीपाही गीन, यीसु ला मजाक मा उडान लग्गिन अखीन बोला मारन पीटन लग्गिन। 64 ओनो डोरा मा पट्टी बान्धके ना बोला मारत होतिन अना कव्हत होतीन, का आवन वारो गोस्टी सांग अबा तोला कोन ना मारेत। 65 अखीन उनना योको गजब निन्दा करके ना, वोको विरोध मा गजब गोस्टी सांगन लग्गिन। 66 जबा दिवस हिटयो ता गजब सथानो, अना मुखिया याजक मोसे को नियम को गुरू गीन लेखक, इक्को भईन अना बोला, आपरो पंचायत मा आनके पुसन लग्गिन। 67 अदी तुम्ही मसीह सेव ता हमला सांग! अना उनना कहीस, यदि मी तुम्ही लक कँह ता, भरोसा नहीं करबीन। 68 अना यदि मी पुसू ता जवाब नहीं देवजोस। 69 पर अता मानूस को दूरा सबा लक मोटो, ताकत को परमेस्वर को उज्जो बस्यो चोवने। 70 एतरो पर सप्पा को सप्पा सांगन लग्गिन, ता का तूच परमेस्वर को दूरा आस? यीसु ना जवाब दियो तुम्ही कव्होसे का मीच आँव। 71 येको पर उनना कव्हयो “अबा आमला अखीन गवाही को, का जस्तर से?” आमी ना ता खुद वोकोच तोन्ड लक आयकसेजन।

23 तबा सबा पंचायत उभो भय गइन, अखीन पिलातुस न्यायी को कठा ला गइन। 2 अना सबा असो दोस लगावन लग्गिन, का यो राजा कैसर ला जमा देवन लाय मना करासे, अखीन आपरो आप ला राजा कव्होसे, अना लोग लोक गीनला राजा को खिलाफ भडकावसे। 3 तबा पिलातुस न्यायी ना पूसयो का यो बात खरो सेत? का तू यहदी लोकी को राजा आस? तबा यीसु ना कव्हयो, तू खुदच सांगसे। 4 तबा पिलातुस ना मोसे को नियम को गुरू अना, मुखिया याजक लोक गीनला सांगीस, मोला यो मानूस मा काही खोट नहीं चोवासे। 5 पर वय मजबूती लक सांगीन, यो गलील परदेस लक

सबा यहूदिया मा उपदेस देके ना, लोकगीन ला उकसावासे। 6 यो पर पहाड़ी पड़ जाय अना पहाड़ ला कहेत, का हमला ढाक लेव। आयक के पिलातुस ना पुसयो, का यो गलीली मानूस आय? 7 31 काहे का यदि कोनी हरो-भरो झाड़ लक असो करासेत, ता वोको अना यो जानके का यो राजा हेरोदेस को राज को अधिकार मा सेत, सूक्को काडी को काजक हाल होवते। 32 वय यीसु को संग दुई वोना वोला राजा हेरोदेस को कठा धाडीस, काहेका उ वोना दिवस आपराधी गीन ला मारन लाय ले गइन। 33 वय कवटी नाव की जघा मा येस्सलेम नगर मा होतो। 8 राजा हेरोदेस ना यीसु ला चोवके मा पहुँचीन वहान, उनना यीसु ला अना दोन अपराधी इनला कूरुस गजब खुसी भयो, काहेका वोला गजब दिवस लक चोवन को आस पर चघाइन, एक ला वोको उज्जो कन अना दुजो ला डाख्या कना। होत्यो। काहेका व आयको होतो का यीसु गजब अचंभा भरो निसान चोवासेत। 9 उ वोको लक गजब सवाल करत रहयो, पर यीसु उघा 34 यीसु ना कहीस, हे बाबूजी इनला, छिमा कर काहेका यो नहीं मुधा रहयो। 10 अना पुरोहित अना मोसे को नियम को गुरु, मुखिया यीसु का कपरा ला आपस मा बाट लेइन। 35 जनता उभी होयके यो याजक देह मन लक वोको, पर दोस मदन लगीन। 11 तबा राजा सब चोय रही होतीन। मुखिया गीन यो कहके, येसु को मजाक करत हेरोदेस ना आपरो सीपाही गीनको संग, वोला खरो-खोटो कव्हके होतीन, का वोना दूसरो ला बचाइसेस। यदि यो परमेस्वर को मसीह वोको मजाक उडाइन, अना माजाकी कपरा घालके वोला, पिलातुस से अना यदि परमेस्वर येला बेचयो सेस, ता यो आपरो आप ला न्यायी को जवर लवटा देइन। 12 वोच दिवस लक न्यायी पिलातुस बचाये। 36 सीपाही गीन मजाक करन लगीन, वोना वोला सिरका अना राजा हेरोदेस संगी-संगी बन गइन, एको मंघा एकमेक को देता कव्हन लगीन। 37 यदि तू यहूदिगीन को राजा आस, ता आपरो बैरी होतिन। 38 यीसु को कूरुस पर भी लिखयो होत्यो। “यो याजकगीन ला बुलाके सांगयो, 14 “तुम्हिना यो मानूस ला जनता यहूदी गीन को राजा से।” 39 कूरुस पर टाँगो एक खोटो काम करन ला, बहकावन वालो सांग के ना मोरो कठा आनी सेव, अना मीना वालो यीसु निन्दा करके, ना कव्हन लगीस, तू मसीह आस ना? ता तुमरो पूढा जायके यो मानूस मा जाँच करयो, अना एकोमा कोनी खुद बच अना हमला बचाव। 40 पर दूसरो न वोला डटकार देईस खोट नही पाइसेव। अखीन कव्हयो, का तोला परमेस्वर को भेव नहात? तू भी वोच दन्द भोग रहयो सेस, जोन वोला मीलो से? 41 पर हमी आपरो करनी को पायोसेऊ, का वोला पिरान दन्द दियो जायेत। 42 तबा यीसु ला कहीस दन्द पाय रही सेजन, पर यो तो नेक से। 43 यीसु ना वोला वोला, पिटवा केना सोड़ देसू।” 17 काहे का यो तिहार मा एक कैदी होवजोस। 44 दोफारी को बेरा होतो वोना बखत तीसरो पहर मा सप्पा ला सोड़नो जरूरी होत्यो। 18 पर सप्पा चिलावन लगीन, का अमरो देस मा इन्धार छांय गयो। 45 दिनो उजयारी चले गयो अना मंदिर काजी बरब्बा नाव को कैदी ला, सोड़ देव अना येला मार डाको। को पड़दा बीच लक फटके दोन टुकड़ा भय गयो। 46 यीसु ना ऊचो होतयो। 19 बरब्बा कोनी झगडा को कारन लक, बन्दी घर मा टाक दियो लक चिल्लायो हे दाअजी जी मी आपरो आतमा ला तोरो हात मा 20 पर राजा पिलातुस ना यीसु ला, सोड़न को मनसा लक, सोपसू अखीन वोको जान हिट गयो। 47 सेना को मुखिया यो चोवके जनता ला अखीन समजायो। 21 पर जनता चिलान लगीन, का ना परमेस्वर को भजन बड़ाई करन लग्यो, अना कव्हयो खरो खर “वोला कूरुस मा चघावो! कूरुस मा चघावो!” 22 राजा ना तिसरो यो मानूस न्यायी होतो। 48 गजब जनता यो चोवन लाय इक्कठो भय बार कव्हयो, “काहे यो मा कोनतो, खोट सेत?” मीना वोको मा गयो होतो, उ सब यो चोवके ना अपरो मन मा रोवत ललावत लवट कूरुस मा चघावन को लाय कोनी गोस्टी नही पाई सेव! एकोलाय मी गइन। 49 यीसु को जान पहचान को लोक गीन दूहर उभो होतीन, वोला, पिटवाये केना सोड़ा सेऊ। 23 पर जनता चिल्ला चिल्लाके, अना उन्मा काही आई-माई होतीन, वा गलील परदेस लक यीसु को वोको मंघा पडगइन, अना चिल्लानो गजब बढ गयो। अना चिलावन मंघा-मंघा आई होतीन। अना यो सब चोवत होतीन। 50 यूसुफ नाव लगीन का, वोला कूरुस पर चघावो। 24 तबा राजा पिलातुस ना को एक भला मानूस होतो, वोको अँदर कोनी कपट नही होत्यो, अना हुकूम देइस, का उनको निरनय को अनुसार कियो जाय। 25 तबा उ नेक मानूस होतो। 51 वोको यो काम मा कोनी हात नही होतो, यो यूसुफ नाव बरब्बा जोन हिन्सा अना जानलक मारन को आरोप मा होतो वोला यहूदिगीन को परदेस अरिमितिया गाँव को निवासी होत्यो। अना उ छोड़ देइस, अना यीसु ला उनको मनसा को लक उनला सोप देइस। 52 वोना राजा पिलातुस 26 एक कुरेनी नगर को मानूस जोको नाव सिमोन होतो, उ गाव लक परमेस्वर को राज को बाट जोहत होत्यो। 53 वोना लास आ रहयो होतो। वोला धरकेना वोको पर कूरुस ला लाद देइन, अना ला कूरुस लक खाल्या उतार केना, मलमल को साजरो कफन मे वोला यीसु को मंघा मंघा चलन को हुकूम देइन। 27 जनता को गजब नही राखयो होत्यो, उ कबर चट्टान मा खुदो होतो। 54 वोना लास 28 यीसु ना लपेट केना, असो खोली जसो मरघट्टी मा ठेव दियो जहान कोनी ला लाई नोको, रडो पर आपरो लाय अना आपरो, लेकरा गीन लाई सूकीरवार होतो, अना पवीतर दिवस सुरु होवन वोरो होतो। 55 जोन रोओ। 29 काहेका उ दिवस आय आहेती, जबा लोक गीन कहेत का आई माई गलील परदेस लक आयी होतीन, उनना यूसुफ को मघा-वा बायको धन्य से जो वाखाड से, अना लेकरा को जलम पासुन दुध मघा जायके ना मरघट्टी ला चोवीन, का यीसु को लास ला कसो ठेयो नही पिवाइसेस। 30 तबा लोक गीन पहाड़ी ला कहेत, का आमरो

गयो से? 56 तबा उनना आयके सुगंधित चीज अना इतर तैय्यार करीन अखीन पवीतर दिवस मा हुकूम को लक आराम करीन।

24 हफ्ता को पहलो दिवस मा दिवस उगन को पृढा, बेजा सुगंधित चीज इतर आन के तैय्यार करयो होतीन लेके मरघट्टी मा आइन। 2 अना उनना मरघट्टी को गोटा लुङको पाइन, 3 अना खोली जसो कबर मा धसके चोवीन, पर पिरभू यीसु की लास नहोती। 4 वा ऐना बात ला चोवके चकीत भई गइन, तबा दोन मानूस चमकतो जामा घालयो उनको जवर आयके उभो भय गइन। 5 जबा वय थरथराय के जमीन कना नजर ला खाल्या करके उनना उनला कहिन, का तुम्ही जितो ला मरया हुवा मा काहे दुडासेव? 6 उ यहाँ नहात पर मरयो हुयो जितो भय गईसे, अना हेत करो का वोना गलील मा रव्हतो बेरा काजक कव्हयो होतो? 7 का यो जरूरी से, का मानूस को दुरा पापी लोक गीनको, हात लक धरयो जाहे अना कूरूस पर चघावो जाहे, अना परो को दिवस जितो भय जाहे। 8 तबा उनला वोको यो गोस्टी हेत आई। 9 तबा मरघट्टी लक लवट केना, उनना वय अकरा लोक गीनला अना सबला गोस्टी कहिन, अखीन आयकवाइन। 10 जोन चेलागीन लक यो गोस्टी कहिन, कबर मा जान वालो आई-माई वा मरियम मगदलीनी अना योअन्ना अखीन याकूब की माय मरियम अना लगत आई-माई होतीन। 11 पर उनला यो गोस्टी किस्सा-कन्था जसो लग्यो, यो काजी उनना उनको भरोसा नही करीन। 12 तबा पतरस उभो भयो अना मरघट्टी चोवन काजी पराय गयो, अना उ वोनो होयके, चोयो वहान पर कफन च होतो, जोन भयो वोला सोचत-सोचत अचंभा करत आपरो घर चलो गयीन। 13 वोच दिवस उन मा लक दुई जन इम्माऊस नाव को गाँव मा जावत होतीन, उ गाँव येस्सलेम नगर लक कोनी अकरा किल्लो मीटर दुहर होतो। 14 अना यो सबा घटना जो येस्सलेम नगर मा हुयो होतो, वोच मा आपस मा बातचीत करत होतीन। 15 जबा वय आपस मा बात करत होतिन, तबच यीसु उनको संग-संग चलन लग्यो। 16 पर उनको डोरा ला असो बंद कर दियो होतो, का वय वोला नही चीन्ह सकिन। 17 वोना उनला पुसयो तुम्ही आपस मा चलत-चलत काजक बोलासो गा? तबा वय उभो होयके उदास भय गईन। 18 यो आयक के क्लियुपास नाव को मानूस ना कव्हयो, का तुम्ही येस्सलेम नगर मा एकलो परदेसी सेस, जोन यो नही जानासो का? येना दिवस मा काजक-काजक भयो से। 19 यीसु ना उनला पुसयो कोनतो, बात गा? उनना वोको लक कव्हयो परमेस्वर को भविष्यवक्ता यीसु नासरी को बारे मा उ सबा लोक गीनको बीच परमेस्वर को काम अना गोस्टी ला 20 मोसे को नियम को गुरू अना मुखिया याजक ना वोला धरवाके, वोला जान लक मारन को दन्द दिलवाइन अना कूरूस पर चघाय डाकिन 21 हमिला यो आस होत्यो का योच हमरो इसरायल लोक ला सुटकारा दिलाहेत, अना यो घटना परो को दिवस घटो होतो। 22 अमरो बीच लक काही आई-माई सक्कारी मरघट्टी मा गई होतीन, उनना हमला चकित कर देइन। 23 वोना कव्हत होतीन, का लास गायब से अना, सरगदूत ना हमला सांगिसेस का यीसु जितो से। 24 तबा हमरा संगी गीन मरघट्टी मा गईन, अना उनना चोइन का खरो-खर, लास गायब से। 25 तबा

यीसु कव्हसेत, हे कम भरोसा को, तुमरी अक्कल मा गोटा पड गयो का, तुम्ही भविष्यवक्ता गीन पवीतर गीरंथ ला नही समजासो? 26 का यो जरूरी नहात? का मसीह यो सबा दुख उठायेके, महिमा मा जाय। 27 तबा यीसु ना मोसे गुरूजी अना, सब भविष्यवक्ता गीनको पवितर गीरंथ लक, वोको बारे मा जोन काही लिख्यो से उ सबा समजाय दियो। 28 येतरो मा उनको गाँव आय गयो पर यीसु पुढा बढन लग्यो। तबा 29 उनना यीसु ला कहिन, का गोधुली बेरा भय गईसे, अता तु हमरो घर मा स्क जा। 30 जबा उ उनको संग जेवन करन बस्यो, ता वोना भाकर लेय के परमेस्वर ला धन्य वाद देके तोडिस, अना उनला देवन लग्यो। 31 तबा उनको डोरा उघड गयो अना उनना वोला चिन्ह लेइन। तबा उ वहान लक गायब हो गयो। 32 उनना आपसी मा सांगन लागीन, जबा उ रस्ता मा आमी लक, गोस्टी करत होतो अना पवितर गीरंथ लक सांगत होतो, ता हमरो मन मा खुसी होयेत होतो। 33 वय वोच बेरा उभो भईन, अना येस्सलेम नगर लवट गइन, अना उन अकरा चेला अखीन उनको संगि गिनला जमा भयो पाइन। 34 उ कव्हत होतिन पिरभू खरो-खर, मरयो हुयो जितो भयो से। अना वोको, चेला समौन ला चोविसेस। 35 तबा उनना रस्ता को सकड्या गोस्टी उनना सांग दियो। 36 वोना यो घटना को पर गोस्टी करत होतीन, का यीसु उनको बीच मा आयके, उभो भयो अना कव्हयो, तुमला सान्ती मिल्हे। 37 पर वोच चकीत भई गइन अना, डर के सोचन लागीन कोनी आतमा भूत से। 38 यीसु ना उन लक कव्हयो, तुम लोग गीन काहे घबरा रही सेव? तुमरो मन मा काहे सका से? 39 मोरो हात अना पाय चोवयो मीच सेव, मोला टोटर के चोवो काहेका, आतमा को हाड-मास नही होतो, जसो तुम्ही मोला चोव रही सेव। 40 यो सांग के ओना कहकर उ ना वोला आपरो, हात अना पाय दिसायो। 41 जबा खुसी को मारे ले, वोला भरोसा नही भयो, ता वय आचरज करन लागीन, ता वोना उनको लक पुसिस, का तुमरो कठा कहि जेवन को सेत। 42 वोना वोला भुजि मसरी को टुक्का देईस। 43 वोना वोला लेइस, अना उनको पृढा जेव लेइस। 44 यीसु ना चेला गीन ला कहीस, मीना तुमरो संग रहतो बेरा कव्हयो होतो, की जो काही मोसे को नियम अना, भजन भविष्यवक्ता गिनको कीताब मा लिखयो, से सबा को पूरो होवना जरूरी से। 45 तबा वोना उनको अक्कल ला उघाड देइस, का उनला पवितर गीरंथ समजमा आ सके। 46 अना उन लक कहीस, पवीतर गीरंथ मा असो लिखयो, से का मसीह दुख उठायेत अना परो को दिवस मरो लक, जिव जाहेत। 47 अना येस्सलेम लक सुरू करके सबच लोक गीनमा वोको नाव लक पाप की छिमा लाई मनफिरावन अना पस्तावा को परचार करयो। 48 तुमी यो गोस्टी को गवाह सेव। 49 चोवो! जोनको वादा मोरो बाबूजी ना कियो से, मी वोला तुमरो पर उतारीन, अखीन जब तकन सरग लक सक्ती नही भेटेत तुम्ही येस्सलेम-नगर मा रव्हने काहेका, जबा उ वरदान आहेत, तबा तुम्ही परमेस्वर को ताकत लक, भरपूर होय जाने। 50 असो सांगत-सांगत वो चेला गीनला बैतनिय्याह गाँव तकन ले गयो, अना उनना आपरो हात उठायेके, न आसीस देइस। 51 यीसु आसीस देत-देत उन लक बेगरो भय गयो, अना सरग मा उचल लियो गयो। 52 चेलागिन

बोला परनाम करके बोको स्तुति करत खुसी लक, येस्सलेम नगर
लवट गइन। 53 अना मंदिर मा परमेस्वर को बड़ाई करन लगीन।

योहन

1 सबमा सुरू मा सबद होतो। अना सबद परमेस्वर को संग्ता होतो।

अखीन सबद परमेस्वर होतो। 2 वोच सुस्मा परमेस्वर को संग्ता होतो। 3 सबच काही वोकोच लक जलम भयो से, उनमा लक कोनी भी चीज वोको बगर जलम नही भयेव। 4 वोको मा जिंदगी होतो, अना वा जीन्दगी मानूस गिनको उजाडो होतो। 5 अखीन उजाडो इंधारो मा चमकासे अना इंधारो बोला नही अपनाय सकयेव। 6 परमेस्वर को कन लक एक मानूस आयो, वोको नाव योहन होतो। 7 उ सच्चो उजाडो को बारे मा सबला गवाही देन आयेव होतो, का सब वोको गोस्टी ला मानके भरोसा करेत। 8 उ खुद उजाडो नहोत, मंग उ सच्चो उजाडो को बारे मा साँगन आयेव होतो। 9 उ उजाडो जोन खरो से, वा हरेक मानूस मा उजाडो कर देसे। असो उजाडो दुनिया मा आवनवारा होतो। 10 उ दुनिया मा होतो, अना सप्पा दुनिया वोको लक जलम लेयी होती, तरी दुनिया को लोक गीनना बोला नही चिन्हो। 11 उ आपरो घर मा आयो, अना वोकोच घरवारो ना बोला धुतकार देइन। 12 पर जितरो ना बोला आपनाय लेइन, उनला वोना परमेस्वर को दूरा-दूरी होवन को हक देइस। मनजे जोन लोकगीन वोको नाव पर भरोसा राखासे। 13 की जसो रक्त लक मानूस जलम होवासे, ओनो पिरकार लक वय जलम नही लेईन तरी उनको अजी स्वता परमेस्वर से। 14 अना सबद देह मा आयो अना दया अखीन खराई लक आमरो बीच मा रहयो अना आमी ना उ परमेस्वर को दूरा को महिमा आपरो डोरा लक चोवयो सेजन। 15 योहन ना वोको बारे मा गवाही दियो से। अना हाकल के कव्हयो “यो वोच से जोन को बारे मा मिना साँगयो होतो, जोन मोरो मैँधा आवनवालो से, मोरो लक मोठयो से, काहेकि उ मोरो लक पयले होतो।” 16 काहे का वोको मोठयो दया लक एक नही पर आमी ला दुई बार दया मिलि से। 17 एको लाय का मोसे को नियम ता मोसे ना दियो से। पर खराई अना दया यीसु मसीह सूटकारा देवन वालो लक धाडियो गयो से। 18 कबच कोनी न परमेस्वर ला नही चोयोसेस, पर परमेस्वर को दूरा नाच परमेस्वर ला चोवयोसेस, काहेका जोन वोकोच कन लक आईसे, वोनाच परमेस्वर ला चोवायोसेस। 19 जबा यहूदिगीन ना यस्सलेम मा याजक अना लेवी दासगिन ला योहन लक यो पुसन काजी धाडीन का “तू कोन आस?” 20 ता वोना यो गवाही देइस अना बिना संका को राजी भय गयो। “की मी मसीह नही सेव।” 21 तबा उनना योहन लक पुसिन, “मंग तू कोन आस?” “का तू भविस्वक्ता एलिय्याह आस?” योहन ना कव्हयो “मि एलिय्याह नही सेऊ” तो “का कोनी मोठयो भविस्वक्ता सेव?” योहन ना कहीस, नही। 22 तबा उनना वोको लक पुसिन का तू कोन आस? जोन ना आमला धाडीसेस उनला आमी काजक साँगबिन? “तू आपरो बारेमा काजक कव्हसेस?” 23 योहन ना कव्हयो, जसो भविस्वक्ता यसायाह ना साँगिसेस “जंगल मा एक हाकलनवारा को आवाज का पिरभू को पंथ ला सरल करो।” मि वोच सेव। 24 वय मोसे को नियम को गुरू को कन लक धाडो गयो होतिन। 25 उनना योहन लक पलट के पुसिन, “तू ना ता मसीह ना तो भविस्वक्ता ना ता

एलिय्याह आस। मंग तू काय साठी बसिस्मा देसेस?” 26 तबा योहन ना जबाब दियो, “मि तो तुमी ला पानी मा बसिस्मा देवास, पर तुमारो बीच मा एक मानूस उभो से, जेनला तुमी नही जानसो। 27 मतलब मोरो मैँधा आवनवालो से, जोन मोरो लक ज्यादा साजरो से, मि जोन को जूता की दोरी खोलन लायक भी नही सेऊ।” 28 यो गोस्टी यरदन नदी को वोनागन बैतनिहा गँव मा भयो होतो जहान योहन बसिस्मा देत होतो। 29 दुसरो दिवस मा योहन बसिस्मा देवनवारा ना यीसु ला आपरो कन आवता चोइस अना कहीस, चोवो यो परमेस्वर को पाठी से, जो दुनिया को पाप ला उचल ले जावसे। 30 जोन को बारेमा मीना साँग्यो होतो, क एक मानूस मोरो मंधा आवन वारा से यो वोच से, जोन मोरो लक साजरो से काहेका उ मोरो लक पढा होतो। 31 अना मी बोला चिन्हत नही होतो। पर यो काजी मी पानी मा बसिस्मा देवस का यो गोस्टी इसरायल जाती मा सब ला मालूम भई जाहेति। 32 अना योहन ना यो गवाही देइस, मी ना परेवा को जसो आतमा ला सरग लक उतरतो चोयी सेऊ अना आतमा आयके वोको वरता स्क गयो। 33 अना मी ता बोला चिन्हत नही होतो। पर जोन परमेस्वर ना मोला पानी लक बसिस्मा देवन लाय धाडिसेस, वोना मोला सांगीस, का तुमी जोको वरता आतमा ला उतरतो अना स्कतो चोवजोस वोच पवितर आतमा लक बसिस्मा देवनवारा से। 34 अखीन मीना चोवयो अना मि साँगस, का योच परमेस्वर को दूरा आय। 35 दुसरो दिवस योहन ओको दुई चेला को संग्ता उभो होतिन। 36 जबा उनना यीसु ला चलता चोयो, तबा कव्हन लगयो, चोवो यव परमेस्वर को पाठी आय। 37 तबा वय दुई चेला ना यव आयकिन ता यीसु को संग्ता भय गईन। 38 यीसु ना मुरक के उनला मंधा आवता चोयो, ता पुसासे, तुमी कोन ला चोवासेव? तबा उनना कहिन, हे गुरू तू कहाँन रव्हसेस? 39 तबा यीसु ना चेलाहुन ला कव्हसे, “चलो अना चोय लेव” तबा वोना जायके वोको रव्हन को जघा चोयो अना वोको संग्ता रहयो, यो महातनी बेरा होती। 40 जोन चेला योहन को गोस्टी आयकिन होतीन यीसु को मंधा भई गयी होतीन, उन दुही मा लक समोन अना एक अंदियास नाव को होतो। 41 अंदियास पयले आपरो सगो भाऊ समौन ले भेटयो अना बोला कव्हयो “आमला बचावन वारो मसीह मिल गयो से।” 42 तबा अंदियास ना समौन ला यीसु को जवर अनिस। तबा वोना टकटकी लगायके ओला चोयके कहीस, “तू योहन को दूरा समौन आस, तू पतरस कहलाजोस।” 43 दुसरो दिवस यीसु ना गलील जानो को निरनय लेवो, । उ फिलिप्पुस लक भेटयो अना ओको लक कव्हयो “मोरो मंध होय लेव।” 44 फिलिप्पुस, अन्दिरयास, अना पतरस को नगर बैतसेदा को रव्हन वारा होतीन। 45 फिलिप्पुस नतनएल लक भेटयो अना वोको लक कव्हयो जेनको बारेमा भविस्वक्ता मोसे ना, मोसे को नियम मा अना पवीतर भविस्वक्ता गीनना पवीतर गिरंथ मा सांगिने, उ हमला मिल गयो से, उ यूसुफ को दूरा यीसु आय, जोन नासरत नगर मा रव्हसे। 46 नतनएल ना वोको लक कहीस, का कोनी साजरो चीज नासरत नगर लक हीट सकासे? फिलिप्पुस ना वोको लक कव्हयो, आयके चोय ले। 47 यीसु ना नतनएल ला आपरो कन आवत चोवके वोको बारेमा कव्हयो, “चोवो एकोमा कपट नहात, यो खरो-खर इसरायली से?” 48 नतनएल ना वोको लक कव्हयो, तू मोला कसो जानासेस?

यीसु ना वोला जवाब दियो, ओको लक पुढा की फिलिप्पुस ना तोला हाकलीस, जबा तु अँजीर को झाड़ को खाल्या होतो, तबा मिना तोला चोवयो होतो। 49 नतनएल ना वोला जवाब दियो, “हे गुरू तु परमेस्वर को दूरा, अना इसरायल जाती को महा राजा आस।” 50 यीसु ना उनला जवाब दियो, “मीना जो तोरो लक कव्हयो का मिना तोला अँजीर को झाड़ को खाल्या चोवयो सेव का तु एकोलाय भरोसा राखासे? तू एको लक मोठो-मोठो काम चोवजोस।” 51 मंग वोको लक सांग्यो मी तूमी लक खरो-खर सांगसू का, “तुमी सरग ला उघडो ह्यो अना परमेस्वर को सरगदूत गिनला वरता जातो अना मानूस को दूरा ला खाल्या उतरतो चोवने।”

2 मंग परो को दिवस गलील छेतर को काना नगर मा कोनी को बिहाव होतो, अना यीसु की माय भी उता होती। 2 यीसु अना वोका चेला गीन भी नेवता मा आयो होतीन। 3 जबा पिवनो को लाई अंगूर को रस खत्म भय गयो। ता यीसु की माय ना कहीस, “अता उनको जवर ता अंगूर को रस नाहती।” 4 यीसु न कहीस। अवो माय, अबा मोरो काजक काम से? अबा यो काम करने की बेरा नहात। 5 ओकी माय नौकर गीनला कव्हासे, उ जोन काही करन ला सांगेत वोच करने। 6 उता यहूदी-जात सुध्द करन को रिती-रिवाज को लक गोटा को सह गजब मोठो भांडो राखी होतीन, उनमा एक-एक मा संबर लिटर को लगभग रस समावत होत्यो। 7 यीसु ओन्हीसीन कव्हसे, भांडो मा पानी भर देव, अना यीसु को कव्हन लक, ओन्हीसीन भांडो ला टोंड तकन लबा-लब भर देयि होतीन। 8 तबा वोना ओन्हीसीन कव्हासे, हेडके हांडी रांधिया को जवर ले जावो। 9 जबा हांडी रांधिया ना वा पानी ला चाखीस, जोन अंगूर को रस बन गयो होतो। अना ओन्हीसीन नही जान पाईन का किता लक आइसे, पर वोको नौकर गीनला यो सब कान्ड मालुम होतो। तबा हान्डी रांधिया ना नवरदेव ला हाकलके कहीस, 10 “हर कोनी मानूस पुढा निट-नाट अंगूर को रस देवासे, अना जबा लोकगीन को जिव भर जासे तबा फिको देवासे, पर तुना अबा लक निट-नाट अंगूर रस बचाय राखिसेस।” 11 यीसु ना गलील को काना नगर मा आपरो यो पयलो निसान दिसाय के आपरी महिमा ला दिसाइस। अना ओको चेला ना वोको पर भरोसा ठेइन। 12 येको मंघा वा अना वोकी माय अना भाऊ अना चेला कफरनहुम नगर ला गईन अना उता काही दिवस रहीन। 13 यहूदिगीन को फसह को तिहार जवर होतो, अना यीसु यस्सलेम ला गयो। 14 वोना मंदिर मा मेढा परेवा बईल बिकनवालो अना सोना-चांदी ला बदलन वारो ला बसा चोवसे, 15 एकोलाई वीने रस्सी को कोडा बनायीस अना सब मवेसीहून ला बाहेर मंदिर लक हेड देयो होत्यो। अना सोनार गीन को पैसा ला बगराय देयो होतो, अना पीढा ला उलट देयो होतो। 16 अना परेवा बिकन वारो ला साँगीस, इनला इता लक ले जावो! मोरो परमेस्वर को घर ला, धंधा करन को सराव नोको बनाव। 17 तबा ओको चेला गीनला हेत आई, का गिरंथ मा लिखयो से, “तोरो घर को लाई मोरी धून मोला खाय डाकेत।” 18 एतरो पर यहूदी लोक ओको लक कव्हासेत। तु असो काम करासेस, ता आमी ला काही निसान दिसाव। 19 यीसु ना उनलक जवाब मा कव्हासे, “यो मंदिर ला

पाड देव, अना मी एला तीन दिवस मा उभो कर देह।” 20 यहूदी लोकगीन ना कहिन, “यो मंदिर ला बनावन मा छियालीस साल लागीसेत। अना का तु वोला तीन दिवस मा उभो कर देवजोस?” 21 पर वोना आपरो देह स्मी मंदिर को बारे मा कव्हयो होतो। 22 अना जबा उ मरो मा लक जितो भयो, तबा ओको चेला गीनला हेत आई, का वोने उनलक यो कव्हयो होतो, अना उनना परमेस्वर को पवितर गिरंथ अना उ परमेस्वर की गोस्टी पर, जोन यीसु ना साँग्यो होतो भरोसा राखीन। 23 यीसु यस्सलेम नगर मा फसह को तिहार मा होतो, अना उ जोन निसान दिसावत होतो, ओला चोवके लोकगीन यीसु नाव पर भरोसा ठेइन। 24 पर यीसु ना आपरो आप ला, उनको भरोसा मा नही छोडीस, काहेकी उ उन मानूस को मन ला जानत होतो। 25 यो काजी वोला मानूसहिन ला गवाही देवन को जरूरत नही होतो।

3 याजक अना मोसे को नियम को गुरू गीनमा नीकुदेमुस नाव को एक मानूस होतो जोन यहूदी लोकगीन को मुखिया होतो। 2 वोना रात मा यीसु को जवर आयके वोको लक कहीस, “हे पिरभू तु परमेस्वर कन लक गुरू होयके आईसेस, काहे की जो निसान तु दिसावासेस, अदी परमेस्वर वोको संग नही सेत तो उ नही दिसा सकासे।” 3 यीसु ना खरो जवाब देइस, ओला साँगीस, की अदी कोनी मानूस नवतो रीती लक जलम नही लेवासे, तो उ परमेस्वर को राज कभी नही चोय सकेत। 4 नीकुदेमुस न ओको लक कहीस मानूस जब बुडगा भय गयो, तबा उ कसो जलम ले सकासे? का वा आपरी माय को कोख लक दुसरो बार जलम लेहेत। 5 यीसु ना खरो जवाब ओला देईस, “मी तुमी लक कव्हसू, जब तकन कोनी मानूस, पानी अना आतमा लक नही जलम लेहेत, ता उ परमेस्वर को राज मा धस नही सकासे। 6 काहे की जोन तन लक जलमो से उ तन सेत, अना जोन आतमा लक जलमो से वा आतमा सेत। 7 काहे चकित होवा सो, की मीना तोरो लक साँगिसेव, तोला नवतो रीती लक जलम लेनो जरूरी से। 8 वारा जितानी कन चाव्हासे उता कन चलासे, अना तु वोको सबद आयकासे, पर नही जानासो की वा किता लक आवासे अना किता लक जासे? जोन कोनी आतमा लक, जलमो से उ असोच से।” 9 नीकुदेमुस ना वोला जवाब देइस, “असो-कसो होय सकसे?” 10 यो आयक के यीसु ना वोको लक कहीस, “तु इसरायल लोक को गुरू होयके भी, यो गोस्टी ला नही समझीसेस।” 11 मी तोरो लक खरो कव्हसू, “आमी जोन गोस्टी जानसेजन वोला कव्होसेजन, अना जोन आमी ना चोवोसेजन ओकी गवाही देवासेजन, अना तुमी आमरो गवाही पर भरोसा नही करासो। 12 जबा मीना तुम लक, धरती की गोस्टी साँगिसेव, तो तुमी न भरोसा नही ठेवासो, अना मी तुमला सरग की गोस्टी साँगु तो कसो भरोसा ठेवने।” 13 कोनी सरग मा नही चघयो से, पर उ चघयो से जोन सरग मा लक खाल्या उतरयो से। मजे “मानूस को दूरा” जोन सरग मा से। 14 अना जोन रीत लक, मोसे भविष्यवक्ता ना जंगल मा, सरप ला, वरता चघायो होतो। वोच रीत लक जरूरीसे की “मानूस को दूरा” भी वरता मा चघायो जाय। 15 एकोलाय जोन कोनी, वोको पर भरोसा राखेत, उ अमर जीवन पाहेत। (aiōnios g166)

16 काहेका परमेस्वर ना संसार लक एतरो माया राखियो, का वोना आपरो चहतो एकच दूरा ला दे देईस। एकोलाय जोन कोनी वोको पर भरोसा राखेत, उ नास नही होहेत पर अमर जीवन पाहेत। (aiōnios g166) 17 परमेस्वर ना आपरो दूरा ला दन्ड देवन ला नही, पर संसार ला सूटकारा देवन लाय धाडीसेस। 18 “जोन कोनी ओको पर भरोसा राखेत, वो दन्ड नही पाहेत, पर जो लोकगीन भरोसा नही करयेत, वो खोटो मानो जाहेती। ऐको मायना असो से का उनना, परमेस्वर को एकलो चहेतो दूरा को नाव पर भरोसा नही राखिन। 19 अना दन्ड को यो कारन से, की उजाड़ो जगत मा आयो पर मानुसगिन ना इंधारो ला उजाड़ो लक ज्यादा माया करीन, काहेका, उनको काम खोटो होतीन। 20 काहेका जोन कोनी खोटो काम करनवालो को संगी से, उ उजाड़ो लक गुस्सा राखासे। अना उजाड़ो को जवर नही आवासेत, कहीं असो न होहे की उनको काम पर दोस लगाहेत। 21 पर जोन खराई पर चलासे, वा उजाड़ो को जवर आवासे, का उनको काम जोन परमेस्वर लक कियो गयो सेत पुडा आहेत।” 22 येको मंघा यीसु, अना वोका चेला, यहूदिया देस मा आई होतीन, अना यीसु उनको संग रहके बसिस्मा देवन लगयो। 23 योहन भी सालेम नगर को जवर बसिस्मा देवत होतो, काहे का उता लगत पानी होतो, अना लोक गीन आयके बसिस्मा लेवत होतीन। 24 योहन वोना बेरा तकन जेल मा नही डाकयो गयो होतो। 25 उता योहन को चेला को काही यहूदी लोकगीन संग सुध्दी को बारे मा बैस भयी। 26 अना उनना योहन को जवर आयके, वोको लक कहिन, “हे गुरु जोन मानुस यरदन नदी को वोनागन तोरो संग होतो। अना जोकि तुना गवाही देईसेस, चोव उ बसिस्मा देवासे, अना सबच वोको जवर आवासेत।” 27 योहन ना जवाब देईस, “जब तकन मानुस ला सरग लक नही दियो जाय सका, तब तकन वा काही नही पाय सकासे। 28 तुमी ता खुदच मोरो गवाही सेव, की मीना साँगयो मी मसीह नही सेव, पर वोको पुडा धाड़ो गयो सेव। 29 जोन की नवरी से, उ नवरा से, पर नवरा को संगी जो उभो से, वोकी आयकसेस अना नवरा को सबद लक खुस होवासे। अता मोरो खुसि पूरी भय गयी। 30 जसरी से की उ बढे अना मी घटत रहैं।” 31 जोन वरता लक आवासे, उ सब लक बेस से, जो धरती लक आवासे उ धरती को से, अना उ धरती को गोस्टी कन्होसे, जोन सरग लक आवासे वा सब लक वरता से। 32 जोन काही ओना चोयोसे अना आयकीसेस ओकी च गवाही ला देवासे अना कोनी वोकी गवाही नही अपनावासे। 33 जिनना वोकी गवाही अपनाय लेईसेत वोना यो गोस्टी पर छाप लगा देईसेत की परमेस्वर खरो से। 34 काहे की जोनला परमेस्वर ना धाडीसेस उ परमेस्वर की गोस्टी कन्होसे, काहे की उ आतमा नाप-नाप के नही देवासे। 35 बाबुजी दूरा लक माया राखासे अना ओना चीज ला जोन ओको जवर से दूरा को हात मा दे देसे। 36 जो दूरा पर भरोसा करासे, उ अमर जीवन पाहे। पर जो दूरा ला नही मानासे, उ जीवन ला नही चोय सके। पर परमेस्वर को गुस्सा वोको पर रन्होसे। (aiōnios g166)

4 मोसे को नियम को गुरु गिनला मालुम भयो का, यीसु योहन लक लगत चेला बनावासे अना उनला बसिस्मा देवासे। 2 पर यीसु खुदच बसिसमा नही देत होतो पर ओको चेला गीन पानी मा

बसिस्मा देवत होतीन। 3 तबा यीसु यहूदिया छेतर ला छोड़के मंग गलील छेतर ला चलो गयो। 4 अना वहान लक होयके उ सामरिया छेतर ला जावने जसरी समजयो। 5 एकोलाय उ सामरिया छेतर ला आयो ता सुखार नगर कठा आयो, यो नगर उ जघा को जवर से, जोन याकूब न आपरो दूरा यूसुफ ला देयि होतीस। 6 जबा यीसु थक गयो तो आयके जहान याकूब को बिहर होतो बस गयो। ओनो बेरा दिवस को टिकाटिक 12 बजया होतीन, यो बिहर ला याकूब पानी भरन ला आई। यीसु ना ओको लक कहीस, “का मोला पानी पियाव।” 8 काहे का ओको चेला ता, नगर मा जेवन लेवन ला गई होतिन। 9 सामरी बायका वोला कन्होसे; तु ता यहूदी जात को सेस अना मि सामरी बायका आऊ, मोला पानी कायला मांगासेस। (काहे की यहूदी, सामरी लोकगीन को कोनी बरतन भांडो काम मा नही आनत होतीन) 10 यीसु ना सांगीस, का तु परमेस्वर को बरदान ला चिन्हतीस, ता यो भी चिन्हतीस की उ कोन से, जो तोरो लक कन्होसे, का मोला पानी पियाव, तो तु मोरो लक मांगतीस। अना मि तोला जिंदगी को पानी देवतो। 11 बायका न ओला कहीस, हे पिरभू, पानी भरन ला ता बालटी नाहती, बिहर भी गहरो से, ता वो जीवन को लाई पानी तोरो जवर किता लक आहे? 12 यो तो आमरो अजी याकूब जोनना आमला यो बेहेर देईसेस। जोन मा ओना अना ओको लेकरा अना ओको मवेसी हुनार ना पीई सेजन। का तु आमरो अजी याकूब लक मोठो सेस? 13 यीसु कन्होसे, जोन कोनी यो पानी ला पीवासे वा मंग तहान होय जाहे। 14 पर जोन कोनी यो पानी पीहे जोन मी देवासू, उ सदा लक तहान नही होहेत। पर उ पानी एक झिरिया बन जाहेत, जोन हरामेसा तकन पिझरत रहेत। (aiōn g165, aiōnios g166) 15 बायका वोला कहीस, हे पिरभू, वा पानी मोला देव जोन लक मोला तहान नही लगहेत अना मी एतरो दुहर पानी भरन आह। 16 यीसु वोला कन्होसे, जाय अना आपरो नवरा ला बुलायके आन। 17 ता बायका ओला कन्होसे, “मि बगर नौरा की सेव।” यीसु न वोला जवाब देसे, तु सहीच कन्होसेस, का मोरो कोनी नौरा नहाति। 18 काहे की तु पाँच नौरा बनाय लियो से अना जोको जवर तु अता होत उ भी तोरो नवरा नाहती। मोला तुना यो खरो साँगलीस। 19 बायका ना यीसु ला कन्होसे, हे पिरभू, “मोला असी लगासे की तु कोनी मोठो भविष्यवक्ता आस।” 20 आमरो अजी-दाजी ना योच पहाड़ पर बलिदान चघाईसेत, पर तुम्हि कन्होसेव की वा जघा जिता बलिदान चघावने से, यस्सलेम मा से। 21 यीसु ना बायका ला कन्होसे, की अवो बाया, मोरो गोस्टी मा भरोसा ठेव, वा बेरा आवासे, अजीहुन को अराधना तुमी ना ता पहाड़ पर, ना यस्सलेम नगर मा करोह। 22 तुम जेनला नही जानसो वोला बलिदान चघावसो, आमी जेनला जानसेजन वोला बलिदान चघावसेजन, काहेका सूटकारा यहूदीगिन लक से। 23 पर वा बेरा आवासे पर अबा से वोमा खरो भगत सरग को दआजी की पूजा आतमा अना खराई लक करयेत। काहे का सरग को दआजी आपरो लाय असो ही भगत ला तपाससे। 24 परमेस्वर आतमा से अना जसरी से का वोकी बलिदान करनवारा आतमा अना खराई लक वोकी बलिदान करयेत। 25 बायका कन्होसे मि जानसेउ का मसीह जोन

खिस्त कहलावोसे उ आवनवारा सेत, जब उ आहे तबा सबच गोस्टी लक पिराथना करासे का, उ चलके वोको दूरा ला साजरो कर दे, हमला सांग देहे। 26 यीसु ओला कव्हासे। मि तोरो लक गोस्टी काहेका वा मरनो पर होतो। 48 यीसु ना वोला कहीस, का तुमी कस्सेऊ, “मी वाच सेव।” 27 वाच बेरा मा चेला आय जासेत, अना यीसु ला बाई संग गोस्टी करत चोवसेत अना चकित भय जासेत। यो गोस्टी पर करमचारी ना ओको लक कहीस, पिरभू किरपा कर एको मंग कोनी ना असो नही पुसिन, तु काजक चाव्हसेस अना अना मोरो दूरा को मरन को पुढा चल। 50 यीसु ना वोला कहीस, यो बाई लक काजक गोस्टी करसेस? 28 तब च मंग बायका ना “जाय तोरो दूरा जितो से,” उ वोको कव्हन पर भरोसा करके चलो आपरो भांडो ला उत्तच सोड देइस, अना नगर ला धायके लोकहुन गयो। 51 उ रास्ता पर जाय रहयो होतो, एतरो मा वोको दास गीन ला सांगासे, 29 “चलबिन एक मानूस ला चोवो, जोन मोरो बारे मा आयके वोला कव्हन लग्गिन, की तोरो दूरा जितो से। 52 वोना उन ला पुसयो, का उ कोन सो बेरा मा साजरो भयो। उनना वोला कहिन, सबच काही सांग देईसेस, कहीं वोच तो मसीह नही से?” 30 एको लाय वय लोकगीन नगर ला सोडके अना यीसु को जवर आइन। “काल दिवस को एक बजे वोको बुख्या ठीक भयो।” 53 तबा 31 वोनोच बेरा चेला ना यीसु ला बिनती करीन, “गुरू, काही जेव उ समज गयो का ठीक वोच बेरा यीसु ना कहीस होतो, का जाय लेव।” 32 यीसु उन लक कव्हासे, “जेवन लाय मोरो जवर उ जेवन तोरो दूरा जितो से। अना वोने आपरो सप्पा घर सकट भरोसा करन से जेनला तुमी नही जानोसो।” 33 एतरो मा ओको चेला आपस मा लगयो। 54 यो यीसु को दूसरो निसान होतो। जो वोने यहूदिया छेतर लक आयके गलील छेतर मा दासाईस।

5 एको काही रोज बाद मा यीसु यहूदी लोकहुन को एक तिहार बेरा मा यस्सलेम तीरथ ला गयो। 2 यस्सलेम मा भेड बेसकुड को जवर एक कुन्ड से, इब्नामी भासा मा येला बेतहसेदा कहयो जासे। एको जवर पाँच छप्पर बनयो सेत। 3 वोमा लगत सा बीमार अँधरा, लँगडा, अना लकवा वालो पडया रहोत होतिन। वय पानी ला हिलन की रास्ता चोवत होतीन। 4 काहे का पिरभू को सरग दूत बेरा-बेरा मा कुन्ड मा उतरके पानी ला हिलावत होतीन। पानी हिलन को बेरा जोन मानूस पहिले कुन्ड मा उतरत होतो, चाहे उ कोनी भी रोग लक होयहेत, उ साजरो भय जात होतो। 5 उता कन एक मानूस होतो जोन अडतीस बरस लक बीमार होतो। 6 जबा यीसु ना वोला वहान लेतो चोधीस अना यो जानके का उ एतरो लम्बो बेरा लक रोगी से ता यीसु ओला कव्हासे, “का तू साजरो होवने चाव्हासे?” 7 बीमार ना कहीस, पिरभू मोरो कोनी नाहात, की जोन पानी हिलन को बेरा मोला कुन्ड मा उतारहेत। मोरो उतरने को पुढा च, कोनी दूसरो मोरो लक पयले उतर जासे। 8 यीसु ना वोला कहीस, उभो होय! आपरो दरी ला उचल अना हिंड। 9 गदने उ मानूस चाँगलो भय गयो, अना आपरो दरी ला उचलके हिंडन लगयो। 10 ओला हिंडतो चोयके यहूदी अधिकारी ना ओनो मानूस कव्हन लग्गिन की तोला कउन ना साजरो करीसेस? काहेकि यो ता बिसराम को दिवस से यो कानुन को बिरोध मा से, आज को दिवस तोला आपरो दरी उचलनो भी साजरो नहोती। 11 वोना उन ला जवाब देइस, “जोन मानूस मोला साजरो करीसेस, वोच न मोला कहिसेस, आपरो दरी ला उचल अना हिंडबिन।” 12 उनना वोको लक पुसिन, “उ कोन मानूस से? जोन तोला कहिसेस, दरी उचल अना हिंड।” 13 पर उ मानूस जोन साजरो भयो होतो, नही जानत होतो का उ कोन आय, काहेका ओनो जघा लगत भीड होती एकोलाई यीसु ओको लक दुहर चली गयो होतो। 14 येने गोस्टी को मंधा, रोगी यीसु ला मंदिर मा भेटयो। यीसु ना वोला कहीस, चोव! तु साजरो भय गईसेस, मंग पाप नोको करबिन, नही ता अखिन कोनी मोठी आफद तोरो पर आन पडेहत। 15 ओना जायके यहूदि अधिकारीहुन ला कव्ह देसे, उ यीसु होतो, जेने मोला चाँगलो करीसेस। 16 काहेकि यीसु ना

बिसराम दिवस मा साजरो करन को काम करीसे, एकोलाई यहूदीहुन ओला सतावन लग्नीन। 17 यीसु ना उनला जवाब देईस, मोरो दाअजी अजी हमेसा काम करतो रहसे, एकोलाई मि भी काम करासेऊ। एकोलाई यहूदी ओला मार डाकन को कोसिस करत होतीन। 18 नाच केवल एकोलाई का उ बिसराम ला तोड रहयो होतो बल्कि उ परमेस्वर ला आपरो बाबूजी भी कव्हत होता। अना एकोलाई अपरो आपला परमेस्वर को जसो ठहरात होतो। 19 ऐना रिती यीसु ना उन लक साँगीस, मि तुमी लक खरो कव्हासेऊ, “टूरा खुदच काही नहीं कर सका, केवल परमेस्वर दाअजी जोन वोला करन ला कव्हासे, काहे का जोन काम ला दाअजी करासे, वसोच टूरा भी वोच रिती लक करासे।” 20 काहे का परमेस्वर दाअजी टूरा ला माया राखासे। अना जोन-जोन काम उ खुद करासे, उ सबला वोला दिसावासे अना यो काम लक मोठो काम वोला दिसाये। काहे का तुमी चकित होवो। 21 जसो की दाअजी मरयो हुयो ला जितो उचलासे, अना जिंदगी भी देसे। वसोच टूरा भी जेनला उ चाव्हासे ओला जितो कर देसे। 22 दाअजी कोनी को न्याय नहीं करासे, पर न्याय करन साठी हक टूरा ला देइसेस। 23 मनजे कोनी टुआ को मान करहेत वसोच दाअजी को मान करहेत। जोन टूरा को मान नहीं करासे, उ दाअजी को जोने वोला धाडीसेस, मान नहीं करासे। 24 मि तुमी लक खरो सांगिसेउ, “जोन मोरी गोस्टी आयक के मोरो धाडनवालो पर भरोसा करासे, वोको जवर अमर जीवन से अना ओको पर सजा की हुकूम नहीं होवासे। पर उ मिरतु लक पार भयेके जीवन मा धसेत।” (aiōnios g166) 25 मि तुमी लक खरो सांगिसेउ, “उ बेरा आवासे अना अबा भी से, जोनमा मरया हुया परमेस्वर दाअजी को टूरा की आवाज आयकेत। अना जोन कोनी आयकेत वय जितो होयेती।” 26 “काहे की जोन रिती लक दाअजी जीवन राखासे, वोच रिती लक वोना टूरा ला भी यो हक दियो से का आपरो आप मा जीवन राखे। 27 वरन वोला न्याय करन को भी हक दियो गईसे, एको लाय उ मानूस को टूरा से। 28 एको लाय चकित नोको हुओ, काहे का उ बेरा आवासे का जेतरा मरा हुआ सेत, वय वोकी आवाज आयक के मरघटी लक हिटहेत। 29 जिनना साजरो करीसेत, वय जीवन को लाय अना जोनना बुरो करीसेत, वय सजा को लाय, जितो होयेती।” 30 “मि आपरो लक काही नहीं कर सकु, जसो आयकासेऊ वसोच न्याय करासेउ, काहेकि मोरो न्याय खरो से काहेका मि आपरी मरजी लक नहीं पर आपरो धाडन वालो की मरजी ला चाहव्सेउ।” 31 अदी मि आपरो गवाही आपच देवासु, तो यो गोस्टी खरो नाहती। 32 एक अखीन से जो मोरी गवाही देसे, अना मि जानासू का जोन यो गोस्टी ला पुस करासे, उ खरो से। 33 तुमी ना लोक गीनला योहन को जवर पुछन लाई धाडयात अना वोना खरो गवाही सांगिसेस। 34 मि मानूस को गवाही पर आसरित नहीं सेऊ। तरी मि एकलाय कव्हासेउ जेकोलक तुमरो बचाव भय सकेत। 35 योहन ओनो दियो को जसो होतो जोन जलतो हुयो से अना उजाडो देसे। अना तुमी काही बेरा को लाई ओको उजाडो को खुसी मनावन चाव्हत होता। 36 पर मोरो जवर जोन गवाही से, उ योहन की गवाही लक मोठी से। अना जोन काम परमेस्वर दाअजी ना मोला पूरो करन लाई, देईसेस। मजे वय योच काम सेत, जोन मि कस्सेउ, वय मोरो सबुत सेती,

का परमेस्वर दाअजी ना मोला धाडीसेस। 37 परमेस्वर दाअजी ना जेना मोला धाडीसेस, मोरी गवाही देईसेस। तुमी लोकहुन ना ओको गोस्टी कबच नहीं आयकियत अना न तुमीना ओको रूप चोयीसेव। 38 अखिन नाच तुमी आपरो भीतर ओको खबर ला अपनायो सेव। काहेकी तुमी ओमा बिस्वास नहीं राखासेव जेनला परमेस्वर दाअजी ना धाडीसेस। 39 तुमी गिरंथहुन मा वाचासो, काहेका तुम्हि समजासो की ओमा अमर जिंदगी तुमला मिलेहत। अना यो वाचासो जोनमा मोरो बारे मा सबूत कहयो गयो से। (aiōnios g166) 40 मंगच तुमी जिंदगी पावन लाई मोरो जवर नहीं आवन चाव्हसो। 41 मि मानूस लक मान- मरयादा नहीं चाव्हसेउ। 42 पर मि जानसेउ का तुमी मा परमेस्वर को माया नाहात। 43 मि आपरो दाअजी को नाव लक आईसेऊ मंग तुमी लोकहुन मोला नहीं अपनावा सेव। अदी कोनी आपरो नाव लक आहे तो ओला तुमी अपनाय लेहो। 44 तुमी मोरो पर बिस्वास कसो कर सकासेव? काहेकि तुमी ता एकमेक लक मान- मरयादा चाव्हासेव। अना उ मान- मरयादा जोन एक परमेस्वर को कन लक से, नहीं चाव्हासेव। 45 यो नोको समजो का मि परमेस्वर दाअजी को पुढा तुमी पर दोस लगाव सेउ। तुमी पर दोस लगावन वालो मोसे से, जोन पर तुमी ना आस राखयत। अदि तुमी मोसे पर सही मा बिस्वास करासेव 46 ता तुमी मोरो मा भी बिस्वास करतत काहेकि मोसे ना मोरो बारे मा लिख्यो से। 47 जबा तुमी, जोन ओना लिख्यो सेस ओमा बिस्वास नहीं करासेव, “ता मोरो गोस्टी मा बिस्वास कसो करोह?”

6 एको मंघा यीसु गलील नगर को तिबिरियास नाव को झील को वोनागन चली गयो। 2 अना ओको मंघा एक मोठी भीड वोको मंघा भय गई, काहे का उनना रोगीहुन ला साजरो करन लाय अदभुत हिदान चोवायो होता। 3 तबा यीसु पहाड मा चघके आपरो मंघा आवनवालो चेलाहुन को संग उता बस गयो। 4 यहूदिगीन को फसह को तिहार जवर होतो। 5 जबा यीसु ना एक मोठी भीड ला आपरो जवर आवत चोवीस, तबा ओना फिलिप्पुस लक पुसिस, हमि इनको लाई जेवन किता लक आनबिन? 6 यीसु यो गोस्टी ओको परिकसा लेवन को लाई कही होतीस, काहे का उ खुदच जानत होतो, का उ काजक करन जाय रही से? 7 फिलिप्पुस न ओला जवाब देईस, का दुई सौ सिक्का की जेवन भी उनला ला कम पडहेत। पर हरेक झनला जरा-जरा बाँटनो पर जरा लगत बाँटा नहीं आहेत। 8 ओको चेला मा एक अखिन, जोन समौन पतरस को भाऊ अन्दिरयास होतो, ओना यीसु ला कहीस, 9 इता एक टूरा से, जोको जवर, जौ को पांच भाकर अना दुई मसरी सेती। पर एतरो लोकहुन लाय नहीं होवन की। 10 यीसु न कहीस, लोकहुन ला गवथ मा बसाय देव। तबा मरद-माना जिनकी गिनती पांच हजार को करिब होती। बरी मा गवथ पर बसाय देईन। 11 तबा यीसु ना भाकर लेइस, अना परमेस्वर ला धनवाद करके लोकहुन ला पंगत मा परस देइन, वसोच मसरी ला भी मन को मरजी लक बाट देइन। 12 जबा वय जेयके के अघा गईन, तबा यीसु आपरो चेला गीन ला कहीस, बचयो टुकडा-टाकडी ला सकेल लेव, नास नोको करो। 13 तबा जेवन को मंघा उनना जौ को भाकरी को बारा टोपली टुकडा-टाकडी ला जमा करीन। 14 यीसु को यो

चमत्कार चोयके लोकहनु ना कहयो, “पिक्को मा यो भविस्वयक्ता पूरी करनलाय सरग लक आईसेऊ। 39 परमेस्वर की मरजी यो से से जोन संसार मा आवन वारो होतो।” 15 यीसु ना यो जानके क वय मोला राजा बनान लाय धरन चाव्हासेत, एकोलाय उ पहाड पर चली गयो। 16 जब झुलाखाली भई, ता ओको चेला झील को कन गईन। 17 अना नाव मा चघके सागर को ओनागन, कफरनहम नगर ला जावन लग्गिन। ओना बेरा जेवन रात भई गई होती। अना यीसु उनको कठा नही आयो होतो। 18 मोठो आंधड आवन लग्गी अना पानी मा लहर चलन लग्गी, 19 तबा वय डोंग चलात-चलात सह किलोमीटर तकन निकल गईन। तबा उनना यीसु ला सागर पर चलता, अना नाव को कठा आवता चोयीन, तो डराय गईन। 20 तबा यीसु उनला कव्हसे, डराव नोको, “काहेकि मि सेऊ।” 21 मंग उनना ओला गदने नाव मा चघाय लेईन, ता गदने डोंगा वोना जघा पर पहुच गयी, जिता उनला जानो होतो। 22 दुसरो दिवस लोकहनु को ओना भीड ना जोन झील को ओनागन रह गयी होती, चोयिन का वहान केवल एक डोंगा होतो, अना अपरो चेलाहुन को संग यीसु नही गयो होतो, पर ओको चेलागीन च चले गयो होतीन। 23 तबा ओनाच बेरा मा, काही लोक नाव तिबिरियास लक वोना जघा को जवर आइन, जहान उनना पिरभू को पिराथना-धनवाद करके ना भाकर जेयी होतीन। 24 तबा लोकगीन ना चोयीन का यहान, यीसु अना चेला गीन नहात, ता वय नहानी डोंगी मा चघके, यीसु ला दुंदत-दुंदत कफरनहम मा पहुँचईन। 25 झील को ओनागन जबा वय लोक यीसु लक मिलिन ता उनना ओला सांगीन, ओ गुरू, इता तु कब लक आईसेस? 26 यीसु उनला कव्हसे। खरो-खर तुमी मोला एकोलाय नही पुसासेव, की तुम्हिना अचंभा वालो निसान चोयोसेव, पर भाकर जेयके अघाइसो। 27 नास होवन वालो जेवन लाई मेहनत कायलाई करोसो? पर उ जेवन लाई मेहनत करो, जोन अमर जीवन लाई से। काहेकि उ जेवन मानूस को दूरा देहे, काहेका परमेस्वर दाअजी ना यो देन को हक बोला देईसेस। मजे परमेस्वर ना छाप लगाइसे। (aiōnios g166) 28 एतरो आयक के उनना कहीन, परमेस्वर को काम करन ला आमी का करबिन। 29 यीसु ना जवाब देइस, परमेस्वर का काम यो से की तुमी मोरो भरोसा पर करो काहेकी परमेस्वर ना मोला धाडिसेस। 30 तब ओन्हीसीन कहिन, मंग तु कोनतो निसान दिसावासेस की आमी चोवके तोरो भरोसा पर करबिन। 31 आमरो बाप-दादा ना जंगल मा मन्ना खाईन, जसो लिखयो से, वोना उनला खावन लाई सरग की भाखर देइस। 32 यीसु ना कहीस, का मि तुम लक खरो कव्हस, “का मोसे ना तुम्हिला वा भाकर सरग लक नही देइस, पर मोरो दाअजी तुमला सच्ची भाखरी सरग लक देसे। 33 काहे का परमेस्वर की भाकर वाच से जोन सरग लक उतरीसे अना संसार ला जिंदगी देसे।” 34 तबा ओन्हीसीन कहिन, हे पिरभू यो भाकर हमला सबा बेरा देजोस। 35 यीसु ना उनला कहीस, “जिंदगी की भाकर मि सेव, जो मोर कगर आवसे, ओला कभ्भु भुख नही लगेत, अना जोन मोरो पर भरोसा ठेवासे, ओला कभ्भु तहान नही लगेत।” 36 तुमना मोला चोय भी लियत ता भी भरोसा नही ठेवासो। 37 जोन कोनी ला परमेस्वर दाअजी मोरो कठा धाडासे, उ मोरो कठा आहेत। अना जो कोनी मोरो कठा आहेति ओला मि कभ्भुच नही हेडु। 38 काहे का मि आपरी मरजी ला नही पर परमेस्वर की मरजी

की जिनला ओना मोला देईसेस उनमा लक मि कोनी ला नही खोई, पर आखीर मा ओला जितो कर देहूँ। 40 काहेकी परमेस्वर की मरजी यो से की जोन कोनी मोला चोहे, अना मोरो पर भरोसा ठेये उ अमर जिंदगी पाहेत। (aiōnios g166) 41 एको लाय यहदिगीन वोको पर कुडकुडान लग्गिन, की ओना कव्हयो होतो की जोन भाकर सरग लक उतरीसे, उ मि सेव। 42 अना उनको कव्हनो यो होतो, का यो यूसुफ को दूरा यीसु नहाती का, जोनको माय-अजी ला आमी जाना सेजन? ता उ कसो कव्हसे का, मि सरग लक आईसेऊ? 43 यीसु उनला जवाब देसे, आपस मा नोको कुडकुडाओ। 44 कोनी मोर कठा नही आय सका, जब तकन दाअजी परमेस्वर जोन मोला धाडिसेस, ओला नोको झीक लेय। 45 भविस्वयक्ता गीनको लेख मा यो लिखयो से। वय सब परमेस्वर को कन लक सिकायो होयेति। जोन कोनी ना दाअजी लक आयकिया अना सिकाया होयेत, उ मोर कठा आहेति। 46 एको अरथ यो नहोती का कोनी ना दाअजी ला चोयीसेस, पर वाच जोन परमेस्वर कन लक आयीसे ओनाच दाअजी ला चोयीसे। 47 मि तुम लक खरो साँगसु, जोन कोनी भरोसा करासे वाच अमर जिंदगी पाहेत। (aiōnios g166) 48 मि जिंदगी की भाकर सेव। 49 तुमरो आज्ञा-पुखगीन ना जंगल मा मन्ना खाईन पर वय मर गईन। 50 यो वा भाखर से, जोन सरग लक उतरीसे, एकोलाय जोन कोनी ओनो भाखर ला खाहे उ नही मेरेत। 51 जीवन की भाकर जोन सरग लक उतरी से, मि सेव। जोन यो भाकर मा लक खाये उ सदा जितो रहेत, अना जोन भाकर मि संसार को जिन्दगी को लाय देहूँ, उ मोरो देह से। (aiōn g165) 52 येने गोस्टी पर यहदिगीन आपस मा झगडन लग्गिन, यो मानूस कसो हमला आपरो देह खावन लाई दे सकासे? 53 यीसु उन ला कहीस, मि खरो-खरो साँगसु की जबा तकन मानूस को दूरा को माँस नही खाओ, अना मोरो खून नही पिवने, तबा तकन, तुमरो मा जिंदगी नही रहेत। 54 जोन मोरो माँस खावसे अना खून पिवासे, अमर जिंदगी ओकोच से, अना आखीर मा ओला मंग जीतो करू। (aiōnios g166) 55 काहे का मोरो माँस सहीच मा खावन की चीज से अना मोर खून सही मा पिवन की चीज से। 56 जोन मोरो माँस खावसे अना मोरो खून पिवासे, उ मोरो मा अडिग बनयो रहोसे, अना मि ओमा बनयो रहसु। 57 जसो जितो परमेस्वर ना मोला धाडीसेस अना जिंदगी देईसेस वसोच जोन मोरो माँस ला खावसे। उ भी जितो रहेत। 58 जो भाकर सरग लक उतरी याच से, उ भाकर को जसो नही जेनला तुमरो आज्ञा-पुखना खाईन अना मर गईन। जोन कोनी यो भाकर खाये उ सदा जितो रहेत। (aiōn g165) 59 यीसु ना यो गोस्टी कफरनहम गाँव को एक सभाघर मा सिक्सा देवतो बेरा कहीस। 60 ओको चेला मा लक बहुत लोकगीन यो आयक के कहिन यो गजब कठीन सिक्सा से, येला कोन आयक सकासे। 61 यीसु न आपरो मन मा यो जानके का चेला आपस मा यो गोस्टी लक कुडकुडावा सेति, उन लक पुसिस, का यो सिक्सा तुमला कठिन लगासे। 62 अदी तुमी मानूस को दूरा ला जिता उ पयले होतो, उता वरता जातो चोहो ता का होहे? 63 आतमा ता जिन्दगी देन वालो से, माँस लक कोनी फायदा नही से, जो गोस्टी मीना तुमी लक कव्हस, वय आतमा अना जिन्दगी दुही

सेत। 64 पर तुम मा लक काही ता असो सेति जोन नही करासेत, काहे का यीसु पुढा च लक जानत होतो का कोन मोरो भरोसा नही करह, अना कोन मोला धरायहे। 65 अना ओना कहीस, एको लाई मीना तुमी लक कव्हयो होतो का जबा तकन कोनी को दाअजी को कन लक यो वरदान न देयो जाहेत तबा तकन उ मोरो कठा नही आय सका। 66 एतरो पर ओको चेला मा लक लगत सा उलटो मंग गईन अना कोनी लगत सँग नही चलिन। 67 तबा यीसु ना बारा चेला लक कहीस, का तुमी भी हमेसा सोडके जानो चाहोसो? 68 समौन पतरस नाव को चेला ना कहीस, हे पिरभू! आमी कोन को जवर जाबोन, अमर जिंदगी की गोस्टी ता तोरोच जवर सेत। (aiōnios g166) 69 अना आमी ना भरोसा कर लिया अना जान लिया का परमेस्वर को पवीतर जन तु ही सेस। 70 यीसु न जवाब देइस, का मीना तुमी बारा ला नही निवाडी सेव, ता भी तुमी बारा मा लक एक से जो सैतान कन लक से। 71 यो ओना समोन इस्करियोति को दुरा यहूदा लाय कहि होतीस। काहे की वाच बारा मा लक एक होतो जेने यीसु ला धराय होतीस।

7 एको मंधा, यीसु ना गलील मा फिरयो, काहेका उ यहूदिया ला नही फिरन चाव्हत होतो, काहेका वहां को यहूदी अधिकारी ओला मार डाकन चाव्हत होतीन। 2 यहूदिगीन को झोपडी को तिहार कठा होतो। 3 एको लाई यीसु को भाऊ लोकगीन ना ओको लक कहीन, यो जघा ला सोडके यहूदी नगर मा जाय, काहेका जोन काम तु करासेस, ओला तोरो मंधा चलनवारो चोवेत। 4 जोन जग जाहीर होवोनो चाव्हसे वा लूक के काम नही करासेत। जब तू असो काम करासेस ता सबको पूढा आपरो काम दिसाव। 5 काहेका यीसु को भाऊहुन तकन ओमा भरोसा नही करत होतीन। 6 तब यीसु ना उन लक कहीस, तुमरो लाई हरेक बेरा साजरो से, पर मोरो लाई अब्बा साजरो बेरा नही आईसे। 7 यो दुनिया तुमरो लक बैर नही करासे, पर मोरो लक बैर करासे, काहेका मी उनको बिरोध मा यो गवाही देवासू का उनको काम बुरो सेति। 8 एना तिहार मा तुमी लोक जावो, मि अब्बा यो तिहार मा नही जाहु, काहे की मोरो बेरा पूरो नही भईसे। 9 असी गोस्टी कव्हन को मंधा यीसु गलील नगर मा स्क गयो। 10 जबा तिहार मा ओको भाऊहुन चली गईन ता उ भी गयो पर उ खुल्लो रूप लक नही, चुप्पई चाप गयो होतो। 11 यहूदी मुखिया यीसु ला तिहार मा यो कव्हके तलास कर रही होतीन का, “उ मानूस किता से?” 12 लोकगीन ओको बारे मा चुप्पई लक लगत पिरकार को गोस्टी कर रही होतीन, काही कव्हत होतिन, का उ साजरो मानूस से, अना काही कव्हत होतीन, नही उ लोकगीन ला भरमावासे। 13 ता भी यहूदिगीन को भेव लक कोनी मानूस ओको बारे मा नही सँगत होतो। 14 जबा तिहार अरधो बीत गयो होतो, तबा यीसु मंदिर मा गयो अना ओना पिरवचन देवोनो सुरु कियो। 15 तबा यहूदिगीन चकित होयके कव्हन लग्गिन, यो मानूस कबच वाचन करन लाई पाठसाला नही गयी से, मंग एतरो काही कसो लक जानासे? 16 यीसु ना जवाब देइस, मि जोन पिरवचन ला देसु उ मोरो कन लक नही, पर मोरो धाडन वालो परमेस्वर को कन लक से, जोन ना मोला धाडीसेस। 17 अदी मानूस उ करनो चाहे, जोन मोतो

दाअजी को मरजी से ता उ यो जान जाहे का जोन पिरवचन मि देवासु, उ मोतो परमेस्वर को से, मंग मि आपरो कन लक नही देय रही सेउ। 18 जोन आपरो टोंड लक कव्हन चाव्हसे, उ आपरो बडाई चाव्हसे, पर जोन आपरो धाडन वालो की बडाई चाव्हसे, वाच खरो से, अना ओमा अन्याय नाहती। 19 का तुमला मोसे को नियम ला नही देई गयी से? मंग तुम्हि मा लक कोनी मोसे को नियम पर नही चलासे। तुमी मोला कायलाई मार डाकन चाव्हसो? 20 लोकहुन ना जवाब देइन, “तोरो पर भूत घुस गयी से जोन तोला मारन को तक्का पर से।” 21 यीसु उनला जवाब देसे की, मि तुमरो लाई एक अदभुत काम ला करयो अना तुम्हि ता चकित भयो सेव। 22 एनाच मकसद लक मोसे ना तुमला खतना को रिवाज सौप देयि होतो। (असो नही का यो रिवाज मोसे को कन लक से, पर तुमरो आज्ञा-पुरखा लक चलके आय रहयो होतो।) अखीन तुमी बिसराम दिवस मा दुराहुनार को खतना करासेव। 23 जबा पवीतर दिवस मानूस को खतना कियो जासे, तबा मोसे को नियम को हुकूम बनो रव्हासे, तो तुमी मोरो पर काहे गुस्सा करासो की मीना एक मानूस ला पूरी तरीको लक साजरो करीसेउ। 24 गोस्टी जसी से वसो चोवके न्याय करो, टोंड चोवके न्याय नोको करो। 25 तबा यस्सलेम का रव्हनवालो लोकहुन मा लक काही ना कहिन, “का यो वोच मानूस नही से, जोनला लोक मार डाकन चाव्हसेत?” 26 चोवो, उ ता लोकहुन को बीच खुल्लमखुल्ला गोस्टी कर रही से अना कोनी ओला काही नही कव्ह सका सेत, का यो नही होय सका यहूदी मुखिया ला सही मा मालुम भयो, का योच खरोखर मसीह से? 27 “येला तो हमी जानसेजन, का यो कहाँन को से? पर जब मसीह आहेत, तबा कोनी नही जान पाहेत, की उ कहाँन को सेत?” 28 यीसु ना मंदिर मा जोर लक कहयो, “का तुमी सच मा नही जानासेव, मि कोन सेऊ अना किता लक आयीसेऊ?” मि आपरो हक लक नही आयीसेऊ, काहेका जोन ना मोला धाडीसेस उ सच्चो से, तुमी ओला नही जानासेव। 29 मि ओला जानासू, काहेका मि ओको कन लक आयी सेऊ, अखीन ओने मोला धाडिसेस। 30 मंग वय ओला बंदी बनावन को कोसिस करन लग्गिन, पर कोनी भी ओको पर हात नही डाक सकया। काहेकि ओको बेरा अब्बा नही आयी होती। 31 मंग भीड मा लक लगत सा लोक ओको पर भरोसा कर लेईन। अना कव्हन लग्गिन, “मसीह जबा आहे तबा का येको लक लगत निसान करेत जोन एना चोवायीसेस।” 32 मुखिया याजक अना मोसे को नियम को गुरू गीन ना सुनगुन-सुनगुन यो गोस्टी ला लोकगीन ला करत आयकिन, एकोलाई मोठा याजक अना मोसे को नियम को गुरू ना ओला धरन लाई सिपाही धाडिन। 33 तबा यीसु ना कहीस, “मी काही बेरा तुम्हरो संग सेव, तबा मि आपरो धाडन वालो परमेस्वर को जवर चलो जाहूँ। 34 तुमी मोला ढुँढ-ढाँढ करहो, पर मि तुमला नही मिलूँ, काहेका मि जिता जासू, वहां तुमी नही आय सकसो।” 35 यहूदी अधिकारी आपसी मा कहिन, “उ किता को जघा ला जासे का हमी ओला नही पायबिन?” का उ युनानी नगर ला ता नही जासे का वहां तितिर-बितिर रव्हन वाला यहूदी गीनला, युनानी मा सिक्सा सागेह? 36 यो गोस्टी को का मतलब से? का उ कव्हसे का तुमी मोला तपासो पर नही पायबिन, अखिन जिता मि जाहु उता तुमी

नहीं आय सकबिन। 37 तिहार को आखरी दिवस मा यीसु उभो हुयो, अना जोर लक कव्हन लगयो, “जोन कोनी भी तहान होय, उ मोरो कठा आयेत।” 38 जोन कोनी बिस्वासी होयके मोरो मा लक पिहे, पवितर गिरंथ मा असो लिख्यो से, ओको भितर लक जिंदगी को पानी को झरना बोह जाहेत। 39 यीसु ना यो गोस्टी पवीतर आतमा को बारे मा साँगयो होतो, जेनला ओको पर भरोसा ठेवन वालो पावन वालो होतीन। काहे की पवीतर आतमा अबा तकन नहीं उतरयो होतो। काहे की यीसु आपरो महिमा अबा तकन नहीं भेटयो होतो। 40 भीड़ मा लक काही लोकहुन ना यीसु ला यो कव्हत आयकिन अखिन कहिन, “यो मानूस ता वाकई मा भविष्यवक्ता आय!” 41 अना दुसरो ना कहिन, “उ ता मसीह आय!” पर कोनी-कोनी कव्हन लगिन, “का मसीह गलील नगर लक अहेत?” 42 का पवितर गिरंथ मा यो लिख्यो से? का मसीह दाऊद को खानदान, बैतलेहम गाँव मा जलम लियो, अना दाउद को नगर लक अहेत, जहान दाऊद रव्हत होतो। 43 तबा असो गोस्टी को कारन लक, भीड़ मा फुट पड़ गई। 44 उनमा लक काही लोकगीन ओला धरनो चाव्हत होतीन, पर वा कोनी को हात मा नहीं आयो। 45 जबा सिपाही वापिस होयके मुखिया याजक अना मोसे को नियम को गुरू जवर आइन। तबा उनना सिपाही लक पुसिन, “तुमी काय लाई ओला नहीं आनयत?” 46 सिपाही ना साँगिन, “आज तकन आमिना ओको जसो कोनी मानूस ला गोस्टी करता नहीं चोया।” 47 मोसे को नियम को गुरू गीनना उनला कहीन, “का तुमी भी भरमाया गया सेव?” 48 कोनी भी यहूदी मुखिया अना मोसे को नियम को गुरू गीनना ओको पर भरोसा नहीं करीन? 49 यो लोक जोन मोसे को नियम नहीं जानासेति वय सापित सेति। 50 नीकुदेमुस जोन पुढा वोको जवर आयो होतो, उ उनमा लक एक होतो, उनला कहीस। 51 का आमरो मोसे को नियम मा, असो नहीं लिख्योसेत? का जबा तकन वोको बारे मा यो जान नहीं लेव, उ काजक करासे, कसो दन्ड ठहरायो जाहेती? 52 ओन्हीसिन ओला जवाब देईन, का तु भी गलीली सेस? तू दूढ़-ढांड कर अना खोज, का गलील मा कोनी भविष्यवक्ता भयो से? 53 तबा वय सब वहान लक आपरो घर ला चली गईन।

8 यीसु मंग जैतून पहाड़ पर चली गयो। 2 पहत ला मंदिर मा आयो, तबा सब लोकगीन मंदिर मा आवन लगिन, यीसु वहान बसके उनला सिक्सा देवन लगयो। 3 तबा यहूदी अगुवा अना मोसे को नियम को गुरू गीन एक बायको ला आनीन जोन छिनाला करत धरी गई होती। ओला बीच मा उभी करके यीसु लक कहीन, 4 “हे गुरूजी, या बायको छिनाली करत धराय गईसे। 5 मोसे को नियम मा हम ला हुकूम देईसेस की असी बायको ला गोटा लक मारो जाय, एको बारे मा तोरी काजक राय से?” 6 ओन्हीसीन यीसु ला फसावन लाय यो गोस्टी पुस रही होतीन, जोनको लक उनला कोनी असो बहाना मिल जाहेत का ओको पर दोस लगाय सकेत। पर यीसु खाल्या नवके अखिन आपरी करंगी लक जमीन मा लिखन लगयो। 7 काहेकि जबा वय ओको लक पुसत रहिन, एकोलाई यीसु सीधो तनके उनलक बोलिस, “तुमी मा लक जोन पापी नहात वाच सबलक पयले एने बायका ला गोटा मारे।” 8 अना मंग उ जमीन मा

वोनो भयके लिखन लगयो। 9 जबा लोकहुन ना असो आयकिन, तबा मोठो लक नहानो तकन, एक-एक करके उता लक हिट गईन। असो यीसु च उता एकलो रह गयो। यीसु को मोहरा वा बायको अबा भी उभी होती। 10 तबा यीसु उभो भयो अना ओनो बायका लक बोलिस, “ओ बायका, वय सब किता गईन? का कोनी ना तोला दोसी नहीं ठहरायीन?” 11 बायका कव्हासे, “हे पिरभू! कोन्हीसीन नहीं।” यीसु ना कहीस, “मि भी तोला दन्ड नहीं देहुँ, जाय अना मंग कबच पाप नोको करजोस।” 12 मंग वहान पायो जावन वाला लोक गीनला यीसु ना कहीस, “जगत को उजाडो मि सेव। जोन मोरो मंघा चलहेत कबच इंधरो मा नहीं रहेत, पर ओला उजाडो मिल्हेत जोन जिंदगी देवासे।” 13 एतरो पर मोसे को नियम को गुरू यीसु लक कव्हासेत, “तु आपरी गवाही खुदच देसेस, एकोलाई तोरी गवाही खरी नहात।” 14 तबा यीसु ना उन ला साँगिस, “अदी मि आपरो पुरुष खुदच देवासु ता भी मोरो पुरुष खरो से, काहे की मि जानासेऊ की मि किता लक आयीसेऊ, अना किता लक जावासु। पर तुमी नहीं जानासेव की मि किता लक आयीसेऊ अना किता लक जावासेऊ। 15 तुमी मानूस की उसुल पर न्याय करोसो, मि कोनी को नियाव नहीं करूँ। 16 तरी अदी मि न्याय करूँ, ता मोरो न्याय खरो से। काहे की मि एकलो नहीं सेव। पर मोठो दाअजी अजी, जेना मोला धाडीसेस, उ अना मि मिलके न्याय करासेत। 17 मि आपरी गवाही खुदच देवासेऊ अना मोठो दाअजी अजी भी, जेना मोला धाडीसेस, मोरो कन लक गवाही देसे। 18 एक तो मि खुदच आपरी गवाही देवासु। अना तुजो से परमेस्वर बाबूजी, जोन ना मोरो कनलक गवाही देइसेस, जोन ना मोला धाडिसेस।” 19 एतरो मा लोकहुन यीसु ला कव्हासेत, “तोरों अजी किता से?” यीसु ना कहीस, “तुमी नहीं जानासो, का मि कोन सेऊ? अना मोरो अजी ला भी नहीं जानासो, अदि तुमी जानतत, ता मोरो अजी ला भी जान लियो रव्हतत।” 20 यीसु ना या गोस्टी उनला मंदिर मा सिक्सा देतो बेरा भन्डार घर मा कहीस, तरी कोनी ना ओला नहीं धरीन, काहेकि ओको बेरा अबा नहीं आयो होतो। 21 यीसु ना मंग एक गन उन ला कहीस, “मि चली जाहु, तुमी मोला दुँढ-ढांड करन, पर तुम्हि आपरो पापहुन मा मर जाहो। जिता मि जावासेऊ वहान तुमी नहीं आय सकने।” 22 मंग यहूदी अगुवा कव्हन लगिन, “का तुमी सोचसो का उ आपरो खुदच ला मार देहे? काहेकि ओना कहिसेस तुमी वहान नहीं आय सकने जहान मि जावासेऊ।” 23 ओना उन ला कहीस तुमी धरती का सेव, मि वरता लक आयी सेऊ। अना तुमी दुनियाँ का आव, मि दुनिया को नहीं आऊ। 24 एको लाई मिना तुमला कव्हयो, की तुमी पाप मा मरोह। काहे की तुमी भरोसा नहीं ठेवो, की मि वाच सेऊ। 25 मंग ओन्हीसीन ओको लक पुसिन, “तु कोन आस?” यीसु ना उन लक जवाब देइस, मि सुरू लक तुमला साँगत आयीसेऊ, वाच सेऊ। 26 तुमरो बारे मा मोला लगत गोस्टी कव्हनो से, अना तुमरो न्याय करनो से। पर मोरो धाडन वालो परमेस्वर खरो से। मीना जोन गोस्टी ओको लक आयकीसेऊ। वाच मि जगत लक कव्हसु। 27 वय नहीं समज पाईन की आमी ला उ परमेस्वर दाअजी को बारे मा कव्हासे। 28 तबा यीसु न कहीस जबा तुमी मानूस को दूरा वरता मा चघावने, तो जान लेवने की मि वाच

आऊ। अना मि आपरो आप लक काही नही करासु। पर जसो मोरो परमेस्वर दाअजी ना सिकाईसेस वसोच गोस्टी कव्हसु। 29 मोरो धाडनवालो मोरो सँग से, ओने मोला एकलो नही सोडीसेस, यो काजी सदा वाच काम करासु, जोको लक परमेस्वर खुस रव्हासे। 30 यीसु की यो गोस्टी ला आयक के लगत लोकइन ना ओको बिस्वासी होय गयीन। 31 तबा यीसु ना वोको पर भरोसा राखनवालो यहूदी गीनला कहीस, अदी तुमी मोरो गोस्टी ला आयको, ता खरो मा मोरो चेला कहलाहो। 32 अना खराई ला जान लेवने तो खराई तुमला सूटकारा देहेत। 33 ओन्हीसीन यीसु लक सवाल पुसासेत, “आमी तो अबराहम को खानदान को सेजन। आमी कोनी का गुलाम नही भयो, मंग तु कसो कव्हासेव तुमिला सूटकारा मिलहेत?” 34 यीसु ना उन ला जवाब देइस, मि तुमला खरो-खरो कव्हसु। हर कोनी जोन पाप करासे, पाप को दास से। 35 कोनी दास हमेसा घर मा नही रव्ह सका, पर दूरा हमेसा संग रव्होसे। (aiōn g165) 36 तबा अदी दूरा तुमला सूटकारा देहेत, तबा सच्ची मा तुमी पाप लक सूटकारा पाहो। 37 मि जानासु की तुमी अबराहम को खानदान का सेव। मंग मोरो सबद तुमरो मनमा नही समावासे, तबच तुमी मोला मार डाकनो चाव्हासेव। 38 मि वाच कव्हसु जोन मिना आपरो परमेस्वर अजी को इता चोविसेऊ। अना तुमी वाच करोसो जोन तुमीना आपरो अजी सैतान लक आयकासेव। 39 एतरो पर ओन्हीसीन यीसु ला जवाब देइन, “आमरो अजी ता अबराहम से।” यीसु ना कहीस, “अदी तुमी अबराहम की औलाद होतत ता अबराहम को जसो काम करतत। 40 पर तुमी ता मोरो जसो मानूस ला मार डाकन चाव्हासेव, जेने तुमला उ खराई ला साँगिसेस जो मोठो परमेस्वर लक आयकीसेस। अबराहम ना ता असो नही करयो होतो। 41 तुमी आपरो अजी को काम करोसो।” मंग ओन्हीसीन यीसु लक कहीन, “आमी छिंडरापन लक नही जनम नही लियासेजन। आमरो एकच अजी परमेस्वर से अना उ पवीतर से।” 42 यीसु ना उन लक कहीस अदी परमेस्वर तुमरो अजी होतो ता तुमी मोरो लक माया राखतत। काहे की मि परमेस्वर कन लक हिटके आईसेऊ, अना अबा यहान सेऊ। मि खुद नही आईसेऊ, पर ओना मोला धाडीसेस। 43 एकोलाई तुमी मोरो समाचार नही आयकासो, एकोलाई नही समजासो का मि काजक कह रही सेऊ। 44 तुमी आपरो अजी सैतान कन लक सेव, अना आपरो अजी को लालसा ला पूरी करनो चाव्हासेव। उ ता सुरु लक खूनी से, खराई लाय सच्चो नही रव्हे। काहे की सच ओमा नहाती, जबा उ झुठो सांगासे ता आपरो आचरन च लक सांगासे, काहे की उ झुठो से, अना झुठो को अजी से। 45 “पर काहेकि मि खराई कव्ह रही सेउ एकोलाई तुमी मोरो भरोसा नही करतत।” 46 तुमी मा लक कोन मोला पापी होवन को लानछान लगाय सकासे। अदी मि खराई लक कव्हसु, तो तुमी मोरो भरोसा कायलाई नही करतत। 47 जोन मानूस परमेस्वर को होवासे, उ परमेस्वर की गोस्टी ला आयकासे, तुमी एकोलाय नही आयको की परमेस्वर कन लक नही सेव। 48 यो आयक के यहूदिनीन ना ओला कहिन, “का हमी खरो नही सांगासेजन, का तू सामरी आस अना तोरो मा भूत से?” 49 यीसु ना जवाब देईस, मोरो मा कोनी भूत नहात। पर मि आपरो अजी को मान कस्सु अना तुमी मोरो बेईज्जती करोसो। 50 पर मि आपरी

बड़ाई नही चाव्हासेऊ, पर एक से जोन मोरी बड़ाई चाव्हासे अना न्याय करासे। 51 मि तुमला खरो कव्हसु की अदी कोनी मानूस मोरो कव्हो गयो गोस्टी ला आपनासे ता उ मिरतु ला कबच नही चोहेत। (aiōn g165) 52 एतरो पर यहूदी अगवा गीनना ओला कहिन, “अता आमला मालूम भय गयो से का तोरो मा कोनी भूत से। अबराहम अना भविष्यवक्ता गीन मर गयो सेत। अना तु कव्हसेस अदि कोनी मोरी गोस्टी ला आपनाहे ता ओकी मिरतु कभू नही होयेत। (aiōn g165) 53 का तु आमरो पुरखा अबराहम लक मोठो आस? जोन मर गयो, अखिन भविष्यवक्ता भी मर गयीन। तु अपरो आप ला काजक समजासे?” 54 यीसु ना जवाब देईस, अदी मि आप आपरी बड़ाई करू ता मोरी बड़ाई काही नही, पर मोरी बड़ाई करन वालो मोरो परमेस्वर बाबूजी से, जेनला तुमी कसो की उ आमरो परमेस्वर आय। 55 अना तुमी तो ओला नही जानो, पर मि ओला जानसेऊ, अना अदी मि कहूँ की ओला नही जानु तो मि तुमरो जसो झुठो ठहरू। पर मि ओला जानासेऊ, अना ओको सबद मा चलासेऊ। 56 तुमरो पुरखा अबराहम मोला चोवन की आसा लक लगत खुस होतो, अना ओना चोय लेइस अना खुसी मनाईस। 57 मंग यहूदी अगवागीन ना ओला कहीन, “अब तकन तु पचास बरस को नही भईसेस, मंग तु ना अबराहम ला कसो चोय लियोसे?” 58 यीसु ना उनला कहीस, “मि तुमी लक खरो कव्हसु, की पुढा अबराहम पैदा भयो, एको लक पुढा मि सेउ।” 59 तबा ओन्हीसीन ओला मारन लाई गोटा उचलीन पर यीसु हिटके मंदिर लक चलो गयो।

9 मंग जातो बेरा ओना एक मानूस ला चोवीस, जोन जनम लक अँधरा होतो। 2 एतरो पर यीसु को चेलाहुन ना ओको लक पुसिन, “हे गुरु कोन ना पाप करीसेस, की यो अँधरा जनम लेइसे, यो मानूस ना, का ओको माय-अजी ना?” 3 यीसु ना जवाब देइस, “ना तो ओना पाप करीसेस, ना ओको माय-अजी ना, पर यो एकोलाय अँधरो भयो की परमेस्वर को काम दिसायो जाहे। 4 जोन मोला धाडिसेस आमीला ओको काम दिवस मा करनो से अना उ रात आनो पर से, जोनमा कोनी काम नही कर सका। 5 जबा तकन मि दुनिया मा सेउ, तबा तकन दुनियाँ को उजाडो सेव।” 6 असो कव्हके ओना धरती मा थुकीस, अना वा थुक लक माटी ला सानिस अना उ माटी ला अँधरा को डोरा मा लगायके रगड देईस। 7 अना ओला कहीस “जाय सीलोह को कुन्ड मा धोय ले! मंग अँधरा ना जायके डोरा ला धोय लेइस, जबा उ मंघा वापिस भयो ता ओला चोवन लगयो।” 8 तबा सेजारवारा अना जोन्हीसीन ओला पयले भीक मांगत चोवत होतीन, कव्हन लग्गिन, का यो वाच मानूस नही से, जोन बसके ना भीक मांगत होतो? 9 काही लोकगीन ना कहिन, “यो वाच से” दुसरो ना कहिन, “नहीं, यो उ नही से, ओको जसो चोवासे।” एतरो पर अँधरा ना कहीस, “मि वाच सेव।” 10 तबा वय ओको लक पूसन लग्गिन, “तोरो डोरा कसो उघड गईन?” 11 वोना जवाब देइस, “यीसु नाव को एक मानूस ना माटी गिली करीस, अना मोरो डोरा मा लगायके मोरो लक कहीस, जाय अना सीलोह मा जायके धोय ले! अना मि जायके धोयो बस एतरो पर मोला चोवन लगयो।” 12 मंग लोकहुन ना वोको लक पुसिन, “उ किता से?” वोना कहीस,

“मि नही जानु।” 13 लोक ओला जोन पयले अँधरा होतो, मोसे को नियम को गुरू को जवर आनीन। 14 जोन दिवस मा यीसु ना माती ओदी करके अँधरा ला डोरा उघाडो होतीस, वा बिसराम दिवस होतो। 15 मंग एक गन मोसे को नियम को गुरू ना ओको लक पुसिन, “का ओको डोरा कसो उघडीन?” ओना सांगीस, “ओना मोरो डोरा पर ओदी माती लगाइस, मंग मिना धोयो अना अता मि चोय सकासु।” 16 एतरो पर काही मोसे को नियम को गुरू कव्हन लग्गिन, यो मानूस परमेस्वर को कन लक नहात, काहेकि उ बिसराम दिवस को पालन नही करासे। ओतरो पर दुसरो ना कहीन, “कोनी पापी मानूस भला असो निसान कसो दिसाय सकासे?” असो परकार लक उनमा आपसी मा फूटफैर भय गई। 17 वय एक गन मंग ओनो अँधरा लक कहिन, “ओको बारे मा तु काजक कव्हासेत? काहेकि ऐना बिसय ला तु जानासेस की ओने तोला डोरा देईसेस।” तबा ओना कहीस, “उ भविश्यवक्ता आय।” 18 यहूदी अगुवाहुन ना ओनो बेरा ओको पर बिस्वास नही करीन की उ मानूस अँधरा होतो अना ओला डोरा लक चोवन लगयो होतो। तबा ओको माय-अजी ला बलवाइन। 19 अना उनको लक पुसीन, “का यो च तुमरो दूरा आय! जोनको बारे मा तुम्हि सांगासेव की उ अँधरा होतो? मंग यो कसो चोवन लगयो।” 20 ओको माय-अजी ना जबाब देइन, “का हमी ता जानसेजन की यो हमरो दूरा आय, अना यो अँधरा जलम लियो होतो। 21 पर हमी अता नही जानसेजन की अबा कसो चोवासे? अना नही जानासेजन का येको डोरा कोन ना उघाडीसेस? एको लक पुस लेव अता उ अकलवर से, आपरो बारे मा उ खुदच साँग देहे।” 22 यो गोस्टी ला ओको माय-बाबूजी ना एको लाई कहिन का वय यहूदी अगुवागीन लक डरात होतिन। काहेकि यहूदी अगुवाहुन यो गोस्टी लक एक मन भयो होतिन, का अदी कोनी कहैत की उ मसीह से, ता वोला मंदीर को सभा लक हेड दियो जाहे। 23 एकोलाई ओको माय-अजी ना कहीन, “उ मोठो भय गयो से, ओकोच लक पुस लेव।” 24 तबा उनना उ मानूस ला जोन अँधरा होतो दुसरो गन बुलाइन, अना कहिन, “खरो साँग, जोन तु साजरो भयो से, ओको कारन परमेस्वर को बडाई कर! हमिला मालूम से की उ मानूस पापी आय।” 25 एको पर ओना जबाब देइस, “मि नही जानु की उ पापी से का न्यायी से, मि ता बस यो जानासेऊ की मि अँधरा होतो, अना अता चोवन लगयो।” 26 यो गोस्टी पर उनना ओको लक पुसिन, “ओना तोरो साँग काजक करीसेस? ओना तोरो डोरा कसो उघाडीसेस?” 27 असो गोस्टी पर ओना जबाब दियो, मि ता तुमला साँग दियो, पर तुमी नही आयकत! अता दुसरो गन काथलाई आयकनो चाव्हासो? का तुमी भी ओको चेला बननो चाव्हासो? 28 एको पर वय ओला बेज्जत करीन अना कहिन, “तुच ओको चेला सेस, पर आमी ता मोसे भविश्यवक्ता को चेला आजन। 29 आमी ता जानासेजन का परमेस्वर ना मोसे भविश्यवक्ता लक गोस्टी करी होतिस, पर एला नही जान पाया की उ किता लक आयीसे?” 30 ओना उन ला जबाब देइस, “या ता अचंभा से, तुम्हिला मालूम नहात कि वा किता को आय? पर ओना मोरो डोरा उघाडीसेस। 31 हमि जानसेजन, का परमेस्वर पापी गीनको नही आयकासे पर अदी कोनी परमेस्वर को भगत से अना ओकी मरजी पर चलासे ता उ ओकी

आयकसे। 32 जूनो जमाना लक यो कभू आयकनो मा नही आयो का कोनी ना जलम लक अँधरा को डोरा उघाडयो से। (aiōn g165) 33 अदी यो मानूस परमेस्वर को कन लक नही होतो, ता यो काही भी नही कर सकतो।” 34 उनना जबाब देइन, “का तु खरो-खर मा पाप मा रहयोसेस, अना पाप लक जलम लेयीसेस। अना अता तु हमला सीकावासे?” अना उनना वोला बाहेर हेड देयीन। 35 यीसु ना आयकिस की उनना ओला बाहेर हेड देइन, अना जबा वोला मिलयो ता कहीस, “का तु मानूस को दूरा पर भरोसा करासेस?” 36 ओना मानूस ना जबाब देइस का, “हे पिरभू, उ कोन आय, जोको पर मि भरोसा राखु?” 37 यीसु ना ओला कहीस, “तु ना ओला चोवीसेस, अना जोन तोरो साँग गोस्टी करा से वोच आय!” 38 ओना कहीस, “हे पिरभू मि भरोसा करासु।” अना ओला परनाम करीस। 39 तबा यीसु ना कहीस, “मि यो संसार मा न्याय करन ला आइसेऊ। काहेकी जोन नही चोवासेत वय चोवेत, अना जो चोवासेत वय अँधरा भय जाहेत।” 40 जोन मोसे को नियम को गुरू ओको साँग होतिन, “उनना यो गोस्टी आयक के ओको लक कहिन, का हमि अँधरा सेजन?” 41 यीसु ना उनला साँगिस, “अदी तुम्हि अँधरा नही होतत, तो मोला पापी नही ठहरतत। पर अब कव्हसो की हमि चोवसेजन, एकोलाय, तुम्हरो पाप बनो रव्हासे।”

10 यीसु ना कहीस मि तुमला खरो-खर कव्हास, जोन कोनी बेसकुड लक मेढा को कोठा मा नही धसासे, पर कोनी दुसरो परकार लक धसासे, उ चोटा अना डाकु आय। 2 पर जोन मानूस बेसकुड लक भीतर धसासे, उ मेढा को चरानवालो से। 3 जबा उ आपरो मेढा हुनला बाहेर हेड देसे अना उनको मोहरा-मोहरा चलासे। अना मेढा ओको आवाज ला आयकासेत अना ओको मंघा चलासेत। 4 जबा उ आपरी सप्पा मेढा ला बाहेर हेड लेवासे, ता उनको पुढा-पुढा चलासे, अना मेढा ओको मंघा-मंघा होय जासेत। काहेका वय ओको आवाज जानासेत। 5 पर वय पराया को मंघा नही जासेत, पर ओको लक परायेत काहेका वय परायो को आवाज नही जानासेत। 6 यीसु ना उन लक यो बोधकथा कहीस, पर वय नही समझ पाईन का यो का गोस्टी से जोन वा उनलक कव्हसे। 7 तबा यीसु ना उन लक सांगयो, मि तुमी लक सही-सही कव्हसु, मेढा गीनको बेसकुड मि सेव। 8 जेतरो मोरो लक पुढा आइन, वय सबच चोटा अना डाकु सेति, पर मेढा गीनना उनकी नही आयकिन। 9 बेसकुड मि सेव, अदी कोनी मोरो लक भीतर धसेत, तो सूटकारा पाहेत, अना भीतर बाहेर आवनो-जावनो करहेत अना चारा पाहेत। 10 चोटा अखीन कोनी काम लाई नही आवासे, पर चोरी करन अना मार डाकन बरबाद करन ला आवासे। मि एकोलाय आई सेउ, की वय जिंदगानी पाहेत, अना लगत लक पाहेत। 11 मि साजरो चरानवालो सेव, साजरो चरान वालो मेढा गीन लाई आपरो जान देवासे। 12 बनिहार जोन ना तो मेढा को चरान वालो से अना मेढा को मालीक आय, बीघा ला आवता चोवके मेढा गिनला सोडके पराय जासे, अना बीघा उनला धर लेवासे, अना छित्तरा देवासे। 13 उ एक बनिहार आय अना वोला मेढा गीनको फिकर नहात, एकोलाय वा उनला सोडके पराय जावासे। 14 मि साजरो चरानवालो सेउ, मि

आपरी मेढागिन ला जानासेऊ अना मोरो मेढा मोला जानासे। 15 जसो बाबूजी मोला जानासे अना मि बाबूजी ला जानासु अना मि मेढा लाई आपरो जान देवासेउ। 16 मोरो अखीन मेढा सेत, जोन यो मेढा खोली को नाहती, मोला उनला आननो जस्रीसेत। वय मोरो आवाज आयकेत, तबा एक करप अना एक चरानवालो होयेत। 17 बाबूजी एको लाई मोरो लक माया राखासे, की मि आपरो जान देवासेउ की ओला मंग ले लेहु। 18 मोरो जिंदगानी कोनी मोरो लक नही हीसक सकासे। पर मि ओला आपच देवसेउ, मोला ओला देवनो को भी हक से अना ओला मंग लेवन को हक से। यो हुक्म मोरो बाबूजी लक मोला मिलिसे। 19 या गोस्टी को कारन लक यहदिगीन मा मंग फुट पड गई। 20 उनमा लक लगत कव्हन लग्गिन, ओमा भुत से, अना उ बैताड से, ओकी कायलाई आयकासेव? 21 अखीन लोकहुन ना कहिन, यो गोस्टी असो मानूस को नही जोनमा भुत-पलित से। का भुत-पलित अँधारा की डोरा उघाड सका सेत? 22 ओनो दिवस मा यस्सलेम मा मंदिर को उदघाटन दिवस मनाये जात होतो, अना जाडो की बेरा होतो। 23 यीसु मंदिर मा सुलेमान को अँगना मा फिरत होतो। 24 तबा यहदिगीन ना ओला घेर लेइन्, अना पुसन लग्गिन, “तु कब तकन हमला संका मा राखजोस? अदी तु मसीह आस ता हमला सँग दे।” 25 यीसु उनला सँगिस, “मिना तुम्हि ला सँगिसेव पर तुमला भरोसा नहाय।” मि आपरो बाबूजी को नाव लक जोन काम करासु, वाच मोरो पुस से। 26 पर तुमी भरोसा नही राखोसे, काहेकी मोरी मेढा गीनमा लक तुम्ही नही सेव। 27 मोरी मेढा मोरी गोस्टी ला आयकासेत, मि उनला जानासेऊ अना वय मोरो मंघा-मंघा चलसेति। 28 मि उनला अमर जिंदगी देवासु, वय कभूच नास नही होहेत। अना कोनी उनला मोरो हात लक नही हिसकेत। (aiōn g165, aiōnios g166) 29 उनला मोरो दाअजी ना मोला देइसेस, अना कोनी उनला दाअजी को हात लक नही हिसक सकेह। 30 मी अना मोरो अजी दुई एकच सेजन। 31 मंग यहदी अगुवाहुन ना ओला मारन लाई गोटा उचलीन। 32 एतरो पर यीसु ना कहीस की, मि तुमला आपरो बाबूजी को लगत सा काम चोवायो, उनमा लक कोन तो भला काम लक मोला गोटा मारासो। 33 यहदिगीन ना जवाब देईन् “भलो काम को लाई नही पर तु परमेस्वर की निन्दा करासेस एको लाई आमी मारासेजन। तु मानूस होयके भी आपरो आप ला, परमेस्वर मानासेत।” 34 यीसु उनला कव्हसे, का यो भी तुमरो मोसे को नियम अना गिरथ मा लिखियो से? का मिना कहयो सेऊ, “तुमी सबच परमेस्वर सेव?” 35 आमी जानसेजन का गिरथ जोन कव्हासे उ हमेसा को लाई सचचो से, अना परमेस्वर ना उन लोक हुनला परमेस्वर कहयो, जोन लोक हुनला ओको बारता दियो गयो होतो। 36 “अता जोनला बाबूजी ना चघावा ठयरायके जगत मा धाडीसेस, का तुमी एकोलाई ओला कव्हसे, तु परमेस्वर की निन्दा करासेस? एकोलाय मि ना कव्हयो, मि परमेस्वर को दूरा सेउ। 37 अदी मि आपरो दाअजी को मरजी को जसो काम नही करासु, ता मोरो भरोसा नोको करो। 38 पर अदि मि आपरो मोठो दाअजी को काम करासेउ, ता चाहे मोरो बिस्वास नोको करो, पर काम पर ता बिस्वास करो। जोन लक तुम्हिला पता लग जाय का बाबूजी मोरो मा से अना मी बाबूजी मा सेऊ।” 39 तबा उनना

मंग ओला धरन को कोसिस करीन्, पर उ उनको हात लक बूचक गयो। 40 मंग उ यरदन नदी को वोनागन पराय गयो। जिता योहन पुढा बसिस्मा देवत होतो, अना उतच रहयो। 41 तबा लगत लोक ओको कठा आयके कव्हन लग्गिन, योहन ना तो कोनी निसान नही दिसाइस, पर जोन काही योहन ना येको बारे मा सांगी होतीस, उ सब खरो से। 42 अना उता लगत लोकगीन ना यीसु पर भरोसा करीन्।

11 एक आदमी को नाव लाजर होतो, उ आपरो बहिन मरियम अना मारथा को संग बैतनिय्याह नगर मा रव्हत होतो, उ बिमार भई गयो। 2 या वाच मरियम से, जेना पिरभू पर इतर डाकके ओको पाय ला चुन्दी लक मलन लग्गिन। वोको भाऊ लाजर बीमार होतो। 3 एको लाई ओकी बहिन गीनना ओको जवर खबर धाड़िन, “ओ पिरभू, अता चोव, जेनको लक तु माया राखसेस, उ बीमार पड़यो से।” 4 यो आयक के यीसु ना कहीस, “यो बीमारी मरन लाय नहाय, पर परमेस्वर की महिमा लाय भईसे, जेनालक परमेस्वर को दूरा की महिमा होय।” 5 यीसु मारथा, ओकी बहिन अना लाजर सब लक माया राखत होतो। 6 जबा ओना आयकिस की लाजर बीमार से, तबा उ जहान होतो उतच दुई दिवस अखीन रूकयो। 7 तबा उ चेला गीन लक कहीस, “आव आमी यहदिया ला चलबीन।” 8 चेला गीनना कहिन, “गुरु, अबा तो यहदी तोला गोटा मारत होतीन, अना अबा तु उता जावासेस?” 9 यीसु ना जवाब देईस, “का दिवस मा 12 तास नही होवासे? अदी कोनी दिवस-दिवस मा चलासे ता खोड़ा नही खावासे, काहेकि यो जगत को उजाडो चोवासे। 10 पर अदी कोनी राति मा चलासे ता खोड़ा खावासे, काहेकि उ इंधारो मा चलासे।” 11 यो गोस्टी सांगनो पर यीसु ना कहीस, “हमरो संगी लाजर जप मा से, मि ओला जगान जावासु।” 12 तबा चेला ना ओला कहिन हे पिरभू अदी उ जप मा से, तो उ साजरो भई जाहे। 13 यीसु ना तो वोको मौत को बारे मा सांगी होतीस, पर वय समजीन की जप को बारे मा सांगसेस। 14 तबा यीसु ना उन लक सप्पा-सप्पा कह देईस “लाजर मर गई से, 15 अखीन मि खुस सेव का आमी उता नही होतो, का तुमी भरोसा करहो। पर आव, आमी ओको कठा जाबिन।” 16 तबा थोमा, “जोन दिदसुस कहलावसे, आपरो संगी चेला गीन ला कव्हसे, आव, हमि भी ओको सँगा मरन ला चलबिन।” 17 उता पहुचनो पर यीसु ला मालुम भयो, की लाजर ला मरयो अना मरघट्टी मा राखो चार दिवस भई, 18 जोन बैतनिय्याह यस्सलेम को जवर कोनी तीन किलोमीटर की दुरी पर होतो। 19 लगत यहदिगीन मारथा अना मरियम को जवर ओको भाऊ की मौत पर सान्ती देवन लाई आई होतीन। 20 जबा मारथा ना यीसु को आवन को खबर आयकिस, ता ओला मिलन को लाई गई, पर मरियम घर मा बसी रहयी। 21 मारथा ना यीसु लक कहीस, हे पिरभू! अदी तु यहान होतो, ता मोरो भाऊ कभूच नही मरतो 22 अखीन अबा भी मि जानासेऊ की जोन कही तु परमेस्वर लक माँगजो ता परमेस्वर तोला देहे। 23 यीसु ना ओको लक कहीस, तोरो भाऊ जिँदो भई जाहे। 24 मारथा ना ओला कहीस, मि जानासेऊ की आखीर दिवस मा सबको जितो होवनो को बेरा उ जी उठेत। 25 यीसु ना ओला कहीस, जितो होवनो, अना जिंदगी मि सेउ, जोन

कोनी मोरो पर भरोसा करेत, उ अदी मर भी जाहेत ता भी जीहेत। 26 अना जोन कोनी जितो से अना मोरो पर भरोसा करासे, उ अमर काल तकन नही मेरेह। का तु भरोसा करसेस? (aiōn g165) 27 ओना ओला कहीस, हव पिरभू, मि भरोसा कस्सेउ, की तुच परमेस्वर को दूर मसीह आस, जोन जगत मा आवनवालो होतो। 28 यो कहके मारथा चली गई, अना आपरी बहिन मरियम ला बुलाके चुप्पी लक कहीस, गुरू यहाँ से अना तोला बुलावसेत। 29 यो आयक के उ एकदम उठके ओको जवर आई। 30 यीसु अबा गाँव मा नही पहुँचियो होतो, पर ओना जघा मा होतो, जिता मारथा ना ओला मिली होती। 31 तबा जोन यहूदी ओको सँग घर मा होतीन अना ओला सान्ती देय रही होतीन, यो चोयके मरियम एकदम उठके बाहेर गई, ता वय यो समझीन की उ मरघटी पर रोवन ला जावसे ता ओको मंघा भय गईन। 32 जबा मरियम उता पहुँची जिता यीसु होतो, ता ओला चोवके ओको पाय पर पड गई अना कहीस, हे पिरभू! अदी तुमी इता होतत, ता मोरो भाऊ नही मरतो। 33 जबा यीसु ना ओला अना उन यहूदीन ला जोन ओको सँग आई होतीन रडता चोवयो, ता आतमा मा लगत उदास अना बैचेन भयो। 34 अना कहीस, तुमी ना ओला किता रखिसेव? उनना ओला कहीन हे पिरभू चलके चोव लेव। 35 यीसु रडयो। 36 तबा यहूदी कव्हन लागीन, चोवो उ ओको लक केतरो माया राखासे? 37 पर उनमा लक काही ना कहीन, का यो जोन अँधरा की डोरा खोलिस, यो भी नही कर सकिस, की यो मानूस न मरतो। 38 यीसु मन मा मंग लगत उदास भयो मरघटी पर आयो। उता एक गुफा होती, अना एक गोटा ओको पर राखियो होतो। 39 यीसु ना कहीस, गोटा ला हटाय देव? उ मरयो हुयो की बहिन मारथा ओला कव्हन लगीस, हे पिरभू! ओमा लक अता ता बदबु आवसे, काहेका ओला मरयो हुयो चार दिवस भई गई सेत। 40 यीसु ना बोला कहीस, का मिना तोला नही कव्हयो होतो? की अदी तु भरोसा करजोस ता परमेस्वर की महिमा ला चोवजोस। 41 तबा उनना वो गोटा ला हटाईन, यीसु ना डोरा उठायके कहीस, हे बाबूजी! मि तोरो धनवाद करू सेऊ, की तु ना मोरी आयक लेई सेस। 42 मि जानसु तु हमेसा मोरी आयकिसेस, पर जोन भीड इता-उता उभी से, उन ला भी भरोसा भय जाहे की तु ना मोला धाडिसेस, यो काजी मि ना असो कहीसेउ। 43 यो कहके ओने मोठी आवाज लक हाकलीस, हे लाजर हिट आव। 44 जोन मर गयो होतो उ कफन लक हात पाय बंधयो हिट आयो। अना ओको टोन्ड अंगोछा लक लिपटो होतो। यीसु ना कहीस, ओला उघाड देव अना जान देव। 45 तबा जोन यहूदी मरियम को जवर आयो होतिन, अना ओको यो काम चोईन, उनमा लक लगत गीनना भरोसा करीन। 46 पर उनमा लक काही ना मोसे को नियम को गुरू को जवर यीसु को काम को खबर देईन। 47 एतरो पर मुखिया याजक अना मोसे को नियम को गुरू ना मोठी सभा बुलाईन अना कहिन, हमि का करबीन, यो मानूस तो लगत निसान चोवायोसे? 48 अदी हमि ओला असोच सोड देबीन, तो सबच ओको पर भरोसा कर लेहेत, अना रोमी आयके आमरी जघा अना लोक दुही पर हक जमा लेहेत। 49 तबा उनमा लक काइफा नाव को एक मोठो मुखिया याजक होतो। ओना कहीस, तुम काही भी नही जानो, 50 अखीन नही समजोसो,

का तुमरो लाई यो भलो से, की हमरो काजी एक मानूस मरेत, अना सप्पा लोक को नास नोको होय। 51 यो गोस्टी ओने आपरो कन लक नही कहीस, पर आवन वारो गोस्टी ला जानके, मोठो मुखिया याजक होवनो को कारन लक सांगीस, का यीसु ओना लोकगीन लाई मार दियो जाहेत। 52 अना ना केवल उन लोक को लाय पर एकोलाय की परमेस्वर की गुमयो हुयो सँतान एकटो भयी जाहे। 53 अखीन ओनो दिवस लक वय ओला मार डाकन की सलाह करन लगीन। 54 एको लाई यीसु ओनो बेरा लक यहूदीन मा खुलो रित लक नही घुमयो, पर उता लक जंगल को जवर छेतर मा इफ्राईम नाव को एक नगर मा चली गयो, अना चेला गीन संगा उत्तच रव्हन लगयो। 55 यहूदीन को फसह को तिहार जवर होतो। अना लगत सा लोक बलिदान को पुढा देहात लक यस्सलेम मा गईन, की आपरो आप ला पवीतर करयेत। 56 एको लाई वय यीसु ला दुहन लगीन, अना मंदिर मा उभा होयके आपस मा कव्हन लागिन, तुमी का सोचासो? का उ तिहार मा नही अहे। 57 मोठो मुखिया याजक अना मोसे को नियम को गुरू ना यो हकूम देईन, का अदी कोनी यो जाने की यीसु किता से ता सांगे, ताकि ओला धर लेबो।

12 यीसु फसह को तिहार लक छह दिवस पुढा बैतनिय्याह नगर मा आयो, जिता लाजर होतो। जेनला यीसु ना मरो मा लक जितो करी होतिस। 2 उता उनना ओको लाई जेवन तैय्यार करी होतीन, अना मारथा सेवा करत होती। लाजर उनमा लक एक होतो, जोन ओको सँगा जेवन लाई बसयो होतो। 3 तबा मरियम ना जटामौसी को ढाई किलो सुध कीमती इतर आनके यीसु को पाय पर डाकीस, अना चुन्दी लक ओको पाय ला मलन लगीस अना इतर की महक लक सारो घर महकन लगयो। 4 पर ओको चेला मा लक यहूदा इस्करियोति नाव को एक चेला जोन ना ओला धरायो, कव्हन लगयो। 5 यो इतर तो तीन सौ सिक्का मा बेचो भी जाय सकासे अना गरिब गोर गीनला दियो जाय सकासे। 6 यो बात ओना एको लाई नही कहीस, की ओला गरीब गोर की चिंता होती, पर एको लाई कहीस, की उ चोट्टा होतो, अना ओको जवर ओकी पियूसी रहोत होती। अना ओको मा जो काही डाकयो जावत होतो उ हेड लेत होतो। 7 यीसु ना कहीस, ओला रव्हन देव, ओला मोरो गाडो जावन को दिवस को लाय करन देव। 8 काहे की गरीब गोर तो तुमरो सँगा हमेसा रव्हेत, पर मि तुमरो सँगा हमेसा नही रहूँ। 9 जबा यहूदी को मोठी भीड यो जान गईन, का उ उता से, ता वय केवल यीसु को काजी नही, बल्कि एको लाई भी आइन, का लाजर ला चोवबोन, जेनला ओने मरयो हुयो मा लक जितो करी होतिस। 10 तबा मोठा मुखिया याजक ना लाजर ला भी मारन की साजिस करीन। 11 काहेकि ओको काजी लगत सा यहूदी ओको पक्स मा भय गई होतीन, अना ओको पर भरोसा कर रही होतिन। 12 दुसरो दिवस लगत सा लोकगीन ना जोन तिहार मा आई होतीन उनना आयक के की यीसु यस्सलेम मा आय रहयो से। 13 लोकगीन खजुर की डारी लेईन, अना ओला मिलन को लाई हिटिन। “अना चिल्लाके कव्हन लगीन।” बड़ाई होय, “धन्य से इसरायल को राजा।” जो पिरभू को नाव लक आवसे। 14 जबा यीसु ला गदही

को एक बच्चा मिलयो, ता उ ओको पर बस गयो। जसो ओको बारे मा लिखि से। 15 “अबो सिस्थोन की दूरी, भेव नोको राख, देख, तोरो राजा गदही को बछेरु पर चघके चलत आय रही से।” 16 यीसु को चेलागीन यो गोस्टी नही समजयो होतीन, पर यीसु को महिमा मिलन को मंघा उनला हेत आयी, का यो वोको बारे मा लिखीसे अना लोक गीनना वोको संग असोच कियो होतो। 17 तब भीड मा वय मानूस गीन गवाही देयीन, जोन बेरा लाजर ला मरघटी लक हाकल के यीसु ने जित्तो कियो होतो वोच बेरा चोयो होतीन। 18 एको लाई लगत लोक गीन यीसु को आवभगत करन लाई हिटीन। ओन्हीसीन आयकीन का यीसु ना यो निसान चोवाइसेस। 19 यो सब चोय के मोसे को नियम को गुरु ना एकमेक लक कहिन, “चोव रहिसेव ना, तुमी लक काही नही होय सका। चोवो सप्पा संसार ओको मंघा चल रही से।” 20 जोन लोक तिहार को बेरा मा पूजा करन आई होतीन, उनमा काही यूनानी होतीन। 21 उनना फिलिप्पुस को जवर आयके यो बिनती करीन, महोदय, आमी यीसु पिरभू लक मिलन आईसेजन। फिलिप्पुस गलील छेतर को बैतसेदा नगर को रहन वालो होतो। 22 उ गयो अना अन्दिरयास ला यो सांगिस, तबा अन्दिरयास अना फिलिप्पुस गईन अना उनना यीसु ला एको बारे मा खबर देईन। 23 यीसु ना उन लक कहीस, उ बेरा आय गईसे, जबा मानूस को दूरा महिमा ला पाय लेहे। 24 मि तुमी लक खरो सांगासेउ जबा तकन गँहु को बीज माती मा पडके मर नही जासे तबा तकन उ एकलो रव्होसे, पर अदी उ मर जावासे ता लगत फर देवासे। 25 जोन आपरो जान लक माया करासे, उ ओला नास करासे, अना जोन यो संसार मा आपरो जान लक बैर करासे, उ ओला अमर जिन्दगी कोलाय सुरक्सित राखासे। (aiōnios g166) 26 अदी कोनी मोरो दास बननो चाव्हासे तो मोरो मंघा चले, जिता मि सेउ, उता मोरो चेला भी रव्हेत, अदी कोनी मोरी सेवा करनो चाव्हासे ता बाबूजी ओको मान करेत। 27 “अब मोरी मन बेचेन से, का मि यो कहूँ, बाबूजी, यो बेरा को आफद लक मोला बचाव? काहेका यो काजी मि यो बेरा तकन पहुँची सेउ। 28 ओ बाबूजी! लोकगीन मा आपरो नाव की महिमा कर।” ओनो बेरा मा यो सरग लक आवाज आई, का मिना आपरो नाव की महिमा करिसेव, अना मंग ओको महिमा करू। 29 इता उता लोक गीनना आयक के कहिन बादल गरजियो, काही लोकगीन ना कहिन, एक सरगदूत ना बोला काही सांगयो से। 30 यीसु ना सांगीस यो आवाज मोरो लाई नही, बलिक तुमी लोकगीन लाय से। 31 अब यो संसार को न्याय होवा से, अब यो संसार को मुखिया हेड दियो जाहे। 32 अना मि जबा धरती लक वरता उचलो जाहूँ। तबा सब मानूस गीनला आपरो कन डीक लेहूँ। 33 ऐना सबद लक यीसु ना ईसारा करीस, का ओकी मिरतु कोन तरीको लक होयेत? 34 लोकगीन ना असो सांगीन, मोसे को नियम हमला यो सिक्सा देसे की मसीह सदा रहेत, मंग तु यो कायलाय कव्हसेस, की मानूस को दूरा ला वरता जानो जरूरी से? यो मानूस दूरा कोन आय? (aiōn g165) 35 एतरो पर यीसु ना उन ला कहीस, अता कम बेरा से की उजाडो तुमरो संग से। जबा तकन उजाडो तुमरो जवर से पुढा बढ जाओ। कही असो न होहे की इंधारो तुमला घेर ले। जोन इंधारो मा चला से वा नही जान सका की किता जावसे? 36 जबा तकन उजाडो तुमरो

जवर से उजाडो पर भरोसा ठेवो, जोन लक तुम्हि उजाडो की सैतान बन सको। असो कव्हनो पर यीसु चली गयो अना उनको लक लुक गयो। 37 मंग यीसु ना उनको पुढ एतरो निसान चोवाइस, मंग उनना भरोसा नही करीन। 38 एकोलाय भविस्वयवत्ता यसायाह को यो कव्हनो पूरो भयो का, ओ पिरभू! हमरो साजरो खबर पर कोन भरोसा ठेइस? अना पिरभू को हात को ताकत कोन पर परगट भयो से? 39 वय एको लाई भी भरोसा नही कर सकीन, का भविस्वयवत्ता यसायाह ना यो कव्हयो होतो, 40 मोठो परमेस्वर ना उनको डोरा ला अँधरा कर देइस अना उनको अक्कल ला सटया देइस। परमेस्वर ना कव्हयो, कही असो न होहे की वय डोरा ला चोयेत, अना अक्कल लक समजेत। अना मोरो मंघा भय जाहेत। अना मि उन ला साजरो कर देहूँ। 41 यसायाह ना यो सबच एको लाई सॉगीस, की उनना यीसु की महिमा ला चोयी होतो, अना वोको बारे मा सांगीस 42 मंग अधिकारी मा लक काही ना ओको भरोसा करीन, पर मोसे को नियम को गुरु को पुढा ओला नही अपनात होतीन। उनला डर होतो की सभा लक उनला कही नोको ठुकराय दियो जाय। 43 उनला परमेस्वर को मान लक ज्यादा, मानूस को मान को माया होतो। 44 यीसु ना हाकलके कहीस, “जोन मोरो पर भरोसा करासे उ मोरो पर नही पर जोनना मोला धाडिसेस ओको पर करासे। 45 अना जोनना मोला चोवीसिस, ओना मोरो धाडन वालो ला चोवीसिस। 46 मि जगत मा उजाडो होयके आईसेऊ, एकोलाय जोन कोनी मोरो पर भरोसा करेत, उ इंधारो मा नही रव्हेत। 47 अदी कोनी मोरी गोस्टी ला आयकसे अना नही मानासे ता मि ओला सजा नही देहु। काहेकि मि जगत ला अपराधी ठहरावन को लाय नही, पर जगत ला सूटकारा देवन ला आईसेऊ। 48 जोन मोला बेकार जानासे अना मोरी गोस्टी नही अपनावासे, ओला अपराधी ठहरावन वालो तो एक से, जेना गोस्टी मिना सांगीसेउ, वा बिठो दिवस मा ओको न्याय करयेत। 49 काहे की मिना आपरो कन लक गोस्टी नही करिसेऊ, पर बाबूजी जोनना मोला धाडिसेस ओना मोला हुकूम देईसेस, मि काजक कहूँ, अना मि काजक सांगीन? 50 अना मि जानासेऊ का ओको हुकूम अमर जिंदगी से, एकोलाय मि जेना गोस्टी ला सांगासु, बाबूजी ना मोला जसो सांगीसेस, वसोच सांगासु।” (aiōnios g166)

13 फसह को तिहार को पुढा जबा यीसु ना जान लियो का मोरी बेरा आय गयो से, का मी जगत ला सोडके बाबूजी को जवर जावनो से, ता आपरो लोकगीन लक जोन जगत मा होतीन, उनलक जसो माया उ राखत होतो, आखरी बेरा भी वसोच माया राखिस। 2 अना जबा सैतान समोन को दूरा यहूदा इस्कुरियोति को मन मा यो गोस्टी डाक चुकयो होतो, का ओला धरवाए। 3 यीसु ना यो जानके की, बाबूजी ना सब काही मोरो हात मा कर देईसेस। अना मि परमेस्वर को जवर लक आईसेऊ, अना परमेस्वर को जवर जासु। 4 जेवन लक उठके आपरो कपरा ला उतार देईस, अना गमछा लक आपरी कम्मर ला बाँधिस 5 तबा बरतन मा पानी भरके चेला को पाय धोवन लगयो, अना गमछा लक पोसन लगयो। 6 जबा उ समौन पतरस को कठा गयो, तबा पतरस ना ओला कहीस, का “हे पिरभू, का तु मोरो पाय धोवसेस?” 7 यीसु ना सॉगीस, “जोन मि करासेऊ,

तु ओला अबा नहीं जानस, पर एको मंघा समज जाजोस।” 8 पतरस ना ओला कहीस, “तोला मी आपरो पाय कभू नहीं धोवन देह।” असो आयक के यीसु ना कहीस, अदी तू मोला तोरो पाय नहीं धोवन देजोस ता हरामेसा को लाय तोरो मोरो काही नाता नहात। (aion g165) 9 समौन पतरस ना ओला कहीस, हे पिरभू ता मोरो पाय ला च नहीं पर हात अना डोस्का ला भी धोय देव। 10 यीसु ना ओला कहीस जोन आंग खोर लियो सेत, वोला पाय को सिवा अखीन काही धोवन को जरूरत नहाय, पर वा सुध्द से। तुम्हि सुध्द सेव पर सबच नहीं। 11 उ आपरो धरानवालो ला जान गयो होतो, एको लाई ओना कहीस, तुम्हि सब का सब सुध्द नहाव। 12 जबा उ उनको पाय धोय चुक्यो, अना आपरो कपरा डाकके बस गयो, ता उन लक कव्हन लगयो, का तुम्हिला समजमा आयो! मिना तुमरो सँग काजक करीसेव? 13 तुमी मोला गुरू अना पिरभू कव्हसो अना साजरो च कव्हसो, काहे का मि वाच सेऊ। 14 अदी मी पिरभू अना गुरू होयके तुमरो पाय धोयो, तो यो जरूरी सेत का तुमी भी एकमेक को पाय धोवो। 15 काहे की मिना तुमला उदाहरन चोवायो सेऊ, का जसो मिना तुमरो सँग करीसेऊ तुमी भी वसोच करो। 16 मि तुमी लक खरो कव्हसू, दास आपरो पिरभू लक मोठो नहीं होवासे, अना ना धाडयो गयो आपरो धाडन वालो लक, 17 तुमी यो गोस्ती जानासेव, अना अदी उन पर चलो तो धन्य सेव। 18 मी तुम्हि सबको बारेमा नहीं सांगासेऊ, काहेका जोनला मिना निवाडी सेव ओला मि जानासू। पर यो एको लाय भयो से का, पवितर गिरंथ को उ गोस्ती पूरो भयी जाय “का जोन ना मोरो जेवन जेयो सेत, वोनाच मोला लात मरा सेत।” 19 अता मि तुमला हेत दिलासू, का जबा यो गोस्ती भय जाहे तो तुमी भरोसा करो। की मि वाच सेव। 20 मि तुमी लक खरो कव्हसू जोन मोरो धाडन वारो ला अपनावसे, उ मोला अपनावसे अना जोन मोला अपनावसे उ मोरो धाडनवालो ला अपनावसे। 21 यो गोस्ती ला सँगके यीसु आतमा मा बैचैन भयो अना ओना गवाही देइस मि तुमी लक खरो कव्हसू, की तुमी मा लक एक से, जोन मोला धराहे। 22 चेला गीनला संका भई की वा कोन को बारे मा सांगासे? ता वय एकमेक कन चोवन लग्गिन। 23 उन चेला मा लक एक जोन यीसु लक माया करत होतो, ओको छाती कन नवके बसत होतो। 24 तबा समौन पतरस ना ओला ईसारा करके पुसयो, सँग, उ कोन को बारे मा कव्हसे? 25 तबा ओना ओच तरिका लक यीसु की छाती कन नवके ओको लक पुसिस, हे पिरभू उ कोन आय? 26 यीसु ना वोकोलक सांगीस, जोनला मि यो भाकर को टुकड़ा डुबा के देहूँ वाच से, ओना टुकड़ा ला डुबायके समोन इस्करियोति को दूरा यद्दस ला देईस। 27 टुकड़ा लेवन को मंघा सैतान ओमा समाय गयो। तबा यीसु ना कहीस, जोन काम तु करन चाव्हसेस वा गदने कर। 28 पर बसन वालो मा लक कोनी नहीं जान पायो, का यो गोस्ती ओना ओला काय लाई कहीस। 29 यहूदा को जवर पियुसी रव्हत होतो एकोलाय काही-काही ना समजीन का यीसु ओला यो कव्हसे जो काही हमला तिहार को लाई पाहिजे उ लेके आन। या यो कहीस, गरीब गोर ला काही देव। 30 येने परकार लक उ टुकड़ा धरयो अना बाहेर हीट गयो, वा रात को बेरा होती। 31 जबा उ बाहेर चली गयो ता यीसु ना कहीस अबा

मानूस को दूरा को बड़ाई होवासे, अना परमेस्वर की महिमा ओमा भयोसे। 32 अदी ओमा परमेस्वर की महिमा होवासे, तो परमेस्वर भी आपरो लक ओकी महिमा करेत, अना तुरतई करेत। 33 ओ दूराहुन, मि जरा सो बेरा तकन तुमरो जवर सेउ, मंग तुम्हि मोला दुंदेने, जसो की मि यहूदिगीन लक कव्हसू, जिता मि जावासेऊ, उता तुमी नहीं आय सको, वसोच तुम्हिला भी कव्हसू। 34 मि तुम्हिला एक नवतो हुकूम देवासू, का एकमेक लक माया करो, जसो मि तुम्हरो लक माया राखासू, वसोच तुम्हि एकमेक लक माया राखो। 35 अदी आपसी मा माया राखो, ता सबच जान जाहेत, का तुम्हि मोरो चेला आव। 36 समौन पतरस ना ओला कहीस, हे पिरभू तु किता जावसेस? यीसु ना जवाब देइस, जिता मि जावसू उता तु नहीं आय सकस, पर येको मंघा मोरो मधानी आवजोस। 37 पतरस ना ओला कहीस, हे पिरभू अबा मि तोरो मंघा काय लाई नहीं आय सकू? मि तो तोरो लाई आपरो जान भी दे देहूँ। 38 यीसु ना जवाब देइस, का तु मोरो लाई आपरो जान देजोस? मि तोरो लक खरो सांगासू का कुकड़ा चिल्लावन को पहले तु मोरो नाव लक तीन डाई मुकर जाजोस।

14 तुमरो मन बैचैन नोको होय, तुम्हि परमेस्वर पर भरोसा राखिसो, मोरो पर भी भरोसा राखो। 2 मोरो बाबूजी को घर मा लगत सा रव्हन को जघा सेत, अदी नहीं होतो ता मि तुम्हिला सांग देतो। काहे की मि तुमरो लाय जघा तैय्यार करन जावासू। 3 अना अदी मि जायके तुमरो लाई जघा तैय्यार करासू, ता मंग आयके तुमला आपरो सँग ले जाहूँ। की जिता मि रव्हसू, उतच तुम्हि भी रव्हो। 4 अना जिता मि जावनो पर सेव, तुम्हि उता को रास्ता ला जानासेव। 5 थोमा ना कहीस, हे पिरभू हमला मालूम नहाय, का तु किता जावसेस। ता रास्ता कसो जानबोन? 6 यीसु ना ओला कहीस, रास्ता, खराई अना जीवन मिच आव। मोरो बगर कोनी बाबूजी को जवर नहीं जाय सका। 7 अदी तुमी मोला जानने, ता मोरो बाबूजी ला भी जानने। पर अब तुम्हि ओला जान गयो सेव अना चोवासो। 8 फिलिपुस ओला कव्हसे, हे पिरभू बाबूजी ला हमला चोवा। याच हमरो लाई लगत से। 9 यीसु ना ओला कहीस, हे फिलिपुस, मि एतरो दिवस तकन तुमरो जवर रहयो, अना का तु मोला नहीं जानासे? एको लाई जोन ना मोला चोय लियो ओना बाबूजी ला चोय लेइसेस। तु कायलाय कव्हसेत की बाबूजी ला हमला चोवाय? 10 का तोला भरोसा नहात? का मि बाबूजी मा सेव अना बाबूजी मोरो मा से, यो गोस्ती जोन तुमी लक कव्हसू आपरो आपच लक नहीं कव्हसू पर बाबूजी जोन मोरो मा से, आपरो काम करासे। 11 मोरोच भरोसा करो की मि बाबूजी मा सेव अना बाबूजी मोरो मा से। नहीं ता काम लक च मोरो भरोसा करो। 12 यीसु ना उनला खरो सांगीस, जोन मोरो पर भरोसा करासे, जसो काम मि करासू, वसोच काम उ भी करेत, वरन ओको लक भी मोठो काम करेत। 13 मि तुम्हि लोकगीन लक खरोखर कव्हसू-अना जोन काही तुम्हि मोरो नाव लक माँगने ता वा पूरो होहेत। जोनलक मोरो लक बाबूजी की महिमा होहे। 14 अदी कोनी बात ला तुम्हि लोकगीन मोरो नाव लक माँगो ता मि ओला करहूँ। 15 अदी तुमी मोरो लक माया राखने ता मोरी हुकूम ला मानने 16 मि बाबूजी लक बिनती करहूँ अना उ तुमला एक अखीन

सहारा देहे की उ सदा तुमरो सँग रहे (aiōn g165) 17 मजे खराई को चाव्हो माँगने तो उ तुमरो लाय भई जाहे। 8 मोरो बाबूजी की बड़ाई योच लक होवासे, तुम्हि लगत सा फर आननो, तबाच तुम्हि मोरो चेला कहलाने। 9 जसो बाबूजी ना मोरो लक माया राखीसेऊ, वसोच मिना तुमी लक माया राखीसेऊ, मोरो माया मा बनो रव्हो। 10 अदी यो जगत मोला नही चोवहे। पर तुमी मोला चोवहो, एको लाई की मि जितो सेव, तुमी भी जितो रव्हो। 20 उ दिवस तुमी जानने की मि आपरो बाबूजी मा सेव, अना तुम्हि मोरो मा सेव अना मि तुमरो मा सेव। 21 जोनो को जवर मोरो हुकूम सेत अना उ ओला मानासे। वाच मोरो लक माया राखासे, अना मी ओको लक माया राखुं। अना आपरो आप ला ओको पर परगट करह। 22 एक यहदा नाव को चेला जो इस्करियोति नही होतो, ओला कहीस, “हे पिरभू, का भयो कोनतो से? का कोनी आपरो संगी को लाई आपरो जान देदे? 14 जोन हुकूम मि तुम्हिला देसु, अदी ओला मानने तो तुम्हि मोरो संगी सेव। 15 अता अबा लक मि तुम्हिला दास नही कहूँ, काहे की नौकर ता उ मोरो सबद ला मानेह। अना मोरो बाबूजी ओको लक माया राखेह, अना हमि ओको जवर आवबिन अना ओको सँग रव्हबिन। 24 जोन मोरो माया नही राखा, उ मोरो गोस्टी ला नही मानासे अना जोन गोस्टी तुमीना आयकीसेव, उ मोरो नही पर बाबूजी को से, जोनना मोला धाडिसेस। 25 यो गोस्टी मिना तुमरो सँग रहतो बखत ठहराई सेउ की तुमी जायके फर आनो अना तुमरो फर बनो रहे। की तुम्हि मोरो नाव लक जोन काही बाबूजी लक माँगो, उ तुमला देहे। 17 यो गोस्टी को हुकूम, मि तुमला एको लाई देवसु की तुमी एकमेक लक माया राखो। 18 अदी जगत तुमरो लक बइर राखासे तो तुम्हि जानासो की ओना तुमरो लक पुडा मोरो लक बयिर राखिस। 19 अदी तुमी जगत का होतत, तो जगत तुमरो लक माया राखतो, पर एको काजी की तुमी जगत को नही सेव, काहेका मि ला जगत मा लक निवाडी सेव। एकोलाय जगत तुमी लक बइर राखासे। 20 जोन गोस्टी मिना तुमी लक कहीसेउ, वोला हेत राखो, दास आपरो पिरभू लक मोठो नही होवासे, अदी ओन्हीसीन मोला तगाईन, तो तुमला भी तंगाहेत। अदी ओन्हीसीन मोरी गोस्टी मानीन, तो तुमरो भी मानहेत। 21 पर यो सबच काही वय मोरो नाव को कारन तुमी लोक सँग करहेती। काहे की वय मोरो धाडन वालो ला नही ओरखासेस। 22 अदी मि नही आतो, अना उनलक गोस्टी नही करतो, तो वय पापी नही ठयरतिन, पर अबा उनला उनको पाप लाई कोनी बहाना नाहती। 23 जोन मोरो लक बइर राखसेत, उ मोरो बाबूजी लक भी बइर राखसेत। 24 यदी मिना उनमा वय काम नही करतो जोन कोनी ना नही करयो सेत, ता वय पापी नही ठयरतत। पर अबा तो उनना मोला अना मोरो बाबूजी दुही ला चोवीसेत अना दुही लक बइर कियो, 25 यो एकोलाय भयो का वा सबद पूरो होय, जोन उनको मोसे को नियम मा लिखीसे, “उनना मोरो लक बेकार च बइर करीसेत।” 26 पर जबा उ सहायक आहे मजे खराई को आतमा जेनला मि तुमरो जवर बाबूजी को कन लक धाडहु मजे सत को आतमा, जोन अजी को कनलक हीटासेत वो मोरो गवाही देहेत। 27 अना तुमी भी मोरो गवाही सेव काहे की तुमी सुरु मा मोरो सँग रही सेव।

15 खरो अंगूर की बेला मि सेव। अना मोरो बाबूजी कास्तकार से। 2 जोन डाली मोरो मा से अना नही फरासे, ओला उ काट डाकासे, अना जो फरासे, ओला छाटासे, जोन लक अखीन फरेत। 3 तुम्हि तो उ गोस्टी लाय सुध्द सेव जोन मिना सांगासेऊ, 4 तुम्हि मोरो मा बनो रव्हो, अना मि तुमरो मा, जसो डार अदी अंगूर बेला मा बनी रव्हसे, ता तबच फर सकेत। 5 मि अंगूर बेला सेव, तुमी डार सेव, जोन मोरो मा बनो रव्हसे, अना मि ओमा, उ लगत फर फरासे, काहेकि तुम्हि मोरो लक बेगरो भयके, तुम्हि काही नही कर सको। 6 अदी कोनी मोरो मा बनो नोको रव्हेत, ता उ डार को जसो फेक दियो जावासे, अना सूक जावासे, अना लोक गीन उनला एकटो करके स्तो मा झोक देवसेत, अना वय जर जासेत। 7 अदी तुम्हि मी मोरो मा बनयो रव्हो अना मोरो गोस्टी तुमी मा बनी रव्हो, तो जोन

16 यो गोस्टी मिना तुमी लक एकोलाय सांगासू का तुम्हि डावाडोल नोको होव। 2 वय तुम्हिला पिराथना सभा अना समाज लक हेड देहेत, इतरोच नही पर उ बेरा आवासे, की जो

कोनी तुमला मार डकेह, उ समजेत की मि परमेस्वर की सेवा कम्सु। 3 असो वय एकोलाय करयेत, की उन बाबूजी ला नही जानासेत, अना मोला भी नही जानासेत। 4 पर यो गोस्टी मिना एकोलाय तुमी लक सांगीसेउ की जबा एको बेरा आहे तो तुमला हेत आहे की मिना तुम्हि लक पुढा च सांग दियो होतो। 5 मि ना सुरु मा तुम्हि लक यो गोस्टी एकोलाय नही सांगयो, काहे की मि तुम्हारा सँग होतो, पर अबा मि आपरो धाडनवालो को जवर जावास् अना तुम्हि मा लक कोनी मोरो लक नही पुसेत, तु कहीं जासेस? 6 पर मिना जोन गोस्टी तुमी लक सांगीसेउ एकोलाय तुम्हारा मन सोक लक भरीयो से। 7 ता भी मि तुम्हि ला खरो सांगास्, का मोरो जावने तुमरो लाय साजरो से, काहेकी अदी मि नही जाऊ तो उ सहायक तुमरो जवर नही आहेत, पर अदी मि जाउ तबा ओला तुमरो जवर धाडू। 8 उ आयके जगत ला पाप अना नेकी अना न्याय को बारेमा बेजवाब करेत। 9 पाप को बारे मा एकोलाय की वय मोरो पर भरोसा नही करयेत। 10 अना नेकीपन को बारे मा एकोलाय की मि बाबूजी को जवर जास् अना तुमी मोला मँग नही चोहो। 11 न्याय को बारे मा एकोलाय का जगत को मुखिया दोसी ठयरायो गई से। 12 मोला तुम्हि लक अखीन भी लगत सी गोस्टी कव्हने से, पर अबा तुमी उनला सहन नही कर सकेत। 13 पर जबा उ असो खराई को आतमा आहे, ता तुमला सबच खराई को रास्ता सांगेत, काहेकी उ आपरो कन लक नही सांगेत पर जोन-जोन काही आयकेत वाच ला सांगेत अना आवनवालो गोस्टी तुमला सांगेत। 14 उ मोरी बडाई करेत, काहेकि उ मोरो गोस्टी लक तुम्हिला सांगेत। 15 जोन काही बाबूजी को से, उ सबच मोरो से, एकोलाय मिना कव्हयो का उ मोरी गोस्टी मा लक तुम्हिला सांगेत। 16 जरासो बेरा को बादमा तुम्हि मोला नही चोवने पर जरासो बेरा को बाद मंग मोला चोवने। 17 यो गोस्टी आयक के यीसु को काही चेलागीन एकमेक लक सांगन लगीन, यो अमीला काजक सांगासे? जरासो बेरा मा तुमी मोला नही चोवने, मँग जरासो बेरा मा तुम्हि मोला चोवने। 18 तबा चेला गीन ना कहीन, “यो जरासो बेरा” कव्हसे, एको काजक मतलब से, अमीला समजमा नही आवासेत? 19 यीसु जानत होतो का वय वोको लक काही सवाल करनो चाव्हसेत, तबा यीसु ना कव्हयो, तुम्हि एकमेक लक बिचार करासो, का यो “जरासो बेरा मा मोला नही चोवने मंग जरासो बेरा मा मोला चोवने” को काजक मतलब सेत? 20 मि तुम्हिला खरो सांगास् का “तुम्हि रडतो रव्हने अना जगत खुसहाली मनाहेत, तुम्हिला दुख होहेत पर तुमरो दुख खुसहाली मा बदल जाहेत। 21 लेकरा जलम लेवन को पुढा बायका ला दरद होवासे, काहे की ओकी दुख को बेरा आय जासे, पर जबा वा लेकरा को जलम भयी जासे ता वा खुसहाली मनावसे, का एक मानूस तन जलम लेयीसेस, अना वा मुसीबत ला हेत नही करासे। 22 वसोच परकार लक तुम्हिला अबा सोक से पर मि तुमी लक मँग मिलहु अना तुमरो मन खुसहाली लक भर जाहे। अना तुमरो खुसहाली कोनी तुम लक नही हिसक सकेत।” 23 वोना दिवस तुम्हि लोक मोला काही नही पुसने, मि तुमरो लक खरो-खर सांगास्, “अदी मोरो नाव लक तुम्हि बाबूजी लक काही मँगने, ता उ मोरो नाव लक तुम्हिला देहेत। 24 अबा तकन तुम्हि लोक ना मोरो नाव

लक काही नही मँगीसेव, मँगो तो तुम्हिला भेटेत, जोनलक तुमरो खुसहाली पूरो भई जाहेत।” 25 मिना यो गोस्टी तुम्हिला उदाहरन लक सांगीसेउ, पर उ बेरा आवासे, मि तुम्हिला उदाहरन लक नही सांगू पर अबा मी तुम्हिला बाबूजी को बारे सपा-सपा साँगु। 26 ओनो दिवस तुम्हि लोक मोरो नाव लक मँगने अना मि तुम्हिला यो नही सांगास्, की मि तुमरो लाय बाबूजी लक बिनती कस्हुँ। 27 काहे की परमेस्वर तो खुदच तुम्हिला माया करासे। काहेका तुम्हिना मोरो लक माया करयो से, अना यो भी भरोसा करासेव की मि बाबूजी को कनलक आईसेऊ। 28 मि बाबूजी को कन लक जगत मा आयीसेऊ, अना मि मंग जगत ला सोडके बाबूजी को जवर जावास्। 29 तब यीसु ना चेलागीन ना कहीन, चोव, अता तो तु खोलके सांग दियोसे, अना कोनी उदाहरन नही सांगासेस। 30 अता हमि जान गई सेजन की तु सबच काही जानासेस, अता जरूरत नहात, की कोनी तोरो लक काही पुसेत, एकोलाय अमी भरोसा करासेजन की तु परमेस्वर को कन लक आईसेस। 31 यो आयक के यीसु ना उन लक जवाब दियो, का तुम्हि अता भरोसा करासेव। 32 चोवो, उ घडी आवासे, की तुमी सबच भटक जाहो अना आपरो-आपरो रास्ता लेहो, अना मोला एकलो सोड देहो। ता भी मि एकलो नही सेव, पर बाबूजी मोरो सँगमा से। 33 मि ना यो गोस्टी तुमला एकोलाय सांगीसेऊ की तुमला मोरो सान्ती मिल्हे, जगत मा तुम्हिला दुख होवासे, पर हिम्मत राखो! मि ना जगत ला जीत लियोसेऊ।

17 यीसु ना यो गोस्टी कहीस, अना आपरो डोरा सरग कन उचलके कहीस, अगो बाबूजी! वा बेरा आय गयोसे, आपरो दूरा को बडाई कर, की दूरा भी तोरो बडाई करहे, 2 काहेकि तुना ओला सबच मानूस जाति पर हक देईसेस, जोनलक उ उन सबला अमर जिंदगी दे, जोनला तुना वोला सोपयो सेत। (aiōnios g166) 3 अना अमर जिंदगी योसे की वय तोला एकच खरो परमेस्वर अना यीसु मसीह ला, जेनला तु ना धाडीसेस जानेत। (aiōnios g166) 4 “जोन काम तुना मोला करन लाय देईसेस ओला पूरो करके मिना धरती पर महिमा करयो सेऊ, जोन जगत बनान को पुढा, मोरो तोरी सँग होतो। 5 अता हे बाबूजी! तु आपरो सँग मोरी महिमा वा महीमा लक कर जोन जगत को पैदा होवन लक पुढा, मोरो तोरो सँग होतो।” 6 मिना तोरो नाव वोना मानूसगिन पर उजागर कियो से, जोन लोक गीनला तुना जगत मा मोला देईसेस, वय तोरी होतीन अना तुना उनला मोला देईसेस, अखीन उनना तोरो सबद ला मना लेईसेत। 7 अबा वय जान गईसेजन जोन काही तुना मोला देईसेस, उ सबच तोरो कन लक से। 8 काहेकि जोन गोस्टी तुना देईसेस मिना उनला धाडीसेऊ, अना उनना ओनो गोस्टी ला भरोसा लक अपनाय लियो सेत अना खरो मा जान लेयीसेत, का मि तोरो मा लक हिटि सेऊ। ओन्हीसीन जान लियो सेत का तुना मोला धाडीसेस। 9 मि उनको लाई बिनती करास्। जगत को लाई बिनती नही कस्हुँ। पर उनको लाई जिनला तुना मोला देईसेस, काहेकि वय तोरा सेती। 10 अना जोन काही मोरो सेत, वय सबच तोरो सेत अना जोन तोरो से उ मोरो से, अना इनलक मोरो बडाई उजागर भई। 11 मि दुनिया मा नही रहूँ, पर यो लोकगीन दुनिया मा रहेत, अना मि तोरी जवर आवासेऊ, हे

पवीतर बाबूजी, आपरो उ नाव लक जोन तुना मोला देईसेस, उनकी रक्सा कर, वय आमरो जसो एक रहेत। 12 जबा मि उनको सँग होतो, मिना तोरो उ नाव लक, जोन तुना मोला देईसेस, उनको रक्सा कर, अना नास होवनवालो दूरा ला सोडके उन लोकगीन मा लक कोनी नास नही भयो। एकोलाय की पवित्र गिरंथ मा जोन कहो गयो उ पूरो होए। 13 अबा मि तोरो जवर आवास अना यो गोस्टी जगत मा कव्हसू, की वय मोरो खुसहाली आपरो मा पूरो पाहेत। 14 मिना तोरो गोस्टी उनला पहुचा देईसेऊ। अना जगत ना उनलक बइर करीस, काहे की जसो मि जगत को नही, वसोच वय भी जगत का नहाति। 15 मि यो बिनती नही करू की तू उनला जगत लक उचल लेहे, पर यो की तू उनला ओनो दुष्ट लक बचाव राख, 16 जसो मि जगत को नही। वसोच वय भी जगत का नहात। 17 खराई को दवारा उन ला पवीतर कर, तोरो सबद खराई से। 18 जसो तुना मोला जगत मा धाडिसेस, वसो मिना मि उनला जगत मा धाडिसेत। 19 अना उनको लाई मि आपरो आप ला पवीतर कस्सेऊ काहेकि वय भी खराई को कन लक पवीतर कियो जाहेत। 20 मि केवल इनको लाई बिनती नही करू, पर उनको लाई भी जोन इनको सबद लक मोरो पर भरोसा करासेत। 21 की वय सबच एक होय जाहेत। जसो तू हे बाबूजी मोरो मा सेस, अना मि तोरो मा सेव, वसोच वय आमरो मा होहेत। जेना लक जगत भरोसा करहे की तुना मोला धाडिसेस। 22 उ महिमा जेनला तुना मोला देईसेस मिना उनला देईसेऊ, की वसोच एक होहेत। जसो की हमी एक सेजन। 23 मि उन मा अना तू मोरो मा की वय सिध्द भयके एक जाहेत अना जगत जानहेत की तुना मोला धाडिसेस अना जसो तुना मोरो लक माया राखिसेस, वसोच उनलक भी माया राख। 24 हे बाबूजी मी चाव्हसु की जिनला तुना मोला देईसेस, जिता मि सेव, उता वय भी मोरो सँग होहेत। की वय मोरी महिमा ला चोहेत जोन तुना मोला देईसेस। काहे की जगत को पैदा होवन को पुढा तुना मोरो लक माया राखयोस। 25 हे न्यायी बाबूजी जगत ना मोला नही जानिस पर मिना तोला जानीसेऊ, अना इनना भी जानिन का तुना मोला धाडिसेस। 26 मिना तोरो नाव उन लोकगीन ला साँगयो, अना साँगतो रहूँ। की जोन माया तुना मोरो लक करीसेस, वोच माया उनमा रव्हे। अना मि उनमा रहूँ।

18 यीसु यो गोस्टी साँगके आपरो चेला को सँगा किदरोन नाला को वोनागन गयो। उता एक बारी होती, जोन मा उ अना ओको चेला गईन। 2 ओको धरानवालो यहदा भी उ जघा जानत होतो, काहेकि यीसु आपरो चेला को सँगा उता जात होतो। 3 तबा यदूस, सिपाही गीनको दल ला लेयके अना मुखिया याजक अना मोसे को नियम को गुरू कन लक सिपाही ला लेयके, दियो, टेमा अना हतियार धरके उता आयो। 4 तबा यीसु उ सब गोस्टी ला जोन ओको पर आवनवालो होती, जानके हिटयो, अना उनला कहीस कोन ला हुँडोसेव? 5 उनना ओला जवाब देईन, यीसु नासरी ला, यीसु ना उनला कहीस, मि सेव ओको धरानवालो यहदा भी उत्तच उभयो होतो। 6 ओको कव्हन पर की मि सेऊ, वय मँधा पछलके जमी पर गिर गईन। 7 तबा ओना मंग उनलक पुसयो, तुमी कोन ला हुँडोसेव? वय बोलिन का यीसु नासरी ला! 8 यीसु ना जवाब देइस मि तो तुमला

कह देइसेऊ, की मि सेव, अदी मोला हुँडोसो तो इनला जावन देव। 9 यो एकोलाय भईसे की उ सबद पूरो होहे जोन ओना कव्हयो होतिस, “जोनला तुना मोला दियो होतोस, उनमा लक मिना एक ला भी नही खोयो।” 10 एतरो पर समौन पतरस ना, तलवार झीकके अना मोठो मुखिया याजक को दास पर चलायके ओको उज्जो कान ला काप देइस, यो दास को नाव मलखुस होतो। 11 तब यीसु ना पतरस लक कहीस, आपरी तलवार म्यान मा राख, जोन बटकी बाबूजी ना मोला देइसेस, का मि ओला नही पीहूँ? 12 तबा दरोगा ना सिपाही ला हुकुम देईस, तबा यहदिगीन को दास गीन अखीन सिपाईगीन ना यीसु ला धरके बाँध लेइन। 13 अना पुढा ओला हन्ना को जवर लेगइन, काहेकि उ ओना बरस को मोठो मुखिया याजक होतो जोन काइफा को ससुर होतो। 14 यो वाच काइफा होतो, जेना यहदिगीन ला सलाह दियो होतो की हमरो लोकगीन को लाई एक मानूस ला मरनो साजरो से। 15 समौन पतरस अना एक अखीन चेला यीसु को मँधा भय गइन, यो चेचाला मोठो मुखिया याजक ओरखत होतो, एकोलाय उ यीसु को सँग मोठो याजक को आँगन मा गयो। 16 पर पतरस बाहेर डहलान मा उभो होतो तबा दुसरा चेला जोनला मोठो मुखिया याजक ओरखत होतो, बाहेर हिटके अना चौकीदार लक कहके पतरस ला भीतर ले आइस। 17 वय दासी जोन चौकीदार होती पतरस लक कहीस, कहीं तू भी यो मानूस को चेला मा लक तो नही आस, ओना कहीस, मि नही सेव, 18 दास अना सिपाही थन्डी को मारे अँगैठा पैटाय के स्तो तापत होतीन अना पतरस भी उनको सँग होतो। 19 तबा मोठो मुखिया याजक ना यीसु लक ओको चेला को बारे मा अना ओको सिक्सा को बारे पुसयो। 20 यीसु ना जवाब देइस, मिना जगत लक खुलके गोस्टी करिसेऊ, मिना सभापर अना मंदिर मा जिता सबच यहदिगीन एकठो होत होतीन, हमेसा सिक्सा देवत रहयो, अना छिपयो मा काही नही कव्हयो। 21 तुमी मोला कायलाई पुसा सो? आयकन वालो ला पुसो, की मिना उनलक काजक सांगीसेऊ? 22 जबा ओना यो कहीस, तो सिपाही मा लक एक ना जो जवर उभो होतो, यीसु ला चाटा मारके कव्हन लग्यो, का तू मोठो मुखिया याजक ला यो रिती लक जवाब देईसेस? 23 यीसु ना जवाब देइस, अदी मिना बुरो कव्हसू, तो वा बुराई की गवाही दे, पर अदी भलो कव्हसू तो मोला कायलाई मारासो? 24 हन्ना ना ओला बँधयो हुयो काइफा मोठो मुखिया याजक को जवर धाड दियो। 25 समौन पतरस उभो होयके स्तो ताप रहयो होतो। तबा उनना ओला कहीन, कहीं तू भी ओको चेला तो नहात? 26 मोठो मुखिया याजक को दास गीनमा लक एक जोन ओको खानदान लक होतो, जेनको कान पतरस ना कापयो होतिस, ओना कहीस, का मिना तोला ओको सँग बारी मा नही चोवयो? 27 पतरस ना मंग मना कर देइस, अना कुकडा ना एकदम लक चिल्लाय देइस। 28 पहट को बेरामा वय यीसु ला काइफा को जवर लक किला मा ले गईन पर भीतर नही धसीन, काहेका उनला असुध्द होवन को डर होति। अबा फरसह को तिहार को जेवन नही करी होतिन। 29 तबा पीलातुस उनको जवर बाहेर हिट गयो, अना कहीस, तुमी यो मानूस पर कोन गोस्टी लक दोस लगावसो? 30 उनना ओला जवाब देइस, अदी उ कुकरमी नही होतो, तो हमी ओला तोरो हात नही सौपता। 31

पीलातुस ना उनलक कहीस, तुमी येला ले जाके मोसे को नियम लक न्याय करो! यहूदीगिन ओला कहिन, हमी ला यो हक नहात की कोनी ला जान लक मारबोन। 32 यो एको लाई भयो का यीसु की उ गोस्टी पूरी होहे जोन ओना यो ईसारा देतो बेरा कन्हयो होतीस, की ओकी मौत कसी रीत लक होहे। 33 तबा पीलातुस किला मा अँदर धसके अना यीसु ला मंग लक पुसयो की का तु यहूदीगिन को राजा आस? 34 यीसु ना जवाब देइस, “का तु यो गोस्टी आपरो कन लक कन्हसेस का दुसरो मोरो बारे मा तोरो लक कन्हसेत?” 35 पीलातुस ना जवाब देइस, का मि यहूदी आऊ? तोरोच जात वारा अना मुखिया याजक ना तोला मोरो हात मा सौपीसेत। तुना का करीसेस? 36 यीसु ना जवाब देइस, मोरो राजपाठ यो जगत को नहीं से। अदी मोरो राजपाठ यो जगत को होतो, तो मोरो सिपाही इनलक लडतीन अना मि यहूदीगिन को हात मा नहीं सौपयो जातो। पर मोरो राज इता को नहाती। 37 पीलातुस ना ओला कहीस, तो का तु यहूदीगिन को राजा आस? यीसु ना जवाब देइस, तु कन्होसेस की मि राजा सेउ, मिना एकोलाय जन्म लेइसेउ अना जगत मा आर्यीसेऊ, की खराई को गवाही देऊ। जो कोनी भी खराई को से, उ मोरो आवाज ला आयकासे। 38 पीलातुस ना ओला कहीस की खराई काजक से? यो सौंगके उ मंग यहूदीगिन को जवर लक हिट गयो, अना उन लक कहीस, मि तो ओमा काही दोस नहीं पाऊ। 39 पर तुमरो यो रीती लक की मि फसह को तिहार मा तुमरो लाई एक आदमी ला छोड देह, एकोलाय का तुम्हि चाव्हासो की मि तुमरो लाई यहूदीगिन को राजा ला सोड देह? 40 तबा उनना मँग चिल्लायेक कहीन, एला नहीं पर हमरो लाई बरब्बा ला छोड दे! अना बरब्बा डाकु होतो।

19 येको पर पीलातुस ना यीसु ला कोडा लगवाइस। 2 सिपाई ना कांटा झाड को मुकुट गुथके ओको डोस्का मा राखिन अना ओला बेजनी कपरा पहनाय देईन। 3 अना ओको जवर आयके कन्हन लगिन, हे यहूदी को राजा नमस्कार अना ओला झापड भी मारिन। 4 तबा पीलातुस ना मंग बाहेर हिटके लोक गीनला कहीस, चोवो मि ओला तुमरो जवर मँग बाहेर आनास, जोनलक तुम्हि जानो का उ निरदोस से। ओमा काही भी दोस नहात। 5 तबा यीसु कांटा को मुकुट अना बैजनी कपरा डाकयो हुयो बाहेर हिटयो। अना पीलातुस ना उनलक कहीस, “चोवो यो मानूस ला।” 6 तबा मुखिया याजक अना सिपाही ना ओला चोवीन। तो चिल्लाके कहिन, का ओला कूरूस मा चघाव! पीलातुस ना ओला कहीस, तुम्हिच ओला आन के कूरूस पर चघाओ! काहेकि ओमा काही दोस नहीं पायो सेऊ। 7 यहूदी गीनना ओला जवाब देइन, “हमरो भी मोसे को नियम को लक, उ जस मार डाकन को काबील से, काहेकी ओना आपरो आपच परमेस्वर को ट्रा बनाईसेस।” 8 जबा पीलातुस ना यो गोस्टी आयकीस तो अखीन भेव समाय गयो अना यीसु लक कहिस, “तु किता को सेस?” पर यीसु ना ओला काही भी जवाब नहीं देइस। 9 अना मंग किला को भीतर गयो अना यीसु लक कहिस, तु किता को सेस? पर यीसु ना ओला काही भी जवाब नहीं देइस। 10 एतरो पर पीलातुस ना ओला कहीस, मोरो लक काहे नहीं कव्हासे? का तु नहीं जानस की तोला छोड देवन को हक मोला से, अना तोला कूरूस मा

चघा वन को हक मोला से। 11 यीसु ना जवाब देइस, “अदी तोला वरता लक नहीं दियो जाहे तो तोरो मोरो पर काही भी हक नहीं से। एकोलाय जोन मोला तोरो हात धरायो से ओको पाप लगत से।” 12 एतरो पर पीलातुस ना ओला सोड देनो चाहयो, पर यहूदी गीनना चिल्लाके कहीन, अदी तु एला सोड देजोस तो तोरी भक्ति कैसर को संगी नहीं से। जोन कोनी आपरो आप ला राजा बनावासे। उ कैसर को सामना करासे। 13 यो गोस्टी आयक के पीलातुस यीसु ला बाहेर लायो, अना उ जघा एक चबुतरा होती जो इब्रानी मा गब्बता कहलासे अना उता न्याय आसन पर बसयो 14 यो फसह को तिहार की तैयारी को दिवस होतो, अना यो बेरा छटवो तास को लगभग की होती। तबा ओना यहूदीगिन लक कहीस, “चोवो तुमरो राजा!” 15 पर वय चिल्लाइन, ले जाव, ले जाव! अना ओला कूरूस मा चघाव, पीलातुस ना उन लक कहीस, का मि तुमरो राजा ला कूरूस पर चघाऊ! मुखिया पुजारी ना जवाब देइस, कैसर ला छोड हमरो कोनी राजा नहाय! 16 तबा उनना यीसु ला उनको हात सौप देइस, ताकि उ कूरूस मा चघाव जाहे। 17 तबा वय यीसु ला ले गईन, अना उ आपरो कूरूस उठायेक उ जघा तकन बाहेर गयो, जो कवटी को जघा कहलावासे अना इब्रानी मा गुलगुता। 18 उता उनना ओला अना ओको सँगा अखीन दोन मानूस ला कूरूस पर चघाईन, एक को इता अना एक ला उता, अना बीच मा यीसु ला। 19 पीलातुस ना एक दोसपतर लिखवाके कूरूस पर लगा देइस, अना ओमा यो लिखयो होतो, यीसु नासरी, यहूदीगिन को राजा। 20 यो दोसपतर लगत सा यहूदीगिन ना वाचिन काहेकि उ जघा जिता यीसु कूरूस मा चघाव गयो होतो। नगरको जवर होतो, अना पतर इब्रानी मा अना लतीनी अना यूनानी मा लिखयो होतो। 21 तबा यहूदीगिन को मुखिया याजक ना पीलातुस लक कहीस, “यहूदी गिनको को राजा” मत लिखने पर यो की “ओने कहीस मि यहूदी को राजा सेउ।” 22 पीलातुस ना जवाब देइस, मि ना जो लिख दियो उ लिख दियो। 23 जबा सैनिक यीसु ला कूरूस मा चघा देईन तो ओको कपरा आन के चार करीन, हर सिपाही को लाई एक पराय अना कुरता भी लेईन, पर कुरता बिन सिवन को वरता लक खाल्या तकन बुनयो हुवो होतो। 24 एकोलाय उनना आपसी मा कहिन, हमि एला नहीं फाडबोन पर एको पर चिट्ठी डाकबिन की यो कोन की होहे। यो एकोलाय की पवितर गिरंथ मा जोन कन्हयो गयो उ पूरो भये। उनना मोरो कपरा आपस मा बाँट लेइन अना मोरो पल्लु पर चिट्ठी डाकिन। 25 अता सिपाही ना असो ही करीन यीसु को कूरूस जवर ओकी माय, अना ओकी माया की बहिन, कलोपास की बायको मरियम, अना मरियम मगदलीनी उभी होती। 26 जबा यीसु ना आपरी माय अना ओनो चेला ला जेनला उ माया राखत होतो। जवर उभो देखिस ता आपरी माय लक कहीस हे बाया देख यो तोरो दूरा से। 27 तबा ओना चेला लक कहीस, यो तोरो माय से। अना वोच बेरा लक उ चेला ओला आपरो घर ले गईन। 28 एको मँघा यीसु ना यो जानके की अता सब काही पूरो भयो, पवितर गिरंथ मा जोन कहो गयो उ पूरो भयो, तब कह्यो “मि तहान सेउ।” 29 उता अंगूर रस भरो हुयो एक बरतन राखियो होतो, अता उनना अंगूर को रस माफिलायो हुयो स्पंज ला जुफा मा राखके ओको तोन्ड लक लगाइन। 30 यीसु ना उ पित

मिलयो अंगूर को रस टोंड मा लेइस अना कहीस “पुरो भयो।” अना डोस्का डाखके परान छोड देइस। 31 यो बिसराम-दिवस लक पहेले तैय्यारी को दिवस होतो। यह्दी गीनना पीलातुस लक बिनती करीन का उनको टंगडी तोड दियो जाय अना उनको देह उतारो जाय, जोनलक पवीतर दिवस मा वय कूरस पर नोको रहेत। काहेकि उ सब्त का मोठो दिवस होतो। 32 एकोलाय सैनिक ना आयके कूरस मा टगयो, पहेलो अना दूसरो, मानूस को टेगडी टोडिन, जोन यीसु को संग कूरस मा चघायो गयो होतीन। 33 पर जबा यीसु को जवर आयके चोविन की उ मर चुकयो तो ओकी टाँग नही तोडिन। 34 पर सिपाही मा लक एक ना बरछी लक ओको पसरी मा मारयो, अना ओमा लक तुरंत रकत अना पानी हिटियो। 35 जेना यो देखीस ओने गवाही देइस, अना ओकी गवाही देइसेस अना ओको गवाही खरो से उ खदच जानासे का खरो कव्हसे जेनको लक तुमी भी भरोसा राखो। 36 यो गोस्टी एको लाई भई का पवितर गिरंथ मा कव्हयो गयो होतो, उ पुरो भयो। “ओकी एक भी हाड नही तोड पाहे।” 37 मैंग एक जघा पवितर गिरंथ पर यो लिखो से “जोनाना बोला छेदयो, वाच वोको कन चोवयो।” 38 यो गोस्टि को बाद अरिमितिया को यूसुफ ना जोन यीसु को चेला होतो, पर यह्दी गीनको भेव लक यो गोस्टी ला लुकाय राखत होतो। यूसुफ ना पीलातुस ला साँगीस, का “तु यीसु को लास ला मोला देवा।” तबा पीलातुस ना कव्हयो का ले जाय। 39 नीकुदेमुस जोन पुढा रात ला यीसु को कठा गयो होतो, वोच पचास सेर लुभान अना गवारपाठा ले गयो। 40 तबा उन्ना यीसु को लास ले गईन, अना यह्दिगीन को गाडो जानो को रिवाज लक ओला सुगंधित सामान को सँगा कपरा मा लपटिन। 41 ओनो जघामा जिता यीसु कूरस मा चघाव गयो होतो, एक बारी होती अना उ बारी मा एक नवतो मरघटी होती जेमा कोनी ना राखियो गयो होतो। 42 एकोलाय यह्दिगीन की तैय्यारी को दिवस सूकीरवार को कारन उन्ना यीसु ला वोचमा राख्यो, काहेकि वा मरघटी जवर होती।

20 हफता को पहिले दिवस मरियम मगदलीनी पहेटिया मा मरघटी मा आइन, अना गोटा ला मरघटी लक हटयो हुयो चोवीन। 2 तबा वय धाव के समौन पतरस अना उ दूसरो चेला को जवर जेनको लक यीसु माया राखत होतो आयके कहिन, वय पिरभू ला मरघटी मा लक हेडके ले गईन, अना अमीला पता नहात, बोला किता राख दियो! 3 तबा पतरस अना उ दुजो चेला हिटके मरघटी को कन चली गईन। 4 वय दोनो सँग-सँग धाव रह्यो होतिन, पर दूसरो चेला पतरस लक पुडढा मरघटी मा पहुचयो। 5 अना उ वोनो होयके कपरा पडो चोवयो, ता भी उ भीतर नही गयो। 6 तबा समौन पतरस ओको मंघा-मंघा पहुचियो, अना मरघटी को भीतर गयो, अना कपरा पडा चोविस 7 अना उ गमछा जोन ओको डोस्का लक बाँधो होतो, अलग एक जघा गुन्ड के राखियो होतो। 8 तबा दूसरो चेला भी जोन मरघटी पर पुढा पहुचियो होतो, भीतर गयो अना चोयके भरोसा करीन। 9 वय तो अबा तकन पवितर गिरंथ की उ गोस्टीच ला नही समजयो होतीन, की ओको मरो मा लक जिंदो होवने से। 10 तबा यो चेला आपरो घर लवट गईन। 11 पर मरियम रोवती हुई मरघटी को जवर च बाहरे उभी रही, अना रोवती-रोवती

मरघटी को कन नवके, 12 दुई सरगदूत ला पाढरो कपरा घालयो हुयो एक ला मुंडेसा अना दूसरो ला पैताना मा बस्यो चोयी, जिता यीसु को लास राखी होतीन। 13 उनना ओकोलक कहीन अवो बायका तु काय ला रोवासेस? ओना उनलक कहीस, वय मोरो पिरभू ला उचलके ले गईन, अना मोला मालस नहात की ओला किता राखीसेत? 14 यो कही अना वा यीसु ला उभो चोयी, पर वा नही वोख सकी का उ यीसु आय। 15 यीसु ना ओला कहीस, अवो बाई तु काय लाय रोवासेस कोन ला दुढासे? ओना माली समजके ओला कहीस, हे पिरभू अदी तु ना ओला उचल लेइसेस। तो मोला सांग ओला किता राखीसेस अना मि ओला ले जा? 16 यीसु ना ओला कहीस, मरियम! ओना मंघा मुरकके ओला इबरानी मा कहिस “हे गुरू” 17 यीसु ना कहीस, मोला नोको छुवस। काहेकि मि अबा तकन बाबूजी को जवर वरता नही गयो, पर मोरो भाऊ को जवर जावके उन लक सांग दे, की मि आपरो बाबूजी अना तुमरो बाबूजी अना आपरो परमेस्वर अना तुम्हरो परमेस्वर को जवर वरता जावास। 18 मरियम मगदलीनी ना जायके चेलागीन चेला गीनला साँगिस, मिना पिरभू ला चोवीसेऊ, अना ओना मोला यो गोस्टी कहीस। 19 ओनो दिवस जोन हप्ता को पहेलो दिवस होतो, झुलाखाली को बेरा जबा उता को बेसकुड जिता चेला होतीन, यह्दिगीन को भेव को मारे बंद होतो। तबा यीसु आयो अना उनको बीच मा उभो होयके उनलक कहीस, “तुमला सान्ती मिलहे।” 20 अना यो सांग के ओना आपरो हात अना आपरो पंजर उनला चोवायो तबा चेलागीन पिरभू ला चोवके खुसी लक भय गईन। 21 यीसु ना मैंग उनलक कहीस, “तुमला सान्ती मिलहे। जसो बाबूजी ना मोला धाडीसेस, वसो ही मि भी तुमला धाडिसेउ।” 22 यो साँगके ओना उन पर फुकिस। अना उन लक कहीस, “पवीतर आतमा लेव। 23 जिनको पाप तुमी छिमा करो वो उनको लाई छिमा कियो जाहे। जिनला तुमी राखसेव वय राखो गईसेत।” 24 पर बारा मा लक एक मजे थोमा जोन दिदमुस कहलावासे। जबा यीसु आयो ता उनको सँग नही होतो। 25 जबा चेलागीन ओको लक कव्हन लागीन, हमी ना पिरभू ला चोवीसेजन, तबा ओना उन लक कहीस, जबा तकन मि ओको हात मा खिल्ला का छेद न चोय लुँ, अना खिल्लो को छेद मा आपरी बोट ना डाक लुँ, अना ओको छेद मा आपरो हात न डाख लु, तबा तकन मि भरोसा नही करूँ। 26 आठ दिवस को मंघा ओको चेलागिन मंग घर को भीतर आइन, अना थोमा उनको सँग होतो। अना किवाड बंद होतीन। तबा यीसु आयो अना उनको बीच मा उभो होयके कहीस, तुमला सान्ती मिलहे। 27 तबा ओना थोमा लक कहीस, आपरी बोट इता आनके मोरो हात ला चोय। अना आपरो हात आनके मोरो छेद मा डाक। अना अबिस्वासी नोको पर बिस्वास करन वालो बन। 28 यो आयक के थोमा ना जवाब देइस। हे मोरो, पिरभू हे मोरो परमेस्वर। 29 यीसु ना ओला कहीस, “तु ना मोला चोवीसेस एको लाई भरोसा करसेस, धन्य सेत वय जेने मोला बिन चोय भरोसा करासेत।” 30 यीसु ना अखीन लगत सा निसान चेला को पुढा चोवाईस। जोन यो किताब मा लिखयो नही गई सेत। 31 पर एको कारन लक लिखी गई से की तुमी लोकगीन भरोसा करो, की

यीसु जोन से उ परमेस्वर को धाड़ो गयो से। अना कन्हनो मा मसीह से। अना ओको नाव मा भरोसा करनो लक जीवन मिलासे।

21 येको मंघा यीसु ना तिबिरियास झील को किनार मा मंग चेला गीनको जवर आपरो आप ला दिसायो। यो असो भयो, 2 समौन पतरस अना थोमा जोनला दिदमुस भी कहव्सेत। अना गलील को काना नगर को नतनएल अना जबदी को दूरा अना ओको चेला मा दोन दिगर जन इकठ्ठा भईन। 3 समौन पतरस ना उनको लक कहीस, “मि मसरी पकड़न लाई जावास्।” वय ओला कहिन “हमि भी तोरो सँग चला सेजना।” वय चले गइन, नाव मा चघके मसरि पकड़न लगिन, पर उ रात उनला काही नही भेटियो। 4 पहत को बेरा यीसु किनारे पर उभो होतो, पर चेला गीन नही चिन्हो का यो यीसु से। 5 तबा यीसु ना उन लक कहीस, ओ भाऊ तुमरो कठा कितरो मसरी सेत? तबा वय जवाब देईन, काही नाहती। 6 ओना उन लक कहीस, नाव की उज्जो कना जाल डाकहो तबा तो तुम पाहो। एकोलाई: उनना जाल डाकिन, अना लगत सारी मसरी जेनला उनला झिकत नही बनयो। 7 तबा ओनो चेला ना जेनला यीसु माया राखत होतो। ओना पतरस ला कहीस, यो तो पिरभू से। समौन पतरस ना यो आयकिस, तो ओना कमर मा गमछा डाकके अना झील मा कूद गयो। 8 पर दुसरो चेला नहानी डोंगी मा मसरी लक भरो जाल खिचत-खिचत आइन। वहान लक सिरफ 100 मिटर दुहर लक धरती को किनार होतो। 9 वय धरती मा उतरीन होतीन अना कोयले को स्तो अना ओको पर मसरी राखी गई होती अना भाकर चोवीन। 10 यीसु ना उन लक कहीस “तुमीना जोन मसरी अबा धरियासेव, ओमा लक काही आनो।” 11 समौन पतरस ना डोंगी मा चघके एक सौ तिरपन मोठो मसरी लक भरो हुवो जाल धरती मा झिकिस। अना एतरी मसरी होवनो पर भि जाल नही फटयो। 12 यीसु ना उनलक सौंगिस, आव, आमी जेवन करबीन। चेला गीन मा कोनी ला एतरो हिम्मत नई भयो की ओला पुसेत, की तु कोन आस? काहे की वय जानत होतीन की यो पिरभू च से। 13 यीसु आयो अना भाकर आन कन उनला देइस, अना वसोच मसरी भी। 14 यो तिसरो गन से की यीसु मरो मा लक जितो होवनो को मंघा चेला गीन ला चोयो। 15 जेवन करनो को मंघा यीसु समोन पतरस लक कहीस, की हे समौन, योहन को दूरा, का तु मोला माया राखसेस का? ओना कहीस, “हव, पिरभू, मि तोरो लक माया राखसु तु तो जानसेस।” ओने ओला कहीस, “मोरो मेढा गीन ला चराव।” 16 ओना मंग दुसरो गन ओला कहीस, हे समौन योहन को दूरा का तू मोरो लक माया करासेत, तबा समौन यीसु लक कहीस, हव पिरभू तु जानासेस की मि तोरो लक माया राखसु ओने मंग कहीस, मोरो मेढा ला चराव। 17 ओने मंग तीसरो डाई ओला कहीस, हे समौन योहन को दूरा, का तु मोरो लक माया राखसेस। मंग पतरस उदास भय गयो की ओने तीसरो गन असो कह देइस। का तु मोला माया राखसेस? अना एतरो पर ओने कह देइस, का हे पिरभू तु तो सब काही जानासेस की मि तोरो लक माया राखसु का नही। यीसु ना मंग कहीस मोरी मेढा ला चराव। 18 मि तोरो लक खरो मा कन्हसु की जबा तु जवान होतोस तो आपरो कमर बाँधके जिता चाहत होतो जात होतोस, पर जब तु सयानो होजोस

तो आपरो हात पसार जोस, अना दुसरो तोरी कमर बाँधके जिता तु नही चाहवजोस उता तोला ले जाहेत। 19 ओना ऐना गोस्टी लक ईसारा देईस की पतरस कसो मौत लक परमेस्वर की बड़ाई करेत। अना तबा ओना ओला कहीस, मोरो मंघा भयजाहे। 20 पतरस ना मुरकके उ चेला ला मंघा आवता चोवीस, जेनको लक यीसु माया राखत होतो अना जेना जेवन को बेरा ओको छाती कन नवके पुछिस होतीस, हे पिरभू तोरो धरान वालो कोन से? 21 ओला चोवके पतरस ना यीसु लक कहीस हे पिरभू एको काजक हाल होहे? 22 यीसु ना ओला कहीस अदी मि चाहु की उ मोरो आनो तकन स्कयो रह। ता मोला एकौलक काजक, तु मोरो मंघा भय जाय। 23 एको लाई भाऊ गीन मा यो गोस्टी फैल गई की उ चेला नही मेरेह, ता भी यीसु ना ओला नही कहीस की उ नही मेरेह, पर यो की “अदी मि चाहूँ की उ मोरो आनो तकन स्कयो रह, तो तोला एको लक काजक?” 24 यो वाच चेला से, जोन ऐना गोस्टी की गवाही देवासे। अना जेना ऐना गोस्टी ला लिखि से अना हमी जानसेजन की ओकी गवाही खरो से। 25 अखीन भी लगत सा काम सेत, जोन यीसु ना करीसेस। अदी वय एक-एक करके बयान करी जातीन ता मि समझसु की जोन किताब लिखी जातीन, वय जगत मा नही समातीन।

पेरीत

1 ओ चहेतो थियुफिल्सु, मीना आपरो पयलो किताब उन सब काम गीनको बारे मा लिखिसेव, जो काम यीसु ना पयले लक करयो अना सिकायो। **2** वोना दिवस तकन पवितर आतमा लक आपरो बेचयो गयो चेला गिनला हुकूम दियो जोन दिवस लक उ सरग नहीं उचल लियो गयो। **3** आपरो मरनो को मघा, वोना **40** दिवस तकन उ अलग-अलग रीत लक उ लगत बार उनला आपरो जितो होवन को सबूत उनला देवत रहयो। अना वोना उनलक परमेस्वर को राज को बारेमा सागत रह्यो। **4** मग जबा वय यीसु को संग जमा होतिन, “ता ओना उनला हुकूम देईस।” येस्सलेम नगर नोको तजजोस, बल्की जोन पवितर आतमा भेटन को बारे मा तुमीना मोरो लक आयकिसेव, बाबूजी को ओनो वायदा को पुरो होवन को रास्ता ताको। **5** काहे का योहन ना पानी मा बपतिस्मा देई होतीस, “पर अब्बा तुमला जरासो दिवस को मंघा पवीतर आतमा लक बप्तिस्मा दियो जाहेत।” **6** जबा पेरीतगीन दुगां भईन, तबा वय यीसु लक पुसिन, पिरभू का तू योच बेरा इसरायल राज ला लवटा देजोस? **7** यीसु ना उनला कहीस “ओनो अवसर अना बेरा ला जाननो तुमरो काम नाहती। जोन ला परमेस्वर ना खुद अपरो हक मा पक्को करीसेस। **8** पर जबा पवीतर आतमा तुमी पर आहे तबा तुमी ताकत पावने, अना येस्सलेम, सप्पा यहूदिया अना सामरिया मा, यहान तकन का धरती को छोर तकन तुमी मोरो गवाह ठहरने।” **9** एतरो कव्हनो को मंघा उ उनको देखत-देखत वरता उचल लियो गयो, अना उ उनला नहीं चोवयो। **10** जबा उ जाय रहयो होतो, तो वय बादर कन ताक रहया होतिन, ताभिक दुई मानूस पांढरा झंगा घाल्या हुया उनको कगर मा आयके उभा भईन, **11** अना उनको लक कहिन, ओरे! गलीली लोक गीन, तुमी कायलाई, उभा होयके बादर कन चोवासेव जोन यीसु तुमरो, जवर लक सरग मा उचलीयो गयोसे, अना वोला जसोच तुमीना, सरग ला जात चोयीसेव, वसोच रिती लक अखीन वापस लौटहेत। **12** मंग पेरीत जैतून नाव को पहाड लक जोन येस्सलेम लक कोनी एक किलोमीटर दुहर से। वहान लक येस्सलेम सहेर लवटिन। **13** तबा वय येस्सलेम सहेर को वय घर को पाटन पर गईन, जहा पतरस अना योहन अखीन याकूब अना अन्दिरयास, अखीन फिलिप्पुस, अना थोमा, अना बरतुलमै, अखीन मती अना हलफई, को दूरा याकूब, अखीन समौन, जेलोतेस अना याकूब, को दूरा यहूदा, ठहेराया होतीन। **14** इनको संग मा काही आई-माई, अखीन यीसु की माय मरियम अना वोका भाऊ गिन भी होतिन। यो सब आपरो आपला एक संग पिराथना मा लगायो राखत होतिन। **15** काही दिवस मघा बिस्वासी भाऊ गिन को सभा मा जोन एक सम्बर बीस लोक गीन होतिन। पतरस उभो होयके कव्हन लगयो। **16** यहूदा आमरो समूह को एक मेम्बर होतो अना यो सेवा मा उ हिस्सेदार होतो। **17** जोनको को बारेमा, पवितर गिरंथ को उ लेख जोनला राजा दाऊद को टोन्ड लक पवितर आतमा ना लगत पयलेच कव्हयो होतो। ओको पुरो होवनो जस्सी होतो। का उ आमरो च सग गिनो जाहेत, अना यो सेवा मा वोको भी हिस्सा होहेत। **18** यो

मानूस ना अपरो अन्याय को कमाई लक एक खेत लेई सेस, उ ओको मा टोन्ड को बल पडीसे वोको पोट फट गयो, अना वोकी सबरी अतडी बाहेर हिट गईसेत। **19** सबच येस्सलेम का रहवन वारा गीन ला मालूम भय गयो ऐना कारन उ खेत ला हकलदमा मजे खून वालो खेत कहव्सेत। **20** काहेका भजन संहिता की किताब मा असो भी लिखीसे, “वोको घर उजड जाये, अना कोनी ना रव्हे।” अना असो भी लिखयो सेत का वोको सेवा को जघा कोनी अवर ला भेटेत। **21** एकोलाय यो जस्सी से, का जबा पिरभु यीसु हमरो बीच मा होतो। तबा लक जोन लोक हरामेसा आमरो संग होतिन उनमा लक कोनी एक ला बेचयो जाय, मजे वोना बेरा लक जब ले योहन ना लोकगिन ला बप्तिस्मा देवनो सुरु कियो होतो अना जब तकन आमरो बीच लक यीसु ला उचल लियो गयो होतो। **22** उनमा लक कोनी एक ला यीसु को दुबारा जितो होवन को आमरो सग गवाह होवनो पायिजे। **23** उन मा लक वोना दुई मानूस गीन को नाव बेच के पेस करीन। यूसुफ को जोनला बरसबास, कव्हत होतीन, अना जेनको छाप युस्तुस, होतो, अना मत्तियास ला। **24** मंग उनना पिराथना करीन, ओ पिरभू तुमी सबच को मन ला जानासे, ये दुई मा लक तुमी कोन ला यो पद लाय बेचयो सेस। **25** जोन यहूदा जघा होतो वहान वा चले गयो, अना आपरो जघा सोड दियो, अब्बा एक पेरीत को सम्मा सेवा को यो पद ला कोन अपनायेत। **26** तबा उनना वोको बारे मा चिड़ी डाकिस, अना चिड़ी मत्तियास को नाव पर हिटी होती अना वय अकरा चेलागीन को संग गिनयो गयो।

2 जबा यहूदी गीन को तिहार को पन्नास दिवस को मजे फसह को तिहार आयो, ता वय सब बिसवासी गीन एक जगह मा जमा भईन **2** तभिक एकाएक जोन घरमा बसी होतीन, वहान बादल लक अंधाड बोहन जसी आवाज आई अना जोन घरमा वय बसी होतीन, वोना घरमा आवाज भर गई। **3** अखिन इस्तो को लपट जसी अना जिबली बानी इस्तो की लपट चोवन लगी। उ इस्तो लपट को टुकड़ा-टुकड़ा हरेक वरता आयके ठहेर गई। **4** अना वय सबच पवीतर आतमा लक भर गईन अना जेनो तरह लक आतमा, न उनला बोलन की ताकत देईस ता वय अलग-अलग बोली बोलन लागीन। **5** वहान येस्सलेम सहेर मा दुनिया को सबच देस-देस को भक्त यहूदी रव्हत होतिन। **6** जबा या आवाज गरजन भई, तबा एक मोठी भीड जमा भय गई। अना लोक गीन अचम्भा मा पड गइन। काहेकि बिस्वासी भाऊगिन ला, आपरो खुद को भासा मा बोलत आयकुयो। **7** वय सबा चकित होयके आपसी मा कव्हन लगीन, का वय गलील पिरान्त को नाहती? **8** मंग हमरो मा लक हर एक अपरी-अपरी जलम भूमि की बोली कसो आयकासे। **9** हमी जसो पारथी अना मेदी अखीन एलामी अना मेसोपोटामिया अखीन, यहूदिया अना कप्पदुकिया अखीन पुतुस अना आसिया। दहा अना फ्रुगिया अखीन पंपलिया अना मिसर **10** अना फ्रुगिया पंपलिया, मिसर, लीबिया, देस जेव कुरेने को अगल-बगल मा ये सबच देसगीन को रव्हनवालो अना रोमी नगर मा जायके रव्हन वारा मा। **11** यहूदी अना यहूदी बनान केरेती अना अरबी सेत पर अपरी-अपरी भासा मा उनको लक परमेस्वर का मोठा-मोठा काम

की गोस्ती आयकासेत। 12 अना वय सबच चकित होयके अना संका एक दूसरो लक कव्हन लागीन, यो का होय रहीसे? 13 पर दूसरो लोक गिन ना पेरीतगिन को हसी उडाय के कहीन, वय सब ना काही लगतच अंगुर को रस पियो सेत। 14 तबा उन अकरा को संग पतरस उभो भयो, अना लोग गिनला कव्हन लगयो, अरे यहूदि सगी हुन अना येस्सलेम सहेर मा रव्हनवारा, मोरो सबद आयको, अना एको मतलब मोला सागन देव, 15 एना लोक गिन नसा मा नाहती, जसो का तुमी मा लक कितरो लोक समजा सेव, अबा तो दिवस को 9 बजयो सेत। 16 बल्की यो वाच गोस्ती से, जेनको बारेमा योएल भविष्यवक्ता सागयो होतो। 17 परमेस्वर कव्होसे, का आखीर को दिवस मा असो होयेत का मी सबा मानुसगिन पर आपरो आतमा उबडा देह, मग तुमरो दूरा अना दूरी भविष्यवानी सागेत। अना तुमरा जवान दरसन देखेत, अखीन तुमरा सायनो सपना देखेत। 18 हव, ओना दिवसगिन मा, मी अपरा चाकर अना दासी गीन पर अपरी आतमा उबडाहूँ, अना वय भविष्यवानी करेहेत। 19 मी ओरिया बादर को खाल्या धरती पर हिदान, अना बादल मा रक्त स्तो, अना धुंगा की बादर देखाऊ। 20 पिरभू को महान अना महीमा को दिवस आवन को पयले सूरज इंधारो अना चांदा रक्त जसो लाली मा बदल जाहेत। 21 अना जोन कोनी पिरभू लक मद मागेत, बोला पिरभू बचाहेत। 22 अरे इसरायली गीन मोरी एना गोस्ती ला आयको, यीसू नासरी एक मानुस होतो जेनको लक परमेस्वर ना अचंभा को काम, अखीन हिदान वोको लक करायो, एकोलक यो साबीत होवासेत का परमेस्वर ना बोला धाडिसेस। यो गोस्ती ला तुमी जाना सेव। 23 यो मानुस ला परमेस्वर को पक्को योजना अना पक्को पुढा की गियान को अनुसार तुमला सोपो गयो होतो। पर तुमीना पापी मानुस गिन को साथता लक बोला कूरूस पर चघायके मार डाकिन। 24 पर परमेस्वर न बोला मिरतु को यो उन लक सोडाय लियो अना बोला मंग जितो करीस। अना मिरतु मा इरो ताकत नाहोती का बोला बन्धन मा राखे। 25 कायकि दाऊद वोको बारे मा कव्होसे मी पिरभू ला हमेसा अपरो समने चोवतो रहयो कायकि उ मोरो जेवना हात कन से ताकि मी ना डगमगाय जाऊ। 26 एको लाई मोरो मन खुसी सेत, अना मोरी बानी मा खुसी सेत। अना मोरो देह भी आस मा जीव्हेतीन। 27 कायकि तुना मोरी आतमा ला मिरतु को लोकमा नही छोडजोस, तू आपरो पवीतर बिस्वासी चाकर ला कबर मा नही सडन देजोस। (Hadēs 986) 28 तुना मोला जिंदगी को कन जावन की रस्ता चोवाइसेस। आपरो हाजरी लक तू मोला खुसी लक भर देजोस। 29 अरे मोरा लोकगीन आपरो पुरखा राजा दाऊद को बारे मा मी बेखटका कव्हस, का उ मर गयो से, अना अबा भी वोको मरघटी आज तकन मौजूद से। 30 उ एक भविष्यवक्ता होतो, उ जानत होतो, का परमेस्वर न करार लक वोको ले वादा करीसेस। का मी वोको खानदान मा लक कोनी एक मानुस ला वोको राजगद्दी पर बसाऊ। 31 एकोलाय जोन आवन वालो बेरा मा घटनवालो सेत। बोला चोवत हुया, दाउद ना जबा यो सांगयो होतो। बोला मिरतु को दुनिया मा नही सोडयो गयो। अखिन ना च वोको देह सडन को लाय मरघटी मा राख दियो गयो। तो वोना मसीह को मंग लक जितो उचलन को बारे मा कव्हो होतो। (Hadēs 986) 32 अना वोच यीसू ला परमेस्वर ना

दुबारा जितो करीस अना हमी सबच येनो गोस्ती का गवाह सेजन। 33 परमेस्वर को उजो हात कन सब लक वरता पद पायके यीसू ना परम अजी को वादा को अनुसार पवितर आतमा पायके अना मग वोने यो आतमा ला आमरो पर उबडाय देईस जोनला तुमी अबा देखासेव अना आयकसेव। 34 दाऊद सरग पर नही चाघयो पर उ खुदच कव्हसे, पिरभू न मोरो पिरभू लक कहीस, मोरो उजो बस, 35 जबा तकन मी तोरो बयरी गिन ला तोरो पाय खाल्या को पीढो को जसो नही बनाय देहूँ। 36 येको लाय पूरो इसरायल पक्को रूप लक यो जान ले का परमेस्वर ना यो यीसू ला जेनला तुमी न कूरूस मा चघायो होतो बोला पिरभू यीसू अना मसीह बनायो होतो। 37 लोक गिन ना जबा यो गोस्ती आयकिन ता दुखी भई गईन। वय पेरीतगिन अना उनको संगी गिनला कव्हन लागीन, तो अबा अमीला काजक करनो पडहेत? 38 पतरस न उनला कहीस, मन मुरकाओ, अना आपरो पापगिन की छिमा पावन लाई तुम मा लक हरेक ला यीसू मसीह को नाव लक बसिस्मा लेवनो पडहेत। अना तुमला परमेस्वर को उपहार पवितर आतमा मिलहेत। 39 “कायकी या परन तुमी अना तुमरी अवलाद अखीन वय सब दूर-दूर का लोकगीन को लाई भी से जोनला पिरभू हमरो परमेस्वर ना अपरो जवर हाकलो सेत।” 40 पतरस न अखिन लगतसा गोस्ती को लक हुसियार करीस अना बिनती को संग उनलक कहीस, यो भिरस्ट खानदानी लक अपरो आप ला बचायके राखो। 41 उनमा लक लगतसा लोकगिन ना ओको सन्देस ला आयक के बिस्वास करीन, उनला बपतिस्मा दियो गयो, असो परकार बोना दिवस उनको समूह मा, लगभग तीन हजार मानुस अखिन जूड गइन। 42 वय लोक गिन पेरीतगिन लक सिक्सा पावनो अना संगती राखनो अखीन जेवन करनो मा लगयो रहिन। 43 अना पेरीतगिन को लक अचरज को काम अना मोठयो-मोठयो काम होवत रहयो। अखिन हरेक मानुस अर्चभित भेव लक भर गइन। 44 अना सबच बिस्वासी लगातार संगती बनायो राखत होतिन। अखीन उनको जवर जोन काही जीनूस होतो बोला वय आपसी मा बटवार करत होतिन। 45 वय अपरी-अपरी सम्पित अना चीज ला बीकत होतिन। अना वोको लक जोन पैसा भेटे, उनकी जरूरत को अनुसार बाट देत होतीन। 46 वय हर दिवस मंदिर मा समूह मा मिलत होतिन। वय आपरो घरगिन मा संगमा जेवन बाट-बाट के अना सरल मन लक खुसी लक, मिलजुल के जेवत होतिन। 47 हर रोज पिरभू उनला समूह मा जोडत होतो। सबा लोक गिन साजरा भावना को मजा लेवत हुयो, वय परमेस्वर को पिराथना करत होतिन अखीन जोन हररोज बचावत जात होतिन उनला समूह मा मिला लेवत होतिन।

3 एक दिवस पतरस अना योहन दुफारी, तीन बजे पिराथना को बेरा मंदिर जाय रहयो होतो। 2 लोक जनम को लंगंडा ला हररोज आवन-जावन को जघा मा बसाय देत होतिन ताकि उ मंदिर मा आवन जावन वालो लक भीख मांगे। 3 यो मानुस न जबा योहन अना पतरस ला मंदिर मा धसता देखिस, ता ओना उन लक आपरो लाय भीख मांगिस। 4 उनना सिधो योहन कन चोविन अना पतरस ना कहीस, “हमरो कन देख।” 5 तबा उ काही पावनो की इक्सा लक उनको, कन ताकन लगयो। 6 पर पतरस न वोको लक चोवत

हुयो कहीस “मोरो जवर तोला देवन लाय काही पैसा नाहती पर जोन काही सेत उ मी तोला देवासु। नासरत को यीसु मसीह को नाव लक उभो होय अना चल मंग।” 7 मग वोना वोको उजो हात ला धरके ना ओला उचलीस, एकदम ओको पाय अना घटना मा जान आय गयी। 8 तबच उ उछल के उभो भय गयो अना इतानी-उतानी उछलत कुदत उनको संग परमेस्वर को मंदिर मा गयो। 9 सप्पा लोक गीन ने वोला चलता-फिरता अना परमेस्वर की स्तूती करता देखीन। 10 लोकगिन ना वोला चीन लेइन यो ता ओच आय जोन मंदिर को सुन्दर फटका मा भीक मांगत होतो वोको संग घटयो घटना ला चोयके वय एकाएक अचंभा मा पडके चक्रीत भय गईन। 11 उ मानूस पतरस अना योहन को संग होतो एकोलाय सबरी लोक अचम्भीत होयके, सुलेमान नाव को डहरी को जवर परात आइन। 12 पतरस न जब असो चोयो ता लोकगीन लक कहयो, अगो इसरायल को लोकगिन, तुम ऐको पर कायलाय अचम्भीत सेव, अना असो घुर-घुर के आमीला कायलाई चोय रही सेव, असो लगासे का आमीना अपरो ताकत अना भक्ति को हिम्मत लक यो मानूस ला चलन-फिरन को लायक बनाय दियोसेजन। 13 अब्राहम इसहाक अना याकूब को परमेस्वर, आमरो आज्ञा पुरखा परमेस्वर न आपरो दास यीसु ला अपरो महिमा देइसेस पर तुमीना वोला अधिकारी गीन ला सोप दियो अना तुमीना पेन्तुस-पीलातुस को पुढा नकार दियो जबकि पिलातुस न वोला छोड देने को मनसा राखीयो होतीस। 14 तुमीना वोना साजरो अना नेक मानूस ला ठुकरायो, अना वोको बदला मा पीलातुस लक मांग करयत का एक खन करनवालो ला तुमरो लाय छोड दियो जाय। 15 तुमीना जिंदगानी को रास्ता चोवन वारा ला मार डाकयत। पर परमेस्वर न वोला मरयो हुयो मा लक जितो करीस। हमी वोको पुस सेजन। 16 काहेकी अमी यीसु को नाव मा भरोसा करासेजन। एकोलाय यो वोकोच नाव सेत जोन न यो लंगडा मानूस ला ताकत देइसेस, जोन ला तुमी चोवासेव अना वोला जानासेव वोला पाय मा ताकत देयि सेस जेनला तुमी चोय रही सेव। ओनाच बिस्वास लक जोन यीसु लक भेटासे, तुमी सब को पुढा एने मानूस ला पुरो तरीका लक साजरो करीसेस। 17 अना अबा अगा भाऊ गीन मी जानासु का यो काम तुमी ना वसोच करीसेव अना वोसोच, तुमरो मुखियागीन ना भी करीसेत। 18 पर जेना गोस्टी ला परमेस्वर न सबच मोठो भविष्यवक्ता को टोन्ड लक पहेलच सांग दियो होतो का वोको, मसीह दुख उठाये वोना ऐना रिती लक पूरो करीसेस। 19 एकोलाय परमेस्वर को कन लौट जाव जोन लक उ तुमरो पाप हुन ला छिमा करेत। 20 जोन लक आतमा को ताकत को बेरा पिरभू को कन लक आय अना पिरभू तुमरो लाय मसीहा ला धाडे जोन न ओना पयले लक बेचेके राखीसेस, मजे यीसु ला। 21 अना मसीह ला जरूरी से का वोना बेरा तकन सरग मा रहेत, जबा तकन सबरी गोस्टी पहेलो जसो सुधारी न जाय। जोन को चरचा लगत पहेल लक परमेस्वर न अपरी पवीतर लोकगीन लक करी होतीस। (aiōn g165) 22 जसो का मोसे भविष्यवक्ता न कहीस, मोरो जसो एक भविष्यवक्ता तुमरो लोकगीन मा लक धाडेह अना जोन काही उ तुमला करन लाई कहे वोला तुमी पुरो रिती लक मानना। 23 पर जोन कोनी मानूस वोना भविष्यवक्ता की गोस्टी नही मानेत

वोला परमेस्वर को लोकगीन लक बेगरो कियो जाहे, अना वोको सत्यानास कर दियो जाहे। 24 हा समूल अना वोको मंघा आयो सबच भविष्यवक्ता गीन ऐना दिवस गीन को बारे मा मुनादी कियो होतो। 25 तुमी तो वोना भविष्यवक्ता गीन अना वोना करार को वारिस सेव जोन ला परमेस्वर न तुमरो आज्ञा पुरखा, लक करार करीसेस जबा वोना अब्राहम लक कहीहो तीस, तोरो खानदान लक धरती का सप्पा खानदान आसीस पाहेत। 26 अना परमेस्वर न अपरो दास ला बेचीस, अना तुमरो जवर धाडिस, ताकि तुमला तुमरो खोटो रास्ता लक हटाय के आसीस देहे।

4 जब पतरस अना योहन, लोक गीन लक, गोस्टी कर रही होतीन, का याजक मंदिर को मुखिया, अना सदूकी लोकगीन वोको जवर आइन। 2 वय उन पर एना गोस्टी पर गुस्सा होतीन, का पतरस अना योहन उन लोकगीन ला सिकावत होतीन, का यीसु मरयो हुयो मा लक जितो भइसे, वोको लक असो साबीत करत होतीन का मरयो हुयो मानूस जितो होय सेकासे। 3 आखिन काहेका वोना बेरा झुलाखाली भय गई होती। एकोलाय उनला दुसरो दिवस तकन उनला जेलमा राखिन। 4 पर जिनना उ संदेस ला आयकीन होतीन उन मा लक लगत लोकगीन वोको भरोसा करीन, अना उनको गिनती लग-लग लगभग पाँच हजार, तकन पुहुची होतीन। 5 आवन वालो दिवस मा यहूदिगीन को नेता, सायना अना नियम को गुरु येस्सलेम सहर मा जुमला भईन। 6 मुखिया पुजारी हन्ना, काइफा, योहन, सिकन्दर अना मोठो याजक को परिवार को सबच लोकगीन व्हान हाजीर होतीन। 7 वय पतरस अना योहन, ला उनको बीच उभो करके असो पुस ताछ करन लगन, “तुमी लोकगीन न कोनती, ताकत अना अधिकार यो काम करीसेव?” 8 पतरस न पवीतर आतमा लक भरपूर होयके, उन लक कहीस, अगा लोकगीन को मुखिया अना मोठो सायना! 9 अदि हमी लक आज उ कमजोर मानूस कसो साजरा भयो यो बारे मा यो पुस ताछ करियो जासे 10 तो तुमी सबच ला अना इसरायल, की लोकगीन ला यो जान लेवने चाहिये का यो काम नासरत को रहनवालो यीसु मसीह जेनला तुमीना कूरूस पर मरवाय डाकयत अना जेनला मोठयो परमेस्वर ना मंग लक जितो कर देयीसेस, ओकोच लक यो मानूस तुमरो पुढा साजरा चंगो से। 11 यो वाच गोटा से जोनला घर बनान वालो मिस्तरी गिनना नकारो बेकार समझ के हटायो होतिन वोच एक गजब जरूरी गोटा बन गयो। 12 अना कोनी दुसरो मानूस लक बचाव नाहती से, काहेकी पूरो संसार मा मानूसगिन, ला कोनी दुसरो नाव नही देई सेस, जेनको लक आमरो, सूटकारा होय सके। 13 उनना जबा पतरस अना योहन ला निडर चोयके, अना यो जाके का, वय अनपढ अना साधारन मानूस सेत। उनला मोठो अचंभा भयो। मग वय पहचान गईन, यो ता यीसु को संग रहयो लोक सेत। 14 अना काहेकी वय वोनों मानूस ला जोन साजरो भयो होतो, उनको संग उभो चोय रहयो होतीन, एकोलाई उनको कठा काही कव्हन लाई नही रहयो। 15 पर उनना पतरस अना योहन ला सभा लक बाहरे हेड देइन अना वय आपस मा सला बिचार करन लगन, 16 “एना लोक गीन को संग कसो बरताव करयो जाय? काहेका येस्सलेम सहर मा रहवन वारा, सबच

लोक गीन जानासेत, का इनको लक एक जाहिर अचंभा भयो सेत। जिनको जवर खेत, मकान होतीन, वय उनला बीक देत होतीन, अना जोनला नकारो नही जाय सकसे। 17 बल्कि हमी इनला चेताय धन रासी ला आनके। 35 पेरीत ला सोप देत होतिन, अना हर एक देसेजन की वय एना नाव की चरचा कोनी अखिन मानूस लक नही करबिन ताकि लोक गीन मा एनो गोस्टी को अखिन बदनो रोखियो जाय सकेहे।” 18 वोना पतरस अना योहन, ला बुलावन धाडीस, अखीन उनला हुकूम देईन, का वय यीसु को नाव को कोनी लक काहिच चरचा नोको करे अखिन कोनी ला गोस्टी नोको सांगेत। 19 ऐको पर पतरस अना योहन न उनला, जवाब देईन “अबा तुमी सागो का परमेस्वर की नजर मा हमरो लाई यो साजरो होयेत का अमी परमेस्वर को हुकूम तोड के तुमरो हुकूम मान बीन? 20 काहेकी असो नही भई सकासेत। का जोनला हमी चौबीसेजन, अना आयकी सेजन कोनी ला वोको बारे मा नही सांगबिना।” 21 मंग उनना उनला अखिन कडो स्प लक चेताय के सोड देइन। काहे का उनला सजा देवन को कोनी बहाना नाहोती। काहेका जोन घटना घटी होती। वोकोलाय सबच स्तुती करत होतिन। 22 अना जोन मानूस को संग यो अचंभा भयो, वोकी उमर चालीस बरसा लक जादा, होती। 23 जसोच पतरस, अना योहन ला सोडयो गयो। वय मंग अपरा लोक गीन को समूह मा गइन। अना उनलक जोन काही मुखिया याजक गीन अखीन सयाना यहूदी पेरीत ना कही होतीन, उ सब गोस्टी उन ला कह आयकवाइन। 24 जबा बिसवासीगीन ना यो आयकिन, ता वय मिलके उचो आवाज लक पिराथना करन लगिन, “मालिक तुनच बादर अना धरती, सागर अना, वोको मा जोन काही सेत, उन सबला बनाइसेस। 25 तुनच पवीतर आतमा लक हमरो पुरखा, अपरो सेवक दाऊद को टोन्ड लक यो कहयो होतो।” ऐना जमाना को लोकगीन ना जाने काहे आपरो घमन्ड चोवायो, लोकगीन ना फालतुच साजिस कायलाई रच डाकिन। 26 पिरभू अना वोको, मसीह को विरोध मा, सासन करन बारा नियावी, धरती को सासक उभो भयो, अना राजा गिन आपस मा मिल गइन। 27 हेरोदेस अना पोंतियुस पीलातुस भी ऐना सहर मा गैरयहूदी गीन अना इसरायिल गीन को संग मिलके तोरो पवितर सेवक यीसु को विरोध मा, जेनला तुना मसीह को रूप मा निवाडी होतो। वाकई मा एकजुट भय गयी होतीन। 28 वय जुमला भईन ताकि तोरो सकति अना मरजी को अनुसार जोन काही पयले लक पक्को होय गयो होतो, वा पुरो होय सके। 29 अबा वो पिरभू तु उनको धमकी, पर धियान दे, अना बिना भेवको दास ला तोरो बचन आयकावन को ताकत देव। 30 अना अबा तु अपरो हात बढ़ायके, अपरो पवीतर दास यीसु को, नाव लक साजरो काम हिदान अना अचंभा काम होवन देव। 31 जबा उनना पिराथना पुरो करीन ता जोन जघा मा वय होतिन, वा हिल गई अना उन सब मा पवीतर आतमा समा गयो, अना वय बेधडक परमेस्वर, को गोस्टी आयकावन लग्यो। 32 भरोसा करन वालो गीन को समुदाय एक चित अना एक मन होती, उनमा कोनी भी आपरी जायदाद ला आपरी नही मानासेत, जोन काही उनको जवर होतो वोमा सबको हिस्सा एक मा से। 33 चेलागीन मोठो ताकत लक पिरभू यीसु को, मर जानो पर जितो उचलनो, की गवाही देत होतिन, अना वय सब पर परमेस्वर को मोठो दया होतो। 34 वोना समूह मा कोनी असो नही होतो, जोनला काही बात को घटी होय, काहेका

जिनको जवर खेत, मकान होतीन, वय उनला बीक देत होतीन, अना धन रासी ला आनके। 35 पेरीत ला सोप देत होतिन, अना हर एक को वोकी जस्त को अनुसार बाट देत होतिन। 36 उदाहरन को लाई यूसुफ, नाव को एक मानूस होतो, वय लेवी खानदान, को होतो। वोको जन्म साइप्रस, दीप मा भयो होतो। चेलागीन, न वोको छाप को नाव बरनबास, मन्जे हिम्मत को दूरा राखी होतिन। 37 वोको जवर काही जमीन होती, वोना वोला बीक देईस, अना वोको लक मिलयो, सया ला आन कर पेरीत ला सोप देइस।

5 पर हनन्याह नाव को मानूस न अना ओकी बायको सफ़ीरा ना मिलके आपरी जायदाद को एक हिस्सा बेच देइन। 2 अना वोना अपरी बायको ला जानकारी मा ओना एमा लक काही धन बचा लेइयो। अना बाकी धन पेरीत ला को पाय खाल्या राख देइन। 3 ऐको पर पतरस न कहीस, अरे हनन्याह; सैतान ला तुना आपरो मनमा यो गोस्टी कायलाई डाखन दियो? का तुना पवितर आतमा लक खोटो सांगे, अना वोकी जमीन को रकम लक काही बचाय के राख लियो। 4 जब तक तुना उ जघा ला बिकी नही होतयो का वा तोरी नही होती? पर जब तुना ओला बिक दियो, अना जोन धन मिलयो उ तोरोच होतो, मंग तुना आपरो डिमाक मा खोटो बोलन को कायलाय सोचयो? तुना मानूस लक नही, पर परमेस्वर लक खोटो सागिसेस। 5 यो गोस्टी आयकत च उ भूईमा पड गयो, अना उ मर गयो। वय सबच जोन यो गोस्टी आयकत होतिन, उनमा भेव समा गयो। 6 जुवान गीन न उभो होयके वोला कफन मा लपेट के अना बाहेर ली जायके गाड देईन। 7 लगभग तीन घन्टा बाद मा ओको लक अनजान, वोकी बायको भितर आई, वा ऐना घटना को बारे मा काही नही जानत होती। 8 पतरस न वोला सवाल करीस, का अता मोला सांग, उ जघा वोतरोच मा बिकी सेव? ता वा जवाब देईस, हव येतरोच मा से। 9 ऐको पतरस न वोको लक कहीस, या काजक गोस्टी से? का तुमी दुई पिरभू को आतमा की परिकसा लेवन को लाय एक चित भई सेव? अता चोव, जोन लोक गीन तोरो नवरा ला गडाय के आयोसेत वय बेसकुड मा उभो सेत, अना अबा तोला भी लिजाहेत। 10 वा वोच बेरा पतरस को पाय खाल्या पड गई, अना वोको जान हिट गयो। जवानगीन भितर आयके वोला मरयो हुयो पाईन, अना वोला उचलके, वोको नवरा को बगल मा गडाय देईन। 11 ऐको लक सारी कलीसिया मा अना जेतरा लोक गीन न ऐना गोस्टी ला आयकिसेत, वय सबच पर मोठो भेव छा्य गयो। 12 पेरीत गीन लक लोकगिन को बीच लगत सा हिदान, दिसात होतिन। अना अचंभा काम करत होतिन। वय सब बिस्वासी गिन सुलेमान को ओसरी मा जमा होतीन। 13 वोना समूह मा सामिल होवन को हिम्मत कोनी नही करत होतिन मंग लोकगीन उनकी बढाई जरूर करत होतीन। 14 पिरभू मा भरोसा करन वालो मानूस अना बायका लगत-लगत बडत होतिन। 15 ऐको असो फर भयो का जोन लोक अपरा बिमारगीन ला आनके खाट अना बिस्तर मा आन-आन के रस्ता-बाट मा सोवान लगिन, जोनलक जबा पतरस उता लक हिटेत त काही भी पिरकार लक वोकी साबली पडजाय। 16 येसलेम नगर को आखापाखा को नगर लक अपरो बीमार गीन ला अना दुस्ट

आतमा लक पीड़ित लोकगीन ला आनके उनको जवर राख देइन, अन वय सबच साजरो भय जात होतीन। 17 मंग महायाजक अना उनको संगी मजे वोना नगर को सदुकीगिन को झुंड उनको बिरोध वालो, थेउदास नाव को मानूस तुमरो बीच मा उभो भयो होतो। अना मा उभा भय गईन। वय ईरसा लक भर गईन। 18 एकोलाई उनना पेरीतगीन ला बान्ध के एक जेल मा डाख देइन। 19 पर रात को बेरा मा, पिरभू को एक सरगदूत ना जेल को बेसकुड खोल देइस। अना उनला बाहेर हेडके असो कहीस। 20 जावो, मंदिर मा उभो भई जाव, अना यो नवा जिंदगी को बारेमा सबला सांगो। 21 जबा उनना असो आयकिन ता सक्कारी वय मंदिर जायके धस के उपदेस देन लग्गिन। मंग महायाजक यहूदि अगवा अना उनको संगी वहान आइन त उनना वहान पर उनना यहूदी अगवा अना इसरायल को सायना हिन को पुरो सभा ला बुलाइन। अना सिपाई धाडिन का जेल मा लक पेरीतगीन ला आनो। 22 जबा अधिकारी जेल मा पहुचीन, ता वहान पेरीतगीन ना होतीन। त उनना लवटके खबर सांगिन। 23 अना उनना कहिन, जबा हमी जेलमा पहुचयो ता अमीना चोवयो का जेलमा कुलप लगयो होतो, अना बेसकुड मा पेहरा देवनवारा उभो होतिन। पर बेसकुड खोलन पर मंग हमला भीतर कोनी च नहि भेटयो। 24 जबा मंदिर को रखवारा गिनको अधिकारी ना अना महायाजकगिन न असी खबर आयकिन ता वय उनको बारेमा सोच मा पड़ गइन “का अबा काजक होहेत।” 25 ऐतरो मा कोनी न आयके उनला खबर देईस देखो तुमी ना जिन लोकगीन ला जेल मा डाकिसेव वय मंदिर मा उभा होयके लोक गीन ला सिक्सा देय रहीसेत। 26 तबा मंदिर को सुरक्षा करनवारा सिपाईगिन को अधिकारी आपरो अधिकारी गिन सग वहान गयो। अना बिना सकती बरते उनला वापस आनीन। काहेकी उनला डर होतो का कही लोकगिन अमीला गोटा नोको मारहेत। 27 उनना पेरीतगीन ला मोठी धरम सभा को पुडा उभा कर देइन मंग महायाजक न सवाल पुसिस अना कहयो, 28 हमीना एना नाव को सिक्सा देवन लाई तुमला कडो हुकूम मना कियो होतो, मंग तुमी यो सिक्सा लक सप्पा येस्सलेम सहैर ला भर देइसेव। अना वोना मानूस की हत्या को दोस आमरो पर लादनो चाव्हासेव। 29 पतरस अना पेरीतगीन न असो जवाब देइन, “मानूस गीन को बजाय परमेस्वर को गोस्टी ला माननो जरूरी सेत।” 30 तुमी लोकगीन न यीसु ला कूरूस काडी मा खील्ला ठोक के मार डाकिसेव। पर आमरो सायना गीन को परमेस्वर न उनला मरयो मा लक जितो करीस। 31 ओला च परमेस्वर ना अगवा अना सुटकारा देवनवालो ठहरायके उजो हात कन राखीसेस, ताकी उ इसरायल गीन ला पाप छिमा अना मन मुरकान को मौका देहे। 32 एना सप्पा गोस्टी को अमी गवाही सेजन, अना वसोच पवीतर आतमा भी जोनला परमेस्वर न आपरो हुकूम मानन वारा लोकगीन ला देइसेस। 33 जबा सभा को मेम्बरगीन न असो आयकिन, त वय दुफारी को ऊन जसो तमतमा गइन। अना वय प्रेरितगिनला मार डाखन चाव्हत होतीन। 34 पर उन मा लक एक फरिसी जोनको नाव गमलीएल होतो। जोन मोसे को नियम को गुरू होतो, अना सब लोकगिन मा वोको मोठो मान होतो। सभा मा उभो भयो अना यो हुकूम दियो। का पेरीतगीन ला जरासो बेरा को लाई बाहेर हेड देव। 35 तबा उ सभा मा कव्हन लगयो। “इसरायली भाऊगिन तुम इन लोकगीन को संगी जोन काही

करन चाव्हसेव बोला तुमी सोच समझके करो। 36 का तुमला हेत से? काही बेरा पयले, आपरो आपला एक महान मानूस कव्हन वालो, थेउदास नाव को मानूस तुमरो बीच मा उभो भयो होतो। अना करिब चार संबर लोकगिन वोको मघा भय गई होतीन। पर उ मार डाख्यो गयो, अना वोका मानन वारा सबच लोक इता-उता बगर गईन। अना वोको कोनी मतलब नहि हिटयो। 37 मंग जनता को गिनती को बेरा, गलील को रव्हनवारा, एक यहूदा नाव को मानूस उभो भयो। ओना भी काही लोकगिनला आपरो मघा कर ह लियो होतो। उ भी मारो गयो, अना तीस ओको मघा चलनवारा सबच लोक इता-उता बगर गईन। 38 एको लाई ऐना बेरामा, मी तुम्हिला कव्हसू, ऐना लोकहुन लक बेगरो रव्हो। इनको मामला मा कोनी काम नोको करो, इनला एकलो राख देव अदि इनको पिलान अना काम मानूस को कन लक सेत, त आपरो आप खतम भयी जाहेत। 39 पर अदी यो काम परमेस्वर को कन लक सेत, ता तुमी येला नहि रोख सकसो। अना तबा होय सकसे, तुमी आपरो आपला परमेस्वर को बिरोध मा पाहो।” उनना वोको बात मान लेइन। 40 अना उनना पेरीत गिनला बुलाइन, अना उनला कोडा मरवाइन, अना हुकूम देइन का यीसु को नाव को चरचा नोको करे, अना उनला सोड देइन। 41 वय खुसी होयके मोठी सभा लक चली गईन, काहेका उनना असो मानिन का परमेस्वर ना उनला यीसु को नाव लाई, बेइज्जत होवन को काबील समझयो। 42 मंग वय मंदिर अना घर-घरमा हरेक दिवस सदा ऐना साजरो बारता ला आयकावन लग्गिन। का यीसु च मसीह से। उपदेस देवनो अना चरचा करनो नहि सोडिन।

6 काही दिवस को मघा जबा चेला गीन की गिनती बढत होती। ता युनानी बोलनवारा बिस्वासी, अना इब्रानी बोलन वारा यहूदी बिस्वासी, मा एक बैस भई गई। काहेका युनानी बोलनवारा यहूदी बिस्वासी यो दावा करत होतिन का उनको बेवागिन ला रोज को जरूरत को चीजगिन ला बाटनो मा अनेदेखयो करत होतिन। 2 ता बारा पेरीतगिन ना चेलागीन को सारो मन्डली ला एक संग हाकलके कहीस, “आमरो लाय, परमेस्वर को बचन की सेवा ला सोड, जेवन अना रुपिया को बरताव कन धियान देवनो साजरा नाहती।” 3 ता भाऊगिन साजरा नाव वारा, पवितर आतमा अना सुझबुझ लक भरयो, सात मानूस ला आपरो मा लक बेच लेव, अमी उनला यो काम को अधिकारी बना देबिन। 4 अना अमी आपरो आपला पिराथना अना वचन को सेवा, को काम लगायो राखबिन। 5 यो सुझाव लक सबरी मन्डली लगत खस भय गईन। ता उनना बिस्वास अना पवितर आतमा लक भरयो, स्तिफनुस नाव को मानूस ला, अना फिलिप्पुस, प्रोखस्स, निकानोर, तीमोन, परमिनास अना अन्ताक्रिया-निवासी जोन यहूदी बन गयो होतो निकोलास ला बेचयो। 6 अना इन लोकगिन ला उनना पेरीतगिन को पुडा हाजिर कर दियो अना पेरीतगिन पिराथना करके उनला निश्चुत करीन। 7 असो परमेस्वर को गोस्टी लगातार याजक गिनको एक मोठो समहु भरोसा मानन लग्गिन। अना येस्सलेम नगर मा चेला गीन की गिनती लगत बढगइ। 8 स्तिफनुस दया अना ताकत लक पूरो पक्को होयके लोक गीन को बीच मोठो-मोठो अर्चभा काम अना चिन्हान देखावत

होतो। 9 पर नाव को लाय अजाद करियो गयो, यहूदि लोकगीन को सभाघर को काही लोक, जोन कुरेनी अना सिकन्दरिया अना किलिकिया आसिया प्रांत लक आयो यहूदी होतीन, वय स्तिफनुस को बिरोध मा वाद विवाद करन लग्गिन। 10 पर वा आतमा जोन लक उ गोस्टी करत होतो, अना वोको अक्ल को पुढा वय नहीं ठैयर सकिन। 11 मंग उनना काही लोक गीन ला लोभ देके कहलवायो। हमिना मोसे अना परमेस्वर को बिरोध मा एला बेज्जती को गोस्टी करता आयकासेजन। 12 असो परकार उनना लोकगीन को मोठो सयानागीन, यहूदी नेतागिन, अना मोसे को नियम को गुरूगीन, ला भडकायो। मंग उनना आयके बोला धर लेइन अखिन बोला घसीटके यहूदी मोठी सभा को पुडा आनीन। 13 अना उनना खोटो गवाही पेस करीन, जेनना कहिन का यो मानूस हरामेसा आमरो पवीतर मंदिर को बिरोधमा, अना मोसे को नियम गिरंथ को बिस्धमा कन्हसेस। 14 काहेका हमिना बोला यो कन्हतो आइकेसेजन, का यो नासरत को यीसु यो मंदिर ला नास कर देहेत। अना आमरो रिति रिवाज ला बदल देहेत, जोनला मोसे ना अमिला देइसेस। 15 तबा सबा लोक जोन महासभा मा बसयो होतिन, बोला धियान लक चोविन। ता उनला कोनी सरगद्दू को तोन्ड जसो चोविस।

7 तबा महा यजक न कहयो, “का या गोस्टी सही से?” 2 स्तिफनुस न जवाब देईस, “अगो भाऊ गीन अना मोरो अजि को जसो बुजस्क हुन, मोरी गोस्टी आयको, आमरो अजी अबराहम हारान देस मा रव्हन लक पयले, मेसोपोटामिया मा रव्हत होतो।” ता उ बेरा महिमा वालो परमेस्वर न बोला दरसन देईस। 3 अना वोको लक कहीस, तु अपरो देस अना खानदान ला छोड दे अखीन वोना देस मा जाय, जोनमी तोला मी देखाऊ। 4 एकोलाय उ कसदिगिन को देस ला सोड, हारान देस मा बस गयो। जहान ले वोको अजी को मरन को मघा, परमेस्वर न वोला एना देस मा आवन को लाय उकसायो जहान तुमी अबा रव्हसेत। 5 पर परमेस्वर ना वोला वारसाना मा काही नहीं दियो, अना उ देस मा पाय मंडावन जघा भी नहि दियो। वोना बेरा वोको कोनी दूरा नाहोती, मंग परमेस्वर ना करार कियो का, यो देस उ वोला अना वको खानदान ला, उनको धन माया को रूपमा देहेत। 6 परमेस्वर न वोला यो भी कहीस “तोरो खानदान को लोक गिन पर देसी लोकगिन को कबजा मा रहेत।” अना चार सौ बरस तकन उनला गुलाम बनायेके बुरो बरताव करहेत। 7 परमेस्वर न कहीस, “गुलाम बनावन वालो देसला, मि खुदच दन्ड देहूँ, एको बाद वय वा देस लक बाहेर हिट जाहेत, अना एना जघा मा वय मोरो सेवा करेहेत।” 8 तबा परमेस्वर न अबराहम को लाई मुहर लक छापा ठहरायो अना उ करार लक अबराहम इसहाक को अजी भयो। तबा उ वोको जलम को आठवो दिवस मा वोको खतना करियो। मंग इसहाक लक याकूब अना याकूब लक बारा कुल को पुरखा पैदा भईन। 9 “आमरो पुरखा याकूब को दूरा गिन अपरो भाऊ यूसुफ लक जलन राखत होतिन। एकोलाय उनना वोला मिसर देस मा दास बनन लाय बीक देईन। पर परमेस्वर वोको संग रहयो।” 10 वोना सब पेसानी लक उनला सूटकारा देइस अना वोला मिसर इलाका को राजा फिरोन की नजर मा दया अना

अकलवर बनाय देईस फिरोन न यूसुफ ला मिसर देस अना पूरो राज भवन को अधिकारी बनाय देईस। 11 मंग मिसर अना कनान देस मा मोठो गीरानी पडि अना संकट छांय गयो अना खावन काजी काही नहीं मिल्यो। 12 अना याकूब न आयकिस, का मिसर देस मा अनाज से, ता वोना आपरो दूरा आमरो पुरखागीन ला मिसर धाडिस। यो उनको पयलो भेट होतो। 13 दुसरी यातरा को मोका पर यूसुफ न अपरा भाऊगिन ला अपरो पहेचान देईस अना फिरोन मिसर को राजा ला यूसुफ को परिवार को पता चलयो। 14 तबा यूसुफ न अपरो बाप याकूब अना वोको पूरो परिवार इन ला बुलाईस सब मिलाय के वय पचहत्तर आदमी होतिन। 15 याकूब मिसर देस मा आयो। अना वोना वहान वसोच मरिन जसो आमरो पुरखा मिरो होतिन। 16 मंग उनको लास वापस सकेम नगर आनीन, अना वोना मरघटी मा राखयो गयो यो वोच मरघटी होतो जेनला अबराहम न सकेम नगर मा हमोर को दूरा गीन ला चाँदी देयके लेई सेस। 17 परमेस्वर न अबराहम लक जाय परन करीस जबा वोकी पूरो होवन को बेरा जवर आय गईसे तबा आपरो लोक गीन की संख्या मिसर इलाका मा लगत बढ गईसे। 18 आखीर मा मिसर इलाका मा एक असो राजा को सासन आयो जेव यूसुफ ला नहीं जानत होतो। 19 वोना हमारी लोक को संग कुरता को बेवहार करीस, वोना आमरो पुरखा गिन ला मजबूर करीस का वय अपरो लहान सो लेकरा ला बाहेर फेक देहेत जेनको लक वय जितो न रव्ह सकसेत। 20 वोच बेरा एक लेकरा को जलम भयो। मोसे गजब खुबसूरत होतो, उ तीन महीना तकन अपरो अजीगीन को घर मा पालो गयो। 21 एको बाद जबा उनना घरको बाहेर फेकिन तो फिरोन को दूरी वोला आपरो दूरा बना के उठाय ले गइस वोना आपरो दूरा को जसो पालिस। वपलागयो तबा फिरोन की दूरी न वोला गोद लेईस अना आपरो दूरा को जसो वोको लालन पालन करीस। 22 मोसे ला मिसरी को पुरो कला कौसल क सबच सिक्सा दियो गयो। उ बोलन मा ताकतवर अना काम मा वरता होतो। 23 जबा वय चालीस बरस को भयो तबा उनको मन मा आयो का अपरा इसरायल भाऊ लक भेंट करेत। 24 जबा एक बेरा वोना चोवयो वोना को कोनी एक को सघ बुरो बेवहार करत होतिन। ता वोना वोला बचायो। अना मिसरी ला मार के वोना वो मानूस को बदला ले लियो। 25 वोना सोचयो होतो का वोको भाऊ बन्धू जान जाहेत, उनला सूटकारा देवन काजी परमेस्वर वोको उपयोग कर रहयो सेत। पर वय असो नहीं समझिन। 26 परो दिवस मोसे न दुई इसरायल गीन ला लडता देखीस। उनला मोसे कहीस, हे इसरायली सान्ती लक रव्ह भाउ तुमी दुई लोक भाऊ-भाऊ सेव तुमी एक दुसरो लडके आपरो आपला काहे नुकसान पहुचानो चाह्लासेव। 27 पर वो मानूस जोन लडत होतो मुसा ला धकाय के कहयो, तोला कोनना आमरो सासक अना अधिकारी बनाइसेस? 28 काल तुमी न वोना मिसरी मानूस ला मार दियत का वोको जसो मोला भी मार डाकनो चाहाव सेव? 29 मोसे ना जब यो आयकिस तो उ वहान लक पराय गयो अना मिधान देस मा परदेसी को रस मा रव्हन लग्गिन वहान उनका दुई दूरा उत्पन भईन। 30 चालीस बरस बितन को बाद सीनय पहाड को जवर जगल मा एक बरतो हुया झाड़ी को स्तो को बीच मा वोको पुडा एक सरगद्दू दिसयो। 31 यो चोयके मोसे भविस्यवक्ता

अचंबा मा पड़ गयो, ता उ बोना झाड़ को जवर आयो, ता बोला “काही भी होय, सब लक मोठयो परमेस्वर हात लक बनायो घर मा पिरभू की या आवाज आइक् आई। 32 मी तुमरो पुरखागिन को परमेस्वर सेव मजे अब्राहम, इसहाक अना याकूब को परमेस्वर सेऊ। मोसे डर को मोरे काँप उठयो अना देखन की हिम्मत नही जुटा पाइस। 33 तबा पिरभू न वोको लक यो कहीस, पाय लक सेंडिल उतार अना जोन जघामा तु, उभो सेस वा पवीतर जघा से। 34 मी न मिसर देस मा आपरो लोकगिन को सग होवनवारा अत्याचार साजरो लक देख-परख करिसेऊ। अर उनला रडत आयकासेऊ, अना मी वोको सूटकारा करन उतरी सेव अना मी तोला मिसर देस धाडास। 35 यो वोच मोसे सेत, जोनला असो कहके नकारो गयो होतो तोला सासक अना अधिकारी कोन ना बनाइसेस? ये वोच से जोनला परमेस्वर न झाड़ी मा दरसन दियो होतो। वोचला परमेस्वर ना सासक अना मुक्ति देवन वालो को स मा धाडीस। 36 उ उनला मिसर को धरती अना लाल सागर, अना जंगल मा चालीस बरस तकन अचंबा को काम करातो हुया अना निसान दिखावत बाहेर हेडिस। 37 यो उ मोसे भविष्यवक्ता से, जेना इसरायल गीन को सन्तान लक कहीस, परमेस्वर तुमरो भाऊ गीनमा लक तुमरो लाई मोरो जसो एक भविष्यवक्ता उभो करहेत। 38 यो उ वोचसे जोन जंगल परदेस मा पुरखा गिन, अना वोना सरगदूत को संग मौजूद होतो, जेना सीनय पहाड़ मा उनको लक गोस्टी करयो होतो। यो च ना अमीला देवन काजी परमेस्वर लक जितो बचन भेटयो होतो। 39 पर आमरो सयना गीन न वोकी गोस्टी माननलाय मुकर कर देइन। इतरोच नही, उनना दिल लक मंग मिसर देस लवटनो चाहावत होतीन। 40 उनना हासन लक कहीन, जोन अमीला रस्ता चोवाय असी आमरो लाय देवता बना, जोन हमरो पुड़ा-पुड़ा चलेत काहेकि हमी नही जानासेजन का वोना मोसे भविष्यवक्ता को का भयो जोना हमला मिसर देस लक हेडके आनी होतीस। 41 वोना दिवस नाटा को मुरती बनाईस अना वोको पुड़ा चढावा चघाईस अना अपरो हात की बनाई हुई मुरति लाई एक तिहार मनाईस। 42 तबा परमेस्वर वोको लक तोन्ड मुकेट लियो, अना उनला बादल को तारागिनला मानन लाय छोड़ देईस, जसो का पवीतर गिरंथ मा लिखीयो से, इसरायल लोक गीन का तुमी लोक गीन न जंगल परदेस मा चालीस बरस तकन मोला जानवर चढावा अना अन्न चढावा नही चघायो होतो? 43 तुमी लोक ता मोलेक देवता को तम्बु को अना अपरो देवतारैफान को तारा अना उनना मुरती गीन को जिनला तुमरी पूजा लाई निमीत बनाईसेस अपरो भुजा पर उचालके ले गईस एको लाई मी तुमी लोक गीन को बेबीलोन को ओनागन हेड देहिन। 44 सही मा निरजन परदेस मा हमरा सायना गीन को जवर गवाही को तम्बु होतो परमेस्वर न मोसे भविष्यवक्ता ला एको बिसय मा यो हुकूम देईस का येला बनाव। 45 आमरो पुरखागिन ना बोला आन के तबच व्हान लक आयो होतिन। तबा यहोसु को अगुवाई मा उन जाति गिन लक यो भूमी ले लियो होतो। जोनला आमरो आज्ञा पुरखा को पूड़ा लक परमेस्वर ना हेड दीयो होतो। अना असोच दाऊद को बेरा तकन रहयो। 46 दाऊद ना परमेस्वर को दया को मजा उठायो, वोको मरजी होतो का याकूब को लोकगिन लाय एक मंदिर बना सके। 47 पर उ सुलेमान च होतो जोन वोको लाई एक मंदिर बनवायो। 48

“काही भी होय, सब लक मोठयो परमेस्वर हात लक बनायो घर मा नही रहसे। वा जसो की भविष्यवक्ता न सागिसेस।” 49 “पिरभू कव्होसे सरग मोरो राजगद्दी से, अना धरती पाय की पायदान से।” कवन परकार को घर मोरो लाई बनावजोस? कही कोनी असो जघा नाहती, जहान मी बिसराम पाहिन? 50 का या सबच चीज मोरो हात की बनाई नही? 51 अना स्तिफनुस अवर कव्हसे, तुमी कितरो हटिलो लोक सेव, तुम आपरो दिल लक परमेस्वर को हुकूम नही मानसो, अना आयको भी नही। तुमी आपरो पुरखागिन को जसो तमिना हरामेसा पवित्र आतमा को बिरोध कियो सेत। 52 का कोनी असो भविष्यवक्ता या मानूस सेत, जोनला तुमरो पुरखा गिन ना नही तगांयो? अना उनना तो उनला भी मार डाख्यो, जोन ना परमेस्वर को नेक मानूस को आवन को मुनादि कियो होतो, अना वोना नक मानूस ला भी तुमी धरवा के मरवा डाखिसेव। 53 तुमी वोच सेव, “जोनना सरगदूत गीन लक दियो गयो मोसे को नियम तो पाय लियो पर वोनो मा नही चलयो सेव।” 54 जबा उनना एना गोस्टी ला आयकिन ता वय हिजड़ गईन, अना वोको पर दौत पीसन लग्गिन। 55 पर पवीतर आतमा लक पूरो भरके स्तिफनुस सरग कन चोवत रहयो, वोना चोवयो का परमेस्वर की महिमा ला अना परमेस्वर को उजो कन उभो यीसु ला। 56 वोना कहीस आयको! मी चोवसु का सरग उघड़ो हुयो से अना मानूस को दूरा परमेस्वर को उज्जो कन उभो सेत। 57 एको मघा बेमरातो हुया उनना कान बंद कर लेईन, अना सप्पा को सप्पा वोको पर झपटिन। 58 वय वोला घसिट के नगर को बाहेर हेडिन अना वोला गोटा मारन लग्गिन, तबच गवाह गिनना अपरा कपरा उतार के साऊल नाव को जुवान को पाय को जवर राख देईन। 59 स्तिफनुस पर गोटा मारत रहिन अना वय यो कहके पिराथना करता रहयो “हे पिरभू यीसु मोरि आतमा ला ले-ले।” 60 मंग टोगरा टेके ऊँची आवाज लक हाकलीस हे पिरभू यो पाप उनको पर नोको लगावस “अना असो कहके उ मर गयो।”

8 असो परकार स्तिफनुस को मारो जावनो मा साऊल भी सामिल होतो। वोनो दिवस येस्सलेम सहर को कलीसिया पर मोठो उपद्रा होवन लग्यो। पेरीतगिनला सोड़ सबा बिस्वासी गिन यहूदिया अना सामरिया छेतर मा गौँव-गौँव मा तितर-बितर भय गईन। 2 काही भक्त गीन ना स्तिफनुस ला मरघट्टी मा राखीन अना वोको लाई गजब रड़िन। 3 साऊल कलीसिया ला मिटकाय रव्हो होतो, अना घर-घर घसके मरद माना गीन ला अना आई-माई ला घसीट घसीटकर जेल मा डाकन लग्यो। 4 जेव तितर-बितर भयो होतीन वय साजरो बारता आयकावत हिंडत होतीन। 5 अना फिलिप्पुस सामरिया नगर मा जायके लोक गीन मा मसीह को साजरो बारता पिरचार लग्यो। 6 जबा फिलिप्पुस को गोस्टी ला लोकगीन न धियान धरके आयकिन, अना ओको अचरज को काम अना हिदान चोवयो, तबा वय एक चित भई के वोको काम मा धियान देइन। 7 लगत सा लोकगिन जोन मा भूत-पलित झोमयो होतो, वय बेमरात-बेमरात बाहेर हिटीन। अना लगत सा लकवा को बिमार अना लगड़ा-लुला भी चंगा होत होतिन। 8 अना वोना नगर मा मोठी खुसी छांय गई। 9 वोच नगर मा समौन नाव को एक मानूस होतो। उ जादू-टोना करत होतो।

अना सामरिया को लोकगिन ला चकित करत होत्यो। उ अपरो आप मा एक मोठो मानूस होवन को दावा करत होतो। 10 नहानो लक मोठो तकन सबच वोको गोस्टी पर धियान देवत होतिन। अना कव्हत होतिन, यो मानूस मा परमेस्वर को वोच सत्ती सेत। जोन महान कहेलावसे। 11 काहेका वोना लगत दिवस लक उनला अपरी चमत्कार को चक्कर मा उलझायो राख्यो होतो। एको लाई वय वोको पर धियान देवत होतिन। 12 पर उनना फिलिप्पुस पर बिस्वास करीन। काहेकि वोना उनला, परमेस्वर को राज को साजरो बारता अना यीसु मसीह को नाव आयकावत होतो, ता वय मरदमाना अना, आई-माई दुई बसिस्मा लेवन लग्गिन। 13 अना खुद समौन न भी भरोसा करीस। अना बसिस्मा लेवन को मघा फिलिप्पुस को संग करिब लक रहन लग्यो। उ मोठो हिदान अना अचरज भरो काम चोव के उ दंग भई गयो। 14 उतानी येस्सलेम सहेर मा जबा पेरीतगिन असो आयकीन का सामरिया को लोकगिन न परमेस्वर को गोस्टी मान लेईन। ता उनना पतरस अना येहन ला वोको जवर धाडीन। 15 जब वय समरिया पहुचिन ता उनना नहान को लोक गिन लाय पिराथना करीन का उनला पवीतर आतमा भेटे। 16 काहेकी वय अबा तकन उनमा लक कोनी पर नही उतरयो होतो, उनना ता केवल पिरभू यीसु को नाव मा बसिस्मा लेईस होतिन। 17 तबा उनना उनको पर हात राखीन अना पवीतर आतमा पाइन। 18 जबा समौन न देखीस का चेलागीन को हात राखन लक पवीतर आतमा भेटासे, ता उ उनको जवर स्पर्शा आनके कहीस। 19 यो सत्ती मोला भी देव, ताकि जेनो कोनी पर हात राखु वोला पवीतर आतमा भेटे। 20 पतरस न वोको लक कहीस, तोरा स्पर्शा तोरो संग सत्यानास भई जाय, काहेका तु न यो सोचयो, का तू धन लक परमेस्वर को दान ला खरीद सकसेत। 21 यो दान मा न तोरो हिस्सा सेत न कोनी सांझ-मांझ सेत। काहेकी तोरो बिचार परमेस्वर को पुडा सरको नाहती। 22 एकोलाई तु अपरी ऐना खोटो बिचार लक मन मुरका पिरभू लक पिराथना कर। हो सका सेत तोरो वा बिचार को लाय छिमा करयो जाहे। 23 काहेकी मी देखासू का तू पाप को बेडी मा जकडो हुया सेत। अना तोरो मन पित जसो कडू बीक सेत। 24 समौन, पतरस अना येहन ला जवाब देईस “तुमी मोरो लाई पिरभू लक पिराथना करो का जोन गोस्टी तुमी न कहयो, उनमा लक कोनी गोस्टी मोरो पर ना घटे।” 25 मंग पेरीतगिन आपरो गवाही देयके, अना पिरभू को गोस्टी आयकावाय के रस्ता की सामरी गाँवगिन मा साजरो बारता आयकावाता हुया चेताय के येस्सलेम को लवट के गईन। 26 पिरभू को एक सरगदतु न फिलिप्पुस ला कहीस “तैयार होय अना दक्किन को रास्ता पर जाय जोन लक येस्सलेम लक गाजा मा जासे।” या एक सुनसान रास्ता से। 27 उ तैयार भयो अना चलन लग्यो। वहाच एक कुस देस को खोजा होतो। उ कुस देस को रानी कन्दाके बाई को खाजाना को खाजांची होतो उ पिराथना करन को लाय यस्सलेम गयो होतो। 28 उ अबा लवट रहेयो होतो। उ अपरो रथ मा बसयो, भविष्यवक्ता यसायाह को गीरंथ वाचत होत्यो। 29 तबच फिलिप्पुस ला आतमा लक असो लग्यो, “वोना जवर जाय अना वहाच ठहर” 30 फिलिप्पुस वोना खोजा को जवर परायके पहुचयो अना वोला पुसयो जोन भविष्यवक्ता यसायाह को गीरंथ ला वाचसे वोला तु का

समझसे? 31 अधिकारी न जवाब देईस, मोला जबा तकन कोनी नही समझाय कसो समझ सकासु? वोना फिलिप्पुस लक बिनती करीस का वय रथ पर चघके वोको संग बस जाहे। 32 गिरंथ की जोन हिस्सा ला वा बाच रह्यो होतो उ यो होतो। वोला बली होवन वालो मेंडा को जसो लीजाय रहयो होतिन। वा तो वोना पाठी को जसो उगो-मुगो होतो, जोन आपरो ऊन कापन वालो को पुडा रह्यो। ठीक वसोच ही वोना अपरो टोन्ड नही खोलीस। 33 वोकी दसा गरीब गोर को जसी होती वोको नियाव नही करियो गयो वोकी चरचा कोन करेहत? काहेका धरती लक वोको जिंदगानी हर लियो गयो। 34 तबा खोजे न गीरंथ वोना हिस्सा ला हेडके फिलिप्पुस लक पुसीस अब अता मोला सांग यो गोस्टी भविष्यवक्ता कोन को बारे मा कव्हसेत, खुद को बारे मा का कोनी दूसरो को बारे मा? 35 तबा फिलिप्पुस न कव्हनो चालू करीस अना पवितर गिरंथ की एना कथा को आधार बनायके वोला यीसु को साजरो बारता आयकावाइस। 36 वय रास्ता मा जता-जता पानी जवर पहुचीन खोजे न कहीस यो पानी से अबा मोरो बसिस्मा मा का स्कावट से? 37 फिलिप न उतर देईस अदि तुमी पूरो आतमा लक बिस्वास करसेव ता कोनी स्कावट नही ऐको पर वोना कहीस मी बिस्वास करासेऊ का यीसु मसीह परमेस्वर को दूरा से। 38 तबा वोना रथ रोखन को हुकूम देईस तबा फिलिप्पुस अना खोजा दुई पानी मा उतरीन अना फिलिप्पुस न वोला बसिस्मा देईस। 39 जबा वय पानी लक बाहेर हिटिन त फिलिप्पुस ला पिरभू को आतमा कोनी जगह उचल लेगयो अना वोना खोजे न वोला मंग नही देखीस, अना उतानी खुसी को संग अपरो रास्ता पर चलीगयो। 40 इतानी फिलिप्पुस न अपरो आपला सदोद नगर मा पाईस। अना जबा तकन वय कैसरिया पहुचियो तब तकन सबच नगरगीन मा साजरो बारता को पीरचार करत-करत यातरा करत होत्यो।

9 साऊल अबा तकन पिरभू का चेला गीन ला मार डाकनो की धामकी देवत होतो, उ महान याजक को जवर जायके, 2 दमिस्क नगर की सभाघर गिन को नाव मा अधिकार पतर मांगीस जोन को अनुसार मा यदी कोनी यो मारग वालो भेटेत, चाहे वय मरदमाना होय अना आई-माई होय ला बांधके येस्सलेम नगर मा आनो। 3 जबा साऊल अना वोको संगी यातरा करत-करत दमिस्क नगर को जवर आइन, ता एकाएक बादर लक एक उजोडो चारीकन लक चमकयो। 4 वा जमीन मा पड गयो, अना वोना एक आवाज आयकु आई कोनी वोला कव्ह रह्यो होत्यो। “साऊल, साऊल तु मोला काय लाई सतावासेस?” 5 साउल ना कहीस, “पिरभू तुमी कोन आव?” जवाब मिलयो “मी यीसु सेव मोला तु काय लाई तगावसे। 6 उभो होय अना सहेर मा जाय तोला जेव करनो से उ तोला सांगयो जाहे।” 7 वोको संग यातरा करन वारा अवाक रह गईन काहेकी उनना आवाज ता आईकिन पर उनला कोनी नही चोयो। 8 साऊल जमीन लक उभो भयो अना वोको डोरा उधड गयो पर वोला काही नही चोवत होतो, एकोलाई वय वोका हात धरके वोला दमिस्क सहेर ले गईन। 9 उ तीन दिवस तकन अँधारा रहेयो, अना वोना काही जेवन नही करयो। 10 दमिस्क नगर मा हनन्याह नाव को एक बिस्वासी रह्यत होतो, पिरभू न वोला दरसन देयके

कहीस, हनन्याह! वोना उतर देईस “हव पिरभू” 11 पिरभू न बोला कहीस, अबा तू सिधे नाव को गल्ली मा जाय अना पता लगा, वहान यहूदा को घर मा तरतुस नगर को रखन वारा, साऊल नाव को एक मानूस यो बेरा पिराथना करासेत। 12 अना वोना दरसन मा चोविसेत का हनन्याह नाव को मानूस वोकोजवर आयके वोको वरता हात राख रहयो सेत, मंग उ चोवन लगयो। 13 हनन्याह न जवाब देईस हे पिरभू मी न एना मानूस को बारेमा मा लगत सा बुराई आयकिसेऊ, एना तोरो पबितर लोक गिनला येस्सलेम नगर मा कितरो तगाइसेत। 14 अना योभी का मुखिया याजक लक तोरो नाव मा सबच बिस्वास करन वालो लोक गिनला बंदी बनान को अधिकार लेके आइसेत। 15 पर पिरभू न बोला कहीस तू जाय, काहेकि यो मानूस ला गैरयहूदी अना राजागीन अखीन इसरायल गीनको पुडा मोरो नाव लेवन काजी मीना एला बेची सेऊ। 16 अना मी खुदच बोला सांगू। का मोरो नाव को लाय बोला कितरो दुख उचलनो पडहेत। 17 तबा हनन्याह उभो होय के घर मा गयो, जहान साऊल होतो, अना भितर जायके अना साऊल पर अपरो हात रखके कहीस, अरे भाऊ साऊल जोन पिरभू यीसु ना यहान आवत बेरा, तोला रस्ता मा दरसन दियो होतो, वोनच मोला धाडीसेस, का तू दुबारा चोवन लगे, अना तू पवीतर आतमा लक पूरो भर जाय। 18 तबा वोच बेरा साऊल को डोरा लक कचरा जसो काही गिरयो, अना उ मंग देखन लगयो। मंग उचलके ओना बसिस्मा लेईस। 19 मंग जेवन करके ओना ताकत पाईस। मंगा उ कई दिवस तकन दमिस्क को बिस्वासी व गीन को संग रहेयो। 20 अना उ तुरन्त सभाघर मा यीसु को परचार करन लगयो, का उ परमेस्वर को टूरा से। 21 सबच आयकन वारा चकित भयि गइन, अना कवहन लगीन का यो उ मानूस निहोय जोन बिस्वासी गिनला बंदी बनाके येस्सलेम सहर मोठयो याजक को जवर ले जान लाय आयो होतो? अना येस्सलेम मा भी बिस्वासी गिनला लगत तगाइसे। 22 पर साऊल परचार मा अखिन ताकतवर होतो गयो। अना यीसु च मसीह से एना गोस्टी की सबूत देयके वोना दमिस्क सहर को यहूदी गिनला उघो मुघो कर देइस। 23 लगत दिवस बितन को मघा, यहूदीगिन बोला जान लक मारन को पिलान करीन। 24 यो गोस्टी को साऊल ला पता चल गयो, का सहर को बेसकुड मा लोकगिन मोला मारन को रात दिवस ताक मा सेत। 25 तबा बिस्वासी गिनना रात मा साऊल ला डलिया मा बसाय के सहर को दिवाल को वोनगन उतार देइन। 26 जबा साऊल येस्सलेम पहुचीस, ता वोना चेला गीन को समूह मा मिलन को जानो को कोसिस कियो। पर वय सबच वोको लक डरात होतीन। काहेकी उनला यो भरोसा नही होतो का उ सहीमा बिस्वासी बन गयो सेत। 27 तबा बरनबास बोला चेलागीन को जवर ले गयो। अना सागीस का साऊल न रास्ता मा कसो पिरकार लक पिरभू को दरसन करीस, अना पिरभू न गोस्टी करीस। बरनबास न उनला यो भी सागीस का कसो पिरकर साऊल ना दमिस्क नगर मा बेधडक यीसु को पिरचार करीस। 28 एको बाद साऊल येस्सलेम मा प्रेरिगीन को संग आवन-जावन लगीस, अना बेधडक पिरभू यीसु को नाव को बारे मा सागन लग्यो। 29 उ यूनानी भासा बोलनवारा यहूदी गीन लक गोस्टी अना बहस करत होतीन, पर वय लोक उनला मार डाकनो चाहवत होतिन। 30 जबा बिस्वासी

भाऊ बहिन गीन को एको पता चलयो ता वय साऊल कैसरिया जहाज घाट ले गईन। अना वहान लक तरसुस नगर ला भेज देइन। 31 असो परकार अबा सबरी यहूदिया गलील अना सामरिया छैत्र गीन को कलीसिया को बेरा सान्ती लक डर मा बितन लगयो। अना कलीसिया अखीन बनन लग्यो। अना पवीतर आतमा को बडावा मा जिंदगी बीतावन लगीन। अना कलिसिया गिनतीमा बडन लगयो। 32 पतरस हर जगह हिंडता हुयो, एक दिवस लुद्दा नगर मा रखन वारा बिस्वासी गिनको यहान पहुचयो। 33 वहान बोला एनियास नाव को लकवा को रोगी एक मानूस मिल्यो। जोन 8 साल लक खाट मा पडयो होतो। 34 पतरस न बोला कह्यो “वो एनियास यीसु मसीह तोला साजरो करासे उठ अपरो बिछोना उचल।” तबा उ गदने उभो भयो। 35 तबा लुद्दा अना सारोन को सबच रखन वारा बोला चोयके पिरभू कन मुरकिन। 36 याफा नगर मा तबिता नाव को चेली रहत होति। जोनको यूनानी अनुवाद दोरकास मजे हिरनी सेत। वा हरामेसा आपरो बेरा साजरो काम अना दान धरम मा बितावत होती। 37 वोना बेरामा वा बिमार भई अना मर गई। उनना बोला आग खोरके वरता पाटन मा राख देईन। 38 लुद्दा नगर याफा सहर को जवर सेत। चेलागीन ला पता चलयो का पतरस वहान से। तब वय दुई मानूस ला धाडके वोको लक बिनती करीन, की तू गदने यहान आव। 39 तबा पतरस वोच बेरा उनको संग चले गयो। जबा उ याफा नगर पहुचयो तबा लोकगीन बोला वरता पाटन पर ले गईन। उता सबा बेवागिन रडत-रडत आखा-पाखा आयके उभो भईन, अना जोन कुरता अना कपरा दोरकास ना उनको संग बनाई होति, बोला दिखावन लगीन। 40 पतरस ना सबला बाहेर काढ दियो। अखीन टोघरा टेकके पिराथना करन लगयो, अना एको मघा उ ओको लास कन मुरकके कहीस “तबिता उठ” अना वा डोरा उघाड देइस, अना पतरस ला चोवके जाग के बस गई। 41 पतरस ना हात धरके बोला उठायो, अना पवीतर लोक गीन अखीन बेवागिन ला हाकलके ओला जित्तो होवने पर होस मा पुडा कर दियो। 42 याफा नगर मा यो गोस्टी फैल गई। अना गजब लोकगीन पिरभू यीसु को नाव पर भरोसा करीन। 43 पतरस याफा नगर मा एक चमडा को काम करनवारा मानूस को घरमा रहयो। वोको नाव समौन होतो।

10 कैसरिया मा कुरनेलियुस नाव को एक मानूस होतो। उ रोमन सौ सेना को नायक होतो। 2 अना वोका सबरी परिवार समेत, उ नेक आदमी अना परमेस्वर का भगत होतो। अना वय यहूदी गरीब लोकगीन ला लगत दान देत होत्यो। अना हरामेसा परमेस्वर की पिराथना मा लग्यो रहत होत्यो। 3 वोना एक दिवस दुफारी को लकभग 3 बजे दरसन मा यो सफा-सफा चोयो का परमेस्वर को सरगदूत वोको जवर आयके कहीस “कुरनेलियुस।” 4 कुरनेलियुस डरात हुयो सरगदूत को कना चोवतो बोलीस “ओय! पिरभू का से?” सरग दूत न जवाब देईस अपरी पिराथना अना अपरो दान परमेस्वर को पुडा पहुच गयो से; अना वोना तोरो हेत करिसेत। 5 तु अबा काही आदमी ला याफा नगर मा धाड। अना समौन नाव को एक मानूस जो पतरस भी कहलावासे। बोला हाकल! 6 उ समौन, चमडा को काम करनवारा को घर मा पाहुना से जेनको घर सागर को

कगरमा से। 7 जबा उ सरगदत, वोको लक गोस्टी कर रहयो होत्यो रहयो होतो। तबा मी चकमक झंगा घाल्यो एक मानूस ला मोरो पुडा चली गयो। ता करनेलियुस न दुई दासगीन अना एक नेक सैनिक ला हाकलीस। 8 अना उनना सबच गोस्टी समझायके याफा नगर धाडिस। 9 दुसरो दिवस जबा वय यातरा करत-करत नगर को जवर पहुचीन। ता दुफारी को बेरा जवर पतरस अटारी पर पिराथना करन चधयो। 10 तबच वोला भुख लगी अना काही जेवनो को मनसा होतो। उतानी सयपाक बन रहयो होतो। अना पतरस अचेत भय गयो। 11 अना पतरस आतमा लक दरसन देखीस का बादर खुल गई से, अना एक बरतन मोठयो चदर को जसो चारी कोन्टो लक लटकतो ह्यो धरती कन उतर रह्यो से। 12 जेनमा धरती का सबच पिरकार को चौपाए अना रंगेने वारा सरप डेडर वारा जीव जन्तु अना बादर का पक्सी होतीन। 13 वोला एक असो आवाज आयक देइस, हे पतरस उठ अना इन ला मारके अना खाय। 14 पर पतरस न कहीस पिरभू पक्को नहीं। काहेकि मी ना कोनी असुध्द चीज नहीं खाई सेउ। 15 मंग दुसरी बार वोला आवाज आयक देईस, जेन कोनी परमेस्वर न पवीतर राखीसेस वोला तू असुध्द नोको कन्हजोस। 16 तीन बेरा असो भयो एको बाद उ चदर एकाएक बादर पर उचल लियो गयो। 17 जबा पतरस अपरो मन मा दुविधा मा होत्यो, का यो दरसन जेन मी न देखीसेऊ, उ का होय सकासे? ता चोवो! उ मानूस जेनला कुरनेलियुस न धाडियो होतो, समौन को घर को पता लगायके बेसकुड मा उभो भइन। 18 अना हाकलके पुसन लग्यो, का समौन जेन पतरस कहलावसे, एनागन पाहुना से? 19 पतरस ता वोरो दरसन मा बिचारत होत्यो का आतमा न वोला कहीस, देख 3 मानूस तोरी खोज मा सेत। 20 चेत अना खाल्या जाय! अना बेखटका उनको संग जाय। काहेकी मीनच उनला धाडीसेऊ। 21 तबा पतरस न उतरके वय मानूस गीन लक कहीस, आयको जेन को खोज मा तुमी सेऊ, उ मी आँव, अता तुमरो आवन को कारन सांगो? 22 उनना कहिन सौ सेना दल को नायक करनेलियुस जेन परमेस्वर ला मानासेत उ एक नेक मानूस से। अना सबच यहूदी गिन वोको आदर करासेत। वोना एक पवीतर सरगदत लक यो हुकूम पाईसेस, का तोला अपरो घर बुलायके तोरो लक गोस्टी आयके। 23 तबा पतरस उनला भितर हाकलिस रात मा ठहरनो को जघा दियो। अना रात बिताइस अना आवनो वालो दिवस मा तैयार भयके उ उनको संग चली गयो। अना काही बिस्वासी याफा लक ओको संग गयीन। 24 वय दुसरो दिवस कैसरिया पहुचिन, करनेलियुस आपरो घराना अना रिस्तेदार समेत उनको रस्ता चोय रहयो होतो। 25 जबा पतरस अंदर आय रक्को होतो ता कुरनेलियुस न उनको लक मिल्यो वोको पाय पडिस। 26 पर पतरस न वोला उठायके कहीस “उभो होय मी भी ता मानूस सेव।” 27 अना वोको संग गोस्टी करतो ह्यो अंदर गयो, अना लगत सा लोक गीन ला इकठो पाय के। 28 वोना कहीस, तुमी जानासेव का गैरयहूदी की संगति करनो अना उनको घरमा जावनो एक यहूदी लाय मनार्थी सेत। पर परमेस्वर न मोला कहिसेस, का कोनी मानूस को अपवितर या असुध्द नहीं कन्हनो चाहिये। 29 एको लाई मी, तुमरो नेवता पर आईसेऊ। अना मी तुमरो लक पुसा सेऊ? तुमिना काहे बुलाई सेव? 30 कुरनेलियुस न कहीस, चार दिवस पयले योच बेरा मा अपरो घर मा 3 बजे को पिराथना कर

रहयो होतो। तबा मी चकमक झंगा घाल्यो एक मानूस ला मोरो पुडा उभो चोवयो। 31 अना उ मोला कन्हन लग्यो हे कुरनेलियुस तोरी पिराथना आयक ली गईसे अना दुखी गरिब ला दियो दान परमेस्वर को पुडा हेत कियो गयोसेत। 32 एकोलाई कोनी ला याफा नगर धाडके समौन जेन पतरस कहलावसे हाकल, उ समुदर को जवर समौन चमडा को काम करनवारा को घर मा पाहुना सेत। 33 तबा मि गदने तोरो जवर लोकगीन ला धाडयो अना तु यहान आवन को किरपा करके न साजरो करीसेस। ता अबा परमेस्वर ना जेन कही अना एक बरतन मोठयो चदर को जसो चारी कोन्टो लक लटकतो ह्यो धरती कन उतर रह्यो से। 34 तबा पतरस न कहीस, अना मोला यो खराई लक मालुम भयो का, परमेस्वर कोनी मानूस को पक्स नहीं करासे। 35 हरेक मानूस कोनी भी जात को सेत, जेन परमेस्वर को भेव करासेत, अना नेक काम करासेत, परमेस्वर वोला अपनावसे। 36 यीसु मसीहा को लक धाडयो गयो सान्नी को खबर ला तुम्ही जानासेव। जेन साजरा बारता को मुनादी करतो हुया इजराइल को लोक गिनला आयकवायो होतो का उ सबको परमेस्वर सेत। 37 तुमी वोना महान घटना ला जानासेव, जेन यहूदिया मा घटो होतो, यो गलील लक सुरु भयो, अना योहन लक बप्तिस्मा दियो जावनो को मघा ले जेनको पिरचार कियो वयो होतो। 38 तुमी नासरत को यीसु ला जानासेव, का परमेस्वर ना निवाडी सेत अखिन ओला पवीतर आतमा अना ताकत देइस। अना उ साजरो काम करतो हुया, अना जेन सैतान को बन्धन मा होतिन उनला सोडाय के सब रोग ला साजरा करत हिंडत होतो अना परमेस्वर वोको संग होतो। 39 हमी सबच ओनो गोस्टीहुन को गवाह सेजन। जेन काम ओना यहूदी को देस अना येस्सलेम मा कियोसेस, अना वोच नासरत नगर को यीसु ला उनना क्रूस पर टँगाय के मार डाकीसेत। 40 ओच यीसुला परमेस्वर ना तीसरो दिवस मरयो मा लक जितो करीस। अना वोला अमी चोवयो सेजन। 41 सबच लोकगीन को पुडा नहीं, पर बस उन गवाह को पुडा जोनला परमेस्वर ना पयले लक बेच लेई होतो। मजे आमरो पुडा अ जिन्ना मरयो हुयो मा ओको जितो होवन को मंघा ओको सँग पियो अना जेवन कियो। 42 वोनच अमिला हुकूम देईस, की लोकगीन मा साजरा बारता आयकावायके सबूत देयजन का यो वोच से जेनला परमेस्वर ना जितो होवनो अना मरयो हुयो को न्याय करन वालो ठैयरायो सेत। 43 सबच भविष्यवक्ता गीन वोको गवाही देई सेत, का वोको पर भरोसा करन वारा हरेक मानूस, वोको नाव लक पाप की छिमा पावा सेत। 44 पतरस एना गोस्टी ला कहेच रहेयो होतो, का पवीतर आतमा गोस्टी को सबच आयकन वारा पर उतर आयो। 45 पवितर आतमा को बरदान गैर यहूदी पर उतरता चोव के पतरस को संग आयो यहूदी गिन चकित भई गइन। 46 काहेकी उनला किसम-किसम बोली बोलता अना परमेस्वर की महिमा बडाई करता आयकिन। एको पर पतरस न कहीस, 47 “का कोनी इन लोखहुन ला पानी ला रोक सकसे, का यो बप्तिस्मा न पाहे?” जिनला हमरो जसो पवितर आतमा भेटयो सेत? 48 असो परकार लक पतरस ना उनला हुकूम देईस, का वय पानी मा यीसु मसीह को नाव लक बप्तिस्मा लेय। तबा उनना वोको लक कहिन, अवर काही दिवस आमरो संग रह।

11 पुरो यहूदिया मा पेरीतगिन अना बिस्वासि गिनला मालूम भयो का गैर यहूदीगिन ना परमेस्वर को बचन मान लियो सेत। 2 ता जबा पतरस येस्सलेम पहुचयो ता जोन बिस्वासी खतना को पक्समा होतिन, वोला बुरो कव्हन लग्गिन। 3 वय कव्हन लग्गिन “का तू गैर यहूदी को घरमा गयो अना तू ना उनको संग जेवन करीसेस।” 4 एतरो पर पतरस ना सहीमा सुस्वात लक जोन काही घटयो होतो उनला आयकुवान अना समझान लगयो। 5 का मी याफा नगर मा पिराथना करत होतो। अना बेसुद होयके असो दरसन चोबिसेऊ का एक मोठयो चडर को जसो एक भांडो होती अना उ चारो छोर लक लटको भईमा आयी। 6 मी ना वोला साजरा लक चोवयो, वोमा धरती को चार पाय वारा जनावर, अना रेंगन वारा जीव, अना उडन वारा सब पक्सी चोइस। 7 अना असो अवाज आयो, ओ पतरस! उठ अना मार, अखीन जेव। 8 पर मीना कव्हयो: पिरभू सहि मा पक्को नही काहेकि मी बेकार अना असुध्द जेवन को चीज मोरो टोंड मा कबच नही डाकयो। 9 एको जवाब मा दुसरी वानी मंग बादर मा लक आयकु आई। परमेस्वर ना जोन चीज ला मी सुध्द पवीतर ठहराई सेउ वोला तू असुध्द नेको कव्ह। 10 तीन बेरा असोच भयो मंग सबच चीज सरग बादर मा वरता खीच लेईन। 11 यो याफा को तीन भाऊ मोरो संग कसिरिया त्कन साथमा होतिन। जोन घर मा हमी ठहराया होता। 12 तबा पवीतर आतमा न मोला उनको संग बिना-संका लक जावन लाई कहीस, अना ये छह भाऊ भी मोरो संग भय गईन, अना हमी वोना मानूस को घर गया। 13 वोना हमला सागीस का वोना एक सरगदूत ला अपरो घर मा उभो देखीस जेना वोला कहीस याफा मा मानूस ला धाडके समौन को जोन पतरस कहेलावासे हाकल लेव। 14 उ तुमरो लक या गोस्टी कहे, का जोको लक तू अना तोरो सप्पा खानदान सूटकारा पाय जाहे। 15 जबा मी गोस्टी करन लग्यो ता पवीतर आतमा उनको पर वोनच रीती लक उतरयो, जेना रीती लक सुरु मा हमरो पर उतरी होती। 16 तबा मोला पिरभू को उ गोस्टी आयकु आयो जोन वोना कही होतीस। योहन ना ता पानी लक बसिस्मा देयो होतो, पर तुमी पवीतर आतमा लक बसिस्मा पाहो। 17 जबा परमेस्वर न उनला भी उ दान देईस जोन हमीला पिरभू यीसु मसीह पर भरोसा करन लक मिलयो होतो ता मी कोन होतो जोन परमेस्वर ला रोक सकासेव? 18 यो आयक के उगा-मुगा रहीन अना परमेस्वर की बडाई करके कव्हन लग्गिन “तबा ता परमेस्वर न गैरयहूदी लोकगीन को जीवन को लाई मन को पस्तावा को दान देईसेस।” 19 स्तिफनुस को कारन लक कलीसिया को लोकगीन ला सब लोकगीन गजब तंग करन लग्गिन। यो दुख को मार लक कलीसिया को लोकगीन इता-उता पराय गइन। अना हिडत-हिडत फीनीके अना साइप्रस अखीन अन्ताकिया नगर मा गइन, पर यहूदी लोकगीन ला छोड अना कोनी ला साजरा बारता नही आयकु आई होतिन। 20 पर उनमा लक कितरो साइप्रस को रव्होन वारा गैरयहूदी अखीन कुरेनी को बिस्वासी होतिन। जोन अन्ताकिया नगर मा आयके पिरभू यीसु को साजरो बारता आयकु आय लग्गिन। 21 अना पिरभू को ताकत उनको वरता होती। अखीन गजब लोक गीन भरोसा करके पिरभू को मानन वारा बन गईन। 22 तबा उनको चरचा येस्सलेम नगर को कलीसिया मा आयकु

आयी, अना उनना बरनबास ला अन्ताकिया नगर धाडीन। 23 उ उता जायके अना परमेस्वर को दया चोवके खुसी लक भर गयो; अना सबला सिक्सा देइस, का देह-मन लक पिरभू लक लिपटो अना बिनती करत रव्हो। 24 कायका उ साजरो मानूस होतो, अना पवीतर आतमा अखीन भरोसा मा “लबा लब भरो होतो।” अना दुसरो लगत सा लोकगीन पिरभू मा मिल गईन। 25 तबा उ साऊल ला डुढन को लाय तरसुस नगर ला चले गईस। 26 अना जबा उ वोको लक मिल्यो, तो वोला अन्ताकिया नगर आनीस। अना वय एक साल लक किराया को खोली मा कलीसिया को सँग मिलतो जुलतो अखीन गजब लोकगीन ला सिक्सा देवत रहयो। अना चेला गीन सब लक पयले अन्ताकिया नगर मा मसीह कहलाइन। 27 वोना दिवस मा लगत भविष्यवक्ता गीन येस्सलेम नगर लक अन्ताकिया नगर आइन। 28 उनमा लक अगबुस नाव को एक ना उभो होयके पवितर आतमा को डाख्यो गयो बिचार को अनुसार कव्हन लग्यो का सारो जगत मा गजब गिरानी पडहेत। उ गिरानी राजा क्लौदियुस को बेरा मा पडयो होतो। 29 तबा चेला गीन ना बिचार करीन का हरेक आपरो पूंजी को लक यहूदिया को भाऊ गीन को सेवा लाई काही धाडे। 30 अना उनना असोच करीन; अखीन बरनबास अना साऊल को हात मोठो पुरनियो को जवर काही पैसा धाड देइन।

12 एना बेरा राजा हेरोदेस न कलीसिया का काही मानूस गीन ला परेसान करन लाई उनको पर हात डाकिन। 2 उनना योहन को भाऊ याकूब की तलवार लक मारवय डाकिन। 3 जबा वोना देखीस का यहूदी एना गोस्टी लक खुसी भयो, ता वोना पतरस ला भी धरनो को सोचीस। यो सादो भाकर को तिहार होत्यो। 4 अना वोला धरके जेल मा डाक देईन, अना चार-चार सिपाई गीन को चार दल को पहरा मा एकोलाय राखीन का बलिदान तिहार को मंग, वोला बाहेर लोक गीन को पुढा आनेत। 5 पतरस ला जेल मा बँड देईन पर कलीसिया वोको लाई परमेस्वर लक लवलीन भयके पिराथना कर रही होतिन। 6 जेनो रात मा हेरोदेस वोला बाहेर आनन वालो होत्यो पतरस ला दुई हतकडी लक बांध देईन। जेल को चौकीदार बेसकुड मा जेल की देख-रेख करत होतिन। 7 अना पिरभू को एक सरगदूत एकाएक परगट भयो अना वोच जेल को खोली मा उजाडो भयो, अना ओना पतरस को पसली पर हात मारके ओला जगाईस अना साँगीस, “सटाकनेरी उभो होय!” अना वोको हात लक हतकडी पड गईन। 8 तबा सरगदूत न वोला साँगीस, “तु कमर बाँध, जुता कपरा पहर वोना वसोच कर लेईस, मंगा सरगदूत वोला साँगीस का मोरा मंघा आव।” 9 उ बाहेर हिटके अना वोको मंघा-मंघा चलतो गयो पर वोकी समझ मा यो नही आय रहयो होतो, का जोन काही सरगदूत कर रहीसे उ खरो मा से! पर वोना सोचीस का मी कोनी सपना चोय रहीसेऊ। 10 अना जबा वय रात को पहलो पहरे अना रात को दुसरो पहरे लक हिटके लोहा गीन को बेसकुड मा आइन जोन नगर कन होतो। वा बेसकुड उनको लाई अपरो आप उघड गयो, वय बाहेर हिटके एक गली मा लक चली गईन। तबा सटाकने सरगदूत वोला छोडके चली गयो। 11 जबा पतरस ला होस आयी तबा वोना कहीस अबा मी खरो खर मा जान गईसेऊ का पिरभू न अपरो सरगदूत

धाडके मोला हेरोदेस को हात लक सूटकारा देईसेस अना यहूदी गीन की सारी आसा तोड देईस। 12 यो जानके उ ओना योहन की माय मरियम को घर आयो, जो मरकुस कहलावासे। वहांन लगत लोक एकठो भयके पिराथना कर रही होतीन। 13 जबा ओने किवाड ला खटखटाईस, तबा रुदे नाव की बायको जवाब देवन आयी। 14 जबा ओना पतरस की आवाज ला चिन्हिस त खुसी को मोरे किवाड खोलयो बगैर परायके भीतर गयी। अना सांगीस का पतरस फटका मा उभो से। 15 उनना ओकोलक कहीस, “तु बावरो सेस।” पर वा हिम्मत लक बोलत रही ऐतरो पर ओना सांगीस उ सरगदुत होहे। ऐतरो पर भी पतरस बाहरे किवाड को जघा खटखटातो रव्हो। हिम्मत लक कहीस का असोच से। 16 पर पतरस खटखटातो रहयो। जबा उनना किवाड खोलिन ता वय ओला दिसके चकित रव्ह गईन। 17 तबा ओने उनला चुप्पी रव्हन लाई हात लक ईसारा करयो, अना सांगीस का पिरभू ना कोन रिति लक मोला बन्दीघर लक बाहरे हेडीसेस, मंग उनलक कहीस, “याकूब अना अखिन भाऊ गीन ला यो खबर देव।” तबा उ वहांन लक हिटके कोनी दुजो जघा ला चली गयो। 18 सक्कारी होतच सिपाही मा मोठी खलबली मच गईन का पतरस ला काजक भय गयो। 19 हेरोदेस न जबा वोकी मोठी जाँच करीस अना उ नही मिलयो ता वोना देख-रेख करन वारा गीन लक पुछ ताछ करीन की हुकूम देईस की उनला लीजायके मार डाको अना पतरस यहूदिया लक कैसरिया मा जायके रव्हन लगीस। 20 उ सूर अना सैदा को लोक गीन लक लगत गुस्सा मा होत्यो। वय एक मेल होयके वोको जवर आयो। अना राजभवन को मुखिया बलास्तुस को मनायके मेल करनो चाहिन, काहेकी राजा को देस लक उनको देस को पालन-पोसन होत होतो। 21 ठैरायो दिवस आय गयो अना हेरोदेस राज घराना का कपरा पहेर के, नियाव आसन पर बसयो अना उनना गोस्टी आयकावीस। 22 अना लोक गीन ला हाकलता रव्हयो “या ता मानूस की नही परमेस्वर की आवाज से।” 23 गदने सरगदुत न वोला मार डाकीस, काहेकी वोना परमेस्वर पिरभू की महिमा नही देईस वोको बदन मा कीडा पड़ गईन अना वोना दम तोड देईस। 24 पर परमेस्वर को गोस्टी बडतो गयो अना फैलतो गयो। 25 बरनबास अना साऊल जबा अपरो सेवा काम पूरो करके ता येस्सलेम लक लवटीन अना अपरो संग योहन ला भी जोन मरकुस कहलावासे आनीन।

13 अन्ताकिया की कलीसिया मा लगतसा भविस्वक्ता अना गुरुजी होत्यो, जसो बरनबास अना समौन जोन निगर मजे कालु कहलावासे लूकियुस, कुरेनी, मनाहेम जेनको पालन-पोसन चौथाई देस को राजा हेरोदेस को संग भयो होतो। अना साऊल। 2 जबा वय उपवास अना पिरभू की उपासना कर रहेयो होतो, ता पवीतर आतमा न कहीस “मोरो लाई बरनबास अना साऊल ला वोनो काम लाई अलग करो जेनको लाई मीना उनला हाकली सेऊ।” 3 जबा वय उपवास अना पिराथना कर चुकीन, ता उनको पर हात राखके उनला धाडीन। 4 अना पवीतर आतमा लक धाडके उ सिलूकिया गयो अना वहांन लक जहाज लक साइप्रस गईन। 5 सलमीस पहुचके उनना यहूदी गीन को सभाघर मा परमेस्वर को

गोस्टी को पिरचार करनो चालू करीन, योहन उनको सायता करत होत्यो। 6 जबा वय सप्पा टापु मा लक होता हुया पाफुस पहुचीन ता उनला बार-यीसु नाव को एक जादूगर मिलयो, जोन यहूदिया को खोटो भविस्वक्ता होत्यो। 7 उ दिप को राजपाल सिरगियुस पौलुस को संगी होत्यो, जोन गियानी मानूस होतो। राज पाल ना उनको पुडा बरनबास अना साऊल ला हाकलके परमेस्वर की गोस्टी आयकनो चव्हत होतो। 8 पर इलीमास जोतिस बिधा वारा वोको नाव को योच मतलब से। उनको बिरोध करके राजपाल को भरोसा करनो लक अडंगा डाकिस। 9 पर साऊल न जोन पौलुस भी कहलावासे, पवीतर आतमा लक भरपूर भय, ओको कन ध्यान लक चोयके कहीस, 10 सप्पा छल अना चलाकी लक भरयो हे बालजबूल की सन्तान, तु जो सब धरमिपन को दुस्मन सेस। तु पिरभू को सरको रास्ता ला तिरछो करनो नही छोडजोस? 11 अबा देख, पिरभू को नियाव तोरो पर पडयोसे अना तु अँधारा भई जाजोस, अना काही बेरा सूरज नही देखजोस। तबा गदने ओको पर धुधरोपन अना ईंधारो छाया गयो, अना उ इता-उता टटोलन लगयो, की कोनी ओला रास्ता दिखाएत। 12 तबा राज अधिकारी ना यो घटना ला देखके अना पिरभू को गोस्टी ला अचँभित करके भरोसा करीन। 13 पौलुस अना ओको सँगी पानी रास्ता लक होयके पाफुस लक पंफलिया को पिरगा मा आइन। अना योहन उनला सोडके येस्सलेम लवट गयो। 14 वय पिरगा लक चलिन, अना पिसदिया को अन्ताकिया मा पहुचीन अना पवीतर दिवस मा सभाघर मा जायके बस गईन। 15 मोसे को नियम अना भविस्वक्ता को किताब मा लक गोस्टी बाचन को मघा सभाघर को मुखिया गीन न उनको जवर सँगके धाडीस, भाऊ यदि तुमरो जवर लोक गीन को सान्ती लाई कोनी गोस्टी से तो आयकावो। 16 तबा पौलुस उभो अना हात लक उनला उगो-मुगो रहवन को ईसारा करन लगयो, इसरायली भाऊ गीन अना परमेस्वर को भगत अखीन सज्जगीन आयको। 17 इसरायल जनता ला परमेस्वर न हमरो सयनागीन ला बेचयो सेस उनला मिसर देस मा जावन को बेरा मोठो बनाइ होतीस, अना वहांन लक अपरो ताकत लक हेडीस। 18 उ कोनी चालीस बरस तकन जंगल मा उनको सव्हतो रहयो, 19 अना कनान देस मा सात जात ला नास करके उनको देस, कोनी साढे चार सौ बरस को लाय वारसाना हक मा कर देईस। 20 ओको बाद वोना समूएल भविस्वक्ता गीन तकन उनमा न्याय करन वालो ठहराईसेस। 21 मंग उनना एक राजा मांगीन तबा परमेस्वर न चालीस बरस को लाई बिन्यामीन को खानदान लक एक मानूस अना कीस को दूरा साऊल को उन पर राजा ठहराईसेस। 22 मंग वोला अलग करके दाऊद को नाव राजा बनयो, जेनको बारे मा वोना गवाही देईस मोला एक मानूस यिसै को दूरा दाऊद, मोरो मन को जसो मिल गयो, उ मोरी इक्सा पूरी करेहेत। 23 ऐना खानदान मा लक परमेस्वर न अपरी परन को जसो इसरायल लोक को जवर एक पाप मोचक यीसु ला धाडिस। 24 जेनको आवन लक पहेल योहन न सबरी इसरायल गीन को सबच लोकगीन मा मन पस्तावा का बसिस्मा देवन वालो को पिरचार कर रहयो होत्यो। 25 जबा योहन अपरी बेरा पूरो करनो पर होतो ता उ कव्हत होत्यो, तुमी मोला का समझसेव? मी उ नही सेव पर देखो मंग मोरो एक आवन वालो से जेनको पाय की जूता को बन्ध

(कसा) भी मी खेलन को बराबर नहीं सेव। 26 अरे भगत भाऊ अब्राहम की आवलाद अना तुमी मा जोन परमेस्वर को डर मानासे हमरो लाई यो सूटकारा को आवाज धाडीसेस। 27 येस्सलेम को रव्हन वारा अना उनको मुखिया गीन न यीसु ला नहि चिन्हयो, अना वोला पापी ठहराय दियो। असो परकार लक उनना भविस्वयक्ता गीन की गोस्ती ला पुरो करियो। जेनला हर पवीतर दिवस मा बाचयो जावासेत। 28 मंग उनला वोला मार डाकन लाय कोनी कारन नहीं भटयो। मंग उनना पीलातुस लक माँग करीन का उ मार डाकयो जाय। 29 “वोको बारेमा लिखी हुई सबरी गोस्ती पूरी कर लेवन को मघा उनना वोला क्रूस पर लक उतारके मरघट्टी मा राख देईन।” 30 पर परमेस्वर न वोला मरयो मा लक जितो करीस। 31 मंग लगत दिवस तकन उ उनला चोवतो रहयो। जोन गलील लक येस्सलेम नगर तकन वोको संग होतीन। अना वोच इसरायल लोकगीन को पुडा खरो गवाह से। 32 हमी वोच साजरो बारता आयकाव सेत। जोन परन आमरो पुरखागीन लक करी गई होती। 33 यीसु को मर जावन को मघा वोला दुबारा जितो करके उनको सन्तान गिन को लाय परमेस्वर ना वाच वायदा ला हमरो लाई पूरी करयो। जसो की भजन मा लिख्यो से, “तु मोरो दूरा आस, आज मीना तोला जलमायो सेउ।” 34 परमेस्वर ना वोला मरयो हुयो मा लक जितो करीस, अब्बा उ कबच नहीं सडहेत। यो गोस्ती को सबूत मा परमेस्वर ना असो बचन कहीस “मी दाऊद की पवीतर अना अटल किरपा तोला देह।” 35 एको लाई उ एक अवर भजन मा असो कव्हसे, तु अपरो पवीतर जन ला नहीं सडन देजोस। 36 दाऊद अपरो बेरा मा परमेस्वर को मरजी को अनुसार अपरो सेवा पूरी करके झोफ गयो। वोला अपरा पुरखागीन को संग मरघट्टी मा गडा देइन अना वो लास नास हो गयो। 37 पर जेनला परमेस्वर न मरयो मा लक जितो करीस उ नास नहीं भयो। 38 एकोलाई अरे सबा यिसरायली भाऊगीन तुमी यो जान लेव, यीसुच लक पाप छिमा को उपदेस तुमला दियो गयो सेत। 39 अना येकोच लक हरेक जोन बिस्वासी सेत। उ पापगिन लक सूटकारा पा सकासेत। जोन लक तुमीला मोसे को नियम नहीं दिला सकासेत। 40 एको लाई होसियार रव्हो, कही भविस्वयक्ता गीनको कव्हयो तुमरो पर नोको घट जाय। 41 निन्दा करन वारा देखो अना चकीत हुओ, अना मिट जाव काहेकी जोन आज मी करासु। वोला कोनी खुला देय तबा भी वोको मा “तुमी ला भरोसा नहीं होहेत।” 42 जबा पौलुस अना बरनबास बाहेर जान लग्गिन ता लोकगीन न उनको लक बिनती करीन का आवनवालो पवीतर दिवस या गोस्ती उनला मंग लक आयकायो जाय। 43 जबा सभा को खतम भयो, ता लगत सा यहूदी गैरयहूदी नेक लोक गिनना पौलुस अना बरनबास को गोस्ती मान लेइन। अखिन वय उनलक लगत गोस्ती करीन। अना कहिन का तुमी परमेस्वर को दया जिंदगी बिताव। 44 अगलो पवीतर दिवस ला, पिरभू को गोस्ती आयकन लाई नगर को सब लोक गीन जमा भईन। 45 तबा यहूदी गीन ना भीड ला देखीन, ता वय जलन करन लग्गिन। अना पौलुस जो कव्हत होतो वोको निन्दा करीन। 46 तबा पौलुस अना बरनबास न हिम्मत लक कहीन, “यो तय होतो का परमेस्वर को गोस्ती पुडा तुमला आयकायो जाय, पर जबा तुमी वोला नहीं मानयत अना अपरो आपला ला अमर जीवन

को काबिल नहीं ठैरयाय सेव, ता देखो हमी गैर यहूदी कन जाबिन।” (aiōnios g166) 47 काहेकी पिरभू न हमला यो हुकूम देई होतीस। का मीना तुमला गैर यहूदी गीन को लाई उजाडो ठहराई सेऊ, तुमी धरती को छोर तकन सूटकारा लेके जाव। 48 जबा गैरयहूदी गीन असो आयकिन ता खुस भय गईन। अना उनना पिरभू को बचन को सतकार करीन। मंग लगत लोक गिन बिस्वासी बनके आपरो लाय अमर जीवन पिकको कर लेइन। (aiōnios g166) 49 अना पिरभू को गोस्ती पूरो देस मा फैलतो चली गयो। 50 उतानी यहूदी गीन न उचो कुल को भकती करन वाली आई-माई गिन अना नगर का मुखिया मानूस गीन ला भडकायके पौलुस अना बरनबास को बिरोध मा उपदरा करवायके उन पर दबाव बनायके अपरी सिवमेड लक बाहेर हेडदेईन। 51 तबा पौलुस अना बरनबास ना अपरो पाय की बाफ झडायके इकुनियुम नगर मा चली गईन। 52 अन्ताकिया को बिस्वासी पवीतर आतमा लक भरपुर भई गइन।

14 ठीक असो परकार की घटना इकुनियुम मा घटी। पौलुस अना बरनबास यहूदी गीन को सभाघर मा गईन। अना उनना असो गोस्ती करीन का, यहूदिगीन अना गैरयहूदी गीन दुई लक लगत लोकगीन, बिस्वास करीन। 2 पर वय यहूदी अना गैर यहूदीगीन जोन बिस्वास नहीं करया होतिन। वय हडकम्प मचाइन अना बिस्वासी गिन को बिरोध भई गईन। 3 पौलुस अना बरनबास लगत दिवस तकन रहयो। उनना पिरभू को बारेमा बेधकड बताइन। उनको हात लक हिदान, अना अचँभा काम होत होतो। अना उनना यो साबीत कर दियो का यो सन्देश उन पर होवन वारा किरपा को बारे मा सेत। 4 पर नगर का लोक गीन मा दरार पड गई जेनको लक कोनी, ता यहूदी गीन को पक्स मा अना कोनी चेलागीन को पक्स मा भय गईन। 5 पर जबा गैरयहूदी अना यहूदी गीन न अपरो मुखिया, गीन को संग मिलके उनको संग बुरो बरताव करके अना उनला, गोटा मारन को कोसिस मा होतिन 6 उनला यो गोस्ती मालूम भई। तबा वय लकाउनिया, लुस्तरा अना दिरेबे नगर को अगल-बगल छेतर मा पराय गईन। 7 अना वहान साजरो बारता आयकावत होतीन। 8 लुस्तरा मा एक अपंग मानूस होतो जोन उपजन लक लगडो होतो। अखिन कभीच रिंगयो नहीं होतो। 9 उ वहान बस्यो होतो। अना उ पौलुस की गोस्ती लगत धियान लक आयकत होतो। पौलुस ना चोवयो उ बिस्वास करासेत। अना साजरा होय सकासेत। एकोलाय वोना सिधे चोवयो 10 अखिन जोरलक कव्हयो, “आपरो पायमा उभो होय। उ उछल के इतानी-उतानी हिन्डन लगयो।” 11 जबा लोकगीन ला चोवयो, का पौलुस ना का करिसे, ता वय लकाउनियाई बोली मा बोलिन “देवता मानूस को रूप धरके हमरो कठा उतरियो सेस।” 12 उनना बरनबास को नाव ज्यूस, अना पौलुस ला हिरमेस नाव देइन। काहेकी उ मुख बोलन वालो होतो। 13 नगर को बाहेर ज्यूस देवता को मंदिर होतो। वहान को पुजारी, बडल अना फूल को माला लेके बेसकुड को पुडा आनयो। काहेका उ अना लोक गीन पेरीत गिनलाय बलिदान करनो चाव्हत होतिन। 14 पर जबा पेरीत बरनबास अना पौलुस न यो आयकिन ता अपरा-अपरा कपरा चीर डाखिन, अना जोरलक चिल्लायके भीड ला कहिन। 15 “अरे

लोकगिन तुम यो कायलाय करासेव?" अमी भी वसोच मानूस सेत जसो तुमी सेव। यहाँ हमी तुम्हिला साजरा बारता आयकान साठी आयासेजना। जोनलक, तुमी एना बेकार जीनुस गीन ला सोडके, जित्तो परमेस्वर को कन मुरक जाव। जोन ना बादल अना धरती सागर अना उनमा जोन काही भि सेत सबला बनाईसेस। 16 वोना जुनो जुग मा सबच लोक गीन ला, अपरो-अपरो रास्ता मा चलन देइस। 17 मंग उ तुमला अपरो होवन को सबुत देइसेस। काहेका उ लगत भलाई करतो रहयो। वोना तुमरो लाय बादल लक पानी बरसायो, अना मौसम को अनुसार फसल दियो। वोच तुम्हिला जेवन देवसेत। अना तुमरो मनला खुसी लक भर देवासेत। 18 एना गोस्टी लक उन लोकगीन ला समझा के बलिदान देवन लक रोकीन। 19 पर काही यहूदी गिन न अन्ताकिया नगर अना इकुनियुम लक आयके, लोक गीनला अपरो कन कर लेईन, अना पौलुस ला गोटा लक मारिन। अना मरया समझके, वोना नगर को बाहरे घसीटके ले गईन। 20 पर जब चेलागीन उनको चारी कन आयके उभा भईन ता उ उभो होयके, नगर मा गईन। अना दुसरो दिवस बरनबास को संग दिरबे, ला चली गईन। 21 वोना नगर मा उनना साजरो बारता परचार करके लगत बिस्वासी बनाइन। 22 अना उनको आतमा ला अडिग करके बिस्वास मा बनयो रव्हन लाय यो सांगके सिकायो का अमिला मोठयो दुख झेल के परमेस्वर को राज मा धसनो सेत, मंग वय लुस्तरा मंग इकुनियुम अना अन्ताकिया नगर ला लवटके आइन। 23 उनना हरेक कलीसिया ला मा उनको लाई मुखिया बेचयो अना, उपवास को संग पिराथना करीन, अना उनला पिरभू को सुस्पष्ट कर देईन, जोन पर उनना भरोसा करयो होतिन। 24 वय पिसदिया देस लक होतो हुयो पंफलिया नगर पहुचीन। 25 अना पिरगा नगर मा साजरा बारता परचार करीन, मंग वय अन्ताकिया गईन। 26 उता लक उनना पानी जहाज मा मोठो, नगर अन्ताकिया गईन। जहान वोला परमेस्वर को काम करन काजी परमेस्वर को दया मा दियो गयो होतो। 27 उता पहुचके ना उनना कलीसिया, को सभा हाकलिन। अना सबला सागिन, का परमेस्वर ना उनको लक काजक-काजक करीस, अना कसो गेर यहूदी लोकगीन को लाय, भरोसा को बेसकुड उघाडिसेस। 28 वय गजब बेरा तकन वहान चेला गीन संग रहिन।

15 मंग काही लोकगीन यहूदिया छेतर लक मोठो नगर अन्ताकिया मा आइन। अना भाऊ गीन ला यो सिकान लगिन। “यदी मोसे भविस्यवक्ता को नियम को अनुसार तुमरो खतना नही होहेत, तो तुमीला सूटकारा नही भेटेत।” 2 पौलुस अना बरनबास उनको लक सहमत नही होतिन। तो उनको सँग लगत बैस भयो। तबा पौलुस, बरनाबास अना उनमा लक काही संगीगिन ना एना समस्या को उपाय लाई पेरीतगिन अना मुखिया गिन को जवर येस्सलेम नगर धाडन को इरादा करीन। 3 असो कलीसिया लक बिदाई पायके वय फीनीके अना सामरिया होतो हुयो, सबा भाऊ गीनला गैरयहूदी को मन बदलन को पूरो-पूरो समाचार आयकाव के लगत खुसी पहुचाय रहयो होतिन। 4 मंग जबा वय येस्सलेम पहुचीन, तो कलिसिया को पेरीतगिन ना, अना बुजसग गिन ना उनको आव-भगत करीन। पौलुस अना बरनाबास ना उनको संग परमेस्वर ना जोन काही काम करीसेस

सांगीस। 5 पर फरीसी दल को काही बिस्वासी ना उभा होयके उन लक कहिन, उनका खतना जरूर होवनी चाहिये। अना उन लक मोसे को नियम को काम पालन करन को हुकूम देवनी जरूरी से। 6 ता यो बारे मा सलाह मसोवरा करन लाय पेरीत अना बुजस्क गिन जमा भईन। 7 एक लम्बो-चौवडो बैस को मघा पतरस ना उभा होयके उनलक कहीस, “मोरो भाऊ गीन, लगत दिवस पुढा तुमरो मा लक परमेस्वर ना निवाडी होतो। का मोरो लक गैरयहूदी गिन साजरा बारता आयकेत, अना बिस्वास करहेत।” 8 अना दिल की गोस्टी को जानकार परमेस्वर ना आमरो च जसो उनला भी पवीतर आतमा देयके उनको पक्स ला पिक्को करीसेस। 9 येने परकार बिस्वास लक उनको पाप ला छिमा करके अना उनको मनला पवित्र करयो अना उनको अना आमरो बिच कोनी भेद-भाव नही करयो। 10 अता चेला गीन की गरदन पर असो मजबूत जुमेदारी की जुआडी राखके जेनला न तो हमरो पुरखा, अना हमि उचल सकया सेजन, अता काहे परमेस्वर की परिकसा करोसो? 11 पर आमरो ता यो बिस्वास सेत। का पिरभू यीसु को दया लक आमरो बचाव भई सेत, वसोच उनको भी भई सेत। 12 तबा सारी भीड़ सान्त भई गईन। तबा बरनबास अना पौलुस लक यो बखान करन लगिन। का परमेस्वर ना उनको लक गैरयहूदी लोकगीन मा कसो-कसो हिदान दिखाइसेस। अना अचँभा काम करीसेस। 13 जबा वय बोल चुकिन ता येस्सलेम कलिसिया को मुखिया याकूब ना साँगीस। भाऊ मोरी आयको, 14 समौन ना सबुत दियो होतो, का परमेस्वर ना काही लोकगिन ला आपरो नाव को लाई बेचके, कसो पिरम करीयो होतो। 15 भविस्यवक्ता गिन को बचन भी यो गोस्टी ला मानासेत, जसो का लिख्यो सेत। 16 ऐको मंघा मि लवटिन अना दाऊद को पडयो हुयो राज ला मंग बनाहिन। मी वोको खन्डार को सुधार करीन। 17 अना सब बचयो लोक अना सबच गैरयहूदी गिन, जोनला मोरो बनन लाय बनायो गयो सेत पिरभू को खोज करे। 18 दुनिया को सुखात लक यो वोच पिरभू सेत जोन येने गोस्टी ला परगट करत आईसे। (aiōn g165) 19 असो परकार लक मोरो फैसला यो सेत का अमीला उन लोकगिन ला जोन गैरयहूदि होतयो हुयो परमेस्वर कन मुरकी सेत तगांवनो साजरा नाहती। 20 पर उन ला लिख धाडयो का मुरती को पर चघायो जुनुस, छिनरापन अना गला घोटयो जनावर को मांस अना खून लक दुहुर रहेत। 21 काहे की “जूनो बेरा लक नगर-नगर मा मोसे भविस्यवक्ता की कानुन बाचन वारा होता आइन अना सबच पवीतर दिवस सभाघर मा मुसा को नियम ला बाचो जावसे।” 22 मंग पेरीत गिन अना बुजस्क गिन ना पूरी कलीसिया सकट यो पक्को करीन का पेरीत उनको बीच मा लक काही मानूस अना पौलुस ला को बेचके अन्ताकिया धाडयो जाय। बरसब्बा कहयो जान वालो यहूदा, अना सीलास ला बेच लेइन। वय भाऊगीन मा आदर को काबिल होतिन। 23 उनना उनको हात यो चिट्ठी धाडिन। तम्हारो भाऊ, बुजसगगिन अना पेरीत गिन को कन लक अन्ताकिया सीरिया अना किलकिया को गैरयहूदी भाऊ गीनला नमस्कार, 24 अगो चहेतो भाऊगिन! हमिना जबा लक यो आयकिया की हमि मा लक कोनी बगैर आमरो हुकूम को जायके तुमरो मनला उलट के पोरसान कियो सेत, अना तुमरो मन ला डगमगा देइसेत, 25 तबा हमी एक मत भयके यो फैसला कर निवाडी सेजन

का आपरो चहेतो बरनबास अना पौलुस को सँग काही मानूस ला उनला आसिया मा साजरो बारता आयकावने लक मना कर देयि तुमरो कठा धाडिसेजन। 26 यो असो मानूस सेत जिनना हमरो पिरभू होतो। 7 मंग उनना मुसिया कस्बा को जवर पहुचियो, अना ता यीसु मसीह को नाव को लाई आपरो जान जोखिम मा ढाकिसेत। 27 बिथुनिया जान को जतन करिया पर यीसु की आतमा न उनला वहान जान नही देईस। 8 मंग वय मुसिया कस्बा लक होयके तोरआस मा पहुचीन। 9 वहान पौलुस न रात मा एक दरसन मा चोयीस, का मकिदुनिया को एक मानूस वोको लक पिराथना कव्हत हुयो कव्ह रही से, “मकिदुनिया मा आव अना आमरो सायता कर।” 10 दरसन को मधा जवाब भेटयो ता अमीला मालुम भयी गयो का अमीला परमेस्वर ना उन लोकगीन को बीच साजरो बारता आयकावन लाय मकीदुनिया जावन लाय सांगीसेस। ता अमी ना वहान जावन लाय ठान लियो। 11 असो आमिना तोरआस लक पानी च पानी जावन लाय आपरो जहाज खोल दियो। अना सीधो समुथार तकन गयो। अना दुसरो दिवस नेआपुलिस ला चली गया। 12 अखीन वहान लक एक रोमी उपनिवेश फिलिप्पी पहुचियो। फिलिप्पी मकीदुनिया को मुख्य नगर से। यो नगर मा अमी काही दिवस बितायो। 13 मंग बिसराम दिवस यो बिचार करतो हुयो पिराथना करन को लाई का वहान कोनी जघा होहेत। अमी नगर को बेसकुड को बाहेर नदी मा गयो। अमी बसके जमा आई-माई लक गोस्टी करन लगया। 14 वहाच लीदिया नाव को बाई होती। वा किमती बैजनी कपरा को धंधा करत होती। अना परमेस्वर की पिराथना करत होती। वा आमरी गोस्टी आयकत होती। पिरभू ना ओको मन को बेसकुड खोलिस। जोनलक वा पौलुस की गोस्टी धियान देयके आयके। 15 जबा ओना अना ओको परिवार ना बसिस्मा लेईन। मंग बिनती करीस, “अदी तुमी लोक मोला बिस्वासी मानासो ता मोरो घरमा रव्हो।” असो कव्ह के आमीला मनाईस। 16 मंग असो भयो का जबा आमी कोनी दिवस पिराथना घर जावत होता की एक जुवान बायको लक आमरी मुलाकात भई। ओमा सगुन देखनवारी आतमा होती। वा लोकगिन को पराय सांगके आपरो मालीक गीन को साठी लगत पैसा कमाय के देवत होती। 17 वा पौलुस अना आमी लोकगीन को मंधा-मंधा आयके बेमियावन लगी। “यो लोकगीन सब लक वरता को परमेस्वर का दास सेत अना तुमी लोकगीन ला सुटकारा को रास्ता साँगसेत।” 18 वा लगत दिवस तकन असोच करत रही। तबा आ पौलुस परेसान भयी गयो। तबा उ मुरक के ओना आतमा लक कहीस; “मि तोला यीसु मसीह को नाव लक हुकूम देवसु, तु ओमा लक हिट जाय,” अना वा बुरो आतमा तुस्त ओमा लक हिट गई। 19 जबा ओको मालीक ना चोयीन, की उनकी कमाई को आसा चलयो गयो। ता वय पौलुस अना सीलास ला धरके चौक मा मुखिया गीन को कठा झिक के ले गईन। 20 उनना पौलुस अना सीलास ला रोमन अधिकारी को पुढा ले जायके कहिन, “यो लोक आमरो सहर मा सान्ती भँग कर रही सेत, यो यहूदी सेत। 21 अना असी मोसे को नियम सांग सेत, जेनला मानने हमी रोमी को लाई नियम लक नाहती।” 22 तबा जमघट का लोक उनको बिरोध मा इकठ्ठे होयके चघके आयइन अना रोमन अधिकारी गिन उनका कपरा चीरके उतार ढाकिन, अखीन उनला कोडा मारन की हुकूम देईस। 23 लगत कोडा लगायके, उनना उनला जेल मा ढाक देईन। अना जेलर ला हुकूम दियो का उनला कडो निगरानी मा राखो। 24 वोना असी

16 मंग पौलुस अना सिलास, दिरबे अखीन लुस्तरा नगर मा गइन। वहान तीमुथियुस नाव को एक चेला होतो। जोन को माय यहूदी बिस्वासी अना वोको बाप युनानी होतो। 2 लुस्तरा अना इकोनियुस नगर मा उ बिस्वासी गिनमा नामी होतो। 3 पौलुस तिमुथियुस ला आपरो संग यातरा पर ले जावने चाव्हत होतो। एकोलाय ओला आपरो संग ले गयो। अना वोनाजघा मा रव्हन वालो यहूदीगीन को कारन, ओको खतना करयो गयो। काहेकि वय सबच जानत होतीन की ओको बाबूजी एक युनानी होतो। 4 वहान लक एना सहर लक वोना सहेर यातरा करतो हुयो। पेरीतगिन येस्सलेम मा जोन फैसला लियो होतो बिस्वासी गिनला सांगिन। का वय उनको पालन करे। 5 एना पिरकार कलीसिया बिस्वास मा मजबूत होती गई अखीन उनकी गिनती हर दिवस बढतो गयो। 6 वय फ्रुगिया अखीन गलातिया परदेस मा लक होयके हिटीन, काहेकी पवीतर आतमा न

हुकूम पायके उनला भीतर की खोलीमा राखीस। अखीन उनका पाय लकडी मा ठोंक देइस। 25 अरधी रात को करीब मा पौलुस अना सीलास पिराथना करतो हुयो, परमेस्वर को भजन गावत होतिन। अना कैदी उनकी आयक रहयो होतो। 26 एतरो मा एकाएक जेल को पाया हिल गयो। यहाँ तकन अखीन गदने सबच बेसकुड खुल गईन। अना सबच का बेडी खुल गईन। 27 जेलर चेत गयो, अखीन जेल को बेसकुड उघडया चोयके समझयो का जैली पराय गई सेत। अना उनना तरवार झिकन के अपरो आप ला मारन लगिस। 28 पर पौलुस न जोर लक हाकलके कहीस, “अपरो आप को काही नुकसान नोको कर” काहेकी हमी सबच यहाच सेजन। 29 तबा उ टेमा बुलायके भीतर परायो, अना थर-थर कपकपा के पौलुस अना सीलास को पाय पडन लगयो। 30 अना वोनच घडी उनला बाहेर हेडके कहीस “अरे पिरभू को भगत सुटकारा पावन लाई मी का कस्?” 31 उनना कहीन “पिरभू यीसु मसीह पर भरोसा कर त तोरो खानदान सुटकारा पाहे।” 32 अना वोना अखीन वोका सारा घर का लोक गीन ला पिरभू को गोस्टी आयकावीस। 33 रात को वोन च बेरा मा वोना उनला लीजायके उनका घाव धोयके अखीन उनना अपरा सबच लोकगीन समेत गदने बसिस्मा लेईस। 34 तबा वोना उनला अपरो घर मा लीजायके उनको जेवनार करीस। अखीन सबरी खानदान समेत परमेस्वर पर बिस्वास करके खुसी मनावन लगयो। 35 जबा दिवस भयो तबा रोमन अधिकारी न सिपाईगीन ला धाडीस। का उन मानुसगिन ला छोड देव। 36 जेलर ना या गोस्टी पौलुस लक कहीस का रोमन अधिकारी कहलवायो सेत का तोला अना ला सोडयो जाय। अबा हिटके सान्ती लक चली जावो। 37 पर पौलुस न उन सिपाईगिन लक कहीस, हमी रोमी नागरिक सेजन, पर उनना बेकसूर होवन पर भी हमला सबको पुडा मारपीट के जेलमा डाकदियो। अना अबा अमीला चुप्पई लक अमीला बाहेर हेड रहीसेत? असो नही होहेत, वय खुदच आयके अमीला बाहेर हेडेत। 38 सिपाई गीन न यो गोस्टी रोमन अधिकारी लक कहीन। रोमी अधिकारी ला जबा यो पता चलयो का पौलुस अना सिलास रोमी से ता वय डराय गईन। 39 तबा वय वहान आइन, अना उनलक माफी मागके, उनला बाहेर ले जायके, उनलक सहेर सोडन को बिनती करन लगयो। 40 पौलुस अना सिलास जेल लक हिटके, लुदिया को घर मा गईन अखीन भाऊ गीन लक भेट करके उनको जोसला बडाय के सान्ती लक चली गईन।

17 वय अम्फिपुलिस अना अपुल्लोनिया नगर को यातरा पूरो करके वय थिस्सलुनीके नगर आइन। जहाँ यहुदी गीन को सभाघर होतो। 2 पौलुस अपरी रीत को लक वहान उनलक भेटयो। उनना तीन हपता को पवीतर दिवस लक उन को संग मा बिचार राखिस। 3 अना गिरंथ लक उनला समझात हुया, असो सिकात रहयो, का मसीह ला दुख भोगनो च होतो। अना मरया हुया मा लक जितो होवनो जरूरी होतो। अना “यो यीसु च से जोन को मी तुमरो बीच मा पिरचार करासेऊ मसीह सेत।” 4 उनमा लक काही लोकगीन न भरोसा करीन, अखीन वय पौलुस अना सीलास को संग मिल गईन। परमेस्वर लक भेव राखनवारा अनगिनत गैरयहुदी भी

उनमा मिल गइन। इनमा लगत आई माई गीन भी होतिन। 5 पर यहुदी ईसा अना जलनखोरी करन लगीन। अखीन उनना हाट का काही गुन्डा बदमास गीनला जमा करीन। अना नगर मा दंगा करा देईन। वय यासिन को घर पहुच गइन। अना यो कोसीस करन लगीन का कोनी परकार लक पौलुस अखीन सीलास ला लोकगिन पुडा मनजे। 6 जब वय उनला नही भेटयो ता वय यासोन अखीन काही भाऊ गीन ला सहेर को पूडा घसीट के आनीन अना चिल्लाइन। ए लोक गिन सब कन उथल-पूथल करयो सेत अबा यो सहेर मा आयो सेत। 7 यासोन न इनला अपरो यहाँ राखीसेस। अना ये सब लोक कैसर राजा को नियम को बिरोध मा काम करासेत। अना कव्हसेत का अवर एक राजा सेत जोनको नाव यीसु से। 8 असो आयक के भीड अना अधिकारी भडक गयो। 9 अना छुडायो जावनको लाय लगनवारा पैसा आन के अधिकारी गिन उनला अना यासेन ला छोड देइन। 10 भाऊ-बहिन न गदने रातो-रात पौलुस अना सीलास ला बिरिया नगर मा धाडीस। वहाँ पहुच के वय यहुदी गीन को सभाघर मा गईन। 11 यो यहुदी थिस्सलुनीके यहुदीगीन लक लगत उदार होतिन। वय मोठि खुसी लक पिरभू की खबर आयकावत होतिन। अना वोकी खराई ला जाँचन लाई हर दिवस पवित्र गिरंथ मा जाँचत होतिन। का यो गोस्टी असो सेति का नहाति। 12 एको परिनाम मा लगत सा यहुदी अना गैर यहुदी अना रहीस आईमाई ना भी बिस्वास करन लगीन। 13 जबा थिस्सलुनीके को यहुदीगीन ला यो मालूम भयो तो वय बिरिया नगर मा आइन। अना बिरिया मा पौलुस को खिलाप लोकगीन ला भडकावन अना गुस्सा दिलावन लगीन। 14 एकोलाय तभी भाऊ गिन ना गदने पौलुस ला सागर को कगर जावन लाय धाड दियो। पर सिलास अना तिमोथी वहाच रहयो। 15 पौलुस को लिजावन वारा लोकगिन ना वोला अथेन पहुचा देइन। अना, सीलास अना तिमोथी ला कहीन का तुमी लवकर आव अना वय चले गइन। 16 जबा पौलुस अथेने नगर मा सीलास अना तिमोथी की रास्ता चोवत होतो। ता नगर मा देवता की मुरत की भरमार चोयके ओको “करेजा जर गयो।” 17 एकोलाई उ हर रोज यहुदी गीन युनानी लक बहेस करत होतो। इतरोच नही उ बाजार हाट मा जोन आवत-जावत होतिन। उनको संग मा भी बहेस करत होतो। 18 काही एपिकूरी अना स्टोइकी सिक्सक भी वोको लक बहेस करन लगीन। उन मा लक लोक कव्हन लगन “यो बाकवाद करन वालो काजक चाहवासे ‘दुसरो न कहीस’ यो त विदेसी देव गीन पिरचार करन वालो मालूम पडसे” उनना एकोलाई कहीस का उ यीसु को बारे मा उपदेस देवत होतो। मंग जितो होवन को पिरचार करत होतो। 19 एकोलाई वय पौलुस ला अपरो संग अरियोपिगुस महा सभा मा ले गईन। अना उनला कहीन का हमी जान सका सेजन का तुमी या कौनती नवी सिक्ससा देय रहीसेव? 20 तुमी काही असी गोस्टी कव्हसेव, जोन हमरो कान लगावन वालो गोस्टी लगासे। हमी जाननो चाव्हसेजन का वोको अरथ का से? 21 काहेकी अथेने नगर का सबच रव्हनवारा अना वहाँ का रव्हनवारा विदेसी नवी-नवी गोस्टी आयकावन अना आयकन को अलावा अखीन काही काम मा नही बितावत होतिन। 22 अरियोपिगुस न्यायालाय को पुडा उभो होयके पौलुस न यो कहीस “अथेने नगर को रव्हन वारा महान गीन!

मी चोय रही सेव का तुमी लोक हर पिरकार लक मोठो धरम पिरम से।” 23 जबा मी हिडता-फिरता तुमरी उपासना को चीजगीन ला देख रही सेव, ता मोला एक होमनकुन्ड मिली जेनको पर यो लिख्यो से। “जोन ला आमी नही जानासेजन वा परमेस्वर काजी,” तुमी लोक उ परमेस्वर लक बेखबर सेव जेकी पुजा करासेव, “मी वोकी खबर तुमला आयकावसु।” 24 जेना परमेस्वर न दुनिया अना वोको मा जोन काही सेत उ सब बनाईसेस, अखीन जोन बादर अना धरती को पिरभू से उ मानूस को हात लक बनाया हुया मंदिर मा नही रख्। 25 अना वोला कोनी चीज को कमी नहाय, ता वोको मानूसगिन को हात लक सेवा नही होय सका। काहेकी उ ता खुदच सबला सांस अना सब कही देवासेत। 26 वोना एकच मानूस लक सबरी मानूस लोक ला पैदा करीस। जोनलक वय सारी धरती पर बस जाय। अना वोना च मानूस गीन की बेरा पक्को कर देइसेस। अना जहान वय सेत वोना जघा मा रखन की सीवमेंडो ला पक्को करीसेस। 27 एको मतलब यो सेत का वय परमेस्वर को खोज करे। अना वोला खोजता हुया हो सक सेत उनला मिल जाय। एतरो होवन मा भी उ आमरो लक दुहर नाहती। 28 काहेकी वोकोच मा हमी जितो सेजन। अना वोमच आमरो हिंडनो-फिरनो सेत। अना वोच मा आमरो जिंदगी सेत। असो परकार तुमरो कितरो लिखनवारा ना लिखि सेत, का अमी वोको च सन्तान सेजन। 29 मंग अमी परमेस्वर को लेकरा-बारा आजन। एकोलाय अमीला यो समझनो जरूरी सेत का उ परमेस्वर सो-खरो या गोटा की मुरत नाहती, जोनला मानूसगिन बनावसेत। 30 यो गोस्टी ला जूनो जमाना मा परमेस्वर ना अगियानी समज के टाल दियोसेत। पर अबा सब मानूसगिन ला यो अगियानी पन लक हिटके मन मा सही बिचार आनन को मौका देवासेत। 31 काहेका हरेक मानूस काजी वोना एक दिवस ठहरायोसेस, का वोना मानूस लक सब संसार को मानूस को धरमी पन लक न्याय करहेत। जेना वोला पयले लक ठहरायो। अना वोला मारयो मा लक जितो करीस, “एना गोस्टी ला पक्को करीसेस।” 32 जबा उनला मरयो हुयो मा लक जितो उठनो की गोस्टी आयकिस। तो उन मा लक काही तो वोको हासी उडावन लग्गिन बल्की काही न कहिन हमी यो तोरो पिरवचन मघा आयकबीन। 33 अना पौलुस उनको बीच लक चली गयो। 34 मंग कोनी मानूस वोको संग भय गयो, अना बिस्वासी बन गयो। जसो न्यायालय को मुखिया दियोनिसियुस, दमरिस नाव की आई-माई अखीन काही मानूस।

18 एको बाद पौलुस अथेने नगर छोडके कुरिन्थुस नगर चले गयो। 2 जहान अक्विला नाव को यहूदी लक वोकी भेंट भई। अक्विला पौलुस को रखन वारा होतो। जोन अबा हाल च मा, अपरी बायको प्रिस्किल्ला को संग कछुक बेरा पयले इटली देस लक आयो होतो। उनना इटली यो काजी सोडयो होतो, की राजा क्लौडियुस न सब यहूदीगिन ला रोम देस लक हेड दियो होतो। एकोलाय पौलुस वोको लक मिलन गयो। 3 अखीन वोको संग रखन अना काम करन लग्यो। काहेकी वय पन्डाल बनावन को एकच धंधा करत होतीन। 4 पौलुस हर एक बिसराम दिवस पर यहूदी सभाघर मा तरक-बेस करत अना यहूदी गीन अना यूनानी गीन ला समझावन को

जतन करत होतयो। 5 जबा सीलास अना तीमथियुस मकीदुनिया लक आइन। ता पौलुस गोस्टी आयकावन मा अपरो पूरो पुरूस देवन लग्गिस। अना यहूदी गीन को आयकावायके का यीसु च मसीह से। 6 जबा वय लोक पौलुस को बिरोध करनो अना निन्दा करन लग्गिन। ता वोना अपरा कपरा की बासू ला झडायके उनको लक असो कहीस, तुमरो जान को जवाब दार तुम्हिक सेव। अबा अमी गैरयहूदी गिन जवर जाबिन। 7 असो सांगके पौलुस वहान लक चले गयो। अना वा तितूस युस्तूस नाव को एक गैरयहूदी को घर मा गयो। जेनको घर यहूदी सभा घर को कगर होतो। 8 यहूदी सभाघर को मुखिया क्रिस्पुस न अपरो सबरी खानदान को संग पिरभू मा बिस्वास करीस। अना उनको संग लगत कुम्भी को यहूदीगिन पौलुस की गोस्टी आयक के बिस्वास करीन अना बसिस्मा लेईन। 9 पिरभू न एक रात को दरसन देके पौलुस लक असो कहीस, नोको हार, पर बोलत जाय अना उगो-मुगो नोको रख्। 10 “मी तोरो संग सेव, कोनी भी तोरो पर धावा नही करहेत कोनी तोरो नुकसान नही कर पाहेत। काहेकी येनाच नगर मा लगत सा लोक मोरा अपरा सेत।” 11 पौलुस लोकगीन ला परमेस्वर को बचन की सिक्सा देतो हुयो, वहान डेड बरस रहयो। 12 जेना बेरा गल्लियो अखया यूनान देस को मोठो राजा होतो। यहूदी गीन न मिलजुल के पौलुस पर हमला करीन। अना वोला नियाव आसन को पुडा पेस करीस। 13 उनना यो आरोप लगाईन “यो मानूस परमेस्वर ला मनान को असो नियम सिकावासे जोन मोसे को नियम को बिस्व से।” 14 पौलुस अबा अपरो सफाई मा बोलन वालो होतो। का गल्लियो न्यायी न यहूदी गीन लक कहीस, “अरे यहूदीगिन! अदी यो अन्याव या अपराध को मामला होतो, त सही मा मि तुमरी गोस्टी आयकतो।” अना नियाव को साजरा कारन होतो। 15 पर यो झगडा-राड सबद नाव अना तुमरी मोसे को नियम लक सम्बन्ध राख सेत। त तुमी जेनो मी असी गोस्टी को न्याय करनो नही चाव्हेसेऊ। 16 अना यहूदीगिन ला नियाव आसन लक बाहरे हेड देईस। 17 तब सब न सभाघर को मुखिया सोस्थेनेस ला धरके दबोचिन नियाव आसन को पुडा पीटीन, पर गल्लियो न येको पर जरासो भी धियान नही देईस। 18 पौलुस लगत दिवस तकन कुरिन्थुस को बिस्वासी गिन को संग मा रहयो। मंग उ भाऊ गीन लक बिदाई लेके नाव को रस्ता लक सीरिया जावन लग्यो। वोको संग प्रिस्किल्ला अना अक्विला भी होतिन। पौलुस ना किखिया मा आपरो डोस्की मुन्डवाय लियो काहेका वोना एक मन्नत मानयो होतो। 19 अना जब वय इफिसुस नगर आइन ता पौलुस न प्रिस्किल्ला अना अक्विला ला वहान छोड देईस। अना खुद यहूदी सभाघर मा जायके यहूदी गीन को संग बैस करीस। 20 उनना पौलुस लक बिनती करीन, “तु काही बेरा अखीन रखजोस।” पर पौलुस नही मानयो। 21 अना उनको लक यो साग के बिदाई लेइस, “अदी परमेस्वर चाव्हेसे ता मी तुमी लोकगीन को जवर मंग आहिना।” उ इफिसुस छोडके जहाज मा समुंदर को रस्ता लक चली गयो। 22 कैसरिया जहाज घाट मा उतरके वहान लक उ कलीसिया को धन्यवाद करन गयो, अना येस्सलेम लक मोठो नगर अन्ताकिया चली गयो। 23 काही बेरा बितन को बाद वोने बिदाई लेइस। अना गलातिया अना फ्रुगिया को छेतर लक होतो हुयो एक जघा लक

दूसरो जघा मा हिंडता हुयो। सब चेला गीन को बिस्वास मा पूरो पक्को करतो रहयो। 24 वोनोच बेरा वहान अपुल्लोस नाव को यहूदी होतो। उ सिकन्दरिया को बिस्वासी होतो। बोलन मा विदवान होतो। अना वोला पवित्र गिरंथ को लगत गियान होतो। उ इफिसस नगर आयो। 25 वोला पिरभू को मारग को सिक्सा भेटयो होतो। उ लगत सतरक होयके जो सच सेत। वोला साजरा लक सिकावत होतो। अना यीसु को बिसय मा साजरी गोस्टी सिकावत होतो। वोला केवल योहन को बसिस्मा मालुम होतो। 26 उ यहूदी सभाघर मा बेधडक बोलन लगयो। प्रिस्किल्ला अना अक्किला वोकी सिक्सा आयकन को बाद वोला अपरो संग ले गईन। अना उनना लगत साजरो तरीका लक वोना परमेस्वर को सिधो रास्ता ला समझाइन। 27 जबा अपुल्लोस आख्या ला जावो चाहिस ता बिस्वासी हुन ना वोला जोस लक भर देइन। अना वहान को बिस्वासी गिनला स्वागत करन लाय चिट्ठी धाडीन। जब उ वहान गयो तो उ वहान को लोकगिन लाय लगत मदद करन वारा साबीत भयो। जोन ना परमेस्वर को किरपा लक बिस्वासी बन गयो होतिन। 28 काहेकी वोना पवित्र गिरंथ लक सबुत देदे के यहूदी गीन को तोन्ड बंद करत होतो। अना गिरंथ लक समझावत होतो का यीसु च मसीह आय।

19 वोनो बेरा अपुल्लोस कुरिन्थुस नगर मा होतो। तबा पौलुस भीतरी परदेसगीन को लक यातरा खतम करके इफिसस आइस। वहान वोला काही चेला गीन मिलीन। 2 पौलुस न उनको लक पुछिस “का बिस्वास करत बेरा तुमी लोक गीन को पवीतर आतमा मिली से?” उनना जवाब देइन, “हमी न यो नही आयकीसेजन का पवीतर आतमा होवासे?” 3 उ तबा उ कहीस “तो तुमिना कसो बसिस्मा लियो से?” उनना कहीन “योहन को बसिस्मा।” 4 मंग पौलुस न असो कहीस, योहन न असो सांगत पस्तावा को बसिस्मा दियो होतो। का “जोन मोरो मंघा आवन वालो से वोको पर, मजे यीसु पर भरोसा करनो।” 5 उनना असो आयके पिरभू यीसु को नाव पर बसिस्मा लेइन। 6 जबा पौलुस न वोको पर हात राखीस, त पवीतर आतमा उनको पर उतर गयो। अना वय अलग-अलग बोली बोलन लगिन। अना भविष्यवानी सांगन लगिन। 7 वय पूरो मिलायके करीब बारा मरद-माना होतिन। 8 मंग पौलुस तीन महिना तकन सभाघर जावत रहेयो उ “परमेस्वर को राज” को बिसय बेधडक बोलत अना यहूदिगीन ला समझावत होतो। 9 पर उनमा लक काही लोक जिड़ी होतिन। वय बिस्वास नही करीन। बल्कि पंचायत मा एना रस्ता की निन्दा भी करन लगिन। एकोलाय पौलुस न उनला छोडके, अपरा चेलागीन ला वहान लक हटाय लेईस। उ हरदिन तुरन्नुस सिक्सा घर मा चरचा बिचार करन लग्यो 10 असो काम दुई बरस तकन चलतो रहयो, एको फर यो भयो का आसिया सब रव्हन वारा न चाहे वय यहूदी होय, या त यूनानी, सब न पिरभू को बचन आयक लेइन। 11 परमेस्वर को पौलुस कन लक अजब-गजब ताकत को काम, अना अचंभा करवात होतो। 12 यहान तकन की वोको छुयो अगोछा अना स्माल बिमार गिन को कठा लिजा के छिवात होतिन अना उ साजरा भयि जात होतो। अना भूत-पलित परात होतिन। 13 काही यहूदी गिन जोन भूत-पलित हेडत अना

इतानी उतानी हिंडत होतिन। असो करन लगिन की, जोनमा भूत-पलित होतिन। उन पर यीसु को नाव आन के फूक मारके असो कव्हन लगिन। “मी तुमला वोना यीसु को नाव मा जोनको परचार पौलुस करासे मी तुमला हुकूम देवास्।” 14 स्किवास नाव को एक यहूदी मुखिया पुजारी को सात दूरा भी असोच करत होतिन। 15 कोनी फिरयाद पर भूत-पलित न उनला जवाब देइन, “मी यीसु ला जानासेऊ, पौलुस कोन आय यो भी जानासेऊ, पर तुमी लोक कोन आव?” 16 अना उ मानूस जोन मा भूत-पलित होतिन उन को पर झपटयो अखीन उनला हिन्सा लक कब्जा मा करके उन को पर असो मजबूत ताकत दिसायो। का वय नंगा अना घायल होयके परान लगिन। 17 इफिसस का रव्हन वारा सबा यहूदी अना गैरयहूदी गिनला मालुम भय गयो। अना सबमा भेव भर गयो। अना पिरभू यीसु को नाव को बडाई भयी। 18 उनमा लक लगत सा जोन ना बिस्वास करी होतिन। अपरो लक कियो खोटो काम ला सबको पुडा मान लेइन। अना उनला परगट कर देइन। 19 लगत सा लोकगीन न जोन जादू-टोना करत होतिन। वय अपरी-अपरी जादू की किताब ला आनके जमा करीन। अना सब को पुडा जलाय देइन। जबा उनना वोका हिसाब लगाइन, ता करीब पन्नास हजार खुरो का मोहर को बरोबर हिटयो। 20 ऐना पिरकार लक पिरभू को बचन मजबूत लक फैलत गयो। 21 जबा या घटना घट चुकयो त पौलुस न मकीदुनिया अना अखया लक होतो हुया। येस्सलेम नगर जानो को मन मा ठानिस। अना कहीस वहान पहचानो को बाद मोला रोम देस ला भी चोवनो जस्सी से। 22 वोना आपरो दुई सायता करन वालो तीमुथियुस अना इरास्तुस ला मकीदुनिया धाड दियो। के वय खुदच काही बेरा तकन आसिया मा रहयो। 23 अना वोना बेरा पिरभू को ऐना मारग को कारन लगत मोठी आफद इफिसस मा भयी। 24 देमेतियुस नाव को एक सोनार होतो। जोन अरतिमिस देवी खुरो को भान्डो बनावत होतो। जोन लक कारिगरगीन ला लगत फायदा भेटत होतो। 25 वोना उनला अखीन दूसरो ऐना धंधा लक जुडयो कारिगर गिनला जमा करके कहीस, “अरे भाऊ तुमी जानासेव का हमरो यो धंधा लक लगत आमदानी होवासेत।” 26 अना तुमी चोईसेव अखीन आयकी सेव का न केवल इफिसस मा नही पर पूरो आसिया मा एना पौलुस न लगत सा लोकगीन ला बहला फुसला दियो से। उ कव्हसेस का हात को बनायो देवता सच्चो नाहती। 27 एको लक नही केवल योच भेव सेत का आमरो धन्धा बदनाम होहेत। बलकी मोठी देवी अरतिमिस को मंदिर को मान खोवन को भी भेव सेत। अना जेनो देवी की पूजा आसिया अना दुनिया को सबच लोक करासेत। वोको मान छिन्डन को भेव सेत। 28 जबा उनना असो आयकीन त लोक गुस्सा लक भर गईन। अना चिल्लाय-चिल्लाये कव्हन लगिन, “इफिसिलोक गीन की देवी अरतिमिस मोठी से” 29 नगर मा हुल्लड मच गयो अना लोकगीन न मकीदुनिया लक आयो गयुस अखीन अरिस्तखुरस नामको पौलुस को सगी यातरी गिनला दबोच लेइन। अना वय रंगसाला पराय गईन। 30 पौलुस न जमघट को पूडा जावो चाहत होतो। पर चेला गीन न वोला नही जान देइन। 31 काही पिरान्त को अधिकारी गीन जोन वोका सँगी होतिन। खबर धाडिन का उ रंगसाला मा जानो को जोखिम नोको उचलेत। 32 अना कोनी काही

चिल्लाया रही होती। अखीन कोनी काही, काहेकी सभा मा उथल-पुथल मची होती। लगत सा लोकगीन ला यो भी मालूम नहीं होते का हमी जमा कायलाई भई सेजन। 33 तबा यहूदीगिन ना भीड़ ला सान्त करन लाय सिकन्दर को नाव सुझाइन। तबा सिकन्दर न हात उभो करके लोकगिन को पुड़ा बचाव पक्स जाहिर करनो चाहयो। 34 पर जबा लोकगीन न चीन्हिन का यो तो यहूदी से। ता लगभग दूई घंटा तकन सबच का सब एकच आवाज लक चिल्लावत रहीन। “इफिसिलोक गीन की अरतिमिस देवी मोठी से” 35 तबा नगर को दिवान न जमघट ला उगो-मुगो करके कहीस “अरे इफिसिलोक गीन असो कोनतो मानूस से जोन नहीं जानासे का इफिसुस को यो नगर मोठी देवी अरतिमिस को मंदिर अना बादल लक पडी हुई पवितर गोटा को रखवालो से?” 36 एना गोस्टी को कोनी तोड़ नाहती। त तुमी उगो-मुगो रहवो अना उताली मा काही नोको करो। 37 काहेकी तुमी एना मानूसगिन ला धरके आनीसेऊ। जोन न त हमरो मंदिर गीन का लुटेरा सेत, ना आमरो देवी का निन्दा करनवारा सेत। 38 मंग अदी देमेतिरयुस अना वोना कारीगीर ला जोन वोको संग सेत। कोनी मानूस लक कोनी सिकायत सेत त न्यायालय खुल्लो सेत। अना मोठो राजपाल मोजूद सेत। वहान वय एक दुसरो पर नालीस करो। 39 पर तुमी एको लक जादा जाननो चव्हसेत ता एको फैसला नागरिक अदालत मा होहेत। 40 काहेका अबा जोन काही भी सेत वोको अनुसार अमीला यो गोस्टी को भेव सेत। आज को बलवा को ठेका कहि आमरो डोस्की मा नोको फुटे। काहेका यो दंगा को कोनी कारन नाहती। 41 वोना ऐतरो कहेके पंचायत ला खत्म कर देइन।

20 हुल्लड सान्ती होवनो को मधा पौलुस न चेला गीन ला बुलावन धाडिस। उनला बड़ावा को अना मजबूत होवन को गोस्टी समझायो। मंग वोना सार होयके मकीदुनिया कन चली गयो। 2 वोना सबच छेतर को दौरा करयो। अना सब लोकगिन ला सन्देश देयके जोस मा भरतो यूनान पहुचियो। 3 वहान वोना तीन महीना बीताईस अना जबा उ जहाज लक सीरिया जावन वालो होतो। पर जबा वोला मालूम भयो का यहूदीगिन वोको बिरोध मा साजिस करयो सेत। तो उ पिलान बदल के मकिदुनिया लौटन को इरादा बनायो। 4 बिरिया को रव्हन वालो पुर्स को दूरा सोपतस्स, थिस्सलूनीकिया को रहवन वालो अरिस्तुरस, सिकन्दुस, दिरबे को गयुस, तीमुथियुस अना एसिया को तुखिकुस अना तुरफियुस वोको संग होतो। 5 पर ये लोक हमरो लक पुड़ा पैदल चली गईन अना तोरआस मा हमारो बाट जोह रहया होतीन। 6 अखमीरी भाकर को तिहार को मंग हमी फिलिप्पी लक जहाज लक हिटके अना पाँच दिवस मा उनको जवर तोरआस पहुचयो। अना वहान सात दिवस तकन रहयो। 7 सनीवार को राती हफता जबा हमी भाकर टोडन को लाई इक्कठा भयो। त पौलुस गोस्टी करन लगयो। उ दुसरो दिवस जावन वारा होत्यो। एकोलाय अरधी रात तकन सिक्सा देवतो रहयो। 8 जो वरता पाटन मा हमी इक्कठा हुया होता। वहान सिडीगिन मा लगत सा टेमा पेतायो होतीन। 9 युतरखुस नाव को एक मानूस होत्यो जोन खिड़की पर बस्या हुया। जप को झोक मा होत्यो। जबा पौलुस उसीर तकन जोर लक बोलता रहयो। त वोला जप आय गई अना उ

दुय मंजिला लक खाल्या पड गयो। अना मरयो हुयो उचलेयो गयो। 10 पर पौलुस खाल्या उतरयो अना वोको पर झुक गयो मंग अना गरो लगायके कहीस “घबरावो नोको काहेकी वो जितो सेत।” 11 अना वरता जायके भाकर तोडीस, अखीन खायके येतरी देर तकन उनको लक गोस्टी करता रहयो का फर-फर भय गयो मंग उ चली गयो। 12 वय वोना जितो दूरा ला घर ले गइन एकोलक उनला लगत सान्ती भेटयो। 13 अमी जहाज लक पयले पहुचयो। अना अस्सुस जावन लाय हिट गयो। अमिला उतानी पौलुस ला जहाज मा चधानो होतो। काहेका उ रेगत-रेगत वहान जावन को योजना बनायो होतो। 14 जबा उ अमिला अस्सुस मा मिलयो त हमी वोला जहाज मा चघायके मितुलेने मा जावन लगयो। 15 वहान लक जहाज खोलके हमी दुसरो दिवस खियुस को पुड़ा पहुचया। मंग परो दिवस अमी सामुस मा आय गयो। मंग वोको दुसरो दिवस मिलेतुस मा पहुचयो। 16 काहेकी पौलुस जहान तकन होय सके पेन्टि कोस्त को तिहार को कारन हड़बड़ी करत होतो। उ असो पक्को करयो होतो। का इफिसुस मा स्क्यो बिना पुड़ा येस्सलेम चलयो जाहेत। जोनलक आसिया मा बेरा बितानो ना पडे। 17 वोना मिलेतुस लक इफिसुस मा कहेके धाडिस अना कलीसिया ला बुजस्क गिनला बुलवाइस। 18 जबा वय वोको जवर आइन। त वोना कहीस तुमी जानासेव का पहलो च दिवस लक जबा मी आसिया मा पहुचयो। मी हर बेरा तुमरो संग कोनो पिरकार लक रहीसेऊ। 19 अना मोठी गरीबी लक अखीन आवा सेऊ मी आँसू बोहाय-बोहाय के मी सेवा करत रहयो। जोन यहूदीगिन को साजिस को कारन मोरो पर आयो होतो। 20 अना जोन-जोन गोस्टी तुमरो हित की होतीन उनला सांगयो अना लोकगीन को पुड़ा अखीन घरन-घर सिकावन लक कभीच न हिचकयो। 21 यहूदी अना यूनानी गीनला समान भाव लक मी मनला मुरकाके परमेस्वर कन मुडन लाय कव्हस, अना आमरो पिरभू यीसु मसीह मा विस्वास को लाय मी चेताय रहयो सेऊ। 22 अबा चोवो मी पवितर आत्मा को अधीन होवके येस्सलेम नगर मा जावास। अना नहीं जानासू का मोरो पर वहान काजक-काजक बीतेत। 23 मी बस एतरो जानासू का हरेक नगर मा पवीतर आत्मा चेताय रक्खे। क वहान बेडी अना दुख तोरो लाई तैय्यार सेत। 24 पर मी जान ला किमती नहीं समझसू। मी तो बस उ दौड अना वोकी सेवा ला पूरी करनो चाव्हसू। जोन मोला पिरभू यीसु देखेसे। उ यो से का परमेस्वर को दया मा गवाही देवनो। 25 अबा मोरो तोन्ड मग नहि दिसेत। काहेका मी परमेस्वर को राज को परचार करासू। 26 एकोलाय मी आज को दिवस तुमरो लक सुनादी करासू। का तुमरो मा लक कोनी को खन को दोसी नहीं सेऊ। 27 काहेकी मी परमेस्वर को सबरी मकसद लक तुमला पुरो रीत लक सांगन नहीं हिचकयो। 28 एकोलाय अपरी, अना पुरो हेड की चोकसी करो, जिनमा पवीतर आत्मा न तुमला कलिसीया को मुखिया ठायराइसे। जोनलक तुमी परमेस्वर की कलीसिया की देख-रेख करो, जेनला वोना अपरो खून लक मोल लेई सेस। 29 मी जानासेऊ का मोरो जावन को बाद तुमरो बीचमा हिसक बीधा आहेत, जोन हेड ला नहीं छोडेता। 30 असो बेरा आहेत का तुमरो बीच मा लक असो मानूस उठेत, अना लोकगीन ला अपरो मंघा खीचन लाई बचनला तोड़ मोरोड के सांगेत। 31 एकोलाय जागतो रहयो अना हेत

करो। का मी न तीन बरस तकन रात दिवस आसू बोहाय-बोहायके हर एक ला चेतावनी देनो नही छोडो। 32 अना अबा मी तुमला परमेस्वर को, अना वोको दया को वचन ला सौप देवासू। जोन तुमरी उन्नती कर सकसे, अना सब पवीतर किया गयो तुमरो लोकगीन ला वारसाना अधिकार दिलाय सकसेत। 33 मी न कोनी को सोना अना खुरो मुन्दरो अखीन कपरा को लोभ नही करयो। 34 तुमी खुदच जानासेव का मी एना हात लक मोरी अना संगी गीन की जस्त की सेवा ला पूरो करीसेऊ। 35 मी न आपरो हरेक काम लक बतलायो। का महेनत करतो हुयो कमजोर गीन ला सम्भालनो। अना पिरभू यीसु को बचन ला हेत राखनो जरूरी सेत जसो वोना खुदच कहिसेत “लेवनो लक देवनो धन्य से।” 36 असो सांगके टोंगरा टेकके सब झन पिराथना करीन। 37 तबा वय सब रोईन अना पौलुस को गरो ला धरके वोला भेटन लग्गीन। 38 वय खासकर यो गोस्टी लक दुखित होतिन का पौलुस ना असो कहयो होतो का तुमला मी अबा कभीच नही भेटिन। तबा सबा लोकगिन वोला जहाज तकन पहुचाइन।

21 जबा हमी न बिदाई आन के अमीना सागर मा आपरो जहाज खोल दियो। अना सरको अमी कोस पहुचयो। दूसरो दिवस स्टुस मा, अना वहान लक पतरा पहुचयो। 2 वहान अमीना एक जहाज लियो जोन फीनीके मा जावता होतो। 3 जबा साइप्रस चोयो त हमी न वोला डाक्यो हात छोडके अखीन सीरिया कन मुरक गयो। काहेकि वहान जहाज को माल उतरनो होतो। एकोलाय अमी उतानी उतर गयो। 4 उतानी अमीला चेलागीन भेटयो। अना अमीला सात दिवस तकन रहेया। उनना आतमा को सिकायो पौलुस ला येस्सलेम जावनो लाय रोकिन। 5 पर उतानी स्कन को पूरो बेरा बताय के वहान लक चली गया। अना सब आई-माई अना दूरा-टारी सहीत हमला नगर को बाहेर तकन पहुचाइन। मंग सागर को कगर मा अमी टोंगरा टेकके पिराथना करया। 6 तबा उनलक सार होयके हमी त जहाज पर चघ गयो। अखीन वय अपरो-अपरो घर लवट गईन। 7 सूर लक जल यातरा लक अमी पतुलिमयिस मा उतर गयो अमी उनको संग एक दिवस स्कयो। 8 दूसरो दिवस अमी वहान लक चलके कैसरिया मा आयो। अना फिलिप्पुस साजरी खबर सांगन वालो को घर मा जोन सात बेचयो गयो एक होत्यो। जायके वोको घर मा रहेया। 9 वोकी चार कुवारी दूरी होतीन, जोन भविष्यवानी करत होती। 10 जबा हमी वहान लगत दिवस रह चुकया। त अगबुस नाव को एक भविष्यवक्ता यहूदिया लक आयो। 11 वोना हमरो जवर आयके पौलुस को गमछा लेईस अना अपरो हात पाय बांधके कहीस “पवीतर आतमा असी कव्हसेस, का जेना मानूस को यो गमछा से वोला येस्सलेम मा यहूदी गीन एना रीती लक बांधेत अना दूसरो लोकगीन को हात मा सोफेत।” 12 जबा हमी एना गोस्टी ला आयकाया, त हमी अना वहान का लोकगीन न वोको लक बिनती करीन का येस्सलेम नगर मा नोको जाय। 13 पर पौलुस न जवाब देईस “तुमी का करासेव का रोय-रोयके मोरो दिल तोडासेव? मी त पिरभू यीसु को नाव को लाई येस्सलेम नगर मा केवल बांधयो जानोच को लाई नही, पर मरन लाई तैयार सेव।” 14 जबा वोना नही मानीस। त हमि यो कहेकर उगो-मुगो भय गयो, का “पिरभू को

इक्सा पूरी होय।” 15 एना दिवस को मघा हमी न तैयारी करियो अना येस्सलेम नगर ला चली गयो। 16 कैसरिया लक भी काही चेला हमरो संग भय गईन। अना हमी मनासोन नाव को साइप्रस को एक जुनो चेला को घर आया। का हमी वोको संग वहान स्कनो होतो। 17 जबा हमी येस्सलेम मा पहुचयो ता भाऊगिन मोठी खुसी ले हमरो लक मिलयो। 18 दूसरो दिवस पौलुस आमरो संग याकूब ला भेटयो। वोको संग सबा बुजस्क गिन होतीन। 19 तबा पौलुस ना भी उनको सतकार करीस अना वोना आपरो काम गिनको जोन परमेस्वर कन लक गैरयहूदी मा करयो होतो, एक-एक करके सबच सांगिस। 20 जबा उनना असो आयकीन ता वय परमेस्वर को बडाई करीन। मंग वोको लक कहीन, “अरे भाऊ तुम देखासेस का यहूदीगीन मा लक कई हजार न बिस्वास करीन।” अना मोसे को नियम लाई सब धुनमा सेत। 21 उनला तोरो बिसय मा सिकायो गयो से। का तु दूसरो गैर यहूदीगिन को बीच रव्हन वालो यहूदीगीन ला, मंग मोसे भविष्यवक्ता को नियम ला सोडन कव्हसेत। अना उनलक तु कव्हसेस का अपरा दूरा गीन को खतना नोको करावो, अना न रिती लक चलो। 22 त मंग का करयो जाय? लोक जस्त आयकेत का तु आइसेस। 23 एकोलाय जोन हमी तोरो लक कव्हसेजन उ कर। हमरो यहाँ चार मानूस सेत जेना मन्नत मानीसेत। 24 उनला संग ले जाय अखिन उनको संग पवितर करनो को जलसा मा सामिल भयि जा अना उनको खरचा उठाय का वय भी आपरो डोस्की मुंडवा लेय। तब सब जान जाहेत का उनना तोरो बारेमा जो आयकिसेत उ सब सच नाहती। पर तु आपच मोसे को नियम अनुसार जिंदगी जिओ सेत। 25 जहान तकन बिस्वास करनवालो गैर यहूदीगीन को सवाल सेत। अमीना उनला एक चिट्ठी मा लिख्यो धाडिसेस। का वय मुरत गीन को पुडा चघायो हुयो जेवन, गरो मुरकेटो जनावर को मांस, अना खून नोको जेवे। अखीन छिनरापन लक बचयो रहवो। 26 असो परकार पौलुस वय मानूस गीनला आपरो संग ले गयो। अना दूसरो दिवस उनको संग पवीतर होयके मंदिर मा गयो। अना उ सांग देईस का उनमा लक हर एक को लाई चढावा चघायो जानो को दिवस कबा पूरो होहे। 27 जबा वय सात दिवस पूरो होवन पर होतीन त आसिया पिरान्त का यहूदी गीन न पौलुस ला मंदिर मा चोवके सब लोक गीन ला भडकाइन अना असो चिल्लायेके वोला धरलेइन। 28 अरे इसरायली गीन मदद करो। यो वोच मानूस आय, जोन आमरो नियम को अना मंदिर को बिरोधमा सिकावत हिंडसेत। यहाँ तकन का गैरयहूदी गीन ला येनो मंदिर मा आनके पवीतर जगह ला भी अस्वुध कर देइस। 29 उनना एकोलाय असो कव्हयो होतो, का पयले इफिसि लोकगीन नृफियुस ला वोको संग नगर मा देखी होतीन। अना यो समझी होतीस का पौलुस न वोला मंदिर मा आनीसेस। 30 तबा सबरी नगर मा हडकम मच गई। अना लोकगीन पराय-परायके इकठ्ठा भईन। अना पौलुस ला धरके मंदिर को बाहेर घसीटके आनीन। अना सटाकने बेसकुड बंद कर देइन। 31 जबा वय वोला मर डाकनो चाव्हत होतीन। त सेना को नायक ला खबर पहुचाइन। का येस्सलेम मा उथल-पुथल मच रहयो होतो। 32 तबा सौ सिपाई को अधिकारी सिपाई लेके सटाकने आयो ता यहूदीगिन जोन पौलुस ला मारत होतिन मारनो बंद कर देइन। 33 तबा सेना को

अधिकारी पौलुस जवर आयो, अना बन्दी बना लियो। वोना बोला दुई हतकडी लक बांधनो की हुकूम देके ना पुसन लगयो “यो कोन से? अखीन एना न का करीसेस?” 34 पर जमघट मा लक कोनी काही, अखीन कोनी काही, चिलावता रहेयो। जबा हुल्लड को मारे उ सही गोस्टी पता नही चल्यो। ता बोला छावनी मा लीजान की हुकूम देइस। 35 जबा उ सीडी पर पहुचयो त फैलो हीसा को कारन बोला सिपाई गीन को सुरक्षा मा लीजानो पडयो। 36 काहेका वोको मघा एक मोठी भीड़ बोला मार डालेयो असो चिल्लावत होतिन 37 जबा वय पौलुस ला गढ मा लीजानो पर होतीन। त पौलुस ना कहीस का “का मी तोला काही कहसु?” सेना को अधिकारी कहीस “का तु यूनानी जानासेस? 38 का तु उ मिसरी तो नाहस? जोन काही दिवस पयले दंगा करवायो, होतो। अना जोन जंगल मा चार हजार आंतकी लोकगीन ला जंगल मा ले गयो होतो?” 39 पौलुस न कहीस “मी त तरसुस को यहूदी मानूस सेव किलकिया को मानयो-जानयो नगर को रक्खन वालो सेऊ। मी तोरो लक पिराथना करसेऊ का मोला लोकगीन लक गोस्टी करन देव।” 40 जबा वोना हुकूम देईस त पौलुस न सीडी पर उभो होयके लोक गीन को हात लक ईसारा करीस। जबा उ उगो-मुगो भय गयो। त उ इब्रानी बोली मा बोलन लगयो।

22 पौलुस ना कहयो, “अगो भाउगीन अना बाप को बरौबर को नेक मानूस! मोरो बचाव मा अब मोला जोन कव्हनो से, ओला आयको।” 2 वय असो आयके का, उ हमरो लक इब्रानी बोली मा सांगासे अना उगो-मुगो भय गयो। तबा पौलुस ना कहीस। 3 मी यहूदी मानूस सेउ। किलकिया को तरसुस मा पैदा हुयो सेउ। अना ऐना सहर मा पलियो अना मोठो भयि सेउ। गमलीएल को पाय को जवर बसके आमरो पुरखा को विधान को अनुसार कड़ाई को संगी मोरी दिक्सा भयी से। परमेस्वर को पुढा मि बडो धुन लगायो समरपित होतो। वसोच जसो तुमी आज सेव। 4 ऐना मारग को लोकगीन ला मिना लगत सतायो। मी ना मरदमाना अखीन आई-माई दुई ला बंदी बनायके जेलमा डाकके राखो होतो। 5 मुखिया याजक अना बुजस्क लोक को सभा खुदच यो गोस्टी को सबूत से सकासेत। का मी दमिस्क नगर जावन लाय मी इनको लक चिठ्ठी ले के यो मारग को लोकगीन ला बन्दी बनाय के येस्सलेम आनन गयो होतो। 6 जबा मी चलता-चलता दमिस्क को कठा पहुचयो। त असो भयो का दुफारी को बेरा होतो। बादल लक एकाएक एक मोठी उजाडो मोरो चारी कन चमकी। 7 अना मी धरती पर पड गयो। तबच मी एक असी आवाज आयक आयो। ओरे साऊल! ओरे साऊल! तु मोला कायलाई सातवसेस? 8 तबा मी न जवाब दियो ओ पिरभू तु कोन आस? वोना मोरो लक कहीस “मी यीसु नासरी सेव जेनला तु सतावसेस?” 9 मोरा संगी गीन न उजाडो त चोवयो मंग जोन मोरो लक सांगत होतो। वोकी आवाज नही आयकयो। 10 तबा मी न कहेयो, “ओरे पिरभू मी का करु?” पिरभू न मोरो लक कहीस “उभो होयके दमिस्क मा जाय अना जोन काही तोरो करन को लाई राखीसेऊ उ तोला ला सब सांग दियो जाहे।” 11 वोना उजाडो को तेज को मारे मोला काही चोयो। ता मोरो संगी गीन हात

धरके दमिस्क नगर ले गईन। 12 यो सहेर मा तबा हनन्याह नाव को एक मानूस होतो। उ मोसे को नियम ला माननवालो एक नेक मानूस होतो। उ मोरो जवर आयो। 13 अना उभो होयके मोरो लक कहीस, ओरे भाऊ साऊल मंग चोवन लग, वोनच बेरा मोरा डोरा उघड गईन अना मी न बोला देखयो। 14 तबा वोना कहीस, “आमरो आज-पुरखागीन को परमेस्वर न तोला एकोलाय बेचीसेस का तु वोकी इक्सा ला जान, अना वोनच न्यायी यीसु ला चोव, अना वोको टोन्ड लक गोस्टी आयको। 15 काहेकी तु ना जोन चोइसेस अना आयकिसेस। वोको लाय सब मानूसगिन को पुडा तु वोको गवाह होवजोस। 16 अबा का देर करासेस? उभो होय अना बलिस्मा ले अखीन वोको नाव ला अपना अना अपरो पाप ला धोय डाक।” 17 जबा मी मंग येस्सलेम नगर मा आयके मंदिर मा पिराथना कर रहयो होतो त बेसुध भय गयो। अना मी दरसन चोवयो। 18 “का पिरभू यीसु मोरो लक कव्हसेस, येस्सलेम नगर लक फटाकने हिटी जाय।” काहेकी उ मोरो बारे मा तोरी गवाही नही मानेत। 19 मी न कहेयो “हे पिरभू उ त आपच जानासे, का मी तोरो पर बिस्वास करनवारा ला जेल मा डाकसेत, अना जघा-जघा यहूदी सभाघर मा पीटावत होतो।” 20 जबा तोरो गवाह स्तिफनुस को खुन बोवायो जाय रहेयो होतो। तबा मी भी वहां उभो होतो। अखीन एना गोस्टी मा हिस्सेदार होतो। लोक बोला मारत होतिन, अना मी उनको कपरा की देख-रेख करत होतो। 21 अना वोना मोरो लक कहीस चली जाय काहेकी मी तोला गैर यहूदी को जवर दुहर-दुहर तकन। 22 वय ओको एना बयान तकन ता आयकत रहीन। तबा जोर लक चिल्लाये के कव्हन लगनी, “असो मानूस को धरती पर लक नास कर देव, काहेका वोकी जितो होवनो बेस नाहती।” 23 जबा वय चिल्लावत अना कपरा फेकके अना बादल मा धुल उडात होतीन। 24 त सेना को अधिकारी न कहीस “एला किला मा लीजावो, अना कोडा मारके जाचो। का मी जानु का लोक कोनतो कारन लक वोको बिरोध मा असो चिल्लावत होतिन।” 25 पर जबा उनना बोला कोडा, लगावन काजी भारती लक बांधीन, तबा उभो सौ सेना को अधिकारि लक पौलुस न कहयो, “कोनी रोमी नागरिक जोन बेकसूर सेत कोडा लगवानो का सही सेत।” 26 यो आयक के वा अधिकारी सौ सेना को मुखिया को जवर जायके कहीस “तु यो का करासेस? यो त रोमी मानूस से।” 27 तबा सेना को मुखिया न पौलुस जवर आयके कहीस, मोला सांग का तु रोमी सेस? वोना कहीस “हव।” 28 असो आयक के सेना को मुखिया न कहीस मी न लगत रुपया देके पाइसेस। “पौलुस न कहीस मी त जन्म लक रोमी सेव।” 29 तबा जोन लोक बोला जाचन पर होतीन। वय गदने वोको जवर लक सरक गयो। अना सेना को मुखिया भी असो जानके का योच रोमी से अना मी न बोला बांधी सेव उ डराय गयो। 30 सेना को मुखिया यो गोस्टी को बारेमा सही-सही जानन की मनसा लक, का यहूदी वोको पर कायलाई दोस लगावसेस वोको बन्धन खोल दियो। मंग वोना मुखिया याजक अना सबरी मोठी सभा ला इकठ्ठा होवन की हुकूम देईस। अखीन पौलुस ला खाल्त्वा लीजायके वोको पुडा उभो कर देईस।

23 तबा पौलुस न यहूदी महासभा कन धयान चोवके कहीस, पौलुस न एक सेनापति ला बुलावाईस। अना वोला कहीस, “एना “मोरो भाउगीन! मिना परमेस्वर को पुडा आज तकन साजरो दूरा ला सौ सेना को मुखिया जवर ली जावो, काहेकी एला वोको भरोसा को संग ज़िंदगी जियीसेउ।” 2 एको पर हनन्याह मुखिया लक काही कव्हने से।” 18 वोना दूरा ला सेना को मुखिया जवर याजक न जवर उभा लोक गिनला हुकूम देईस। का वय ओको गाल ली जायके वोना कव्हयो “बन्दी पौलुस न मोला हाकलके कहीस मा झापड मारेत। 3 तबा पौलुस न वोको लक कहीस “अरे पांढरो का यो जवान सेनापती ला काही बात सागन वारा सेत। यो काजी पोती भीत! तोरो पर, परमेस्वर को मार पडहेत। तु मोसे को नियम एला वोको जवर ले जाव।” 19 सेना को मुखिया न वोको हात धरके को अनुसार, मोरो कसो न्याय करन लाई बसीसेस। का तु मोसे को अना वोला सुनसान जघा मा ली जायके पुसीस “तु मोला कोनती नियम को बिरोध मा, मोला झापड मारन को हुकूम दे रहिसेस।” गोस्टी सांगन चाहवसेस?” 20 वोना कव्हयो “यहूदी धरम गुरु गीन 4 जो पौलुस को कन उभो होतयो वोला कहीस “तु परमेस्वर को आपसी मा बिचार करीसेत, का वय असो बहाना करयेत का उनला महायाजक गीन को बेजजती करन को हिम्मत कसो करीसेस।” 5 तोरो पुडा काही पुसन को सेत। यो काजी वोला धरम सभा मा आनो। पौलुस न कहीस “मोरो इसरायली भाऊगीन मोला त पता च नही का आमी पौलुस की साजरो लक जाँच करबिन। 21 पर तु उनकी होतो का यो महायाजक आय। काहेका गिरंथ मा असो लिखीसे, तु वय गोस्टी नेको मानजोस। काहेकी उनमा लक चाडीस लक जादा अपरो लोकगीन को सासक को लाई बुरो नही बोलनो पाहिजे से।” मानूस गीन पौलुस ला मारन को ताक मा सेत। उनना ठान लेइसेस 6 मंग जबा पौलुस ला यो मालूम चलयो का उनमा लक अरधा लोक का आमी जब तकन पौलुस ला मारबिन नही। तब तकन अमीला फरीसी अना अरधा लोक सदुकी सेत तबा मोठो सभा को बीच ओने जेवन अना पानी पिवन को धिक्कार सेत। वय अबा परन करी सेत। जोरलक कहीस; मि एक फरिसी सेउ। अना एक फरिसी को दूरा अखीन तोरो नियाव की रास्ता देख रहयोसेत।” 22 सेना को मुखिया सेउ। मरन को मंघा जितो होवन को बारे मा, मोरो आसा को कारन, न पौलुस को भासिया ला हुकूम देईस “कोनी ला नेको सांगजोस “मोरो पर मुकदमा चलायो जाय रव्ही से।” 7 ओको असो कव्हने का तुना मोला असी खबर देईसेस” अना वोना दूरा ला जावन ला पर सदुकियो अना फरिसियो मा एक विवाद उभो हयो अना सभा कहीस। 23 तबा सेना को मुखिया न दई सेनापती गीनला हाकलीस। को बीच फूट पड गयी। 8 काहेकि सदुकी गीन को कव्हने होतो अना उनला कहीस “आज रात नौ बजे तकन कैसरिया जान लाई का मरयो मा लक जितो होवनो नही से, ना सरग होवासे, अना दई सौ सिपाई सतर घुडसवार अना दई सौ भाला चलनवारी तैयार ना आतमा, काहेका फरिसी को एना सब पर बिस्वास से। 9 एको राखो। 24 अना पौलुस को लाई भी एक घोडोसवारी को इंतजाम पर मोठो उथलपुथल मच गयो। फरीसी दल को काही, मोसे को करो। जोन मा बसके उ साजरो लक बचाय के राजपाल फेलिक्स नियम को गुरु, उभा होयके बैस कर असो कव्हन लगीन “हमी एना को जवर पहुच जाय।” 25 वोना असो चिट्ठी लिखीस: 26 “हे मानूस मा कोनी दोस नही पाहेत। अदी कोनी आतमा, अना सरगदूत, महासय राजपाल फेलिक्स, क्लौदियुस लुसियास को नमस्कार। 27 एको लक काही बोलयो होतो। ता एको लक का?” 10 जबा लगत एना मानूस ला यहूदीगीन धरके मार डाकनो चाव्हत होतो। पर मीना हिन्सक झगडा बढ गयो। त सेना मुखिया को डराय गयो। का कहीं अपरा सिपाई गीन को संग वहान पहुचके एला सूटकारा देईसेऊ, वय पौलुस का टुकड़ा-टुकड़ा नेको कर देत। एको लाई वोना सिपाई काहेकी मोला मालूम चल गयो का यो रोमी आय। 28 मी यो जाननो गीन ला हुकूम देईस, का वय सबा मा खाल्या जाय के, पौलुस ला चाव्हत होतो, का वय एको पर कोनतो दोस लगावसेत। एकोलाय मी वोको बीच लक हेडके अना किला मा लीजायहेत। 11 वोनाच वोला उनको धरम सभा मा ले गयो। 29 वहान मोला मालूम चलयो, रात पिरभू न पौलुस को जवर उभो होयके कहीस “हिम्मत राख, का वय अपरी नियम को बारे मा, एको पर दोस लगाय रहीसेत। पर जसो तुना येस्सलेम नगर मा मोरो बिसय मा गवाही देईस वसोच यो कोनी असो खोटो काम नही करीसेत। जोनको लाय एला मारनो तोला रोम देस मा गवाही देनो पडे।” 12 दिवस होवनो पर काही या बेडी लक बान्धनो पडेत। 30 जबा मोला या खबर मिली का एना यहूदी गीन न मिलके साजिस रचीन। अना उनना असी किरिया मानूस को बिरोध मा साजीस रचयो गयो सेत। तबा मीना एला गदने खाईन। का वय तबा तकन न खाहेत न त पीहेत। जबा तकन वय तोरो जवर धाडिसेव। मीना एको बिरोधीगीन ला भी हुकूम देईसेऊ, पौलुस ला मार नेको डाकत। 13 जेना लोक गीन न यो साजिस रची का वय तोरो पुडा एको बिरोध मा नालीस करे।” 31 हुकूम को लोक होतिन, वय चालीस लक लगत होतीन। 14 वय मुखिया याजक सिपाई पौलुस ला ले गईन। अना उनला वोनच रात अन्तिपतिरस अना बुजस्क गिनला जवर जायके कहीन “हमी न कठिन किरया पहुचाय देईस। 32 दूसरो दिवस वोना घोडो सवार गीन ला पौलुस को खाई सेजन। का हमी तबा तकन काही नही जेवबिन जबा तकन सांग जान देईन। अना वय खुदच किला मा लवट के आइन। 33 हमी पौलुस ला मार नही डाकबिन।” 15 एकोलाय आपच धरम घोडसवार न कैसरिया पहुचनो मा राजपाल ला वा चिट्ठी देईस। की मोठी सभा की मंजूरी लक, सेना को मुखिया ला खबर करो। अना पौलुस ला वोको पुडा करीस। 34 राज पाल न चिट्ठी बाचीस। का उ पौलुस ला अपरो जवर धाडदेव, मानो का तुमी साजरो लक अना पुछिस का वा कोनतो परदेस की आय। असो जानके का वा वोकी जाच करनो चाव्हअ सेव। वोको इतानी आवन लक पयलेच, किलकिया की आय। 35 वोना कहीस “जबा तुमरो बिरोधी आय अमी जान बढा लक उडाय देबीन। 16 पर पौलुस को बहिन को जाहे तबा तुमरी पुकार होहे। अना वोना हुकूम देईस। का पौलुस ला दूरा ना, वोला मार डाकन को बारेमा आयकीस, तबा उ किला मा हेरोदेस को राजभवन मा पहेरा मा राखयो जाय।” पहुचियो। अना भीतर जायके पौलुस ला एकी खबर देईस। 17

24 पाँच दिवस को मघा मुखिया याजक हनन्याह काही बुजस्क नेता अना तिरतुल्लस नाव को वकिल को संग कैसरिया पहुचयो। उनना राज पाल को पुडा पौलस को बिरोध बिनती को चिठी लिखीन। 2 तबा पौलस ला बुलायो गयो। अना तिरतुल्लस न असो कव्हतो हुयो वोको पर दोस लगाईस “महामहिम फेलिक्स महासय! हमी तोरो कारन लक लगत सान्ती मा जिंदगी बितावसेजन। अखीन तोरो साजरो काम लक अमरो लोकगिन को लगत बुराई मा सुधार भय गयो सेत।” 3 एकोलाय आमी हरेक जघा मा अना हरेक परकार लक तोरो धनवाद मानासेजन। 4 मी तुमरो लगत बेरा नही लेवनो चाहवसू। मोरी बिनती से का तुमी हमरा दुई सबद आयकनो की किरपा करो। 5 काहेकी हमी न एना मानूस ला उपदरी अना जगत को सप्पा यहूदी गीन मा बलवा करन वालो अना नासरी गीन को नेता सेत। 6 वोना मंदिर ला अपवितर करन को कोसीस करयो सेत। अना हमिना वोला धरिसेस। 7 पर सेना को मुखिया लुसियास न वोला जबरन हमरो हात लक हिसक लेईस। 8 अना एको पर लगयो आरोप खुदच एकोलक पुसतास करके जान सकासेव। 9 एना आरोप मा यहूदी गीन भी समील भय गईन। वय ताकत लक कव्हन लग्गिन, का या गोस्टी सचचीसे। 10 जबा राजपाल न पौलस ला बोलन को ईसारा करीस। त वोना जवाब देतो हुयो कहीस, तु लगत साल लक यो लोक गिनको न्याय करनवालो सेस। यो जानतो हुयो मी खुसी लक, अपरो बचाव कर रहयो सेऊ। 11 तु आपच जान सेस का अबा येस्सलेम नगर गयो। मोला बारा दिवस भईन। 12 वहान मंदिर मा मोला नही त, कोनी संग बहेस करता देखिन, अना नहि सभाधर गीनमा न नगर मा कोनी लक झगडा करता हुयो। 13 अना अबा तोरो पूडा जोन आरोप ला मोरो उपर लगाय रहिसेत। वोको पुस्प नही देय सकत। 14 पर मी तोरो पुडा यो मान लेसू का मी अपरो बुजस्क गीन को परमेस्वर की आराधना अपरो मारग को जसो करासेऊ। जोनला एक मारग कव्हसेत। मी हरेक गोस्टी मा भरोसा करासेऊ जोन नियम अना भविष्यवक्ता गीनको किताब मा लिखीसे। 15 अना मि परमेस्वर मा वसोच भरोसा राखासू, जसो खुदच यो लोक राखसेत। का साजरा अना बुरो दुई कोच मर जानो को बाद जितो होवनो होहेत। 16 एकोलाय मि भी परमेस्वर अना मानूस गीन को पूडा आपरी आतमा ला सुध्द बनावन को लाई जतन करतो रह्हासेऊ। 17 लगत बरस दुर रव्हन को मघा मि येस्सलेम मा आपरो गरीब लोक गीन को लाय दान लेके भेंट चघावन आयो होतो। 18 अना जबा मी पवितर बिधी कर रहयो होतो। तो ना मंदिर मा कोनी भीड होतो, ना कोनी असान्ति होतो। 19 पर आसिया को काही यहूदीगिन को मनमा मोरो बिरोध मा काही से, त वय तोरो पुडा यहान होवनो चाहियो होतो। 20 यो जोन लोकगीन उभा सेत। वय खुदच ही सांगेत, का मोरो मा कोनतो खोट सेत? 21 केवल एनाच गोस्टी ला छोडके जेनला मीना वोको बीच मा उभो होयकर जोर लक कहियो होतो “मारया हुया को जितो उठनो को बिसय मा तुमरो पुडा मोरो मुकदमा होय रहिसे।” 22 पर फेलिक्स न जोन एना मारग की साजरी-साजरी खबर राखत होतो। आयक के रोकतो हुयो कहीस “जबा सेना को मुखिया लुसियास आहेत। तबा मी तुमरो मुकदमा ला जाच देहू।” 23 तबा वोना सेना को मुखिया ला हुकूम देइस। का

पौलस ला काही छुट देकन जेल मा राखयो जाय। अना वोका संगी मा लक कोनी ला भी वोकी सेवा करन लक न रोखयो जाहे। 24 काही दिवस गीन को मघा फेलिक्स अपरी बायको दरसिल्ला ला जोन यहूदी होती। संग आनके अखीन पौलस ला बुलाय के बोला भरोसा को बिसय मा जोन मसीह यीसू मा से आयकाव। 25 पर जबा पौलस उ आवन वालो न्याय की गोस्टी कर रहयो होतो त फेलिक्स न कहीस “एना बेरा त तु जाय। बेरा मिलनो पर मी तोला मंग बुलाऊ।” 26 वोना बेरा यो आस भी होती का पौलस वोला काही स्पया देहे। एकोलाई उ पौलस ला बार-बार बुलायके वोको लक गोस्टी करत होतो। 27 जबा दुई बरस बीत गईन त फेलिक्स को जघा मा पुरखिसु फेस्तुस आयो। तबा फेलिक्स यहूदी गीन को खुस करन की आस लक पौलस ला जेल मा च छोडके गईस।

25 पेन्तुस वोना पिरान्त मा जायके तीन दिवस बाद कैसरिया लक येस्सलेम नगर गयो। 2 वहान यहूदी अना मोठो याजक अना यहूदी को नेतागीन पौलस पर नालिस लगावन वोको जवर आइन। 3 अना फेस्तुस लक यो बिनती करीन, का उ पौलस ला येस्सलेम नगर बुलावन की किरपा करे। काहेकी पौलस ला रास्ता मा च मार डाकन को पिलान करी होतीन। 4 पर फेस्तुस न यो जवाब देईस “पौलस कैसरिया मा बन्दी से, मी खुदच गदने वहान जावन वारा सेऊ।” 5 “तुमी मा लक जोन मुख मानूस मोरो संग कैसरिया जा सका सेत। अना उना कोनी खोटो काम करीसेस ता वहान ओको पर दोस लगा सकासेत।” 6 फेस्तुस अखिन आठ, दहा दिवस उनको संग रव्ह के कैसरिया ला चलीगयो। दुसरो दिवस ओना अदालत मा बसके हुकूम देइस। की पौलस ला आनयो जाय। 7 जबा पौलस वहान पहुचयो। तबा वय यहूदी जोन येस्सलेम लक आयो होतीन। वय वोको चारो कन उभो होय गईन। अना ओको पर असो गंभीर आरोप लगावन लग्गिन, जिनको उनको कठा कोनी सबुत नही होतो। 8 पर पौलस ना आपरो बचाव मा कहीस, “मिना ना ता यहूदी गीन की कानुन, न मंदिर अना ना च रोमन राजपाल को बिरोध कोनी खोटो काम करीसेऊ।” 9 पर फेस्तुस ना यहूदी गीन ला खुस करनो चाहत होतो। एकोलाय उ पौलस ला साँगीस, “का तु येस्सलेम जावनो चाहसेस। जोनलक वहान तोरो न्याय करै?” 10 पौलस ना कहीस, मि यो बेरा मी रोमन को राजपाल को नियाव आसन को पुडा उभो सेऊ। मोरो न्याय यँहाच करयो जाय। तुमी साजरो लक जानासेव का मिना यहूदी गीन को काही भी गलती नही करीसेव। 11 अदी मीना इनको नियम को बिरोध मा या मार डाखन लाय कोनी खोटो काम करीसेऊ। ता मी मरन लाय तैयार सेऊ। पर लोकगिन जोन आरोप मोरो पर लगावसो उनमा कोनी गोस्टी खरो नाहती ता कोनी भी मोला इनको सुस्पष्ट कर नही सका। “यो मोरी रोमन राजपाल लक बिनती से।” 12 तबा फेस्तुस ना आपरी बैठक लक सलाह लेवन को मघा साँगीस, “तु ना रोमन राज पाल लक बिनती करीसेस, ता तु रोमन राजपाल कठा उभो होवजोस।” 13 जबा लगत दिवस बित गईन ता राजा अग्रिप्पा ना आपरी बहिन बिरनीके को संग कैसरिया आयके फेस्तुस ला भेंट करीस। 14 उनको लगत दिवस वहान रव्हन को मघा, फेस्तुस ना पौलस को मुकदमा को बारेमा राजा ला सब

गोस्टी समझाओ “यो एक असो मानूस से जेनला फेलिक्स बँदी देसमा अना येस्सलेम मा कसो जियो सेऊ। 5 वय मोला लगत बेरा को रूपमा छोड़ गयो सेत। राखी 15 जबा मी येस्सलेम मा होतो, ता मुखिया याजक अना यहूदी को बुजस्क गिनना ओको विरोध मा दोस लगायो, अना बिनती करिया की ओला सजा देव। 16 तबा मिना उन ला सँगियो की रोमी की यो नियम नाहती। कोनी मानूस जबा तकन की दोस लगावन वालो को पुडा होयके, आपरो बचाव मा जवाब देवन को मौका नहीं मिलहेत। तब तकन, ओला सजा को लाई कोनी सुपस्त नहीं कर सकत। 17 असो रिति लक जबा वय यहाँ एकट्ठो भईन। ता मिना बिना उसीर करया दुसरो रोज अदालत मा बसके ओना मानूस ला आनन की हुकूम दियो। 18 जबा वोको नालीस करन वारा उभो भइन, ता उनना असो कोनी खोटो गोस्टी को दोस नहीं लगायो, जसो मी समझत होतो। 19 बलकी वय सब आपरो धरम को काही गोस्टी पर, यीसु नाव को एक मानूस, जोन मर गयो से। पौलुस ओला जितो को साँगत होतो। वोको परच मतभेत को चरचा होतो। 20 मी उलझन मा होतो का एना गोस्टी को पता कसो लगाऊ? एको लाई मीना वोको लक पुसयो, का तू यस्सलेम जावनो चाव्हासेस? जोनलक एना गोस्टी को बारेमा निवाव होहे। 21 पर पौलुस ना जबा बिनती करयो का वोको सुनवाई राजा को जवर कियो जाय। ता मीना हुकूम दियो का जबा तकन मी वोला कैसर को जवर न धाड देह, उ यहाच जेल मा रव्हे।” 22 तबा अग्रिप्पा न फेस्तुस लक कहीस “मी खुदच भी एना मानूस की सुनवाई करनो चाव्हेसेऊ।” वोना कहीस “तू काल आयक लेव जोस।” 23 अना दुसरो दिवस जबा अग्रिप्पा अना बिरसीके मोठो धूम-धाम लक आय के अखीन सेनानायक गीन अना नगर को माननिय मानूस गीन को संग उनना सभाघर मा धसीन। तबा फेस्तुस की हुकूम लक पौलुस ला आनयो गयो। 24 फेस्तुस न कहीस, राजा अग्रिप्पा, अना हमरो संग हजीर सज्जन गीन, एना मानूस ला चोवो सो। जेनको बिसय मा सप्पा यहूदी लोक न येस्सलेम नगर मा अना यहाँ भी चिल्लाथ चिल्लाथके मोरो लक सिकायत करत होतिन का “अबा एको जितो होवनो बेस नहीं से।” 25 पर मोला पता लगयो का एना असो कोनी काम नहीं करयो सेस। का एला मिरतु की साजा दियो जाय। अखीन एना खुदच राजाको राजा दुबारा बिचार लाय बिनती करीसेस। एकोलाय मीना एला धाड देवन को फैसला करियो सेऊ। 26 मंग मोरो जवर एको बिसय मा अपरो मालीक ला लिखन को लाई कोनी पक्की गोस्टी नाहती। एको लाई मी वोला तुमी सब को पुडा, खास लक राजा अग्रिप्पा तोरो पुडा, आनीसेऊ। जेकि जाँच पुरो होवनो पर मोला काही लिखन ला मिल जाय। 27 काहेकी मोला यो बेअरथ मालूम होवासे। का कोनी नन्दी ला वोको आरोप की चिट्ठी तैय्यार करयो बिना धाड देह।

26 तबा अग्रिप्पा न पौलुस लक कहीस, “तोला खुदच अपरो पक्क मा बोलन की हुकूम से।” अना पौलुस अपरो बचाव मा सांगन लगयो। 2 “हे राजा अग्रिप्पा, मी आपरो आपला तकदीर वालो समझासु का, यहूदी गीन न जोन मोरो पर लान-छान लगायो से। वोना सब गोस्टी को बचाव मा मी तोरो पुडा अपरो बचाव साग रही सेऊ।” 3 खास एकोलाय का ये सब यहूदी ला मालूम सेत, का मी बचपन मा कसो जिंदगी बिताइसेव। 4 वय जानसेत मी मोरो

लक जानासेत, अना वय अदी चाव्हासेत ता यो बात को गवाहि, देव सक सेत। का मी ना कसो, आमरो धारमिक रित मा एक कट्टर समूह को अनुसार एक फरीसी को जसो जिंदगी बिताइसेऊ। 6 अना अबा उ करार, जोन परमेस्वर ना आमरो आज्ञा पुरखा लक कियो होतो। वोच भरोसा मा, मी यहाँ यो मुकदमा साठी उभो सेऊ। 7 यो वोच करार सेत, जेनको आस मा, हमी बारा कुर रात-दिवस परमेस्वर को भगती करत आयो सेत। अना हे राजा एना च आस को बारे मा, मोरो पर यहूदी गिन लान-छान लगावसे। 8 तुमी लोकगीन ला यो गोस्टी, बिस्वास को लायक काहे नहीं लगसेत। का परमेस्वर मरयो हुया ला जितो कर सेत? 9 मी खुद सोचत होतो, नासरी यीसु को बिस्द करनलाय जोन काही होय सकत उ सब करीन। 10 ता मीना येस्सलेम नगर मा असोच करीसेव। अना मुख याजक लक हक पायके, लगत सो परमेस्वर को भगतगिन ला जेल मा डाख दियो। अना जबा वय मारो जात होतीन। ता मी उनको बिरोध मा अपरी मत देवत होतो। 11 अना मी हरेक यहूदी सभाघर मा जायके। उनको यो बिस्वास को मारग लक हटान काजी दबाव डाकन को कोसीस करत होतो। उनको लाय गुस्सा इतरो होतो का उनला सतावन लाय मी परदेस को सहेर मा गयो। 12 असोच एक मकसद को संग मी मुख याजक लक हुकूम पाय के दमिस्क नगर जा रहयो होतो। 13 तबच मी ना बादल लक एक उजाड़ उतरता चोवयो। वोको तेज दिवस को सूरज लक भी जादा लगत होतो। अना मोरो अना मोरो संगी गिन को आखा-पाखा चमको। 14 जबा हमी सब जमीन पर लुडक गयो। तबच मोला इब्रानी बोली मा असी आवाज आयकु आई। साऊल-साऊल, तू मोला कायलाई सतावसेस? तरवार को धार मा लात नोको मार, यो तोरो बसको नाहती। 15 मंग मीना कव्हयो पिरभू तू कोन आस, “पिरभू न कहीस, मी यीसु सेव, जेनला तू दुख दे रहीसेस।” 16 परन्तु तू उभो होय, अना अपरो पाय पर उभो होय, मी तोरो पूडा एकोलाय परगत भयी सेऊ, का तोला मी एक दास को रूपमा ठैयराउ। अना जोन काही मोरो बारेमा तूना चोवियेस। अना जोन काही तोला चोवाहिन, वोको गवाही रहेत। 17 अना मी तोला जोन यहूदी अना गैर यहूदी लोकगिन को जवर धाडासु। 18 उनको डोरा उघाड़न, उनला इधारो लक उजाड़ कन आनन लाय, अना सैतान को अधिकार लक परमेस्वर को कन मुकान लाय, तोला धाडासेऊ। उनलक तोला बचावत रहिन। एकोलक वय उनला पाप की छिमा भेटेत। अखीन उन लोखगिन को बीचमा जघा पाहेती। “जोन मोरो मा बिस्वास को कारन पवित्र भयो सेत।” 19 “हे राजा अग्रिप्पा तबा च लक वोना दरसन की हुकूम ला कभीच मना नहीं करिसेऊ।” 20 बल्की एको उलट मी पयले उनला, दमिस्क मा, मंग येस्सलेम नगर मा, अना यहूदिया छेतर मा अना गैर यहूदी गीन ला सांगत रहयो। का मन मुकान, अना परमेस्वर कन मुकान अना साजरा काम करो। 21 एनाच कारन जबा मी मंदिर मा होतो। यहूदी गीन न मोला धरलेइन। अना मोरो मार डाकन को जतन करयो। 22 पर आज तकन मोला परमेस्वर को मदद भेटत रव्हयो, जोनलक मी आज तकन जितो रहयो। अना एकोलाइ मी नहान मोठो सबच को

पुडा गवाही देवन लाई उभो सेऊ। मी बस एना गोस्टी ला छोडके अखिन काही नहि कव्हसेऊ। जोन भविष्यवक्ता गीन अना मोसे को अनुसार पुरो होवन की होती। 23 जसो की मसीह ला दुख उठावनो पडहेत। अना ओच मारयो हुया मा लक पयले जितो होहेत, अना उ यहूदी अना गैर यहूदी गीन ला उजाड को खबर देहेत। 24 जबा पौलुस अपरो बचाव मा एना पिरकार कहे रहयो होतो। त फेस्तुस न जोरलक कहीस “पौलुस तोरो डिमाक खराब भय गईसे।” तोरी लगत पढाई लक तु बैयताड भय गयोसे। 25 पौलुस न कहीस हे “महामहिम् फेस्तुस! मी बैताड नही सेउ, पर खराई अना मुदुदा की गोस्टी ला सांगास्।” 26 राजा भी जेनको पुडा मी बेधडक होयके सांग रहयो सेऊ। उ एना गोस्टी ला जानासे। अना मी बेखटका कव्हस्, मोला बिस्वास, का इन गोस्टी मा लक काही भी नही लुको नाहती, काहेका उ घटना कोनी कोनटा मा नही भईसे। 27 “हे राजा अग्रिप्पा, का तु भविष्यवक्ता गीन जोन गोस्टी कहिसेत वोना गोस्टी मा बिस्वास करासे? हव मी जानासेव का तु बिस्वास करासे।” 28 एको पर राजा न पौलुस न कहेयो “तु काजक सोचासेस का इतरो सरल रित लक मोला मसीह बनानो चाव्हसेस।” 29 पौलुस न कहीस “जरासो मा का लगत बेरामा, परमेस्वर लक मोरो पिराथना से का, ना तु च बल्कि वय सबच भी बिना सजा को आ जाय। जोन आज मोला आयक सेत।” 30 तबा राजा उभो भयो अना वोको संगच राजपाल, बिरनीके अखीन बसया हुया लोक भी उभा भईन। 31 अखीन ऐक कन जायके एक दुसरो लक गोस्टी करके असो कव्हन लग्गिन। यो मानूस त असो काही भी नही कर रहीसेत। जोन ला मिरतु को दंड मिलहे। 32 अग्रिप्पा न फेस्तुस लक कहीस “अदी एना मानूस न कैसर लक अपील न करी होतीस त एला मानूस ला छोड दियो गयो होतो।”

27 जबा असो पक्को भय गयो का, हमी ला जहाज लक इटली जानो से। त पौलुस अना काही दुसरो कैदी गीनला महाराजा को एक युलियुस नाव को सेना नायक को हात सोप देइन। उ 100 सेना को कमान्डर होतो। 2 अदरमुतीयुम लक अमी एक पानी जहाज मा चघयो, जोन असिया को कगर छेतर लक होयके जावन लाय तैयार होतो। वोमा अमी यातरा करन काजी हिटयो। थिस्सलुनीकिया निवासी, एक मकीदुनिया को मानूस होतो जेनको नाव अरिस्तुरस होतो। 3 परो को दिवस हमी सैदा मा उतरया अना युलियुस न पौलुस को लाय दयावन भयो अना वोना पौलुस को संगीगिन लक मिलन लाय अनुमति दियो। जोन लक वोको लाय जस्री-जस्री चीज वोको संगी आन देहे। 4 वहान लक हमी सागर को मारग लक मंघा चल पडयो हमी साइप्रस को आड-आड मा चल रहयो होतो काहेका वारा हमरो उलट मा होतो। 5 सागर ला पार करके हमी मंग हमी किल्लिकिया अना पंफलिया को कठा लुकिया अना मूरा नाव को जहाज घाट मा पहुचयो 6 उ सौ सिपाई को मुखिया ला सिकन्दरिया लक इटली जावन वालो एक जहाज मिलयो, वोना हमला वोको पर चघाय दियो। 7 हाडु-हाडु मुसिबत लक पुडा बढातो हुयो कनिदुस को जवर पहुचयो काहेका वारा अमरो उलट आवत होती। अना हमी ला पुडा नही जान देत होती। त हमी सलमोने को पुडा लक

किरेति कन आपरो जहाज बढान लगयो। 8 किरेति दीप कगर-कगर मोठयो मुसीबत लक जहाज ला पुडा बढात-बढात एक असो जघा मा पहुचयो जेनको नाव सुरक्सित जहाज घाट होतो। यहान लक लसैया सहर जवर होतो। 9 गजब उसीर भयगयो होतो जहाज को पुडा बढानो मा भी लगत संकट होतो। काहेका तब तकन उपास को दिवस बीत गयो होतो। एको लाय पौलुस ना उनला सालह देवत हुए कहयो, 10 अगो भाऊ गीन मोला असो लगासे। का अमरो यो सागर यातरा लगत बिनास करन वालो होहेत। सिरप माल मत्ता अना जहाज को लाय बल्की अमरो जान गीन को लाय भी सेत। 11 पर 100 सेना को मुखिया ना पौलुस ना जोन कव्हयो होतो। वोको मा धियान नही दियो। पर सेना नायक न जहाज को मालीक अना अगवा को गोस्टी मा भरोसा राखीस। 12 उ जहाज घाट, थन्डी को मौसम मा ठैयरन को लायक नहोती। एकोलाय लगत लोकगिन ना हो सके तो फिनिकस जावन को ठानीन। अना थन्डी उतानी बितावन को इरादा बनाइन। फिनिकस किरेति देस को एक असो जहाज घाट सेत। जेन को मुख दक्किन अना दिवस बुडती, अना उत्तर दुई को पुडा सेत। 13 जबा दक्किन वारा हडु-हडु बहोन लग्गी, ता उनना सोचयो का जसो उनना चाहयो होतो तसोच उनको योजना को मुताबीक भय गयो। त उनना लंगर उचलके किरेति को कगर-कगर जहाज चलावन लग्गिन। 14 पर जरा उसीर मा एक टापु को कन लक लगत भयानक आँधड आयो। अना जहाज को अखा-पखा बोहन लगयो जोन ला उतर-पूर्वी आँधड कव्हत होतीन। 15 जबा जहाज आँधड मा फस गयो तबा यो मुमकिन नही होतो यो आँधड चीरत-चीरत जहाज पुडा जाय। एकोलाय हमीना जतन करनो छोड दिया। अना जहाज ला वारा को सहारा मा बोहन लाई छोड दियो। 16 दक्किन को लहान टापु कौदा ला जहाज न पार करियो। तबा काही सहारा मिलयो, लगत कठनाई लक अमीना हमरो जहाज ला सुरक्सित कर सकियो। 17 मंग जहाज चलानवारा गीन ना जहाज ला उचलन को मंघा चराट लक लपटके बांध दियो। अना काही सुरक्सित टापु को उथलो पानी मा नेको फसे असो भेव लक उनना जहाज को पाल उतार देइन। अना जहाज ला वारा को कन बोहन देईन। 18 दुसरो दिवस जबा अमी आँधड लक लगत हिंसक धाका खाय रही होतीन, ता वय जहाज को माल फेकीन। 19 परो को दिवस मा उनना जहाज को उपकरन ला अना तिरपाल भी फेक दिया। 20 जबा लगत दिवस तकन न ता सूरज चोयो, न तारा अना आँधड लगातार चल रही होती तबा हमी न जिंदगानी को आस छोड देइन। 21 जबा लगत दिवस लक कोनी न काही नही जेवीन। तबा पौलुस न उनको बिच उभो होयके कहयो, अरे लोकगीन तुमीला सोचनो होतो। तुमी मोरी गोस्टी मानके किरत लक जहाज नही खेलतत। अना नही योसच मुसीबत आवतो, अना कोनी हानी होती। 22 पर मी तुमरो लक बिनती करास् का हिम्मत राखो। अपरो मा लक कोनी की नही मरहेत, बस यो जहाज की नुकसानी जस् होहेत। 23 काहेकी परमेस्वर जेकी सेवा मी करसेऊ, वोको एक सरगदूत आज रात मोरो जवर आयके उभो भयो। 24 अखीन वोना कहीस पौलुस नेको डराय, तोला रोमन राजा को पुडा उभो होवनो जस्सीसे। चोव! परमेस्वर न एना सबला जोन तोरो संग मा सेत। उनला तोरो सुपस्त करीसेऊ। 25 एकोलाय अगा

भाऊहुन धीरज राखो। काहेकी मी परमेस्वर पर बिस्वास राखासु, काहेका दव को मौसम होतो। अना बरसात होय रहि होती। एको जसो मोरो लक कन्हयो गयो से, वसोच जर्र होहे। 26 कोनी न लाई इस्तो पेटायो। अना हमरो सबको सुवागत करीन। 3 पौलुस न कोनी टापू मा हमरो जहाज जर्र ठहरे। 27 जबा आँधड की चौदहवी लकडी को गट्टा जमा करके इस्तो मा राखीस। त आच लगी त एक रात आई, तबा हमी भूमध्य सागर मा भूलत-भटकत होत्यो। अना टिका-टिक अरधी राती को बेरा जहाज खेवन वारा ला असो लग्यो, का हमी कोनी तट को जवर पहुची सेजन। 28 थाह लेवन पर उटना एला जीवने नही दे रहिसे। 5 पर तबा पौलुस न सरप ला इस्तो मा लेईन त छब्बीस मीटर गहरो पाइन। 29 तबा कंही पहाड-वहाड लक नोको टकराय जाय। यो भेव को कारन लक वय जहाज को मंघा मा रास्ता चोवन को मघा, अना यो चोयके अजब गजब स्प लक वालो हिस्सा लक चार लंगर डालके अना पिराथना करन लग्यो। काही नही भईसे। उटना अपरी सोच ला बदल लेईन। अना कहिन, आस लगाके पहत होवन को बाट जोहन लगीन। 30 उतानी जहाज “यो तो कोनी देवता सेत।” 7 वोना जघा को अगल-बगल वोनो दीप चलान वालो मौँझीगिन जहाज लक परान को पिलान बनायो। वोनो हमरो सुवागत असो बहाना बनाइन का जहाज को पुडा को हिस्सा मा लंगर डाखन करीस। अना तीन दिवस तकन हमरो पाहुनाई करीस। 8 मंग असो काजी जाय रहयो सेजन। कहेके रक्सा डोगा सागर मा उतार देइन। भयो का पुबलियुस को अजी बुखार अना आव लक पीडित होतो। 31 ता पौलुस न सेना नायक अना सिपाई गीन लक कहींस, अदी ये पौलुस वोला देखन अंदर गयो। अना वोना पिराथना करके अपरो लोक जहाज पर न रहयो, ता तुमरो भी बचनो मुस्किल सेत। हात वोको पर राखीस। अखीन वोला साजरो भयि गयो। 9 एना सिपाई गीन न चराट ला काटके डोंगा ला बोहाय देइन। घटना को मघा दीप मा को सप्पा बीमार आइन, अना साजरा भईन। 10 जबा पहेटिया होवनवारा होतो। तब पौलुस ना उनला समझाइस का आज मा पुढा बढयो, तबा उटना सप्पा जर्रत को चीज आनके देईन। 11 जबा चौदह दिवस भय गयो। तुमी चिन्ता को कारन काही नही जेविसेव। तीन महिना बाद हमी न सिकन्दरिया को एक जहाज मा चल पडया। 34 मी तुमरो लकजेवन को बिनती करासेऊ। तुमरो जित्तो रक्खन लाय अना दव को बेरा यो जहाज यहाँ च होतो। अना जहाज को पुडा यो जर्री सेत। काहे का तुमरौ जान को हानी नही होहेत। 35 असो हिस्सा मा “जुडया इस्वर” असो छापा होतो। काहेकि वोला जुडया कहेके वोना भाकर लेईस, अना सबच को पुडा वोको लाई परमेस्वर इस्वर जहाज भी कव्हत होतीन। 12 मंग सरकुसा सहर मा हमी ला धन्यवाद देईस। अखीन तोडके जेवन लग्यो। 36 एको लक पहुचयो वहाँ हमी तीन दिवस तकन स्कया रहया। 13 वहाँ लक उनको हिम्मत बनी अना सबना जेवन करीन। 37 जहाज पर हमी हिटके रेगियुम पहुचयो अना परो दिवस मा दक्किन की वारा चली। सबच मिलके दूई सौ छिहतर आदमी होता। 38 अखीन जबा वय अखीन हमी दुसरो दिवस पुतियुली मा आया। 14 वहाँ हमी ला जेवन करके अधाय गईन। मंग गहँ ला सागर मा फेकके जहाज ला काही बिसवासी मिलीन जिनना हमरो लक बिनती करीन, का हमी हल्को करन लगीन। 39 जबा दिवस हिटयो, त वय देस ला चीन्ह उनको यहाँ सात दिवस तकन रहया। एना पिरकार हमी रोम पहुच नही सकयो। पर उनला लग्यो, का एक किनारोदार खाडी सेत। गयो। 15 जबा रोम को बिस्वासी न हमरो आवन को बारे आयकिन उटना पक्को बिचार बनायो का हो सके ता जहाज वहाँ टिकाये अप्पियुस बाजार अना तीन सराव तकन मिलन आइन। तबा पौलुस देबिन। 40 उटना लंगर कापके सागर मा छोड देईन। ला देखिन त परमेस्वर ला लगत धन्यवाद देइन, अना लगत खुस तिरपाल चघाय के किनार कन बडन लगीन। 41 अना उनको जहाज भयो। 16 जबा हमी रोम मा पहुचियो तबा पौलुस ला एक सिपाई को रेटामा टक्करायो। जहाज को अगलो हिस्सा रेटामा फस गयो। अना संग जोन वोकी देख-रेख करत होतो अलग रक्खन की हुकूम देईन। थम गयो अना ताकतवर लहरे को थपेड लक जहाज को मघा को 17 मंग तीन दिवस को मघा पौलुस न यहूदी नेता गीन ला बुलवाईस। हिस्सा टुटन लग्यो। 42 सिपाई गीन को बिचार होतो का कैदिगीन अना वय जमा भईन, त वोना उनको लक कहींस “भाऊ गीन अदी ला मार डाको। जेकोमा उनमा लक कोनी भी तिरके पराय नोको मीना अपरा लोक अना अपरा पुरखा गीन की रिती-रिवाज को जाय। 43 पर सेना नायक न पौलुस ला साजरो लक लीजावन की बिस्वद काही नही करयो। मंग भी मी येस्सेलमे लक बन्दी बानायके आस लक उनला असो करनो लक रोखीस। अना हुकूम देईस “का रोमी को हात सोप दियो गई सेऊ। 18 रोमन अधिकारी को पुछ-ताछ जोन तीर सकसेत वय पयले कुदके ना जघा पर बच के हिट जाय।” सजा दियो जानो कोनी कारन नही होतो। 19 पर जबा यहूदीगीन 44 अखीन बाकी लोक पटिया अना जहाज का अना टुकडा गीन न बिरोध करीन तबा मीना रोमन राजा लक दुबारा बिचार करन को सहारा लक बच के हिट जाहे। एना पिरकार लक वय सब लोक लाय कहेयो, एकोलाई नही का मी अपरोच लोक गीन पर कोनी जघा पर साजरा-साजरा पहुच गईन। आरोप लगावनेो चव्हत होतो। 20 एना कारन मीना तुमीला बुलायके गोस्टी सांगी सेऊ काहेकी इसरायल को भरोसा च से जोन कारन मी बेडी लक बंधयो सेऊ।” 21 यहूदी नेता उटना पौलुस लक कहयो, तुमरो बारे मा न कोनी चिट्ठी मिलीसेत। अना नही कोनि वहाँ

28 जबा हमी साजरो स्प लक कगर मा बच हिटया, तबा मंग मालुम चल्यो। का वोनो दीप को नाव माल्टा होतो। 2 वहाँ को मुलनिवासी गीन न हमरो सांगा संगी जसो साजरो बरताव करीन।

लक आवन वारा मानूस तोरो खबर देइसेस। अना न कोनी न तोरो बिरोध मा पुरो गोस्टी सांगी सेत। 22 पर तोरो बिचार काजक से हमी आयकनो चाव्हसेजन का हमीला मालूम सेत। का सप्पा जघा लोकगीन यो मारग को बिरोध मा सांगा सेत। 23 तबा वोको यहान जमा भईन, जहान उ ठहरियो होतो। अना उ परमेस्वर को राज की गवाही देत होतो। अना मोसे को नियम अखिन भविश्यवक्ता गीनको किताब लक यीसु को बारे मा समझायके-समझाय के साकरी लक झुलाखाली तकन सांगत होतो। 24 वोना जो काही कहे होतो, वोको लक काही न सहमती धरीन। अना काही न भरोसा नहीं करीन। 25 मंग वय अपसी मा एक दुसरो बेगरो मन होयके वहाँ लक जवान लगीन। तबा पौलुस न यो गोस्टी अखिन सांगयो, यसायाह भविश्यवक्ता को कन लक तुमरो पुरखा गीन लक खरो कहीस का। 26 जायके इन लोकगीन ला कव्हो आयकत रव्हो पर समझ मा नहीं आहेत। अना चोवत त रव्हना पर नहीं चोहे। 27 काहेकि एना लोकगीन को मन जडता लक भर गयो। अना इनको कान कठनाई लक आयक सेत। अना इनको डोरा बंद कियो गयो सेत। काहेका कही असो ना भई जाय, का वय आपरो डोरा लक चोवे, अना कान लक आयकत, अना उनको मन लक समझेत, अना कदी मुरक जाय, “अना मी उनला साजरा कर देउ।” 28 तबा पौलुस न आखीर मा कव्हयो, एकलाय तुमला जान लेवनो चाहिये। का परमेस्वर को यो छुट्टकारा को संदेस गैर यहूदी को कन धाड़ दियो गयो सेत। वय येला आयकेत। 29 जबा पौलुस को यो गोस्टी कव्हन को मघा यहूदी आपसी मा हिसक झगडा करतो वहान लक चली गइन। 30 वहान पौलुस किराया को घर मा, पूरो दुई बरस तकन रहेयो। जोन कोनी वोको जवर आवत होतीन, उन सब को उ सुवागत करत होतो। 31 उ परमेस्वर को राज को परचार करतो, अना पिरभू यीसु मसीहा को बारेमा, उपदेस देवत। उ यो काम ला बेखटका करत होतो।

रोमियो

1 पौलस को यो चिठी से। जोनला यीसु मसीह ना सेवक अना परीत को नाता लक निवडले आहेत। अना परमेस्वर को साजरा बारता सांगन लाय बुलायो सेत। 2 परमेस्वर ना आपरो भविष्यवक्ता गिन लक असो पयले च करार कियो होतो। असो पवित्र गिरंथ मा लिख्यो सेत। 3 त मानूस मा दाऊद को कुटुम्ब को होता। 4 परंतु मोठ्या सामर्थ लक मरनो लक जितो होवन को कारन। अना वोको पवित्रपन को कारन उ परमेस्वर को दूरा से, असो दरसायो जासे। 5 वोच यीसु को खासम-खास चेला होवन को मौका मोला भेटयो सेत। जोन लक मी सबा देस को लोकगिन ला यीसु मा बिस्वास करन अना वोला मानन मा मदद करबिन। 6 यो गोस्टी मा तुमी रोम को सबा रव्हन वारो भी सामिल सेव। 7 अबा मी सब रोमीला लिखासू का परमेस्वर तुम सब लक पिरैम करासेत। अना आपरो जवर बुलावा सेत। तुमी सप्पा लोक ला आमरो पिरभी यीसु मसीह अना वोको परमेस्वर दादाजि कन लक दया अखिन सान्ती भेटेत। 8 पयले मी तुम सबको लाय यीसु मसिहा को कनलक परमेस्वर ला धनवाद देवासू। काहेका सबा दुनिया मा इतानि- उतानी तुमरो च बिस्वास को चरचा होवासेत। 9 यो गोस्टी को परमेस्वर गवाह से, जोन मी सांगा सेऊ उ खरो से। जोन परमेस्वर को दूरा को बारेमा साजरो बारता आयकवा के पुरो मन लक मी वोको सेवा करासेऊ। 10 परमेस्वर जाना सेत, मि हरेक बेरा तुमरो लाय पिराथना करा सेऊ। मी कव्हसेऊ का परमेस्वर उनको भलो करे। मी बिचार करा सेऊ का कसो तुमरो जवर आऊ। 11 मी तुमिला आपरो डोरा लक चोवनो चाव्हासू। जोन लक मी तुमला आतमा मा मजबूत करन लाय एक नवीन आसीरवाद बाद्। 12 मोरो मतलब सेत का जबा अमी आपस मा भेट करहेत ता दुई पक्स को बिस्वास बढेत। 13 मोरो संगी हुन का तुमीला हेत से? लगत बार मीना तुमरो जवर आवन को योजना बनयो। पर मी काय सांगू कहीना कही आड-फाटा को करन मोरो आवनो फयिल भयि गयो। मी तुमरो संग बदलयो जीवन जिवनो चाव्हसू जसो यहूदीगिन संग जिवासू। 14 मोरो पर यूनानिगिन अना गैर यूनानिगिन, अक्लवर अना मुख, सब को करजा सेत। 15 एकोलाय मी तुमी रोम को रव्हवासी लोक ला भी साजरा बारता को उपदेस देवन तैय्यार सेऊ। 16 साजरो बारता आयकवान काजी मोला काही सरम-लाज नाहती। यो तो परमेस्वर को ताकत से, जोन हरेक भरोसा राखन वारा, पयले यहूदी लोकगीन, अना मघा गैरयहूदी लोकगीन को लाय, मुकती को जरिया से। 17 साजरा बारता मा “परमेस्वर को नेकपन” जो सुस् लक आखीर तकन भरोसा पर टिकीसे, असो परगत भईसे, जसो का मोसे को नियम मा लिखीसे। “नेक मानूस बिस्वास लक जितो रहेत।” 18 परमेस्वर को यो गुस्सा सरग लक, वय सबा पाप अना लोकगीन को खोटो काम को बिरोधमा परगत होवा सेत। जोनको खोटो तरिका सच्चाई ला जानन लाय रोकसेत। 19 परमेस्वर उनला सजा देवासेत। काहेका जोन गोस्टी परमेस्वर को बारेमा जाननो को काबिल से, वा उनको लाय हरामेसा लक सेत। कारन परमेस्वर ना स्वता हरामेसा साठी बनायो

सेत। 20 जबा लक परमेस्वर ना दुनिया ला बनायो सेत। तबा लक परमेस्वर को नही चोवन वालो गुन, वोको अमर सत्ती, अना वोको महान आचरन दुई सपा-सपा समा चोवयो गयो सेत। उनला परमेस्वर ना बनाइसेत असो सांगयो जावासेत ता कोनी बहाना नाहोती। (aidios g126) 21 वय परमेस्वर ला जना सेत, तरी वय परमेस्वर को आदर नही करतत। ना च वोको धनवाद करतत। एको अलावा उनको बकवास बिचार सेत। अना उनको रिकामो डिमाक मा इन्धार भर गयो सेत। 22 वय खुदच ला अकलवर समजके ना चूथीया बन गईन। 23 अमर परमेस्वर को पूजा करन को जघामा नास होवन वालो, जनावर, पक्सी सरप डेडुर को जसो बनायो कलाकारी अना फोटु को पुजा करा सेत। 24 यो कारन लक परमेस्वर ना उनला मन को इक्सा लक, सोड दियो। वय असुध भई गईन, अना आपसी मा आपरो देह को अनादर मजे खोटो करम करन लग्गिन। 25 काहेका उनना परमेस्वर को खरो को बदला मा, खोट ला अपनायो से। अना संसार को चीजगिन को भगती-सेवा करीन, ना की दुनिया बनावन वारा परमेस्वर को। आमेन। (aiōn g165) 26 एकोलाय परमेस्वर ना उनला खोटो करम करन लाई सोड देईसे। उनको बायका गीन भी बायको जवर बायका सोवन लग्गिन अना बायका-बायका च आपसी मा खोटो काम करन लग्गिन। 27 वसोच मरद भी बायका को संग सोवनो छोड केना, आपसी मा मरदमाना खोटो काम करन लग्गिन। अना खुद आपरो पाप लक, दन्ड पावन लग्गिन। 28 अना काहेका उनना परमेस्वर ला ओरखन लक मना कर देयिन। ता परमेस्वर ना उनला वसोच बेडिमाक रव्हन दियो। अना वय मन मरजी लक खोटो-खोटो काम करन लगयो। जोन करनो पायजे नाही। 29 एको लाय वय सब परकार को अन्याय करन लग्गिन अना खोटो काम, लोभ बुराई लक भर गईन। वय ईसा, जान लेवनो, बैर छल-कपट, अना खोटो बिचार लक भर गइन। 30 बदनमा करन वारा, परमेस्वर ले धिरना राखन वारा, ढिट, जिडी, डींग हाकन वारा, बुराई राखन वारा, माय-बाप को हुकूम नही मानन वारा। 31 अठिया, बिस्वास करन वारा ला धोका देवन वारा, बन गइन अना उनको मन मा माया अना दया नाहती। 32 वय परमेस्वर को हुकूम ला, जानबुझ के, असो-असो काम करन लग्गिन। जेनको फर मरनो सेत, तोभी वय वसोच काम करासे, अना करनवारा लक खुस होवासे।

2 अगो मोरो संगीहुन! तुमी जोन गोस्टी मा दूसरो ला फैसला मा खोटो ठैयरावा सो, वोच काम तुमी करासेव, तुमी कोनी भी सेव तुमरो बहाना को कारन तुमिला कोनी सूट नाहती। 2 अमीला मालूम सेत का, परमेस्वर सही से। अना एनो गोस्टी को बिरोध मा फैसला देवासेत। 3 तरी तुमी वोना काम करतत जोन को बारेमा तुमी दूसरो को फैसला करतत। का तुमिला असो लगा सेत का परमेस्वर को फैसला तुमी ला बचा देहेत? 4 मंग तू वोको मोठो दया अना धिरज लक सहन करनो ला हीन मानतत। अना तू यो गोस्टी को कन धियान नही देवा सेत। का वोको दया तोला पाप सोडन को लाय मौका देवा सेत। 5 तरी तुम्ही जिडी सेव, अना तुम्हरो गोटा को दिल से। कारन तुम्ही आपरो सजा ला अखिन बढावा देवा सेव। एक दिवस परमेस्वर को कोप अना सही फैसला तुम्हरो पुढा आहेत। 6

काहेका नियाव को दिवस मा अमिना जोन काम करयो सेत वोको अनुसार अमिला ईनाम भेटे। मजे “जसो करनी तसोच भरनी” 7 काही लोकहुन साजरा करतत, अना मान गौरव, अना अमर जिंदगी चाह्ला सेत। परमेस्वर उनला अमर जिंदगी देहेत। (aiōnios g166) 8 काही लोकहुन सुवारथी सेत, अना गलत काम करा सेत, सही काम करन लाय, वोको हुकूम ला नही माना सेत। उनको मा परमेस्वर को गुस्सा दिसायेत। 9 हरेक मानूस, जोन बूरो करासे, वोका पर दुख अना सकंठ आहेत, पयले यहूदी पर, मंग गैरयहूदी पर। 10 हरेक मानूस जोन साजरो काम करासे, वोला महिमा मान, अना सान्ती मिल्हेत, पहले यहूदी मंग गैरयहूदी गीनला। 11 परमेस्वर कोनी को तरफदारी नही करा से। 12 जोन मोसे को नियम को जाने बगेर पाप करा से, वोला बिना मोसे को नियम को दण्ड भेटे। अना जोन को कना मोसे को नियम से, अना पाप करीसेस, वोको नियाव मोसे को नियम, को लक होहेत। 13 काहेका परमेस्वर को कठा मोसे को नियम को आयकन वाला नही, पर वोको लक चलन वारा नेक ठहरायो जावासेत। 14 मंग जो गैरयहूदी सेत अना उनको कठा मोसे को नियम नाहती, वय आपरो सुभाव लक, मोसे को नियम को बात ला मानसे। ता वय मोसे को नियम नही होवन को मंघा, भी आपरो हिरदय मा मोसे को नियम ठेवा सेत। 15 असो वय मोसे को नियम ला आपरो हिरदय मा लिख्यो दिसासेत, अना उनको अक्कल भी यो गोस्टी को गवाही देवा से। अना उनको आपस को विचार उनला, कभी दोसी अना कभी निरदोस ठैयरावा सेत। 16 यो वोना दिवस होहेत, जोन दिवस साजरो बारता को लक यीसु मसीह को लक मोसे, परमेस्वर मानूस गीन को लुकी बात को, न्याय करके दण्ड देहेत। 17 अना तुम जोन यहूदी कहलावा सो। अना तुम मोसे को नियम मा भरोसा राखासो, अना परमेस्वर मा घमण्ड राखासो। 18 अना परमेस्वर को काजक मरजि सेत? तुमला मालूम सेत। अना मोसे को नियम को सिक्सा पायके, तुमिला खरो अना खोटोमा परख सेत। 19 अना तु आपरो आप मा भरोसा राखासे, का मी अन्धरा गिन ला रास्ता चोवान वारा, अना इन्धार मा पडयो मानूस गीन को, उजाड सेऊ। 20 अना मुखख ला सिकावन वारा, अना लेकरागिन ला सिक्सा देवन वारा सेऊ। अना गियान अना खराई को नमूना सेऊ, मोला यो सबा मोसे को नियम लक भेटयो से। 21 पर तु मुनादी करा सेत, का चोरी नोको करो। अना तू खुदच चोरी करा सेत। पर तुमी स्वता ला सिक्सा नही देवा सो, पर दुसरो ला सिक्सा देवसो। तुमरो तो दियो खाल्या इन्धार सेत। 22 तुम कव्हसो छिनाला नोको करो, अना का खुदच करासो। तुमी मुरत लक थिरना करासो, अना मंदिर ला लुटा सो। 23 तुम मोसे को नियम मा घमंड करा सो, तरी मोसे को नियम को हुकूम ला तोडा सो, अना परमेस्वर ला बेइज्जत करा सेव। 24 काहेका जसो मोसे को नियम मा लिखीसे, गैरयहूदी मा परमेस्वर को नाव को बदी होवासे। कारन तुमरो यो काम। 25 यदि तुमी मोसे को कानून को पालन करा सेत। ता किमती सेत तुमरो खतना! पर तुमी मोसे को कानून ला तोडा सेव। ता खतना लका तुमरो काजक फायदा? 26 यदि गैरयहूदी को खतना नही होवासे, अना मोसे को हुकूम माना सेत। ता खतना को कोनी ज़रूरत नाहोती। 27 जोन बिना खतना को, मोसे को नियम को पूरो हुकूम ला माना सेत, उ तुमरो

न्याय करयेत। काहेका जोन हुकूम मोसे को नियम मा लिख्यो सेत, वोला तुमी यहूदी होवन को बाउजूद भी तोडासो। 28 यो सब को बाद, जोन एक असली यहूदी से, सहीमा खतना करायो सेत। यो उ मानूस नाहाय जोन बहारी तौरमा यहूदी सेत। वोको लाय खतना देह को सपायी सेत। 29 तरी असली यहूदी वा मानूस सेत। जोनको दिल लिख्यो कानून को नाहोती। असो मानूस को परमेस्वर बडाई करा सेत कोनी मानूस नही।

3 ता यहूदी होवन को काजक फयदा सेत, अना खतना को काजक हेल् सेत? 2 नही फायदा तो सेत। काहेका सब लक पयले तो कानून उनला च भेटयो होतो। 3 यदि यहूदी मा लक काही अबिस्वासी हिटयो तो काजक फरक पडसे। का उनको हुकूम तोडनो परमेस्वर को हुकूम ला बिगाड देहेत। 4 पक्को नही! अदि हरेक मानूस खोटो सेत ता का भयव, परमेस्वर तो खरो से। जसो गींथ मा लिख्यो से, “जबा तू सांगेत, तबा तू सही मनो जाहेत, अना जबा तोरो फैसला होयेत, तोरो जीत होयेत।” 5 तरी का होयेत? अदी आमरो खोटो काम करनो लका परमेस्वर को अधिकार अखिन लगत रूप लक चोवासेत। का अमी कव्ह सका सेत का परमेस्वर अमीला सजा देवा सेत वा खोटो सेत? यदि आमरो अधरम परमेस्वर को न्यायीपन दिसावसे तो आमी काय सांगबिन? 6 असो पुसो सुभाविक सवाल सेत। तरी यो सवाल को कोनी मतलब नाहोती। यदि परमेस्वर अन्यायी होतो, तो उ जग को न्याय कसो कर सकेत। 7 लेकिन का होयेत अगर मोरो खोटो वोको खराई ला अखिन सफा-सफा स्पलक उभो करके परमेस्वर को महीमा को काम करा सेत? मोला अबा भी पापी को रूपमा काहे धिक्कारो जानो पायजे? 8 काहे नही कव्हबीन? “अमिला बुराई करन देव, जोन लक साजरो भय जाय।” काही लोकहुन, सहीमा असो आरोप लगाय के मोरो बेइज्जती करयो सेत। उनको भी निन्दा होयेत, जसो होवनो पायजे। 9 मंग का अमी यहूदी गैरयहूदी को संग तखड्डी मा तौलन मा बजनदार सेत? बिलकुल नाही। मिना पयलेच समजायो सेत का, यहूदी अना गैरयहूदी दुयी पाप को ताकत को भितर च सेत। 10 जसो लिख्यो से कोनी भी असो नाहोति जोन न्यायी होय, 11 कोनी अक्कलवर नाहोति, जोन परमेस्वर को अराधना करतत। 12 सबा परमेस्वर लक दूहुर भयो सेत। वय सबच वाईट सेत। कोनी असो काम करासेत नाही। जोन परमेस्वर को नजर मा सही सेत। एकच नाही। 13 उनको गरो उघाडो हुवो मठ को जसो सेत। उनको गोस्टी मा छल कपट सेत। अना उनको ओठ मा सरप को जहर सेत। 14 उनको भासा कडु बिक अना सराप लक भरयो सेत। 15 उनला मारपीट करनो अना जान लक मारन को घायी सेत। 16 उनको रस्ता सत्यानास, अना बिपत लक भरयो सेत। 17 ओन्हीसीन सान्ती को रास्ता नही जान पाईन। 18 अना उनको डोरामा परमेस्वर को भेव नाहती। 19 आमी जान सेजन का मोसे को नियम जोन काही सांगा सेत, वा वय लोकगीन ला सांगा सेत, जोन कायदा को अधीन सेत। जोन को लक हरेक मानूस को जुबान मा ताला लगी जाय। अना परमेस्वर को पूढा सारो जग सजा को काबील मानो जाय। 20 काहे का मोसे को नियम को लक कोनी

भी मानूस तन परमेस्वर को पूढा धरमी ठहरायो नही जाहेती। मोसे को नियम केवल पाप को गियान करासेत। 21 तरी अब्बा परमेस्वर ना लोकगिन को संगी रखन को एक असो तरकीब हेडयो सेत। जोनको कानून लक कोनी मतलब नाहोती। जबकि मोसे अना सबा भविष्यवक्ता गिन ना कानून को पक्स मा गोस्टी कियो सेत। 22 बिना भेद-भाव को परमेस्वर ना सबा बिस्वासी गिनको लाय, यीसु मसीह मा भरोसा ठेवने लका परमेस्वर को न्यायीपन दरसायो गयो सेत। 23 हरेक मानूस ना पाप करयो सेत। अना परमेस्वर कन लक दियो तेज बचाव लक लगत दुहर सेत। 24 पर परमेस्वर को किरपा लक फुकट मा दियो, भेट सबला पिरभू यीसु कन लक सुटकारा देयके सहीमा धरमी बनयो गयो सेत। 25 परमेस्वर ना यीसु मसीह ला लोकहुन को लाय बली को रूपमा दे दियो। जोन लक वोको बोहायो गयो रक्त लक वा साधन बन जाय। जेनको लक लोकहुन को पाप ला, वोको मा भरोसा राखन लका माफी कर दियो जाय। परमेस्वर आपरो न्यायीपन दिसावन लाय, जुनो बेरा मा धिरज धरयो। अना लोकगिन को पाप ला अनदेखयो कर देत होता। 26 पर परमेस्वर अब्बा को बेरामा पाप ला अनदेखयो नही करतत। पर उ पाप ला हटाय के आपरो धरमी पन दिसावा सेत। अना यीसु मा बिस्वास करन वालो ला साजरो राखा सेत। 27 एकोलाय कोनी ला आपरो उपर घमंड करन को अधिकार नही रहयो, वोको तो कोनी जघा नाहती, कोनतो नियम को कारन लक, का मोसे को नियम को कारन लक, नही पर भरोसा को नियम को कारन लक, 28 काहे का आमी मान सेजन का मानूस मोसे को नियम को करमकांड लक अलग, भरोसा लक धरमी ठहरायो जावसेत। 29 का परमेस्वर केवल यहूदी गीन को परमेस्वर से? का उ गैरयहूदी को परमेस्वर नही सेत। उ सचमूच मा गैरयहूदी को भी परमेस्वर सेत। 30 काहेका केवल एकच परमेस्वर से। जोन खतना कियो यहूदी गीन ला उनको भरोसा लक नेक ठहरायेति वसोच गैरयहूदी ला उनको भरोसा लक नेक ठहरायो सेत। 31 तो का हमी यो भरोसा लक मोसे को नियम ला रद करासे? कभी नही पर हमी मोसे को नियम ला खरो ठहरावसेजन।

4 का आमी कहबिन, अबराहम को जोन आमरो जाति को अजी सेत? वोको अनुभव काजक सेत? 2 यदि अबराहम वोको नेक काम को कारन, नेक गिनयो जातो। तो काही गरब को गोस्टी होतो। तरी परमेस्वर को नजर मा वोको काम, काही महात्व को नाहोति? 3 गिरंथ कव्हसेत, “अबराहम ना परमेस्वर मा बिस्वास करीस, अना वोको बिस्वास को कारन परमेस्वर ना वोला सही मानयो।” 4 काम करन वालो मानूस ला बनी दियो जावा सेत। तरी वा भेट नाहोती। वोला काही असोच भेटयो होतो। 5 तर यदि कोनी मानूस काम करन को बजाय वोना परमेस्वर मा बिस्वास करा सेत, जोन पापी ला भी सोड देवा सेत। ता वोको बिस्वास च वोको नेक होवन को कारन बन जावा सेत। 6 राजा दाऊद, असो मानूस ला धन्य कव्हसेत। जोनला परमेस्वर बिना काम करे नेक माना सेत। 7 “धन्य से उ जोन को पाप छिमा भयो सेत, अना उनको खोटो करम ढाकयो गयो सेत। 8 धन्य से उ मानूस, जोन को पाप को लेखा-जोखा परमेस्वर नहि राखासे।” 9 क असो धन्य बचन खतना कियो यहूदी काजी सेत, या गैरयहूदी

काजी सेत? आयको आमी का सांगि सेजन, “अबराहम ना परमेस्वर मा बिस्वास करीस, अना यो वोको लाय नेकी गीनो गयो।” 10 वोला कसो नेक मानूस गीनो गयो? का वोना बेरा लक, वोला आपरो खानदान ला खतना कराके बेगरो करन को बिधान भेटयो होतो। का नहि? वोना बेरा लक असो बिधान नही आयो होतो। उ तबा बिना खतना को होतो। 11 बाद मा वोको खतना कियो गयो, अना वोको खतना यो दिसान को एक निसान होतो। का वोको बिस्वास को कारन परमेस्वर ना वोको खतना लक पयले नेक इन्सान मान लियो होतो। अना एकोलाय अबराहम उन सबको दआजी सेत। जोन परमेस्वर मा भरोसा राखा सेत। अना वोको लका नेक मानूस को रूप मा स्वीकार कियो जावा सेत। चाहे उनको खतना नही हुयो होय। 12 अबराहम खतना करन वालो को भी दआजी से। मजे, खतना करवान वालो को अलावा, बिस्वास को वोच जिंदगी ला भी जीवा सेत। जोन खतना करन लक पयले आमरो दआजी अबराहम ना जीयो होतो। 13 जबा परमेस्वर ना अबराहम अना वोको खानदान लका वादा कियो होतो, का दुनिया लक वोको सम्बंध होयेत। ता वोना असो एकोलाय नही करयो, का अबराहम ना कानून को पालन कियो होतो। बल्कि एकोलाय का उ मानत होतो, अना परमेस्वर लक नेकी को स्पमा स्वीकार कियो गयो होतो। 14 काहेका परमेस्वर जोन वादा करा सेत। वोला कानून को पालन करन वालो ला दियो जावा सेत, ता बिस्वास को काजक मतलब सेत? अना परमेस्वर को वादा बेकार सेत। 15 कानून परमेस्वर को गुस्सा ला कम करा सेत। तरी जितानी कानून नोहोति, उतानी हुकूम तोडन को सवाल च नाहती। 16 अना एकोलाय यो वादा बिस्वास को अधार मा होतो। जोनलक वादा ला सबा अबराहम को खानदान लाय, पक्को परमेस्वर को कन लक भेट दियो जाय। नाच केवल कानून ला मानन वाला लोकगिन लाय, बल्कि उन लोक गिनको लाय भी जोन अबराहम ला माना सेत। काहेका अबराहम सबा बिस्वासी गिनको दआजी आय। 17 जसो का गिरंथ कव्हसेत, “मीना तोला लगत देस को दआजी बनायो सेत। वोना परमेस्वर को नजरमा अबराहम आमरो दआजी से।” जोनको असो बिस्वास होतो का, परमेस्वर मरयो हुया ला जिंदगी देवा सेत। अना जोन नाहती वा भी बन जावा सेत। 18 सबा मानूस को आस को बिरोध मा आपरो आस ला मनमा सपना मा चोय के अबराहम ना बिस्वास करयो, एकोलाय उ कहयो हुया गोस्टी को कारन लगत देस को दआजी बनयो। जसो लिखयो होतो, “तोरो खानदान लगत होयेत।” 19 अबराहम करीब सम्बर साल को होतो। तरी वोको बिस्वास कमजोर नाहोति। जबा वोना आपरो देह को बारेमा बिचार करयो, जोन पयले लक कोनी काम को ना होतो, अना सारा भि लेकरा जलम देवन को काबिल नाहोती। 20 वोको बिस्वास ला वा नही सोडयो, अना उ वादा मा सक नही करयो, वोको बिस्वास मा ताकत होतो, अना वा जोस लक भर गयो अना परमेस्वर को स्तुति करयो। 21 अना वोला पक्को भरोसा होतो का परमेस्वर आपरो परन ला जरूर पूरो करयेत। 22 यो बिस्वास को कारन उ नेक मानूस कहलायो 23 मोसे को नियम को यो बचन न केवल अबराहम लक, 24 बल्कि आमरो लक भी सम्बन्ध राखासे। यदि आमी परमेस्वर पर भरोसा राखा सेजन। पिरभू यीसु ला मरयो हुयो मा लक जितो

करिसेत, तो हमी असोच भरोसा को कारन नेक मानूस मानो जाबिन। 25 वोच यीसु आमरो पाप को कारन धरयो गयो, अना हमला पाप छिमा कर नेक मानूस ठयरावन काजी जितो भयो।

5 अब आमी बिस्वास को लक परमेस्वर को नजरमा नेक मानूस सेजन, ता अमी आमरो पिरभू यीसु मसीह लक परमेस्वर संग मिलाप कर लेयबीन। 2 उ अमिला परमेस्वर को किरपा मा बिस्वास को लका आनयो सेत जोनमा अमी अबा सेजन। अना अमिला असो आस सेत का परमेस्वर को महीमा मा आमरो हिस्सादारी सेत। 3 इतरोच नहि आमी दुख अना तकलिफ मा भी, घमंड करबीन। काहेका आमी जाना सेजन का, दुख तकलिफ लक धिरज, पैदा होवा सेत। 4 धीरज परमेस्वर को मंजूरी अना सेत। अना वोको मन्जूरी उम्मीद पैदा करतत। 5 अना आस अमिला निरास नही होन देवा सेत। काहेका पवितर आतमा कन लका जोन अमिला दियो गयो सेत। परमेस्वर को पिरम आमरो हिरदय मा, उबडायो गयो सेत। 6 जबा अमी अता बेसहारा होतिन। तबच सही बेरा मा पापीगिन लाय मसीह ना आपरो बली दियो। 7 कोनि नेक इंसान को लाय मरनो कोनी मुस्किल काम सेत का? हव असो भी होय सका सेत कोनी असो करन को हिम्मत कर सका सेत। 8 परा परमेस्वर ना अमिला दिसायो का उ आमरो लक कितरो माया करा सेत। जबा अमी अबा पापी होतिन। तब च मसीह आमरो लाय मरयो। 9 यदि आमी मसिहा को खून को कारन धरमी ठहरायो गयो, तो आमी पक्को मसिहा मा परमेस्वर को गुस्सा लक बच जाबीन। 10 आमी परमेस्वर को बैरी होतिन, पर जबा परमेस्वर को संग आमरो मेल, वोको दूरा को मरन लक भई गयो। तब परमेस्वर को संग मेल हो जान को कारन लक, वोको दूरा को जीवन लक पक्को आमरो सुटकारा हो जाहेति। 11 इतरोच नही, अबा तो आमरो पिरभू यीसु मसीह कन लक परमेस्वर ले आमरो मेल भई गयो। एकोलाय आमी वोको लक परमेस्वर पर भरोसा राखके घमंड करासेजन। 12 यो गोस्ती बिचार करन जोग से। का एकच मानूस लक जग मा पाप आयो, अना पाप लक मौत, असो परकार सबा मानूस मा यो मौत फैल गई। काय से की सबच पापि सेत। 13 मोसे को नियम को पुढ अजग मा पाप होति, पर नियम नही होवन को कारन पाप को लेखा नही लियो जात होतो। 14 मंग आदम ले मोसे लक मरनो, उन लोकगीन पर राज करत होति। जोन ना आदम को जसो कोनी हुकूम ला नही तोड़ी होति मजे पाप नही कियो होतो। आदम उ मानूस को स से, जोन आवन वालो होतो। 15 मंग आदम को गलती, अना परमेस्वर को बरदान ला, कोनी बरोबरी नही से, यो सच्चे से की, एकच मानूस को गलती को कारन लक सबच लोक मरीन पर यो फर लक कदी जादा महान सेत। परमेस्वर को दया, अना वो दया लक भरो वरदान, जो एकच मानूस यीसु मसीह लक, सबला छिमा भेटयो से। 16 एक मानूस को गलती अना परमेस्वर को बरदान को बरोबरी नाहती। एक को गलति को कारन लक दण्ड को हुकूम दियो गयो। पर गजब गलती को मघा बरदान दियो गयो, जोन लक पाप लक छिमा मिल गयो। 17 यो सचसे का मरन को राज, एक मानूस को गलति को कारन, एक च लक सुरु भई। पर एको फर लक कहि लगत जोन लोकगीन ला परमेस्वर

को किरपा अना धर्मिपन को बरदान ज्यादा लक ज्यादा मिलहेत। वय एकच मानूस यीसु मसीह को लक पाप को छिमा भेटत। 18 एकोलाय जसो एक गलति, सब मानूसगिन को लाय दण्ड को, हुकूम को कारन भयो। वसोच एक नेकी को काम भी, सब मानूस को लाय जीवन को कारन ठैयेरत। 19 काहेका जसो एक मानूस को हुकूम नही मानन को कारन गजब लोकगीन पापी ठहरिन, वसोच एक मानूस को हुकूम माननो लक, गजब लोकगीन नेक ठहरायो गइन। 20 कानून ला खोटो तरीका लक बढान को लाय पेस कियो गयो होतो। परा जबा पाप बढयो तबा परमेस्वर को किरपा भी लगत बढ गयो। 21 एकोलाय जसो पाप मौत को कारन सासन करा सेत। वसोच परमेस्वर की किरपा को भी नियम, अमीला यीसु मसीह को कारन अमर जीवन को कन लेजावा सेत। (aiōnios g166)

6 मसीह मा अमी काजक कव्वबीन? का आमी पाप करत रहबीन, का किरपा गजब होहेत? 2 पक्को रूप लक नही! अमी पाप करन लाय मरयो सेत। मंग अमी योमा कसो रव्वबीन? 3 तुमी, पक्को जाना सेव का, जब अमी मसीह यीसु को संग बपतिस्मा ले रहयो होतो। तो अमीला वोको संग मरनो को बपतिस्मा दियो गयो होतो। 4 मंग आमरो बपतिस्मा लक अमी वोको संग दफनायो गयो अना वोको मौत मा साझा करयो, असो परकार लक जसो मसीह को दआजी, को सानदार ताकत लक मरनो लक जितो भयो। वसोच अमिला भि नवा जिंदगी भेटेत। 5 जब लक अमी मरनो को संग, वोको संग एक भयी गयो सेत। ता जसो उ जितो से, वसोच अमी भी वोको संग जितो रव्वबीन। 6 अमी यो जाना सेजन का, आमरो मा जोन जूनो मानूस होतो, उ यीसु को संगच मा सूती मा चघा दियो होतो जोनलक आमरो पाप वालो देह नास भयी जाय। अना अमी पाप को गुलामि लक सोझाया गयो मनुससेजन। 7 काहेका जोन मर गई सेत, उ पाप लक सूट गयो अना निरदोस ठहरो सेत। 8 एकोलाय यदी आमी यीसु मसीह को संग मर गयो। तो आमरो भरोसा यो से, का आमी वोको संग जीवबीन भी। 9 काहेका यो जाना सेजन का यीसु मसीह मरो हुजो मा लक जितो भई के दुबारा नही मरन को। अना वोको पर मंग मिरतु को राज नही होवन को। 10 काहेका जोन मर गयो से तो उ एकच बार पाप को काजी मर गयो सेत। अना जोन जितो से उ तो उ परमेस्वर को काजी जितो से। 11 असोच तुमी स्वता पाप को काजी मरो, अना परमेस्वर को काजी यीसु मसीह मा जितो समझो। 12 एकोलाय पाप तुमरो नासमान तन मा, राज नोको करे। का तुमी वोको मुताबिक चलन लगो। या वोको लालच को लक जीवन करो। 13 अना आपरो आँग ला बदी को हथियार होवन को लाय पाप ला नोको सोपो। तुमी अपरो आप ला मरो हुया मा लक जितो समझके अपरो आप ला परमेस्वर ला दे देव। अना आपरो देह ला धर्मिपन को हतियार बनन काजी परमेस्वर ला सोप देव। 14 तबा तुमरो पर पाप को राज नही होयेति। काहेका तुमी मोसे को नियम को दास नही पर किरपा को आधीन सेव। 15 मंग काजक, अमी दुबारा पाप करबीन? काहे का अबा अमी कानून को नही पर परमेस्वर को किरपा को अधिन सेजन। अमी कोनी परकार लक पाप नहि कर सकत। 16 जबा तुमिला मालूम सेत, का

कोनी को मानन लाय जबा तुम्ही तैयार होवा सेव। ता दास को रूपमा आपरो-आपला देवा सेव। तो वो तुमरो मालिक अना तुमी गुलाम भयी जासो। जोन पाप करा सेत वा पाप को गुलाम सेत जोनको फर मिरतु सेत। चाहे हुकूम माननो जोनको फर नेकी सेत। 17 पर परमेस्वर को लाय धन्यवाद! तुमी एक बेरा पाप करन को लाय पाप को गुलाम होतो। पर अब्बा आपरो दिल लक भेटयो सिक्सा को माननवारा भई गयो, जेन को साँचा मा ढालो गयो सेत। 18 अना पाप को कब्जा लक छुडायो जाके नेकपन को दास बन गयो सेत। 19 मी तुमारो आँग को निरबलता को कारन मानूस को रीत लक कव्हसू। जसो तुमरो देह ला कुकरम को लाय बुराई अना खोटो करम को दास बनाके सोपो होतो। वसोच अब्बा आपरो देह ला धरमी होवन को कजि, वोको दास बनाके सोपो। 20 जबा तुमी पाप को दास होतो। तो धरम को कन लक सूट होति। 21 अब्बा जोन बात मा तुमी लज्जित होवा सो, उन्मा वोना बेरा तुमीला काजक भेटत होतो। काय का वोको अन्त तो मरनो सेत। 22 पर अब्बा पाप को कब्जा लक सूटकारा पायके अना परमेस्वर को दास बनके तुमला फर मिल्यो से, जेनको लक तुमी पर्वीतर भई जावासे। अना वोको अन्त अमर जीवन सेत। (aiōnios g166) 23 काहेका पाप को बनी तो मरनो से, पर परमेस्वर को बरदान आमरो पिरभू यीसु मसीह मा अमर जीवन सेत। (aiōnios g166)

7 अगो भाऊहुन! सहि मा का तुमी समजा सेव? जबा तकन मानूस को जिंदगी सेत तबा तकन च वोको लाय कानून सेत। का तुमी नहीं जानासो? 2 समजन को लाय यो उदाहरन सेत। काहेका सादि-सुदा भी मोसे को नियम को लक आपरो मरद को जितो जी वोको लक बन्धो रहसेत। पर यदि वोको मरद मर जावासे, तबा वा आपरो मरद लक सूट जासेत। 3 एकोलाय यदि कोनी बायका आपरो मरद को जितो जी वा कोनी दुसरो मरद को भई जाय। ता वोला छिनाल कव्हा सेत। तरी वोको मरद मर जाय तो वा मोसे को नियम अनुसार वा वोको लक वोको लक सूट गई, अना कोनी दुसरो मरद को भई जाय तो कोनी पाप नाहती। 4 अगो मोरो भाऊ हुन असोच मसीह को देह को लक तुमी कानून को लाय मर गयो सेव। एकोलाय अब्बा तुमी कोनी दुसरो लक नातो जोड सका सेव। वोको लकजोन मरयो हुया लक मंग जितो भयो सेत। जोन लक अमी परमेस्वर को लाय साजरो काम कर सकत। 5 जबा अमी मानूस को जसो जिंदगी बितावा सेत। ता कानून लक दियो गयो पाप को लालच आमरो देहमा काम करा सेत। अना येको आखीर मौत से। 6 तर अब्बा कानून लक सूटकारा भेटयो सेत। काहेका जोन कानून ना अमीला बांधयो होतो वोको काजी अमी मर गयो सेत। अना अब्बा, जुनो लिख्यो कानून लक नहीं, बल्कि आतमा को नवा रीत लक अमी आपरो मालिक को सेवा करा सेजन। 7 अमी काजक कव्हबीन? का कानून खुदच पापी से बिलकूल नहीं! पर यो कानून होतो जोन ना सांगयो का पाप काजक सेत? अगर कानून यो नहीं सांगयो होतो का लोभ नेको करो, तो मोला मालूम नहीं होतो का लोभ करनो पाप सेत। 8 पर पाप ना डाव चोवके हुकूम लक, मोरो मा, सब परकार को लोभ पैदा करीस। काहेका बिना मोसे को नियम को पाप मुरदा से। 9 मी तो

मोसे को नियम बिना पयले जितो होतो। पर जबा हुकूम आयो तबा पाप जी गई, अना मी मर गयो। 10 अना वोच हुकूम जेन जीवन को लाई होती। मोरो लाय मरन को कारन बनी। 11 काहेका पाप ना मौका पायके हुकूम लक मोला बहकायो, अना वोको लक मोला मार डाख्यो। 12 एकोलाय मोसे को नियम पवीतर सेत, अना हुकूम भी न्याय अना भला सेत। 13 तो का उ जोन साजरो होती। मोरो काजी मरनो को कारन बनी? कभी नहीं! पर पाप वोना साजरो चीज लक मोरो लाय मरनो पैदा करनवारा बनी। का वोको पाप पूढा चोवयेती। अना हुकूम को लक पाप गजब बेकार साबीत भई जाये। 14 काहेका अमीला मालूम सेत, का कानून तो आत्मिक सेत। अना मी हाड-माँस को मानूस सेऊ। जोन पाप को हात बिकयो गुलाम सेऊ। 15 मोला मालूम नाहती, मी काजक करा सेऊ। काहेका जोन मी करनो चाव्हअ सेऊ, मी नहीं करा सका सेऊ। पर जोन लक मोला धिरना आवा सेत, वोच काम मोरो लक होवासेत। 16 यदी मी जोन नहीं चव्हास, अना वोच करास, तो मी मान लेवस का कानून साजरो सेत। 17 एकलाय मी सहीमा उ नहीं सेऊ। जो असो काम करा सेत। बल्कि यो वा पाप सेत। जोन मोरोमा रहसेत। 18 मोला मालूम सेत। का नेकी मोरो मा नाहती। मजे मानूस को सुभाव मा। भलो मोरो मनमा साजरो करन को मरजी सेत। परअ मी साजरो नहीं कर सका सेऊ। 19 वा नेकी को काम जो मी करनो चाव्हस, नहीं करा सका सेऊ, पर मी बदी करा सेऊ जोन मी करनो नहीं चाव्हस। 20 अब्बा मी जोन नहीं चव्हास वोच करास तो करनवारा मी नहीं सेव। पर पाप जोन मोरो मा बसो हुवो सेत। 21 एकोलाय मी आपरो आपमा यो नियम चोवअ सेऊ। जबा मि नेकी करनो चाव्हस, ता मोरो मा बदी चोवासेस। 22 मी यो भीतर को परमेस्वर को नियम लक खुस सेऊ। 23 तर मोरो देहमा काम करन को एक बेगरो कानून चोवअ सेत। एक असो कानून जोन वोना कानून को खिलाफ लडअ सेत। जोनला मोरो डिमाक मंजूर करा सेत। यो मोला पाप को कानून कोलाय कैदी बनावा सेत। जोन मोरो देहमा काम करा सेत। 24 मी एक दुखी मानूस सेऊ! मोला यो देह लक कउन सोडाहेत? जोन मोला मरसेत। 25 परमेस्वर को लाय धनवाद जोन आमरो पिरभू यीसु मसीह कोलक यो करा सेत। मंग मोरो यो हालत सेत। आपरो दम मा मी आपरो मन लक सिरप परमेस्वर को कानून को सेवा करा सका सेऊ। जबकि मोरो आदत मा पाप को कानून काम करा सेत।

8 अब्बा यीसु मसीह को संग मा रव्हन वालो पर कोनी दन्ड को हुकूम नाहती। 2 आत्मा को कानून, जोन अमिला मसीह यीसु मा जिंदगी देवा सेत। वा अमिला पाप अना मिरतु को कानून लक सूटकारा दे दियो सेत। 3 यो काम ला कानून नहीं कर सकयो, तबा परमेस्वर ना आपरो स्वता को दूरा लक यो काम करायो। जसो कमजोर देह लक अमी पाप करा सेजन, वसोच देह मा परमेस्वर ना आपरो दूरा ला धाडीस। जोन लक पाप ला निरस्त कर देवे। 4 परमेस्वर ना असो करयो सेत, यो साठी का कानून को नेक जस्रत पुरो करयो जाय। यो कारन लका अमी मानूस को सुभाव को अनुसार नाहीं। तर आतमा को सुभाव को अनुसार चलनो पूरो भयी जाय। 5 जोन लोक मानूस को सुभाव को अनुसार बिचार मा रव्हा सेत। वोको

मन मानूस को इक्सा अनुसार रहसेत। तरी जोन लोक आतमा को अनुसार रहअ सेत। वोको मन आतमा ला काजक पहिजे, यो इक्सा को लाय ब्यस्त रहअ सेत। 6 तन मा मन लागवने तो मिरतू सेत, पर पवीतर आतमा मा मन लगावने जीवन अना सान्ती सेत। 7 काहेका तन मा मन लगावने तो, परमेस्वर लक बैर करनो सेत। काहेका असो ता ना तो परमेस्वर को नियम को लक सेत, अना ना होय सका सेत। 8 अना जोन मानूस को इक्सा मा ब्यस्त रव्हा सेत। ते परमेस्वर ला आनंद नाहीं देव सकत। 9 पर जबा परमेस्वर को आतमा तुम मा रव्हा सेत। तो तुमी देह को दसा मा नहीं, पर आत्मिक दसा मा सेव। यदि कोनी मा मसीह को आतमा नाहीं तो उ मसीह को लोक नाहीं। 10 यदि मसीह तुमी मा रव्हा सेत, तो पाप को कारन देह मरयो हुया सेत। तर परमेस्वर को सूटकारा को नेक कानून को कारन पवीतर आतमा तुमरो जीवन मा सेत। 11 जोन ना यीसु ला मरयो हुयो मा लक जितो करयो। अना वोको आतमा तुम लोकगीन मा रहअ सेत। वा च तुमरो नासवान देह ला भी जीतो करा देहेत। 12 एकोलाय मोरो संगी हुन! आमरो पर यो देह को करजा तो सेत, पर अमिला मानूस को स्वाभाविक मरजी को अनुसार जितो रहअनो नाहीं। भलो च आमरो मन असो करन लाय साठी उक्सावे। 13 पर यदि तुमी आपरो मानूस सुभाव को अनुसार रहअ सेव, ता तुमी मरन वालो सेव। तरी आतमा लक मनला मार के जिंदगी को दिवस बितावअ सेव। ता जितो रहन को मौका सेत। यो काजी आतमा लक बुरो करम ला मार डाखो। 14 जोन आतमा को अनुसार जिंदगी बितावा सेत वा च परमेस्वर को सन्तान सेत। 15 परमेस्वर तुम्हिला आपरो आतमा को गुलाम नहीं बनावा सेत। यो काजी तुम्हीला परमेस्वर को सन्तान बननो मा भेव लगअ सेत। तरी आतमा तुम्हिला परमेस्वर को लेकरा बनावा सेत। अना वोनअ च आतमा को ताकत को कारन तुम्ही परमेस्वर ला दआजी कव्हा सेव। 16 ता परमेस्वर को आतमा स्वता आमरो आतमा को संग मिलके कव्हा सेत। का अमी परमेस्वर को लेकरा सेजन। 17 अदी अमी वोको लेकरा सेजन। ता वोको दियो गयो आसीरवाद मा आमरो च हक सेत। अना जबा अमी मसीह को संग सेजन ता वोको संग अमिला दुख उचलनो पायिजे। तबच अमीला वोको संग गौरव भेटेत। 18 मोरो असो माननो सेत, का अबा अमी जोन काही भी दुख भुगत रह्यो सेजन, वोको तवल मा वोना गौरव को संग जोन अमिला मिलनवरो सेत, लगत हलको सेत। 19 परमेस्वर को सबच रचना, परमेस्वर को लेकरा गिनको जलम होवन को रस्ता लगत आस लक चोवअ सेत। 20 यो दुनिया को सबच रचना बेआस होतो, यो जगत आपरो मरजी लक बेआस नहि होतो, तरी असो बनावन वारो को मरजी होतो। 21 मंग अबा भी आस होतो। का दुनिया आपरो गुलामी लक अजाद होवके, परमेस्वर लेकरा गिनको संग गौरव को संग हिस्सादारी करयेत। 22 अमीला मालुम सेत, का अज लका पूरो रचना दुख अना दरद लक कुन्हाय रह्यो सेत। 23 पर अकेलो दुनिया को रचना च नहीं कुन्हावअ सेत। मंग परमेस्वर को भेटयो लका एक आतमा भी सेत। वा भी आपरो भितर ढुकअ सेत, काहेका अमी यो काजी परमेस्वर को रस्ता चोवा सेजन। का वो अमिला आपरो लेकरा बनाव के आमरो पुरो जिंदगी को सूटकारा

कर देवे। 24 अमी बचायो गयो सेत यो गोस्ती को आमरो मनमा आस सेत। तरी अमी जोन गोस्ती को उमेद करा सेजन। वोला अमी आपरो डोरा लक चोवासेजन, ता आमरो आस पुरो भयी जासेत। जोन चोवअ सेत, वा अबा आस नाहीं। 25 परअ अबा आमरो आस कियो गयो चीज अमीला नहीं चोवा सेत। मजे अबा धिरज को संग रस्ता चोवनो बाकी सेत। 26 वोना परकार आतमा भी आमरो मदद करन आवा सेत। जसो अमीसेजन। काहेका अमीला मालुम नाहीं का अमिला पिराथना कसो करनो पायजे। आतमा स्वता परमेस्वर लका आमरो लाय तकलीफ को संग पिराथना करा सेत, जोन सबद लक सांगयो नहीं जासेत। 27 परमेस्वर आमरो दिल ला चोवअ सेत। अना वोला मालुम सेत, का आमरो आतमा को काजक बिचार सेत? काहेका आतमा आपरो लोकहुन को कन लक, अना आपरो इक्सा को अनुसार, परमेस्वर लक पिराथना करा सेत। 28 अमिला मालुम सेत, का परमेस्वर जोनको लक पिरम राखअ सेत, उनको सबा चीजमा साजरा काम करा सेत। अना उनला आपरो उईस्य को अनुसार हकलयो सेत। 29 काहेका जेनना वोला पयले लक जान लियो सेत, अना उनला पयले लक ठहरायो सेत। का परमेस्वर को दूरा को स्प होय। जेनको लक यीसु लगत भाऊ गीनमा पहलौटा ठहरेत। 30 मंग जोन ला वोना पयलो लक ठहरायो, उनला हाकलिस भी उनला नेक मानूस ठहरायो, अना उनको बडाई भी करयो सेत। 31 येना सबअ गोस्तीहुन ला चोवता हुया, अमी काजक कव सका सेजन? अगर परमेस्वर आमरो कन लक सेत, ता आमो बिरोध कोन कर सका सेत? 32 परमेस्वर न आपरो सगो दूरा ला अमी सबको काजी मौत को सुपस्त कर दियो। उ यीसु को संग अमीला सबा काही, काहे नहीं देहेत? 33 परमेस्वर को निवाडो हुवो पर कोनी दोस लगाहेत। जबा उनला निरदोस ठहरानवारा खुदच परमेस्वर सेत। 34 मंग कोनी सेत जोन अमीला दन्ड को हुकूम देहेत? यीसु मसीह सेत जोन मर गयो होतो। अना मुरदा लक जितो भई सेत। अना परमेस्वर को जेवनो कना सेत। अना उ आमरो लाय निवेदन करा सेत। 35 कोन अमीला यीसु मसीह को माया लक अलग कर सका सेत। का दुख का मुसिबत का उपदरा नगापन, का गिरानी, का जोखिम, का तरवार, 36 जसो मोसे को नियम मा लिख्यो सेत का “तोरो लाय अमी दिवस भर घात कियो जाय रहयो सेत। अमी बलि होवन वारा मेढा जसो समजो जावअ सेत।” 37 पर ऐना सब गोस्ती मा अमीला यीसु लक पूरो जीत भेटासेत। वोना अमी लक गजब माया राखासेत। 38 मोला मजबूत भरोसा सेत का नातो मिरतू, ना जीवन, ना सरगदूत ना नरक दूत ना अबा को बेरा, ना आवन वारा बेरा ना कोनी अचंभा ताकत, ना अधिकारी 39 ना बादल मा ना कोनी पताल को कोनी ताकत अना ना सारो दुनिया को कोनी चीज, अमीला परमेस्वर को वोना माया लक बेगरो कर सकासेत। जोन अमी ला आमरो पिरभू यीसु मसीह मा लक भेटयो सेत।

9 मी खरो कव्हासेऊ, मी मसीह को सेऊ। मोरी भितरी आतमा, पवित्र आतमा को हुकूम मानअ सेत। मी खोटो नहीं कव्हासेऊ। 2 सचमुच मा, मोरो दुख कितरो मोठो सेत। मोरो दिलमा लगत दरद सेत। मोला लगत सोक सेत, मोरो मन हरामेसा दुखी रहअ सेत। 3

अदी मी आपरो सगो रक्त को कुटुम्बी लोक गिन लाय, मी उनको सराप आपरो डोस्का मा राख लेवतो। अना मसीह कन लक सरापित भयी जातो। अना मसीह लक बेगरो हो जातो। असो मोरो मरजी सेत। 4 वय परमेस्वर को लोख सेत। परमेस्वर ना उनला आपरो लेकरा बनायो। अना आपरो गौरव उनको समोर दिसायो। परमेस्वर ना उनको संग करार कियो अना उनला कानून दियो। उनको पूजा सचचो सेत। उनला परमेस्वर को वादा भेटयो सेत। 5 वय जाहीर हिब्रू घराना को सेत। अना मसिहा भी उनको च घराना को से। परमेस्वर जोन सबा पर सासन करा सेत, वोको हरामेसा बडाई होवे! (aiōn g165) 6 असो नाहोती का परमेस्वर ना आपरो बचन पूरो नहीं करयो। काहेका जोन इसरायल को खानदान सेत। वय सबच यिसरायली नाहती। 7 अना ना च अब्राहम को खानदान को सबा सचमुच मा अब्राहम को खानदान को सेत। बल्कि जसो परमेस्वर ना कव्हयो, “तोरो खानदानी इसहाक को लक आपरो परम्परा बढाहेत।” 8 मजे असो नाहती का देह लक जलम लियो च लेकरा परमेस्वर को खानदानी सेत। बल्कि परमेस्वर को बचन ला मानन वालो भी परमेस्वर को खानदान को सेत। 9 बचन मा असो कहयो गयो होतो। “सही बेरा मा मी लवट आहूँ, अना सारा ला लेकरा होयेत।” 10 इतरो च नहीं, जबा रिबका भी एक मानूस, आमरो पुरखा इसहाक लक पोट लक भयी 11 पर वोको एक लेकरा ला निवाडो अना यो पूरो तौर लक परमेस्वर को खुद को यदेस्य को परिनाम होतो, परमेस्वर ना कहयो यो मोरो निवाडो गयो मानूस सेत। 12 दुराहुन को जलम लेवन को पयले अना उनको काही भलो-बुरो कन को पयले च कहयो गयो होतो। का “मोठयो लहान को दास होयेत।” एकोलक असो मालूम होवासेत का, हाकलन वालो खुदच तय करा सेत, का कोनीला निवाडनो सेत। यो मानूस को करम पर नहीं पर हाकलन वालो को मरजी पर सेत। 13 गिरेंथ मा लिखयो सेत। “मिना याकूब ला निवाडयो पिरम करयो, अना एसाव ला नकार दियो।” 14 मंग अमी काजक सांगबीन परमेस्वर अन्याय करा से? कबच नहीं। 15 पक्कोच नहीं! काहेका परमेस्वर मोसे भविष्यवक्ता ला कहयो होतो “मी जोन कोनी पर दया करन को बिचार करहीन, वोच पर दया करहीन।” 16 एकोलाय यो मानूस को इक्सा या वोको मेहनत पर नहीं, पर दया करनवारा परमेस्वर को इक्सा पर सेत। 17 काहेका गिरेंथ मा मिसर देस को राजा फराओ लक परमेस्वर कव्हसेत, “मी ना तोला एकोलाय वरता उचली सेव, का तोरो मा आपरा ताकत दिसाऊ, अना सप्पा धरती मा आपरा नाव को परचार करू।” 18 एकोलाय परमेस्वर जोन पर चव्हासेत रहम करासेत। अना जोनला चाहे हटिला बना देवा सेत। 19 एकोलाय तू साइद मोरो लक कव्हजोस “अदि मानूस को काम मा, परमेस्वर को मरजी सेत। ता वा मा आमरो काजक दोस से?” आखीर मा परमेस्वर को इक्सा को विरोध कोन कर सका सेत? 20 मानूस भला तू कोन आस? जोन परमेस्वर ला जवाब पलटा जोस? का कोनी रचना आपरो रचनवालो ला पूस सका सेत, “तूना मोला असो काहे बनायो सेत?” 21 का कुम्भार ला यो अधिकार नहि? का उ माती को एक लोदा आन कन एक भान्डा साजरा काम काजी, अना दुसरो सधारन काम को काजी बनाये। 22 पर योमा काजक सेत? यदि

परमेस्वर ना आपरो गुस्सा दिसावन साठी अना आपरो ताकत परगट करन को लाय उन लोकगिन को जोन गुस्सा को लाय होतिन, अना जोनको नास होवन वालो होतो। गजब धिरज लक उन भान्डा ला सहन कियो। 23 जोन लक उ उन लोक गिन को फयदा को लाय, जोनला दया को लाय बनायो होतो, अना जोनला वा आपरो महिमा करन लाय बनायो होतो। उनमा आपरो महिमा चोवा सके। 24 असो दया को भान्डो आमी सेजन। जोनला परमेस्वर ना सिरप यहूदी लक नहीं, पर गैरयहूदी लक भी हाकलिसेत। 25 जसो उ भविष्यवक्ता होसे को किताब मा कव्हसेत “जोन मोरो परजा नहीं होतिन, मी उनला आपरो परजा कहूँ, अना जोन मोरो चहेतो नहीं होति, उनलक मि माया करहू।” 26 अना जोन जघामा परमेस्वर ना उनको लक असो कव्हो होतो “तुमी मोरो परजा नहीं सेव, उतच वय जित्तो परमेस्वर को सन्तान कहलायेती।” 27 अना भविष्यवक्ता यसायाह इसरायल को बारे मा हाकलके कव्हसेत का “इसरायल लोकगीन को गिनती सागर को बालू जसो काहे ना होहेत, पर उनमा लक काही च बचायो जाहेत।” 28 काहेका पिरभू पूरो स्प लक, लवकर धरती मा आपरा गोस्टी पूरो करयेत। 29 जसो यसायाह भविष्यवक्ता को किताब मा लिख्यो सेत। यदि सेना का परमेस्वर ना आमरो काजी काही खानदान बचाके नहीं ठेवो होतो, तो आमी सदोम अना गमोरा नगर जसो पूरो सत्यानास हो गयो होतो। 30 ता मंग अमी काजक कहबीन? अमी यो नतिजा मा पोहोचयो सेजन, का गैर यहूदीहुन, परमेस्वर को संग आपरो संबंध साजरा करन को कोसीस नहीं करत होतिन। मंग उनको बिस्वास को लक उनको संग सही संबंध होतो। 31 पर परमेस्वर को लोगहुन, जोन एक असो कानून चाव्हत होतिन। जोन परमेस्वर को संग सही संबंध राखेत पर उनला नहीं मिल्यो। 32 अना काहे नहीं मिल्यो काहेका वय बिस्वास पर निरभर नहि होतिन, पर वय आपरो करम मा निरभर होतिन। एको लाय उनला ठोकर को गोटा मा खोड़ा लगयो। अना काहे नहीं लागहेत? 33 गिरेंथ काजक कव्हासेत? “चोवो, मी सिय्योन मा एक गोटा राखा सेऊ, जोनमा लोकहुन खोड़ा खाहेत, एक चट्टान जोन लक वय पड जाहेत। तरी जोन कोनी वोको मा बिस्वास करहेत, वा कभू निरास नहीं होयेत।”

10 अगो मोरो संगीहुन, मोरो पुरो मन लक चव्हा सेऊ, का मोरो लोकगिन बच जाय, मि उनको लाय पिराथना कसो करू? 2 मी तुमिला सांगासेऊ, वय परमेस्वर को लाय खूप काम करनो चाव्हा सेत। लेकिन उनको यो काम सचचो भगति अना गियान लक नाहती। 3 वय वोना नेकी को रस्ता ला नहीं जानत होतिन, जोनला परमेस्वर सिकावनो चाव्हत होतो। अना उनना खुदच आपरो लाय नेकी को रस्ता बनावन को कोसीस करयो। अना उनना परमेस्वर लक सांगयो नेकी को रस्ता ला नहीं अपनायो। 4 काहे का यीसू मसीह सबच पिरकार लक कानून ला पूरो करासेत। अना हरेक भरोसा राखन वारा ला नेक रस्ता देवा सेत। 5 नेक काम को बारेमा जोन कानून भेटासेत वोको बारे मा मोसे ना लिखयो सेत, जोन कानून ला मानहेत वा वोको कारन जित्तो रहेत। 6 पर जोन भरोसा लक नेक सेत, वोको लाय असो लिख्यो सेत, का तुमी आपरो मन मा असो विचार नोको करो, का सरग मा वरता कोन चघेत? मजे मसीह ला खाल्या आनन

लाई। 7 या नरक मा खाल्या कोन जाहेत? मसीह ला मरयो हुयो मा लक वरता आनन काजी। (Abyssos g12) 8 पर मोसे को नियम मा असो लिख्यो सेत। का बचन तोरो जवर तोरो होत मा अना तोरो मन मा सेत। यो वोच भरोसा को बचन सेत जोन ला आमी मुनादी कर सेजन। 9 यदि तुमी असो स्विकार करा सेव, का यीसु च पिरभू सेत। अना बिस्वास करो का परमेस्वर ना वोला मरयो हुयो लक जित्तो करयो सेत, तो तुम्हि बच जाहो। 10 काहे का मन मा भरोसा राखन लक मानूस नेक बन जासे अखिन परमेस्वर लक सही संबंध भई जासे। अना स्वीकारनो लक हमीला बचायो जाव सेत। मजे आमरो सूटकारा होवा सेत। 11 काहे का गिरिंथ असो कव्हासेत का “जोन कोनी बिस्वास करहेत उ कभी नही लजाहेत।” 12 अबा यहूदी अना गैर यहूदीमा काही भेद-भाव नही सेत, एको लाय उ सबको पिरभू सेत। अना आपरो सब नाव लेवन वारा पर दया करासेत। 13 काहेका जोन कोनी पिरभू को नाव लेहेत वो बचायो जाहेत। 14 पर जोन पर उनना भरोसा नही करीसेस वय वोका कसो नाव लेहेत? अना जोन को बारेमा नही आयकिसेस, वोको पर कसो भरोसा ठेहेत? अना मुनादी करन वारा को बिना वय कोन लक आयकेत? 15 अना यदी मुनादी करनवारा ला धाड्यो ना जाय, तो कसो सांगेत? जसो का गिरिंथ मा लिख्यो सेत, “उनको पाय कितरो खुबसुरत अना साजरो सेत, जोन साजरो बारता आयकावसे?” 16 पर सबना उ साजरो बारता पर कान नही लगायो। भविस्वयक्ता यसायाह कव्हासेत “ओ पिरभू कोन ना आमरो साजरा बारता पर भरोसा ठेविसेस।” 17 एकोलाय भरोसा आयकन लक, अना आयकनो मसीह को बचन लक होवासेत। 18 पर मी कव्हासु, का उनना नही आयकिन? जरूर आइकिसेस; काहेका लिख्यो सेत, “उनको आवाज सारो जगत मा, अना उनको बचन धरती को छोर तकन पहुच गयो सेत।” 19 मी मंग कव्हासु। का इसरायल लोकगीन ला मालूम नही होतो? पयले ता मोसे भविस्वयक्ता कव्हासेत, मी गैर यहूदी लोक लक तुमरो मन मा जलन पैदा करहू। मी एक मुख देस लक तुमिला गुस्सा दिलवाहू। 20 मंग यसायाह भविस्वयक्ता मोठो दिलेरि को लक कव्हासेत, “जोन मोला नही ढूढत होतिन, उनला मि भेंट गयो। अना जोन मोला पुसत भी नही होतिन उन पर मी परगत भई गयो।” 21 पर इसरायल को बारे मा उ असो कव्हासेत। “मी सारो दिवस आपरो हात हुकूम नही मानन वारा अना झगडा करन वारा परजा को कन पसारो रह्यो।”

11 मी पूसा सेऊ, का परमेस्वर ना आपरो लोकहुन ला बिसरा दियो से। नही असो नाहती मि खुदच एक इसरायली अना अब्राहम को खानदान को सेऊ, मी, बेंजामिन को कुल को एक मानूस सेऊ। 2 परमेस्वर ना आपरो लोक गिनला नही बिसरो सेत। जोनला वा सुरूवात लक निवाडो सेत। तुमी जाना सेव, गिरिंथ को वोना जघा मा काजक कव्हासेत, जहा एलियाह इसरायल को खिलाप मा पिराथना करासेत। 3 “हे पिरभू, उनना तोरो भविस्वयक्ता गिनला मार डाख्यो सेत। अना तोरी वेदि हुन ला तोड दियो सेत। बस मी च बचयो सेऊ। अना वय मोला मारन को कोसीस मा सेत।” 4 परमेस्वर ना वोला जवाब दियो, “मीना अपरो लाय असो सात हजार मरदमाना गिनला राखयो सेऊ, जोनना खोटो बाल देवता को पूजा नही करयो

सेत।” 5 वसोच हाल यहान भी सेत। परमेस्वर की किरपा लक उन लोक गिनको एक लहान संख्या बचयो सेत। जोनला परमेस्वर निवाडो सेत। 6 वोको पसंद किरपा पर आधारित सेत। ना च काम मा, काहेका अगर परमेस्वर को पसंद लोकगिन पर आधारित होतो ता वोको किरपा सहीमा किरपा नही होतो। 7 मंग काजक? इजराइल को लोक गिन ला वा नही भेटयो जोनको उनला तलास होतो। यो बस लहान सो एक समूह होतो। जोनला परमेस्वर ना निवाडो, वोच ला भेटयो सेत। बाकि सब परमेस्वर को हाकलनो पर भयरा भयि गयिन 8 जसो गिरिंथ कव्हासेत, “परमेस्वर ना उनको मन अना हिरदय ला बेरस बना दियो, यो दिवस मा वय अन्धरा अना भयरा बन गयो सेत।” 9 अना दाऊद कव्हासेत, वय धरयो जाय सकत, अना आपरो जेवन मा फँस सका सेत। वय पड सकत, अना उनला सजा दियो जाय सका सेत। 10 उनको डोरा ला अंधरा कर दियो जाय जोन लक वा चोव ना सकेत। अना उनला हरामेसा आपरो आफद को खाल्या नवाय। 11 एकोलाय मी कव्हासेऊ, का उनना एकोलाय खोडा खायो का वय पडके नास भयी जाय? पक्को च नही। बल्कि उनको खोटो करनो लक गैर यहूदी लोक ला सूटकारा भेटयो। जोनलक यहूदिगिन मा जलन पैदा होय। 12 असो परकार अदि उनको गलती करन लक सारो जगत ला मोठयो फायदा सेत। अना अदी उनको गवडनो लक गैरयहूदी गिनला फायदा सेत। तो उनको पुरो होवनो लगत काही होहेत। 13 अबा मी तुम गैरयहूदी लक मी कव्हासेऊ, तुमी तो यहूदी नाहोती। काहेका मि खास लक गैरयहूदी गिनको लाय पेरीत सेऊ, मी आपरो काम को लाय पूरो मेहनत करा सेऊ। 14 यो आस लक का मी उनको भी भितर मा जलन पैदा करनो चाव्हा सेऊ जोनलक वय भी बचायो जाय मि एकोलाय मेहनत करा सेऊ। 15 काहेका अदी भगवान को लक उनको नकार दियो जानो लक जगत मा परमेस्वर को संग मेल मिलाप पैदा होवासेत। मंग उनको अपनायो जानो का मरयो हुवो लक जिलायो जानो नही होहेत। 16 अदि आमरो भेंट को एक हिस्सा पवितर से ता का वा सबअ पवितर नाहती? अदि झाड को जड पवितर सेत, ता वोको डगाल भी पवितर सेत। 17 यदि काही डगाली तोडके बेगरो कर दियो गयो सेत। अना तुमी गैरयहूदिगिन! जो बन जैतून सेव उनको जघा मा कलम लगायो गयो से अना जैतून को जड अना वोको चिकनाई को भागीदार बने। 18 तुमी आपरो आप ला डगाली लक बडके नोको समझो। यदि तुमी घमन्ड करनो चाव्हासो, त हेत राखो क तुमी जड ला नही पाल रहयो सेव। बल्कि जड तुमिला पाल रहयो सेत। 19 तुमी कव्हासेव “डगाली एकोलाय कापके अलग कर दियो गयो का मोला बान्धो जाय।” 20 बेस से, वय तो अबिस्वासी को कारन कापके अलग कर दियो गयो, अना तुमरो भरोसा बल मा आपरो जघा पर बनो हुयो सेव। एकोलाय गरब नोको करो, वरन भेव मानो। 21 यदि परमेस्वर असल डगाली पर रहम नही करयो, तो उ तुम पर भी रहम नही करेत। 22 एकोलाय परमेस्वर को दयालुपन अना कठोरपन दुई गोस्टी पर बिचार करो। पापी लोग काजी उ कठोर सेत, अना तुमरो लाय परमेस्वर को दयालुपन सेत, पर सरत यो से, का तुमी वोकी दयालुपन को लायक बनो रव्हो। नही तो तुमला भी कापके अलग कर दियो जाहेत। 23 दुसरो कन यदि वय अबिस्वासी बनो नही रहेत, तो वय

भि साटो जाहेत। काहेका परमेस्वर उनला दुबारा लगानो को ताकत राखा सेत। 24 यदि तुमी आपरो गुन लक बन जैतून को डगाली सेव, अना वोला कापके आपरो गुन को बिरोध मा असली जैतून मा कलम लगायो गयो सेव। तो वय कहि ज्यादा सरल लक आपरो आचरन को लक, आपरो निज जैतून मा कलम लगायो जा सकेत। 25 अगो मोरो संगीहनु! यो एक छिपयो सच्चो गोस्टी सेत। जोन तुम्हिला सांगा सेऊ। यो गोस्टी तुम्हिला चेताहेत का तुमी कितरो अक्कलवर सेव? इसरायिल को लोकहुन को यो ह्रामेसा को जिड़ नाहेती। मंग यो तबा तकन चलयेत, जबा तकन पूरो गैरयहूदी परमेस्वर को जवर ना आय जाय। 26 अना असो रिति लक सारो इसरायल ला बचायो जाहेत। जसो गीरंथ मा लिख्यो सेत बचावन वारा सियोन लक आहेत, अना सबा नीचपन ला याकूब लक दुर करयेत। 27 तबा मी उनको पाप गिनला हिसक लेह अना उनको संग यो करार करहीन। 28 साजरो बारता को हिसाब लक तो तुमरो लाय वय परमेस्वर को बैरी सेत, पर निवाडो होवन को कारन, वय बाप दादा को जमाना लक चहेतो सेत। 29 परमेस्वर आपरो मनला नही बदला सेत। जोनला वा निवाडो सेत वोला वा आसीरबाद भी देवा सेत। 30 जसो तुमीना जूनो जमाना मा परमेस्वर को हुकूम ला नही मानयो सेव, वसोच, यहूदी गिन भी हुकूम नहि मानयो सेत। पर अबा तुम्हिला परमेस्वर को दया भेटयो सेत। 31 वसोच यहूदीगिन भी परमेस्वर को हुकूम ला नही माना सेत, जोन लक तुमरो जसो उनला भी परमेस्वर को दया भेटेत। 32 काहेका परमेस्वर ना सबला हुकूम नही मानन को लाय, बन्दी बनाके राखिसेस जेनको लक उ सब पर रहम करे। (eēlēsē g1653)

33 आहा! परमेस्वर को धन अना अक्ल अना गियान कितरो गंभीर सेत! वोको बिचार कसो अथाह अना वोको रस्ता ला कोनी नही जान सकासेस। 34 “पिरभू को अक्ल ला कोन जानयो सेत? या वोको सला देवन वालो कोन सेत? 35 या कोन ना पयले वोला काही दियो से, जोनको बदला वोला दियो जाय?” 36 काहे का वोच को कन लक, अना वोच को लक अना वोच को लाय सब काही सेत। वोको महिमा सदा तकन होवत रवहे आमेन। (aiōn g165)

12 अगो मोरो संगीहनु! परमेस्वर को दया ला हेत कराके मी तुम्हि लक बिनती करा सेऊ। का आपरो आप ला परमेस्वर को लाय जितो बली को रूपमा परमेस्वर को सेवा अना वोला खुस करन लाय दे देव। योच सच्चो पूजासेत। असो पूजा तुमीला करनो सेत। 2 तुम्हि आपरो आप ला दुनिया को माफीक नोको बनाओ लेकिन परमेस्वर ला अपरो मन ला बदलन को पूरो मौका देव। तबा तुमला परमेस्वर को इक्सा को बारेमा पता चल जाहेत। जोन साजरा सेत अना वोला साजरो लगासेत। अना सिध्द भी सेत। (aiōn g165) 3 अना मी परमेस्वर को किरपा को वजा लक हरेक ला कव्हसेऊ। अपरो आप ला जस्त लक जादा हुसियार नोको समजो। आपरो बिचार मा सयम बरतो। अना परमेस्वर ना तुम्हिला जोन बिस्वास देयि सेत, वोको अनुसार खुद को बरोबरी करो। 4 आमरो देह को लगत हिस्सा सेत। अना सबको अलग-अलग काम सेत। 5 वसोच अमी भी लगत सेजन। मंग मसीह मा एक देह सेजन। अना देह को आंग होवन को कारन एक दुसरो लक जुडयो सेजन। 6

एकोलाय अमी आपरो अलग-अलग बरदान ला वोना किरपा को अनुसार, बबजा सेजन, जोन परमेस्वर न अमिला दियो सेत। अदि आमरो बरदान परमेस्वर को सन्देश सांगनो सेत, ता अमिला एला वोना बिस्वास को संग करनो पायजे जो आमरो जवर सेत। 7 अदी सेवा करन को बरदान सेत, ता अमीला सेवा करनो पाहिजे। अगर अमिला सिकावन को बरदान भेटयो सेत, ता अमिला सिकावनो पाहिजे। 8 अदि यो दुसरो को जोस भरन को वरदान सेत, ता वोला वोच करनो पायजे। जोन कोनी दूसरों को संग साझा करनो को सेत ता दया लक करनो पायिजे। जोनको जवर अधिकार सेत। वोला कडी मेहनत करनो पायजे। जोन कोनि दूसरों पर दया करा सेत। वोला खुसी-खुसी करनो पायिजे। 9 पिरम पूरो ईमानदारी लक होवनो पाहिजे। बुराई लक बेगरो भयी जाव, जोन साजरो सेत वोला धरो। 10 भाऊ-भाऊ मा जसो पिरम होवासे वसोच एक दूसरो लक पिरम राखो, आपसी मा एक दूसरो को आदर करो। अना एक दूसरो लक बढ चढके करो। 11 कोसीस करनो मा अलाली नोको करो, पवीतर आतमा मा को जोस मा भरयो रव्हो, पिरभू को सेवा करतो रव्हो। 12 आपरो आस मा खुसहाली करो, दूख मा पक्को रव्हो, पिराथना मा हमेसा लगे रहयो। 13 पवीतर लोकगीन ला काही चीज को जस्त हो उनला हिस्सादार बनावो, पोहनाई करनो मा लग्यो रव्हो। 14 आपरो सतावन वालो ला आसीस देव, उनला सराप नोको देव। 15 खुसहाली करन वारा को संग खुसहाली करो रडन वारा को संग रडो। 16 आपसी मा एक मन राखो घमन्ड नोको करो, पर गरीब लोक गीन को संगती करो। अना आपरो नजर मा बिचार के अक्लवर नोको बनो। 17 बुराई को बदला मा कोनी को बुराई नोको करो। 18 जहान तकन हो सका सेत, तुमी जी भरके सब मानूसगिन को संग साजरो मेल-मिलाप राखो। 19 ओ मोरो चहेतो लोकगीन आपरो पलटा नोको लेव पर परमेस्वर को गुस्सा ला मौका देव, कहेका लिख्यो से पलटा लेवनो मोरो काम सेत, पिरभू कव्हसेत मि च बदला लेह। 20 पर यदि तोरो बैरी भुको सेत, तो वोला जेवन देव; यदि तहान से तो वोला पानी पिलाव, काहेका असो करनो लक तू वोको डोस्का मा स्तो को इंगरा को ढेर लगाजोस। 21 बुराई लक नोको हारो, पर बुराई ला भला लक जीत लेव।

13 सबअ राज को अधिकारी गिनको पालन करनो पाहिजे। काहेका कोनी भी अधिकार परमेस्वर को हुकूम को बिना मौजूद नाहेती। अना मौजूद अधिकारी गिन परमेस्वर लक राख्यो गयो सेत। 2 जोन मौजूद अधिकारी गिनको बिरोध करा सेत वा परमेस्वर को हुकूम को बिरोध करा सेत, अना जोन कोनी असो करा सेत उ आपरो पर नियाव आना सेत। 3 राजा अना सासकगिन उन लोक हुनला नही डरावा सेत, जोन साजरा काम करा सेत, पर वय वोला च डरावा सेत, जोन बुराई करा सेत। अदी तुमी सासन लक नही डरनो चान्हा सेव, तो भलो काम करो, तुमरो बडाई होहेत। 4 काहेका वय परमेस्वर को सेवक सेत। जोन तुम्हारी भलो को लाय काम कर रहयो सेत। परा अगर तुम्ही बुराई करतत ता उन लक डरो, काहेका दंड देवन को ताकत उनला भेटयो सेत। अना बुराई करन वालों ला सजा देवा सेत। 5 यो कारन लक तुमला अधिकारी

गिनको पालन करने पाहिजे। ना च परमेस्वर की सजा को कारन, बल्कि डिमाक लक भी। 6 यो च कारन सेत, का तुम्ही जमा पटावा सेव। काहेका हरेक अधिकारी परमेस्वर को काम करा सेत। अना आपरो करतब ला पूरो करा सेत। 7 एकोलाय हरेक को हक देव, जोनला जमा पटानो से, उनको जमा पटाओ, जोको लक डरानो जसरी से, वोको लक डराव, जोनको आदर करने से, वोको आदर करो। 8 आपसी मा पिरम ला छोड अना काही बात को करजा नोको चाहो। काहेका जोन दुसरो लक माया राखासे उ नियम धरम ला पूरो कर सेस। 9 यो का छिनालापन नोको करो, कोनिला जान लक नोको मारो, चोरी नोको करो, लोभ नोको करो, इनला छोड अना कोनी हुकूम सेस तो यो सब बातको निचोड यो हुकूम मा सेत। का आपरो सेजारी लक आपरो समान माया राख। 10 माया आपरो सेजारी को काही बुराई नहीं करा से, एकोलाय माया राखनो नियम ला पूरो करने से। 11 बेरा ला चिन्हके असोच करो, एकोलाय का अब्बा तुमारो लाय जप लक जगन को बेरा आय गयो सेत। काहेका जोन बेरा अमीना भरोसा राख्यो होतो, वोना बेरा को बिचार लक सुटकारा कठा होति। 12 अब्बा रात बित गयी सेत, दिवस हिटनवारा सेस एकोलाय अमी इन्धार को काम ला छोड-छोडके उजाड को हतियार घालो। 13 अमी दिवस को लक खरो चाल-चलबिन। अमी रगिलोपन नसा पानी गन्दोकाम, अना छिनालापन जलन अना देह को वासना झगडा-रगडा लक दुहर रहबिन। 14 तुमी पिरभू यीसु मसीह ला घालो अना देह को इक्सा पूरो करने को कोसिस नोको करो।

14 जोन भरोसा मा निरबल सेत वोला आपरो संगती मा ले लेव, पर वोको सक पर विवाद नोको करो। 2 एक को भरोसा से का वा सब जेवन कर सका सेत, पर दुसरो मा भरोसा कमजोर सेत। उ बस हिबरो साग-भाजी च जेव सेत। 3 साकाहारी मांस खावना गलत सेत, असो तय नोको करे। काहेका साकाहारी-माँसाहारी दुई ला परमेस्वर अपनाइसेस। 4 तू कोन सेत जोन दूसरो दास पर दोस लगावासेत? वोको उभो रहनो, अना पड जावनो, वोको पिरभू तय करा सेत बल्की मी यो कव्हस् का वोला उभो कर दीयो जाहेत, काहेका परमेस्वर च वोला उभो रखा सका सेत। 5 कोनी तो एक दिवस ला, दूसरो दिवस लक ज्यादा साजरो समजासे। अना कोनी सबच दिवस ला एक जसो माना सेत, हर एक मानूस यो आपरो मन मा तय करलेवे। 6 आपरो बिचार लक जोन कोनी दिवस ला माना सेत, उ परमेस्वर को लाय माना सेत। जो जेव सेत, उ पिरभू लाय जेवा सेत। अना जोन नहीं जेव सेत उ परमेस्वर को लाय नहीं जेव सेत। अना परमेस्वर को धनवाद करासे। 7 काहेका आमरो लक कोनी, अपरो लाय नहीं जितो रहव असेत, अना कोनी अपरो लाय मरअ सेत। 8 यदि अमी जितो होवन लाय जितो सेजन, अना अमी मर जावअ सेत, तो पिरभू लाय मर जावअ सेत। मंग अब्बा जितो रहबीन, या मर जाबीन सब पीरभू को लाय सेत। 9 काहेका यीसु मसीह यो काजी मरयो अना जितो भई गयो, काहेका उ मरो हुबो अना जितो दुई को पिरभू बन जाये। 10 तू आपरो भाऊ पर काहे दोस लगावअ सेत या तू काहे आपरो भाऊ ना नीच समजा

सेत? जबा अमी सबच ला परमेस्वर को नियाव आसन को पढा उभो होवनो सेत। 11 काहेका लिख्यो सेत पिरभू कव्हासेत, “का मोरो जिंदगी को कसम, हरेक टोघरा मोरो पुडा टीकित अना हर एक जुवान परमेस्वर ला हाकलेत।” 12 एकोलाय अमी लक हरेक परमेस्वर ला आपरो लेखा देवनो सेत। 13 एकोलाय अमी एक मेक ला दोस लगावनो सोडके ना आपसी मा तय करलेव। का कोनी आपरो भाऊ को रस्ता मा खोडा को कारन नोको पैदा करे अना जाल बिछायेति। 14 मी जाना सेऊ अना पिरभू यीसु मसीह को चेला होवन को नाता लक, मोरो भरोसा सेत। का कोनी चिज असुध्द सेत, पर कोनी यो सोचा सेत, का फलानो चीज सुध्द सेत। तो उ वोको लाय सुध्द भई जावअ सेत। 15 यदि तुमी आपरो जेवन को कारन लक आपरो भाऊ गिनला दुख देवा सो, तो तुमी माया को मारग पर नहीं चलअ सो। जोन मानूस काजी यीसु मसीह मर गयो, तुमी आपरो जेवन को कारन वोको नास को कारन नोको बनो। 16 एकोलाय वोको नजर मा जोन साजरो सेत, उ निन्दा को कारन नोको बने। 17 काहेका परमेस्वर को राज खावन-पिवन लाय नहीं, पर उ न्याय सान्ती अना खुसि को बारे मा सेत। जो पर्वीतर आतमा लक भेटा सेत। 18 जोन एना गोस्टी लक यीसु मसीह को सेवा करा सेत, परमेस्वर उ को चहेतो अना मानूस गीन मा सतकार को काबील ठयरा सेत। 19 अमी असो गोस्टी मा लगे रहबिन, जोन लक सान्ती बनावन मा बढ़ावा मिले। 20 यो सच से का सब काही आपरो मा सुध्द सेत, पर जेवन लक दूसरो ला परमेस्वर को कठा आवनो मा रस्ता मा खोडा को कारन पैदा करने बुरो सेत। 21 साजरो तो यो सेत, का मांस अना दास् ला नोको खाय पिये, अना कोनी असो काम नोको करो, जोन को लक कोनी भाऊ अना बहिन खोडा खाय, अना आपरो रस्ता लक भटक जाय। 22 तोरो जो भरोसा सेत, वोला तुमी परमेस्वर को पढा आपरो तय कियो बिचार, आपरो च कठा ठेवो, धन्य से उ जोनको मन वोला दोसी नहीं ठहरावा सेत, जबा उ आपरो मनला परख के चलअ सेत। 23 काहेका जोन जेवन को बारे मा संका करा सेत, अना तबा भी जेव सेत, तो उ दन्ड को भागी सेत। काहेका उ यो काम भरोसा को लक नहीं करतत। अना जोन काम भरोसा को लक नहीं सेत उ पाप सेत।

15 अमी जोन आतमिक रूपमा ताकतवर सेत। उनला कमजोर लोक गिनको सहनो पाहिजे। अमी बस आपरो आपला खुस नोको करो। 2 आमरो मा लक हरेक, एकमेक को साजरोपन, को बढ़ोतरी को लाय उनको भावना को संग आतमा मा जोस लक भरो। 3 यहाँन तकन का मसीह ना भी खुद ला खुस नहीं कियो होतो। बल्कि जसो मसीह को बारेमा गीरंथ कव्हअ सेत “उनको बेइज्जती जोनना तोरो बेइज्जती कियो सेत। मोरो पर आय गयो सेत।” 4 हरेक वा गोस्टी जोन गिरंथ मा पयले लक लिख्यो गयो सेत, अमिला सिक्सा देवन साठी सेत। जोन लक धीरज अना बढ़ावा गिरंथ लक मिलतो रहेत। जोन लक अमिला आस भेटे। 5 परमेस्वर च धिरज अना सान्ती को देवन वालो से। उ तुमी लोक गीनला असो बरदान देहे, का तुमी यीसु मसीह को सिक्सा को लक आपसी मा मेल-मिलाप को बिचार मा बढ़ावा बनाये राखो। 6 जेनको लक सबा

मिलके एकच आवाज मा आमरो पिरभू यीसु मसीह को परमेस्वर दआजि को बडाई करत रहबिन। 7 जसो यीसु मसीह ना अमीला आपरो परमेस्वर को महिमा काजी अपनाई सेत, वसोच तुमी एक मेक ला भाऊ चारा लक अपनाये 8 मि यो कव्हनो चव्हासू का यीसु मसीह खतना वालो लोक गीनको दास एकोलाय बनयो, का उ बाप दादा लक कियो गयो परन पूरो कर सकेत। अना यो पुस्प कर दे, का परमेस्वर सच्चो वादा करा सेत। 9 अना एकोलाय भी का गैरयहूदी गिनला परमेस्वर को दया भेटे, अना वय स्तुती करे। जसो गिरंथ मा लिख्यो सेत, “एकोलाय गैर यहूदि गिनको बीचमा तोला ओरखा हिन अना तोरो नाव को महिमा गावइन।” 10 अना असो भी लिख्यो सेत, अरे! गैर यहूदि हुन परमेस्वर को परजा संग। खुसि मनाओ। 11 मंग असो भी “ओ सब गैरयहूदि लोकगीन पिरभू को स्तुति करो, अना सप्पा देस को लोकगीन वोको बडाई करयेत।” 12 मंग भविष्यवक्ता यसायाह कव्हसेत “यिसै को बंस को मानुस चोहेत, उ गैरयहूदी गिनमा सासन करन आहेत। अना वय वोको मा आरो आस ठेयेत।” 13 अबा आस को परमेस्वर, तुमला भरोसा करन मा पूरो खुसि अना सान्ती लक भरदे। जेनको लक पवीतर आतमा को ताकत लक तुमरो आसा बढत जाय। 14 ओ मोरो संगीहुन! जहान तकन तुमरो बारेमा मी खुदच बेखटका सेव, अना भरोसा सेत, का तुम खुदच साजरा अना सप्पा गियान लक भरो ह्यो सेव। अना तुमी ला एरो मालुम सेत, का एक मेक ला समजा सको। 15 तोभी मि ना काही-काही हेत दिलावन काजी तुमीला लगत हिम्मत जुटाय के लिखी सेउ। यो वोना किरपा को कारन भयो, जोना परमेस्वर ना मोला दियो सेत। 16 का मी गैरयहूदी गिनको लाय यीसु मसीह को दास बनू, अना परमेस्वर को साजरो बारता को सेवा याजक को जसो करू, का गैरयहूदी स्त्री मोरि भेट पवीतर आतमा लक पवीतर होयके चढायो जाय। 17 एको लाय मोला यीसु मसीह मा, वोना गोस्टी को बारेमा, जोन परमेस्वर को बारे मा से। बडाई करन को कारन भेटयो से। 18 उन गोस्टी ला छोड, मी कोनी दुसरो गोस्टी करन को हिम्मत नही करू, जोन यीसु मसीह मा गैरयहूदी गिनला, परमेस्वर को हुकूम मानन को रस्ता दिसान को काम मोरो बचन, करम, 19 अना निसान अखीन अचँबा काम को ताकत लक, अना पवीतर आतमा को ताकत लक, मोरो हात लक भई सेत। यहान लक का मि ना येस्सलेम लक, इतानी उतानी सब जघा इल्लुरिकुम तकन यीसु मसीह को साजरो बारता ला पूरो-पूरो सांगिसेऊ। 20 पर मोरो मनमा यो उमंग सेत। का जहान-जहान यीसु मसीह को नाव नही लियो गयो से, वहान साजरो बारता आयकाव, असो न हो का दुसरो को रद्द मा घर बनाऊ। 21 पर जसो लिखिसे वसोच हो “जोन को जवर वोको साजरा बारता नही पहुचिसेस, वय चोहेत। अना जोन ना नही आयकिसेस, वो च समजेत।” 22 एकोलाय मी बार-बार तुमी लोक गीनको कठा आवनो लक स्कयो रह्यो सेऊ। 23 परअ अबा ऐना देस मा मोरो काम को लाय जघा नाहती। अना लगत साल लक तुमरो कठा आवन को मनसा सेत। 24 एकोलाय जबा मी स्पेन ला जाह तो तुमरो कठा लक जाह, काहेका मोला वोना यातरा मा मुलाकात होयहेत असो आस सेत। अना जबा तुमरो संगति लक मन भर जाए तबा मोला काही दुहर पूढा धाड जोस। 25 परअ अभिसिन मी,

पवीतर लोकगीन को सेवा करन को लाय येस्सलेम नगर जावासू। 26 काहेका मकीदुनिया अना अखया को संगती करनवारा लोक गीनला, यो साजरा लगिसेस, का येस्सलेम को पवीतर लोकगीन मा गरिब लोक गिनको लाय काही चन्दा करे। 27 उनला साजरा तो लग्यो, परअ वय उनको करजदर भी सेत, काहेका गैर यहूदी उनको आतमिक बात मा हिस्सादार बनिन, तो उनको यो फरज सेत। का देह को बारेमा उनको सेवा करे। 28 एकोलाय मि यो काम पूरो करके, अना उनला यो चन्दा सुरक्खित सोपके, तुमरो जवर लक स्पेन जाबिन। 29 मोला भरोसा से का, जबा मी तुमरो जवर आसिन तो यीसु मसीह को आसिरवाद आनीन। 30 अबा ओ संगीहुन! आमरो पिरभू यीसु मसीह अना पवीतर आतमा को माया लक, मि तुमी लक बिनती करासू, का मोरो लाय परमेस्वर लक पिराथना करनो मा मोरो संग लग्यो रह्यो। 31 जेनको लक मी यहूदिया को भरोसा नही ठेवनवारा लोकगीन लक बचयो रहू। अना मोरो येस्सलेम को सेवा पवीतर लोक मा मानता होहे। 32 जोनलक परमेस्वर को इक्सा को अनुसार मी खुसी-खुसी तुमरो जवर आयेके तुमरो संग खुसी मनाऊ। 33 पूरो सांती को धाम परमेस्वर तुमरो संग रह्यो। आमीन।

16 मी किखेया नगर को कलीसिया की खास सेविका आमरो बहिन फिबे को लाय तुमी लोकगीन लक सिपारिस करके कव्हसू। 2 का तुमी पिरभू मा वोला असो रित लक अपनाने जसो परमेस्वर को लोक गिनको लायक सेत। वोला तुमरो लक जसो मदद पाहिजे तसोच वोकी मदद करो। काहेका वा मोरो समेत लगत लोक गिनको मदद करियो सेत। 3 प्रिक्सिल्ला अना अक्किला ला जोन यीसु मसीह मा मोरो संग काम करनवारा सेत। उनला मोरो नमस्कार। 4 उनना मोरो जान को लाय आपरो जीवन ला जोखिम मा डाख दियो होतिन, अना केवल मी च नही पर गैरयहूदी गिनको सारो कलीसिया भी उनको धनवाद करासेत। 5 उनको घरमा जोन कलीसिया से, वोला भी नमस्कार मोरो चहेतो इपैनिटुस ला, जो मसीह को लाय आसिया मा पयलो फर सेत, नमस्कार 6 मरियम ला, जोन ना तुमरो लाय गजब महेनत करीसेस, वोला नमस्कार। 7 अन्दूनीकुस अना युनियास जोन मोरो रिस्तेदार सेत, अना मोरो सग कैद भई होतिन, अर वय पेरीत गीन मा नामी गामी सेत। अना मोरो लक पयले मसीह मा सेती, नमस्कार। 8 अम्पलियातुस ला, जोन पिरभू मा मोरो चहेतो से नमस्कार। 9 उरबानुस ला जेना मसीह मा आमरो संग काम करनवारा सेत, अना ओ मोरो चहेतो इस्तखुस को नमस्कार। 10 अपिल्लेस ला जो मसीह मा सच्चो अना काबील से, वोला नमस्कार। अरिस्तुबुलुस को घराना ला नमस्कार 11 मोरो रिस्तेदार हेरोदियोन ला नमस्कार। नरकिस्सुस को घराना को जेन लोक पिरभू मा सेत, उनला नमस्कार। 12 तुरुफेना अना तुरुफोसा ला जेन पिरभू मा महेनत करसेति वा ला नमस्कार। मोरो चहेतो पिरसिस ला जेन ना पिरभू मा गजब महेनत करीसेस नमस्कार। 13 स्फुस ला जोन पिरभू मा बेचो होवासे। अना वा की माय ला जोन मोरो भी माय लगासेत। वा दूई ला नमस्कार 14 असुक्रितुस अना फिलगोन अना हिर्मैस अना पतम्बास अना हिर्मास अना उनको सगी भाऊ गिनला नमस्कार। 15 फिल्लुतुस अना यूलिया अना नेरयुस

अना वाकि बहिन, अना उलुम्पास अना उनको सग को सब पवीतर लोकगीन ला नमस्कार। 16 आपस मा पवीतर चुम्मा लक नमस्कार करो। तुमला यीसु मसीह को सबा कलीसिया गीन को कन लक नमस्कार। 17 अब ओ भाऊ अना बहिन गीन, मि तुमरो लक बिनती करास् का जोन लोकगीन वोना सिक्सा को विरोध मा जोन तुमीना पाइसेव, फूट डाखन अना ठोकर खावन को कारन सेत। उनला ताड लेव अना उन लक दुहर रव्हो। 18 आपरो पोट को सेवा करनवारा, अना चिकनो-चिकनो साँग के सिदो-सादो मन को लोकगीन ला बहकानवारा, असो लोकगीन पिरभू यीसु मसीह को सेवा नहीं करा सेस, पर वय आपरो सेवा करसेस। 19 तुमरो हुकूम मानन को चरचा सब लोकगीन मा फैल गयो सेत, एको लाय मी तुमरो लाय खुसी मनावसु, पर मी यो चव्हासु, का साजरो लक अक्कलवर अना बुराई को लाय भोला बनो। 20 सान्ती को परमेस्वर सैतान ला तुमारो लात मा लवकर खुदवा देहेत। आमरो पिरभू यीसु मसीह को किरपा तुमरो पर होतो रव्हे। 21 मोरो संग काम करनवारा तीमथियुस को, अना मोरो रिस्तेदार लूकियुस, अना यासोन अना सोसिपतस्स को तुमला नमस्कार। 22 मी चिट्ठी लिखन वारा तिरतियुस को पिरभू मा तुमला नमस्कार। 23 गयुस जोन मोरो अना सब कलीसिया को पोहनाइ करनवारा, अना यो नगर को खजांची एरास्तू अना भाऊ क्वार्टुस तुमी लोक गिनला नमस्कार कव्हसेत। 24 आमरो पिरभू यीसु मसीह को किरपा तुम सब पर बनो रवहे। आमेन 25 वोना अमर परमेस्वर को स्तुति हो, जोन तुमी लोकगीन ला मोरो साजरा बारता अना यीसु मसीह को बारता को लक मजबूत राखन मा ताकतवर सेत। यो साजरो बारता वोना राज को सुस्वात से, जोन जुग-जुग लक लुको सेत। (aiōnios g166) 26 पर अब परगट हो गयो से। यो भविष्यवक्ता गिन को भविष्यवानी मोसे को नियम को लक अमर परमेस्वर को हुकूम लक, सब लोक गीन मा मुनादी कियो गयो से। जेनको लक वय भरोसा को लक अधिनता स्विकार करे। (aiōnios g166) 27 वोच केवल एक गियान को स परमेस्वर को महिमा यीसु मसीह लक जूग-जूग तकन होहे आमेन (aiōn g165)

1 कुरिन्थियो

1 धाडन वालो, पौलुस! जोन ला परमेस्वर को मरजी लक यीसु मसीह को पेरीत कइयो जावत होतो, अना आमरो भाऊ सेस्थिनेस, 2 कुरिन्थुस नगर को परमेस्वर को बोना कलीसिया को नाव, जोन यीसु मसीह मा पवित्र कियो गयो सेत। अना जोनला परमेस्वर ना पवित्र लोक बनन को लाय उनको संग निवाडो सेत। जोन हर जघा पिरभू यीसु को नाव ला हाकल सेत। 3 आमरो बाबूजी परमेस्वर अना पिरभू यीसु मसीह को कन लक तुम्हिला दया अना सान्ती भेटत रव्हे। 4 जोन किरपा तुम्हिला परमेस्वर ना यीसु मसीह लक दियो सेत। वोको लाय मी आपरो परमेस्वर ला धनवाद देवा सेऊ। 5 यीसु मसीह मा होयके तुमी हरेक गोस्टी मा, मजे सप्पा बचन अना सप्पा गियान मा, धनी बन गयो सेत। 6 अना यीसु मसीह को यो सन्देश तुमरो मा पक्को भयी गयो सेत। 7 यहान तकन का, कोनी बरदान को तुमरो मा कमी नाहती, अना तुमी आमरो पिरभू यीसु मसीह को, परगट होवन को रस्ता चोवत रव्हासो। 8 परमेस्वर तुमला अखट तकन पक्को बनाय राखेत, जोन लक तुमी आमरो पिरभू यीसु मसीह को दिवस तकन बेडाग रव्हो। 9 परमेस्वर मा भरोसा ठेवने पाहिजे। जोन ना आपरो दूरा यीसु मसीह को संग रव्हन को लाय हाकल्यो सेत। 10 मोरो संगीहनु! अमरो पिरभू यीसु मसीह को नाव मा मोरो तुमरो लक पिराथना सेत का तुमरो मा कोनी फूट नेको होवे। तुम सबा एक संग जुटो रव्हो अना तुमरो बिचार अना धेय एकच होवे। 11 काहेकि अगो भाऊहनु! खलोए को घराना को लोकगीन, तुमरो बारेमा सांगयो सेत का तुमरो मा झगडा रार होवा सेत। 12 मोरो सांगनो यो से का, तुमरो मा कोनी तो आपरो आपला पौलुस को, कोनी अपुल्लोस को, कोनी कैफा को, अना कोनी मसीह को कव्हासेत। 13 का मसीह बट गयो सेत? का पौलुस तुमरो लाय कूरुस मा चघायो गयो सेत? या तुमिला पौलुस को नाव लक बसिस्मा भेटयो सेत। 14 मी परमेस्वर को धनवाद करासू का क्रिस्पुस अना गयुस ला सोड, मीना कोनी ला बसिस्मा नही देईसेव। 15 कहि असो ना होहे का, कोनी बोलहेत का तुमीला मोरो नाव लक बसिस्मा मिलिसेत। 16 अना हव मीना स्तिफनास को घराना ला छोड, अखीन कोनी ला मी बसिस्मा नही देईसेव। 17 काहेका मसीह ना मोला बसिस्मा देवन काजी नही, पर साजरो बारता आयकुआय लाय हक लक धाडिसेस। वो भी सबद को लक नही, कही असो ना होहे की, मसिहा को कूरुस ला लोक बेकार समझन लगहेत। 18 काहेका कूरुस को कथा, नास होवन वारा लाय, अडियापन सेत। पर आमी सूटकारा पावनवालो को लाय, परमेस्वर को ताकत सेत। 19 काहेका लिखीसेत, मी गियानी गिनको गियान ला नास कर देह, अना समजदार गीनको समजदारी ला बेकार कर देह। 20 कहान रहयो गियानीगिन? अना कहान रहयो मोसे को नियम को गुरू? कहान रहयो यो दुनिया को बकवासी? का परमेस्वर ना दुनिया को गियान ला, अडियागिरी नही ठहराईसेस? (aiōn g165) 21 काहेका जबा परमेस्वर को गियान को लक दुनिया, परमेस्वर ला नही जानिन, तबा परमेस्वर ला यो साजरा लगयो का परचार

को मुखता को लक, भरोसा करनवारा ला सूटकारा दे। 22 यहदी गीन हिदान माँगसेत, अना यूनानी गीन गियान चाव्हा सेत। 23 पर आमी कूरुस मा चघायो, गयो मसीह को च परचार करीसेजन। यो यहदिगीन काजी भरोसा, मा बाधा, सेत। अना गैर यहदी लाय जाल सेत। 24 पर परमेस्वर को निवाडो गयो लोक गीनको लाई, चाहे वय यहदी होय, या गैर यहदी, येच मसीह की ताकत अना परमेस्वर की गियान से। 25 काहेका परमेस्वर को बेअकल, मानूसगिन को पूरो अकल लक लगत सेत, अना परमेस्वर की कमजोरी, मानूस की ताकत लक, लगत ताकतवर से। 26 ओ मोरो संगीहनु! अबा जरासो सोचो का जबा परमेस्वर ना तुम्हिला हाकलो होतो, ता तुमरो लक लगतसो ना अकल वर होतिन ना ताकतवर, लगत लोकगिन को समाज भी नीचो होतो। 27 गियानी गिनला लजान काजी, परमेस्वर न तुम लोकगीन ला बेचयो से, जोन दुनिया को डोरा मा मुख से। ताकतवर गीनला लजान काजी, बोना लोकगीन ला निवडीसेस, जोन दुनियाँ को डोरा मा कमजोर से। 28 मोठो मानुसगिन को घमंड तोडन काजी, परमेस्वर वय लोकगीन ला निवाडी सेस, जोन दुनिया को नजर मा अडिया सेत। 29 जोनमा कोनी देह वालो मानूस, परमेस्वर को पुढा घमंड नोको करे। 30 पर वोच परमेस्वर को कन लक तुमी यीसु मसीह मा सेव, जोन परमेस्वर को कन लक आमरो लाय गियान ठेरी सेत। नेकी अखीन पवीतर, अना सुकती। 31 एकोलाय जसो पवीतर गिरंथ मा लिखीसेत “अदी कोनी घमंड करनो चव्हा सेत तो उ पिरभू मा घमंड करे।”

2 अगो मोरो संगीहनु! मी जबा तुमरो जवर आयो होतो। ता परमेस्वर को सच्चो राज की गोस्टी ला, बोली को चतुराई अना मानूस को अकल लक उपदेस देवत नही आयो होतो। 2 परा मी यो ठान के आयो होतो, का तुमरो बीच मा कूरुस मा चघायो गयो, यीसु मसीह को बारता को सिवाय कोनी गोस्टी नही करहीन। 3 काहेका मी तुमी लोक गीनको बीच रव्हत बेरा, कमजोर, गुमसुम अना लगत डरयो हुयो होतो। 4 अना मोरो सबद अना संदेश मा मानूस जसो चिकनो चुपडो गोस्टी नोहोति। बल्कि उनमा आतमा को ताकत अना सबूत होतो। 5 जोनलक तुमरो बिस्वास मानूस को अकल को बजाय परमेस्वर को ताकत पर टिको रव्हे। 6 जोन समजदार सेत। उनला अमी अकल देवा सेजन। परा यो अकल यो जुग को नाहती। ना च यो जुग को राजा हुनको अकल सेत। जोन दुनिया ला नास को कगर मा आनासेत। (aiōn g165) 7 वोको जघामा अमी परमेस्वर को छिपयो गियान को अकल देवा सेजन। जोनला लगत जूनो जमाना ला परमेस्वर ना आमरो गौरव को काजी पक्को कियो होतो। (aiōn g165) 8 अना यो गोस्टी ला एना जुग को कोनी भी राजा अना सासक नहि समजयो। काहेका अदी समजयो होतो ता, वय वा महिमा लक भरयो, पिरभू ला कूरुस मा नही चघातो। (aiōn g165) 9 परा गिरंथ मा असो लिख्यो सेत, “जोनला डोरा लक नही चोव सकत, अना कान लक नही आयकयो, जहाँ मानूस को अकल तकन नही पहेच सका सेत। असो गोस्टी परमेस्वर को चहेतो लोक गिन लाय राख्यो सेत।” 10 यो गोस्टी परमेस्वर ना आपरो आतमा लक आमरो पर परगट करीसेस, काहेकि आतमा सब

काही गोस्ती, अना परमेस्वर को सब भेद ला भी जाँच से, अना सबा छिपयो भबिस्य वानी ला भी जाना सेत। 11 मानूस मा लक कोनी, कोनी को भितर को गोस्ती ला जानासेत? सिरप वोच मानूस को आतमा, जोन वोको भितर सेत। वसोच परमेस्वर की गोस्ती ला भी कोनी नही जान सकासे। सिरप परमेस्वर को आतमा। 12 पर अमीला दुनिया को आतमा नही, पर परमेस्वर को आतमा भेद्यो सेत। जोन लक अमीला परमेस्वर ना जोन वरदान सुपस्त करयो सेत, वोला अमी जान सका सेजन। 13 जोनला आमी मानूस गिनको सिकायो गोस्ती पर नही, पर आतमा को सिकायो गयो गोस्ती मा आतमिक गोस्ती मिला-मिला के बखान करा सेजन। सांगनो को बेरा मा, मानूस को बुद्धि लक दियो गयो सबद नही, पर आतमा कन लक मिलियो सबद गीनला बौजासेन। ऐना रिती लक आमी आतमिक गोस्ती मा आतमिक घटना को बारे मा साँगा सेजन। 14 पर सुभाविक मानूस परमेस्वर की आतमा सिक्सा नही धरा सेत। पर वोना गियान ला उ बेवाकुपी समजा सेत। अना ओला समजन काबिल नाहती। काहेका आतमा की सहायता लक, ओना सिक्सा की परख भई सका से। 15 आतमिक मानूस सबच गोस्ती की परख कर लेवा से, पर कोनी भी उ मानूस की परख नही सका, 16 जसो गीरंथ मा लिख्यो से “पिरभु को मन कोन जानासे? कोन ओला सलाह दे सकासे?” अना अमी मा मसीह को मन बसयो हुयो से।

3 अगो संगीहनु! जोनको जवर आतमा सेत, उनको जसो मी तुमी लक गोस्ती नही कर सकयो। परा मोला एको उलटा तुमी लोकहुन लक अबा बिस्वास कियो मसीह जसो, तुमरो लक गोस्ती करनो पडयो। मजे कलिसिया को बहारि लोक जसो। जोन मसीह मा लेकरा जसो सेत। 2 तुम्हिला मोला दूध च पिलानो होतो। तुमी जेवन काबिल नही होतो। अना अबा भी तैयार नही सेव। 3 अबा तुम यो दुनिया को लोकगिन को जसो रक्खासेव। जबा तुमी मा ईरसा होवा सेत। अना तुमी एकमेक लक झगडा करा सेव। का एकोलक साबीत होवा सेत का तुमी यो दुनिया लक संबंध लक जी रहयो सेत। 4 जबा तुमरो मा लक कोनी कव्हासेत, “मी पौलुस को मघा चला सेऊ।” अना दुसरो, “मी अपोलुस को मघा चला सेऊ।” का तुमी दुनिया को लोक को जसो काम नही कर रहयो सेत? 5 अखट्ट मा, अपोलुस कउन सेत? अना पौलुस कोन सेत? अमी केवल परमेस्वर को सेवक सेत। जोनको लक तुम्ही बिस्वास करन को लाय तैयार भयी सेव। आमरो लक हरेक वोच काम करा सेत, जोन काम पिरभू ना उनला दियो होतो। 6 मिना बीज पेरो, अपोलुस ना फसल मा पानी चलायो। परा परमेस्वर ना वोला बढायो। 7 जोन फसल पेरा सेत, अना जोन पानी सिंचा सेत उनको कोनी मायना नाहती। परा फसल ला बढावन वालो परमेस्वर मायना राखा सेत। 8 लगावन अना सीचनवालो एकच काम करा सेत, अना हरेक आपरो-आपरो मेहनत को लक पगार पाहेत। 9 अमी परमेस्वर को लाय एक संग काम करन वालो संगी सेजन। अना तुम परमेस्वर को काम करन को छेतर सेव। अना तुमी परमेस्वर को इमारत सेव। 10 जोन बरदान परमेस्वर ना मोला दियो सेत, वोला बवजतो हुया मिना एक इमारत बनावन वालो इन्जनियर जसो, काम करीसेऊ। अना पाया धरीसेऊ, अना कोनी

वोको मा बनावअ सेत। परा हरेक ला हुसियार रक्हन को जरूरत सेत। का कसो बनावअ सेत। 11 यीसु मसीह घर को रद्दा सेत वोला छोड कोनी दुजो नीव नही डाक सकत। 12 नीव मा रद्दा राखत बेरा कोनी मानूस सोनो खरो कीमती गोटा काडी गवथ अना तनीस काम मा मनजे, 13 तो हरेक को काम परगट भई जाहेती। अना नियाव को दिवस उ सागेत। काहेका उ स्तो को संग परगट होहे। अना उ स्तो हरेक काम की परिकसा लेहेत का कसो सेत? 14 जोन को काम बनो रक्वे, ओला ईनाम मिलेह। 15 जोन को काम जर जाहे ओला ईनाम नही मिलेह, मंग उ बच जाहे, जसो कोनी स्तो पार करके बच जासे। 16 का तुमी नही मालूम सेत का तुमी परमेस्वर को मंदिर सेव? अना परमेस्वर को आतमा तुमी मा रहसे। 17 अदी कोनी परमेस्वर को मंदिर ला नास करा से, तो परमेस्वर ओला नास करा से। काहे की परमेस्वर को मंदिर पवीतर से, अना उ मंदिर तुमी सेव। 18 कोनी आपरो आप ला धोखा नोको देवे। अदी तुमी मा लक कोनी दुनिया मा अपरो आपला गियानी समजासे, तो अपरो आपला मुख बनाय ले। (aion g165) 19 काहेकि यो संसार को गियान, परमेस्वर को नजर मा अडियापन सेत। पवीतर गिरंथ मा यो लिखी से, “उ गियानी गीनला उनको चतुराई मा च फसावासे” 20 अना यो भी लिखीसे, “पिरभु जानासे की गियानी गीनको सोच विचार बेकार से।” 21 एकोसाडी कोनी मानूस पर गरब नही करे। सबच काही तुमरो च से। 22 चाहे उ पौलुस, अपुल्लोस अना कैफा होय, संसार होय या जीवन होय या मिरतु होय, बितो बेरा होय या भबिस्य होय-उ सबच तुमरो से। 23 पर तुमी मसीह का सेव अना मसीह परमेस्वर को से।

4 तुम्हि लोक अमिला एक मसीह को सेवक को रूपमा समजनो पाहिजे। परमेस्वर ना अमिला आपरो लुकयो हुया सच्चाई ला सांगन वालो बनायो गयो सेत। 2 असो सेवक गिनको लाय यो गोस्ती जरूरी सेत। का वय अपरो गुरू को लाय बिस्वास को काबिल होवने पाहिजे। 3 मोला एको जरासो भी चिन्ता नाहती। का तुमी लोकहुन मोरो नियाव करो। या मानूस को कोनी अदालत। मी स्वता आपरो नियाव नही करा सेऊ। 4 मोरो मन सफा सेत, परा यो साबीत नही करा सेत। का मी सही मा निरदोस सेऊ। परमेस्वर मोरो निरदोस होवन को फैसला करा सेत। 5 एकोलाय तुम्हिला सही बेरा आवन को पयले कोनी को फैसला नही करनो पाहिजे। आखीर फैसला परमेस्वर को आवन को रस्ता चोवनो पाहिजे। उ जोन राज इन्धार मा लुकयो सेत, उनला उजाड मा आनेत। अना लोक गिनको डिमाक मा लुकयो उईस्य ला उजागर करहेत। तबा सबला परमेस्वर को कन लक बडाई भेटेत जोनको वय हकदार सेत। 6 अपरो हित को लाय, मोरो संगीहनु! मिना अपोलुस अना मोरो उदाहरन लक यो गोस्ती सबा पर लागू करीसेऊ। जोन लक सबा सिक्सा आन के साजरो लक नियम को पालन करहेत। तुमीला कोनी पर गरब करनो अना कोनी ला नीच नही समजनो पाहिजे। 7 कोनना तुम्हिला दुसरो लक साजरो बनायो सेत? का परमेस्वर ना तुम्हिला सबा काही नही दियो सेत जो तुमरो जवर सेत? खरो सेत, मंग तुमी कसो घमंड करा सेव? असो, जसो का कोनी चीज दुसरो को दियो नाहती? 8 का सबा जरूरत को चीज पयले लक तुम्हरो जवर सेत? का पयले लक तुम्ही धनवान

सेव? का तुम्ही राजा सेव? भलो अमी नाहती, मोरो मनसा तो असो होतो का तुम्ही राजा होवतो अना अमी सब राज करबिन। 9 मोला ता असो लगासे, की परमेस्वर ना अमी पेरीत गिनला अखट्ट मा जघा दियो सेत। जसो का लोकगिन, अना सरगदूत गिनको पुरो दुनिया मा, अना मानूस गिनको लाय आपरो मौत को जुलुस हिटी सेत। 10 अमी मसीह को साठी मुरख सेजन, पर तुमी मसीह मा समजदार दास सेव। अमी कमजोर सेजन, अना तुमी ताकतवर सेव। तुमी ला ईज्जत भेटा सेत, पर आपरो बेइज्जती होवा सेत। 11 येना बेरा अमी भुको, तहान सेजन। फटयो-जुनो कपरा घालअ सेजन, मार खावा सेजन, आमरो संग बुरो बरताव होवा सेत, अमी बेघर सेत। 12 अमी कडो मेहनत करके हरेक जस्त ला पुरो करा सेजन। जबा कोनी अमिला सराप देवा सेत ता अमी असिरवाद देवा सेजन। जबा अमिला कोनी सतावा सेत ता अमी सहन करत। अमी आपरो हात लक मेहनत कर-करके थक जाय सेजन। 13 वय हमरो निंदा करसेति, अना हमि बिनती करा सेजन। वय हमरो सँग असो बरताव करा सेत, जसो अमी संसार को कचरा अना समाज का कुडा सेजन। 14 मि तुमला लजान काजी नही, पर आपरो चहेतो लेकरा समजके यो गोस्टी लिखके, सतरक करा सू। 15 अदी तुमरो कठा लगत गुस्गिन सेत, पर मसीह मा तुमरो लगत सा दआजी नाहती। काहेका, मसीह यीसु मा साजरा बारता लक मी तुमी लोक गीनको दआजी बनयो सेऊ। 16 अता मी तुमी लक बिनती करा सू, का तुमी मोरो जसो चलो। 17 योच कारन लक मीना, तीमुथियुस ला, जोन पिरभू यीसु मसीह मा मोरो चहेतो दुरा सेत। वोला मी तुमरो कठा धाडिसेऊ। वो तुमिला मसिहा मा मोरो भरोसा को लायक चाल चलन ला हेत करायेत। जसो का मी हरेक जघा कलीसिया मा सिक्सा देवा सेऊ। 18 काही लोकगीन घमंडी भई गई सेत। उनला असो लगा से, जसो मी उनको कठा आवनवालो नही सेऊ। 19 पर पिरभू को मरजी सेत, ता मी तुमरो कठा लवकर आहिन। अना गरब करनवालो, लोक गीनको ताकत को पता चल जाहेती। 20 काहेका परमेस्वर को राज, गोस्टी मा नाहती, पर वोको ताकत मा सेत। 21 तुमरो काजक मनसा सेत? का तुमी ला समजवन काजी बेत धरके आऊ? या पिरिम, अना नरमी आतमा आन कन आऊ?

5 अबा, सही मा यो आयकनो मा आवा सेत, का तुमरो बीचमा कु करम लगत फैल गयो सेत। असो कुकरम ता कोनी कुल को लोक गिनमा भी नाहती। मोला बतायो गयो सेत का एक मानूस आपरो मौसि माय को संग सो रहयो सेत। 2 मंग काजक को गरब, एको उलट तुमरो मा उदासी होवने पाहिजे। अना जोन मानूस ना असो काम कियो सेत वोला संगती लक बाहेर हेडो। 3 अना मी तुमरो बीच मा नही सेऊ, मी दुहुर सेऊ, मंग मन लक तुमरो संग सेऊ। तुमी असो समजो का मी तुमरो जवर सेऊ। मीना पयले लक पिरभू यीसु को नाव लक फैसला देवा सेऊ 4 का जबा तुमी संगति मा जमा होवने ता मोरो आतमा अना यीसु को ताकत लक, 5 वा मानूस को देह ला सैतान को हात मा सोप देवने। वोको देह तो नास भयी जाहेत। पर पिरभु को दिवस मा वोको आतमा बचायो जाहेत। 6 तुमरो गरब करनो साजरा नाहती। का तुमीला मालूम नहती? जरा सो खमिर सब

मलो कनिक ला खमीर बना डाका सेत, अना जसो हाना सेत का “एक मरो मसरी, सप्पा बोडी को पानी ला, खराब कर देवसेस।” 7 ता तुमी जुनो खमीर ला हेडके, आपरो आपला सूद करो, मजे नवा मलो कनिक जसो बन जावो, जसो तुमी सहीमा सेव। काहेका आमरो फसह को तिहार को पाठी, मसीह भी बली भईसेस। 8 एकोलाय आमी ना तो जुनो खमीर लक, ना तो बुराई, अना दुस्तपन को खमीर लक, पर बिना कपट को, अना खराई लक बेखमिरी भाकर लक, फसह को तिहार मनाबीन। 9 मि ना आपरो चिट्ठी मा लिखि सेव, का छिनरापन करनवारा को संगती नोको करजोस। 10 यो जस्सी नाहती, का तुमी, यो दुनिया को छिनरा, लालची, लुटेरा, अना मुरत पुजा करनवारा, लोकगीन को संगति नोको राखो। तब ता तुम्हिला दुनिया लक हीट जानो पडयेत। 11 पर मिना सहीमा, यो लिखि सेव का, अदी कोनी मसीह भाऊ कहलावा से, अना छिनरापन, लालची, मुरत पुजा करनवालो, सिवा देवनवारा, बेवडा, लुटेरा, होहे ता वोको संगति नोको करा जोस। पर असो मानूस को संग, जेवन नोको करा जोस। 12 काहेका मोला बाहेरवालो को नियाव करन लक काजक काम सेत? का तुम्हिला उनको न्याय नही करनो सेत? जोन कलीसिया मा सेत। 13 बाहेरवालो लोक गीनको नियाव, परमेस्वर करा सेत। पर तुमी असो खोटो काम करनवारा ला, आपरो बीच लक हेड देव।

6 का तुमरो मा असो कोनी मानूस सेत जोन आपरो च भाऊहुन को बीच मा कोनी झगडा होवने मा परमेस्वर को पवितर मानूस गिन को जवर नही जावा सेत, पर हिम्मत करके अन्यायी गिनको अदालत मा जावा सेत। 2 का तुमी ला नही मालूम सेत? का पवीतर लोकगीन दुनिया को सब लोक गीन को न्याय करयेत। अना यदी तुम्ही, सब दुनिया को लोकगीन को नियाव कराबिन। तो तुमी ऐना लहान-लहान झगडा-राड को नियाव स्वता काहे नही करा सेत? 3 का तुमी नही जाना सो, क आमी सरगदूत गिनको नियाव करबीन? ता का आमी, यो दुनिया को गोस्टी को न्याय करन काबील नाहती? 4 मंग जबा तुमी लोकगीन लाय, दुनिया को गोस्टी को न्याय करन लाय, अदालत सेत। तो का तुमी असो मानूस ला, न्यायलय बसा जोस, जोन कलीसिया मा काही नहती? 5 मी तुमला लजान काजी, नही सांगा सू। का यो खरो सेत, का तुमरो बीच मा कोनी गियानी भेद करन वालो नाहती? जोन आपरो भाऊ गीन को तन्टा ला सुलजा देवे। 6 अबिस्वासी गिनको पुढा, न्याय भेटन लाय आपरो भाऊ-भाऊ पर नालिस करा सो। यो तुमरो काजी सरम को बात सेत। 7 तबा ता खरो-खर तुमरो पयलो गलती योच सेत। का तुमी एक दुसरो पर नालीस करा सेव, तुमी हानी काहे नही सहा सेव? तुमच छल ला काहे नही सहा सेव? 8 एको उलट तुमी आपरो भाऊ गीनको संग अन्याव करा सेव। 9 का तुमीला नही मालूम सेत? का बदी करन वालो परमेस्वर को राज मा वारिस नही होहेत। धोखा नोको खावो, छिनरापन करनवारा, ना तो मुरत पुजा करनवारा, ना दुसरो को बायको संग सोवनवारा, छिनाल, 10 न तो चोर, बेवडा, न सीवा देवन वालो, ना तो लुट-खसोट करन वालो, परमेस्वर को राज को वारिस होहेत। 11 अना तुमी मा लक काही, असोच होतिन। पर

अबा तुमी पिरभू यीसु मसीह को नाव लक, अना आपरो परमेस्वर को आतमा लक, धोयो गयो, पवीतर करियात अना नेक बन गयो सेत। 12 तुमरो मा लक कोनी असो सांगेत, “मोला सब चीज बेखटका करन को अधिकार सेत।” “हव पर सब साजरा नाहती।” मी असो सांग सका स, “मोला सब चीज करन को सट सेत।” “पर मी कोनी चीज को गुलाम नहिसेऊ।” 13 कोनी असो भी सांगेत पर जेवन पोटको लाय, अना पोट जेवन को लायसेत। पर परमेस्वर, यो दुई को अन्त कर देहेत। मंग देह छिडरापन लाय नाहती, पर पिरभू काजी सेत, अना पिरभू देह काजी सेत। 14 परमेस्वर ना जसो पिरभू ला जिलायो, वसोच उ अमीला भी, आपरो ताकत लक जितो करयेत। 15 का तुमला मालूम नहती? तुमरो देह मसीह को आँग सेत। तो का मी मसीह को आँग ला धरके बेसिया को आँग बना देऊ? 16 का तुमीला यो मालूम नहती? जोन बेसिया को संग सोवा सेत, वो वोको संग एक देह होय जावा सेत, काहेका असो कव्हयो गयो सेत, का दुई एक देह होहेत। 17 पर उ जोन पिरभू लक संगत करतत, वोको संग एक आतमा होय जासे। 18 छिनालापन लक पराय जावो। अना सप्पा पाप, जोन मानूस करा सेत, वय देह लक बाहेर होवासेत। पर छिनालापन करनवारा, आपरो देह को बिरोध मा पाप करासेत। 19 का तुमिला मालूम नही सेत? का तुम लक हरेक को देह पवीतर आतमा को मंदिर सेत। जोन तुममा सेत, अना वा तुमिला परमेस्वर लक भेटयो सेत। तुमी आपरो नही सेव। 20 काहेका तुमी मोल देके सूटायो गयो सेव, एको एवज मा आपरो तन लक, परमेस्वर को महिमा करो।

7 अबा, तुमरो कन लक लिख्यो मामला गिनला निपटान को लाय। एक मरद साजरो लक बिहा नही करतत। 2 एकोलाय का उ लगत बायका को संग से। ता हरेक मरद को आपरो एकच बायको होवने पाहिजे। अना हरेक बायको को एकच बायको होवने पाहिजे। 3 एक मरद ला नवरा को रूपमा आपरो करतब पुरो करनो पाहिजे। वसोच एक बायको ला एक नवरी को रूपमा करतब पुरो करके दुई एक दुसरो को जरूरत पुरो करनो पाहिजे। 4 बायको ला आपरो देह मा हक नहती, पर वोको नवरा को सेत, वसोच नवरा को आपरो देह मा हक नाहती, पर वोकी बायको को सेत। 5 एक दुसरो ला यो हक लक दुहर नोको राखो, पर काही दिवस काजी, दुई को मनको लक, बेगरो भई जावोत, जेनको लक पिराथना काजी बेरा मिल जाहेती, मंग एक संग रव्हो, सैतान ला मौका नोको देव, का उ तुमरो परिक्षा करे। 6 पर मी तुमला यो परमिसन देवा स, यो हुकूम नाहती। 7 मंग मी चाव्हसु का, जसो मी कुंवारी सेऊ, वसोच सब मानूस कुंवारी रहेत, पर हरेक मानूस ला परमेस्वर कन लक, अलग-अलग बरदान भेटयो सेत। कोनी ला काही, तो कोनी ला काही? 8 पर अबा जोन कुंवारी अना बेवा सेत, उनला मी सांगा सेऊ का, उनको वसोच रव्हनो साजरा सेत। 9 वय बिना सादि को नही रव्ह सकसेत, ता वा सादी करा लेवे, तो साजरा सेत। काहेका लगन करनो, “बाडी कुदनो” लक साजरा सेत। 10 पर सादि-सुदा गिनला मी नही, पर पिरभू यो हुकूम देवा सेत, का बायको आपरो नवरा ला नोको सोडे। 11 पर अदी वा सोड भई देवे, तो पाठ नोको करे, पर

आपरो नवरा लक मिलाप करे, अना नवरा आपरो बायको ला नोको सोडे। 12 दुसरो लक पिरभू नही, पर मी सांगास, का अदी कोनी भाऊ को बायको बिस्वास नही राखा सेत, अना वोको संग खुसी लक रव्ह सेत तो उ वोला नोको सोडे। 13 जोन बायको को नवरा अबिस्वासी सेत, अना वोको संग रव्हन लक खुस रव्ह सेत, तो वा नवरा ला नोको सोडे। 14 काहेका असो भाऊ आपरो बायको को कारन लक पवीतर ठयरासेत, अना असी बायको जोन अबिस्वासी सेत, आपरो नवरा को कारन पवीतर ठयरासेत, असो नाहती तो तुमरो लेकरा बारा असुध्द होत्यो, पर अबा पवीतर सेत। 15 पर जोन नवरा भरोसा नही राखन वारा सेत, उ अदी बेगरो रव्ह, तो वोला बेगरो होवन देव, असो दसा मा कोनी भाऊ, अना बहिन कव्जा मा नाहती। काहेका परमेस्वर ना अमीला मेल करवान काजी हाकलि सेत। 16 काहेका अबो बायको! का तोला मालूम सेत? का तू आपरो नवरा ला बचाय सका सेत। अना अगो भाऊ! तोला का मालूम सेत? का तू आपरो बायको को ला बचा सका सेत। 17 जसो पिरभू ना हरेक ला दीयो सेत, अना जसो परमेस्वर ना हरेक ला हाकलि सेत, वसोच चले, मी सबा कलीसिया मा असोच ठहरावा सेऊ। 18 अदी कोनी खतना करवान वालो मानूस ना परमेस्वर को हाकलनो ला अपना लियो सेत, ता वोको खतना हटावन को कोसीस नही करनो पाहिजे। वसोच बिन खतना वालो मानूस ना, परमेस्वर को हाकलनो आयक के आयो सेत, ता वोको खतना नोको करवाओ। 19 न खतना काही सेत, अना खतना नही करवानो काही सेत पर परमेस्वर को हुकूम ला माननो सब काही सेत। 20 हरेक जन जोन दसा मा हाकलो गयो सेत वोच मा रव्ह। 21 अदी तू दास को दसा मा हाकलो गयो सेत, तो मनमा चिन्ता नोको कर पर तू खुल्ला हो सका सेत असो काम कर। 22 काहेका जोन दास को दसा मा पिरभू मा हाकलो गयो सेत, उ पिरभू को छुडायो गयो सेत, वसोच जोन छुटो सेत उ मसीह को दास सेत। 23 तुमी दाम देके छुटो कियो गयो सेव, एको लाई तुमी मानुसगिन को दास नोको बनो। 24 अगो भाऊ हुन जोन कोनी जोन दसा मा हाकलो गयो सेव उ वोच दसा मा परमेस्वर को संग रव्ह। 25 अबा कुंवारी टुरीगीन को बारेमा पिरभू को कोनी हुकूम, मोला नही भेटिसेत। पर बिस्वास को काबिल होवन को काजी, जसो दया पिरभू ना मोरो पर करिया सेत, वोको लक मी सला देवा सेऊ। 26 मोरो समज मा यो साजरा सेत, का आज काल को बखत को लक, मुसिबत को कारन, जोन जसो सेत, वसोच रव्ह। 27 अदी तोरी बायको सेत, तो वोको लक अलग नोको रव्ह, अना बायका नाहती, तो नोको व्हड। 28 पर तू लगन करजोस, तो ओ कोनी पाप नाहती, अना कुवारी को लगन भई जाय, तो कोनी पाप नाहती। पर असो मा तन ला दुख होहेत, वोको लक मी बचावनो चाव्हास। 29 ओ भाऊ हुन! मी असो कव्हस, का बेरा कम कियो गयो सेत। एकोलाय, तुमीला जोनको बायका सेत, उ असो रव्ह का जसो वोकी बायको नाहती। 30 अना रडनवारा असो रव्ह, मानो डोरा मा पानी नाहती। अना खुसी मनावनवारा, असो मनावे, जसो उ खुस नाहती। अना काही लेवनवारा असो लेवे, जसो वोको कठा काही नाहती। 31 अना यो दुनिया को चीज ला, असो काम मा लावो, मानो वोको कोनी जरूरत नाहती। काहेका दुनिया को यो स बदलतो

जाय रहोसेव। 32 एकोलाय मी तो असो चाव्हसे का तुमला काही बात को फिकर नोको होय। जोन कुंवारी सेत उ पिरभू को गोस्टी को फीकर करा सेत। अना उ पिरभू ला खुस करनो चाव्हसेत। 33 पर जोन सादी-सूदा सेत उ दुनिया दारी को चिन्ता करा सेत। अना उ वोको बायको ला खुस राखन चाव्हा सेत। 34 अना वोको धियान संसार मा बट जावासे, अखीन जोन कुंवारी सेत वोला पिरभू को आतमा को चिन्ता रव्हा सेत। का वा देह मन लक पवीतर होयहेत पर सादि-सूदा बायको, आपरो नवरा ला खुस राखन चाव्हा सेत। 35 मी यो गोस्टी तुमारो भलाई को लाय कव्हास, तुमला उलझान काजी नही, यो काजी जसो सोबा देवासेत वसोच करो। का तुम एक चित लक पिरभू को सेवा करो। 36 अदी कोनी असो जरूरी समजासेत का मी वा कुंवारी को हक्कमार रहि सेव, जोनको जवानी ढल रही सेत, अना जरूरत भी सेत तो उ जसो मरजी मा सेत बिहा कर सका सेत। यो मा कोनी पाप नाहती वोको बिहाव होवन देवे। 37 जोनको इरादा तय सेत, वोला जरूरत नाहती, असो समजासेत, वा आपरो मन ला आपरो बसमा राखा सेत, अना ठान लेवासेत का आपरो टूरी ला कुवारी राखनो सेत, उ साजरा करासेत। 38 मंग जोन आपरी कुवारी टूरी को लगन कर देसे उ साजरो करासेत, अना जोन लगन नही करासेत उ अखीन साजरा करासेत। 39 जब तकन कोनी बायको को नवरा जितो सेत, तब तकन वोको जोडा वोको संग बन्धो सेत, पर वोको नवरा मर गयो तो उ खुली भई गई वा पिरभू मा कोनी लक बिहा कर सका सेत। 40 पर मोरो बिचार लक जसो उ सेत वसोच रव्हे तो अखीन साजरा सेत। अना मी समजासू का मोरो मा परमेस्वर को आतमा सेत।

8 अबा मुरत गीनको पुडा चघायो हुयो बली को बारेमा, आमी जाना सेजन, अना आमी सकिंडिया मानूस ला यो मालूम सेत। पर पिरम लक सबको उन्नती होवासेत, पर गियान गरब ला पैदा करा सेत। 2 अदी कोनी असो समजा सेत का मोला सब मालूम सेत। तो जितरो वोला मालूम होवनो पाहिजे, वोतरो वोला साजरा लक मालूम नाहती। 3 पर अदी कोनी परमेस्वर लक माया राखासेत, ता परमेस्वर वोला चिन्हअ सेत। 4 ता आमीला मुरत गीनको पुडा चघायो हुयो जेवन को बारेमा आमीला मालूम सेत, का मुरती दुनिया मा काही नाहती। अना एक परमेस्वर ला छोड, कोनी दुसरो परमेस्वर नाहती। 5 अमीला यो मालूम सेत, का बादल अना धरती मा, ढगभर परमेस्वर सेत, अना पिरभू भी सेत। 6 मंग आमरो कठा एकच परमेस्वर सेत, मजे परमेस्वर दआजी जेनना सब चीज ला बनाइसेस, अना उ आमीला भी बनाइसेस, एकोलाय उ आमरो भी पिरभू सेत, वोच यीस मसीह सेत। 7 पर यो सत हरेक मानूस ला मालूम नाहती, काही लोकगीन, हाल मा मुरती पुजा करनवारा होतिन। वय मुरत गीन को पुडा चघायो हुयो जेवन समजके जेवत होतिन, अना उनको मन कमजोर होवन को कारन, अपवीतर हो जावासेत। 8 जेवन अमीला परमेस्वर को कठा नही धाडा सेस। अदी आमी जेवन नही करबीन, तो काही नुकसान नाहती। अना जेवन करबीन, तो काही फायदा नाहती। 9 पर सतरक रव्हजोस, असो ना भई जाय का, तुमरो यो हक कोनी निरबल बिस्वासी को पडन को कारन भई जाय।

10 काहेका कोनी तोरो जसो अक्कल वर ला, मुरत गीन को पुडा चघायो हुयो जेवन मंदिर मा जेवन करत चोवके, उ भी जेवन करन बस जाहेती। 11 असो रीत लक तोरो गियान को कारन लक, उ कमजोर बिस्वासी जोनको लाय मसीह मरयो सेत, नास भई जाहेती। 12 अना भाऊ-बहिनहुन को बिरोध मा, असो पाप करन लक अना उनको कमजोर बिचार को कारन लक, उनको दिल दुखान को पाप करतत, जोन मसीह को बिरोध मा सेत। 13 एकोलाय अदी मोरो जेवन, मोरो भाऊ अना बहिनगिन को लाय, पाप को कारन बना सेत, तो मी सदा जेवन नही जेहुं। कही असो ना भई जाय का, मी आपरो भाऊ अना बहिन को काजी पाप को कारन बन जाऊ। (aiōn g165)

9 का मी छुट्टा मानूस नही सेऊ? का मी पेरीत नही सेऊ? का मीना पिरभू यीसू ला नही चोविसेऊ? का तुमी लोक मोरो मेहनत को फर नोहोव? 2 मोला दुसरो लोकगीन पेरीत नही माना सेत, तो का भयो, मी तो तुमरो काजी पेरीत सेऊ। काहेका तुमी लोकगीन, पिरभू मा मोरो पेरीत होवन को चिन्ह सेव। 3 जोन लोकगीन बिना जाँच को मोरो पर लान-छान लगावासेत, उनला आपरो बारेमा मोला यो सांगनो सेत। 4 का हमला खावन-पिवन को हक नाहती? 5 का अखीन पेरीत गीन पिरभू को भाऊ गीन, अना कैफा को जसो, हमला आपरी मसीही बहिन ला बायको बनावे आपरो सँग लेजान को हक नाहती? 6 का मि अना बरनबास, आपरो जिन्दगी चलान को लाई काम करन को हक सेत। 7 का यो कबच आयकनो मा आयो, की कोनी आपरो खरचा लक सेना मा सेवा करासे? कोनी अंगूर को बारी लगायके, ओको फर नही खावासे? कोनी पालतु जनावर पालके ना करप को देख-रेख करके, ओना जनावर को दुध नही पिवा से? 8 यो मि सादो जीवन को उदाहरन लक नही कव्ह रही सेव। पर मोसे को नियम पवीतर गिरंथ भी योच कव्हासे। 9 काहेकि मोसे को नियम मा लिखयो से, तुमी गाहानी करतो बेरा बईल को पर मोहरका नोको लगाने। का परमेस्वर ला बईल गीनको चिन्ता से? 10 या उ हमरो लाई यो जरूरी कव्हासे? यो पक्को हमरो लाई लिखी से; काहेकि यो बेस से की, उपज को हिस्सा मिलन की आस लक जोतन वालो नांगर चलाहे। अना दावन वालो दावनी करेत। 11 अदी अमीना आतमिक बीज बोया सेजन, तो का हमी दुनिया को देहिक फर खावन-पिवन को चीजको आस नही राखबीन? 12 अदी दुजो लोकगीन ला तुमी पर यो हक से, तो का बराबरी मा हमरो लगत हक नही? मंग हमीना यो हक ला नही बवजसेजन, काहेका हमी मसीह को साजरो बारता मा कोनी बाधा डाकनो नही चाव्हा सेजन। एको लाई हमी, हर तौर लक दुख उठासेजन। 13 का तुमी लोकगीन नही जानोह, की मंदिर मा धरम सेवा करनवारा ला, मंदिर लक जेवन मिला से। अना वेदी की सेवा करन वारा, वेदी की चघावा को हिस्सेदार सेत। 14 असोच पिरभू ना हुकूम देइसेस, का साजरा बारता आयकावान वारा, साजरा बारता आयकवा के, आपरो जिंदगी को रूजूक भाकर चला सका सेत। 15 पर मिना ऐना हक को बवजको कोनी मतलब को लाय नही कियो। अना यो मि एकोलाय नही लिख रही सेव, की अबा मोरो लाई असोच कियो जाहे। मि भलाई मर जाहुं, बल्की मि आपरो आपच ला ऐना महिमा लक छुटयो नही सेऊ। 16 मि यो गोस्टी पर

गरब नहीं कस्सु, की मि साजरो बारता को सौंगन वालो सेऊ। मि तो यो काम करन को लाई मजबुर सेव। हाय! से मोला, अदी मि साजरो बारता ला नहीं सांगु। 17 अदी मि आपरी मनसा लक यो कव्हसू, तो मोला ईनाम को हक से, पर मि आपरी मरजी लक यो नहीं कस्सु। मोला जोन काम भरोसा लक सौपियो गई से मि ओला पूरो कस्सेऊ। 18 तो ईनाम पर मोरो कोन तो हक से? अना मि साजरो बारता को बारे मा आपरो हक ला काम मा नहीं आनु सेऊ। उ यो से का मी फोकट मा, साजरो बारता ला सांगा सेऊ। 19 सबच लोकगीन लक सूटकारा होवनो को लाई मिना आपरो आपच ला सबच को दास बनाय लेईसेऊ। जेनको लक मि लगत लोकगीन को सूटकारा दिलाय सकु। 20 मी यहूदीहुन लाय यहूदी जसो बन गयो, का मी यहूदीगीन ला मसीह मा आन सुक, जोन लोक मोसे को नियम को बस मा सेत, उनला पावन लाई मि कानुन को कब्जा मा जसो बन गयो। अता मि वाकई मा कानुन को कब्जा मा नहीं सेव। 21 जोन लोक मोसे को नियम नहीं माननवारा सेत, उनला पावन को लाई मि उनको जसो गैर यहूदी मोसे को नियम नहीं माननवारा बन गयो, अता मसीह को नियम को लक होवनो को कारन मि वाकई मा परमेस्वर की कानुन लक छुटयो नहीं सेव। 22 मि कमजोर को साठी कमजोर जसो बनयो, जेनको लक मि उनला पाय सकु। मि सबच को साठी सब काही बन गयो। जेनको लक कोनी ना कोनी तरह लक लोकगीन को सूटकारा कर सकु। 23 मि यो सब साजरो बारता को लाई कर रही सेव, जेनको लक मी दुसरो को संग यीसु को दया को हिस्सादार बन जाऊ। 24 का तुमला नहीं मालूम सेत, का धावन को मैदान मा सबच धावसे, पर कोनी एक ला ईनाम मीलासेत। मजे तुमी असो धावो का ईनाम तूमी ला भेटे। 25 सबा धावन वारा धिरज यो काजी राखासेत, का वोला जीत को मुकुट मिलनो सेत। पर आमी तो कदी नास नहीं होवन वारा अमर मुकुट काजी मेहनत करसेजन। 26 एकोलाय मी एक “निसान साधके तीर चलावसू” मी अन्दाज लक तीर नहीं छोडसे 27 मी आपरो देह ला तकलीप देवासू, अना वोला आपरो बस मा राखासू। कही असो ना भई जाय का दुसरो ला परचार को मधा, मी खुद वोको पर चलनवारा नहीं बनू कही लोक असो ना कव्हे का “दियो खाल्या अँधार सेत।”

10 मी तुम्हिला हेत करानो चाव्हा सेऊ। मोरो संगीहुन, मोसे को मधा चलनवारी आमरो आज्ञा पुरखा हुन को संग काजक भयो होतो? वय सबा बादर को भीतर सूरक्षित होतिन, अना लाल सागर को वोनानगन गयीन। 2 अना सबा ना सागर अना बादर को बीच मा मोसे को बसिस्मा लेइन। 3 अना सबा ना एकच आतमिक जेवन करियो। 4 अना सकडिया एकच आतमिक पानी पियीन। काहेका वय वा चट्टान लक पियिन जोन उनको संग-संग चलत होतो अना उ चट्टान मसीह होतो। 5 पर परमेस्वर उनमा लक लगत लक हिजड़ गयो। एकोलाय वय जंगल मा मर मीट गईन। 6 यो घटना उदाहरन को स्पमा सेत। अना हमला यो सिक्सा देसेत, की आमीला उनको जसो बुरो चीजगीन को लोभ नहीं करनो से। 7 उनमा लक कही लोकगीन को जसो तुमी मुरत पुजा करनवारा नोको बनेन, जोन को बारे मा यो लिखी से, “वय खावन-पीवन को साठी बसीन, अना

आँद मनान को लाई उठीन।” 8 अमी नोको करहीं छिनालापन, जसो की उन मा लक काही लोकगीन ना करीन। अना एकच दिवस मा तेईस हजार मर गईन। 9 अमी मसीह को परीक्सा नहीं करबिन, जसो की उनमा लक काही लोकगीन ना करीन अना सरप गीन ना उनला नास कर देईन। 10 तुमी लोक नहीं कुडकुडायत, जसो की उनमा लक काही कुडकुडाईन अना नास करन वालो ना उनला नास कर देईन। 11 यो सब उदाहरन स्प लक उन पर बितयो अना अमिला चेतानी देवन साठी लिखी गई से, जोन जुग को आखरी मा पायो जावसे। (aion g165) 12 एको लाई जोन यो समझसे से की मि बिस्वास मा मजबुत सेव, उ सतरक रव्हने। कहीं असो न होयहेत की उ भटक जाहे। 13 तुमी अबा असो कोनी परीक्सा मा नहीं पडयो सेव, जोन मानूस को ताकत लक बाहेर होय। परमेस्वर भरोसा लायक अना सतको से, उ तुमला असो लोभ लालच मा पडन नहीं देहे, जोन तुमरी ताकत लक बाहेर होय। उ लोभ लालच को बेरा तुमला ओको लक हिटन को रास्ता चोवाहे, जेनला तुमी सह नहीं सको। 14 मोरो माया को भाउ अना बहिनगीन। तुमी मुरत पुजा लक दुर रव्हो। 15 मि तुमी लोकगीन ला समझदार जानके यो कव्ह रही सेऊ। तुमच खुद मोरी गोस्टी पर बिचार करके तय करहो। 16 संगती मा उ धन्य वाद को बटकी जोन पर आमी धनवाद करासेत, का मसीह को खून को हिस्सादार नहीं। उ भाकर जोन ला आमी तोडके जेवेसेजन का उ मसिहा को देह को हिस्सादार नाहती। 17 एकोलाय एकच भाकर सेत अना आमी भी लगत मानूस सेत। एकच देह से, काहेका आमी सबा वोच भाकर को हिस्सादार सेजन। 18 जोन देह को हिसाब लक इसरायल सेत उनला चोवो। का बली चधान को वेदी मा लक जेवनवारा हिस्सादार नाहती। 19 मंग मी का कव्हसू? का मुरत गीन को पुडा चघायो हुयो जेवन काही सेत? का मुरती काही सेत? 20 नहीं पर गैर बिस्वासी लोकगीन जोन बली करासेत, उ परमेस्वर काजी नहीं पर बुरो आतमा काजी करासेत? अना मी नहीं चव्हासू का तुमी बुरो आतमा को हिस्सादार बनो। 21 तुमी पिरभू को बटकी अना बुरो आतमा को बटकी दुई मा लक नहीं पीव सकसो। तुम परभू को पवीतर जेवन अना बुरो आतमा को जेवन दुई को हिस्सादार नहीं बन सका सो। 22 का आमी पिरभू ला हिजड़ावा सेजन। क आमी वोको लक जादा ताकतवर सेजन? 23 सब चीज मोरो काजी साजरो से पर सबा फायदा को लाय साजरो नाहती? 24 कोनी आपरो फायदा नहीं पर दुसरो को बारे मा सोचो। 25 जो काही खटिक को घर मा बिका सेत उ सब बिना जाँच को जेवन करो। अना मन मा सक नोको करो? 26 काहेका धरती अना जोन काही सेत सबा पिरभू को सेत? 27 अदी कोनी गैर मसीही को घरमा कोनी निवता देवे अना तुमी जावो तो जोन काही तुमला परोसे मन मा बिचार कियो बगेर, उ सबा जेवन करो नोको परख करो 28 पर यदी कोनी तुमला कहे, यो तो मुरती पर चघायो गयो सेति, तो वोको मन लक कव्हनो को लक नोको जेवन करो? 29 पर मोरो मतलब तुमरो तय करन लक नहीं सेत। पर दुसरो मानूस को आपरो मन मा काजक तय कर सेत? “काहेका मोरो सूटकारा दुसरो को दिल दुखन को कारन नोको बने।” 30 अदी मी धनवाद को पिराथना करके जेवन करासू तो जोन जेवन काजी मी परमेस्वर ला

धनवाद देवसू वोको कारन कोनीला मोरो निन्दा करन को अधिकार नाहती। 31 एकोलाय तुमी चाहे जोन जेवन करो पिवो, जोन काही भी करो वा मा परमेस्वर को महिमा होवो जस्सी सेत। 32 तुमी ना तो यहदी हुन अना यूनानी गीन को लाय ना परमेस्वर को कलीसिया को लोकगीन काजी पडन को कारन बने? 33 जसो मी सब गोस्टी लक सबला खूस राखासू अना आपरो नही पर लगत मानुसगिन को भलो चव्हासू, का लगत मानुसगिन को सूटकारा भई जाये।

11 तुम लोकगीन जसो-जसो मी करासू तसोच-तसोच करो काहे का जसो मसीह पिरभू करासेत वसोच मी भी करासू। 2 तुमी मोरो हरेक बात को ध्यान राखासो अना जोन-जोन नेम मीना तुमला सांगिसेऊ उनमा तुमी बने रव्हासो एकोलाय मी तुमरो बडाई करा सेऊ। 3 मंग तुमला यो गोस्टी सांगने चव्हा सेऊ, का मसीह हरेक मरद को डोस्का सेत अना मरद आपरो बायको को डोस्का सेत। पर मसीह को डोस्का परमेस्वर सेत। 4 जोन भविष्यवक्ता डोस्का ला ढाकके पिराथना करा सेत, वा मसीह को बेइज्जती करा सेत। 5 अना जोन बायको बिना पल्ला लियो भविष्यवानी पिराथना करा सेत, व आपरो डोस्का नवरा को बेइज्जती करा सेत। काहेका तबा वा टकली बायका जसी सेत। 6 अदी कोनी बायका आपरो डोस्की मा पल्ला नही डाकासेत तो वा छुरा लक आपरी चुन्दी मुडवा लेवे। तबा वा टकली बायका लाज को मारे डोस्का मा पल्लो राखेत। 7 हव मरद ला आपरो डोस्का ढाकने जस्सी नाहती। काहेका उ परमेस्वर को स्प अना महिमा सेत। पर बायका मरद को महिमा सेत। 8 काहेका मरद बायको लक नही, पर बायका मरद लक बनिसेत। 9 अना मरद बायका लक नही पर बायका मरद लाय बनायो गयो सेत, 10 एकोलाय सरगदूत गिनको कारन सहि सेत का अधिकार आपरो डोस्का मा राखे 11 मंग पिरभू मा बायको, को बिना मरद को, अना मरद बिना बायका को नोको रव्हे। 12 काहेका जसो मरद लक बायको बनिसेस वसोच बायका लक मरद को जन्म होवा सेत, पर सब को बनानवारा परमेस्वर सेत। 13 तुमी खुदच तय करो का यो सही सेत का आई माई गीन बिना डोस्की मा पल्ला लियो, परमेस्वर लक पिराथना करे? 14 का यो खुदच नही चोवा सेस का लम्बो चुन्दी राखने मरद काजी लाजको बात सेत। 15 पर लम्बो चुन्दी आई माई गीन को सोभा महिमा सेत, काहेका उनला ओढनी काजी परमेस्वर ना लम्बो चुन्दी देइसेस। 16 अदी कोनी एको बारेमा बकबक करनो चाव्ह सेत तो यो जान लेवेका आमरो कठा कोनी दुसरो नियम नाहती, अर ना परमेस्वर को कलीसिया मा दुजो नियम सेत। 17 पर यो हुकूम देवत तुमीला सबासी नही देवसू, काहेका जबा तुमी जमा होवा सो तबा तुमरो भलो काम पर बुरो लगत होवासेत। 18 पयलो गोस्टी यो सेत का मोरो आयकन मा यो आईसेस का जबा तुमरो यहान कलीसिया धरम सभा होवासेत, तो तुमरो बीचमा दल बन जासे अना मि यो बात मा एक हद तकन भरोसा करासू। 19 तुमी लोक गीनमा असो होवो जस्सी सेत। जेनको लक यो पता चलहेत, का कोनी काबील अना खरो सेत। 20 जबा तुमी लोकगीन जसो पवीतर जेवन काजी जमा होवा सो। उ पवीतर जेवन कहानो को काबील नाहती। 21 काहेका हरेक मानुस सटाकनारी आपरो-आपरो

जेवन करन ला बस जावा सेत। असो कोनी खाली पोट अना कोनी भरपेट जेवन करा सेत। अना कोनी लगत पी डाकसेत। 22 का जेवन करन अना पिवन लाय तुमरो घर नाहती? का तुमी। परमेस्वर को कलीसिया ला दूतकार सो अना गरिब गोर गिनला निचो दिसावसो? का मी तुमला साबासी देऊ तुमी साबासी को काबिल नही सेव। 23 जोन नेम-धरम मीना तुमला सोपिसेव, उ मोला पिरभू लक भेटयो सेत। मजे जोन रात मा यीसु धरायो गयो, वोना भाखर लियो अना 24 अना धनवाद को पिराथना करन को मंघा वोला तोडिस, अना कहीस “यो मोरी देह सेत जोन तुमरो लाय सेत। असोच मोरो हेत मा करत रव्हेने।” 25 असोच जेवन को मंघा उ बटकी लियो अना कव्हयो यो मोरो रकत को नवा करार सेत। जबा-जबा तुमी यो बटकी लक पिवो तो असो मोरो हेत मा करो। 26 असो जबा-जबा तुमी पवीतर जेवन करसेव अना यो बटकी लक पिवसो तो पिरभू को आन तकन लक वोका मरन को गोस्टी सांगसो। 27 एकोलाय जोन मानुस बिना सोचे समझे यो पवीतर जेवन करासेत अना बटकी लक पियासेत उ पिरभू को देह अना रकत को बिरोध मा गुना करासेत। 28 एकोलाय आपरो हिरदय ला परख लेव को मंघा च मानुस यो पवीतर जेवन करे अना बटकी मा लक पिवे। 29 काहेका जोन मानुस देह को भेद बिना जाने जेवन करासेत अना बटकी लक पिवसेत उ आपरो पर सजा आनासेत। 30 योच कारन से का तुमी मा लक लगत झन बिमार अना कमजोर सेत अना कही तो मर गईन। 31 अदी आमी आपरो हिरदय को बिचार ला सही-सही तय करसिन तो आमरो पर कोनी संका नाहती अना कोनी दोस नोको लगसिन। 32 पर पिरभू अमीला दन्ड देके अमीला मारसेत का आमी दुनिया को संग खोटो नोको पायो जाबिन। 33 एकोलाय मोरो भाऊ अना बहिनहुन जबा तुमी पवीतर जेवन लाय जमा होवा सो तो एक दूजो लाय स्को। 34 अदी कोनी ला भूख लगे तो वा आपरो घरमा जायके जेवन करे। जोको लक तुमरो सभा मा सजा को करन नोको बने। बाकी बात ला मी आयके ठीक कर देबिन।

12 अगो मोरो संगीहून! आमी लोकगीन को असो मनसा सेत का तुमला पवितर आतमा को बरदान को बारेमा साजरा लक मालूम भई जाय। 2 तुमी जाना सो का जबा तुमी दुसरो लोकगीन को नेम धरम ला माननवारा होतो तबा तुमी गुंगो मुरत को दिवानो होतो। 3 एकोलाय मी तुमी लोकगीन ला सांगा सेऊ का कोनी मानुस परमेस्वर को आतमा लक असो नही कव्ह सका सेत, का यीसु सिरापित सेत। अना कोनी मानुस पवीतर आतमा को बिना असो नही कव्ह सका सेत, का “यीसु च पिरभू सेत।” 4 बरदान तो लगत होवासेत, पर आतमा एकच सेत। 5 सेवा लगत तरिका लक होवासेत, पर पिरभू एकच सेत। 6 मानुस ला दिसान को काम लगत सेत, पर परमेस्वर एकच सेत। जोन सब काम करवासेत अना रकम-रकम को काम वोको ताकत लक होवासेत। 7 पर सबको फायदा करान काजी आतमा को उजाडा हरेक ला भेंटा सेत। 8 कोनी ला आतमा लक अक्ल को गोस्टी आयकवान काजी, कोनी ला वोच आतमा लक गियान को सबद बोलन को, 9 अना कोनी ला वोच आतमा लक बिस्वास करन को बरदान, अना बिमारगिन ला साजरा

करन को बरदान, 10 कोनी ला अचंभा को काम करन को बरदान, उपदेस देवन को बरदान सेत। मोला सबा परकार को गियान हो सका कोनीला भविष्यवानी करन को बरदान, कोनीला आतमा गिनला परखन को बरदान, कोनीला अना-अना भासा बोलन को बरदान, तो हटान को बिस्वास सेत। पर पिरम नाहती तो काही नाहती। 3 अदी कोनीला वोला समजावन को बरदान देवा सेत। 11 यो सब काम एकच आतमा को लक होवसेत। अना आपरो मन को लक, यो सबा दान भेटासेत। 12 मानूस को देहे एकच सेत। पर वोमा गजब अंग होवसेत अना सब मिलके एक देह बन जासेत। मसीह को बारे मा भी असोच सेत। 13 आमी यहूदी सेत चाहे गैर यहूदी सेत दास या मालीक आमी सब को सब एकच आतमा लक बसिस्मा लक एकच देह बन गयो सेत। आमी अब लक एकच आतमा दियो गयो सेत। 14 जसो देह मा गजब अंग सेत। पर देह तो एकच सेत। 15 अदी पाय सांगेत, का मी हात नहीं सेव एकोलाय मी देह नहीं सेव, तो का उ यो कारन लक देह को आँग नहीं से? 16 अदी कान कहे का मी डोरा नहीं सेव, यो काजी मी देह को नहीं सेव। तो काहे यो कारन लक देह को अंग नहीं? 17 अदी पूरो देह डोरा च होतो, तो उ कसो आयकत होतो। अदी सप्पा देह कान होतो तो कसो सुधतो? 18 सही मा परमेस्वर ना आपरो मनसा को लक हरेक अंग ला देह मा, जघा दियो सेत। 19 अदी सब के सब एकच आँग होतो। तो देह कहान होतो। 20 सही मा गजब सो अंग होवन पर भी एकच देह होवसेत। 21 डोरा हात लक नहीं कन्ह सका से, का मोला तोरो जरस्त नाहती। अना डोस्का पाँय लक नहीं कन्ह सका सेत मोला तोरो जरस्त नाहती। 22 पर एको उलट देह को जोन आँग कमजोर समझो जावा सेत वय जादा जरसी सेत। 23 अना देह को जोन आँग ला आमी आदर को काबिल नहीं समजा सेत वोच ला आमी जादा आदर देवे सेजन। अना आमरो सोभा देवनवारा आँग गजब साजरा होवा जासे। 24 मंग आमरो सोभा देवनवारा बदन ला एको जरस्त नाहती, पर परमेस्वर ना देहला असो बना देइसेस, का जोन आँगला आदर को कमी होती वोला च गजब आदर मीले। 25 जेमे लक देह मा फूट नोको पड़े, पर आँग एक दुसरो को बरोबर चिन्ता करे। 26 एकोलाय अदी एक आँगठी मा दुख लगासेत तो दुजोला झार लगासेत। अना एक को बड़ाई होवसेत तो सारो देह खुस भई जासे। 27 असोच तुमी सबा मिलके मसीह को देह आव अना अलग-अलग वोको आँग सेव। 28 अना परमेस्वर ना कलीसिया मा अलग-अलग बरदानी मानूस ठहराइसेस। पयलो पेरीत दूजो भविष्यवक्ता तिजो गुरू, मंग अचंभा काम करनवारा, मंग बिमारला साजरा करनवारा, अना उपकार करन वारा, अना बेवस्था करनवारा अना लगत भासा बोलन वारा 29 का सब पेरीत सेत? सब भविष्यवक्ता आवनवारा गोस्टी सांगनवारा सेत? का सब गुस्सेत? का सब अचंभा को काम करन वारा सेत? 30 का सबला बिमारगिन ला साजरा करन को बरदान भेटिसेस? का सबच अना भासा बोलसेत? का सबच अनुवाद करनवारा सेत? 31 चाहे जसो होहे तुमी साजरा लक साजरा बरदान पावन को धुन मा रव्हो। पर मी तुमीला एक साजरा मारग सांगा सू।

13 मोला दुनिया को सबा भासा आवा सेत, अना सरगदूत को भासा भी आवा सेत। अना मोरो भीतर पिरम नाहती तो मोरो बोलनो पितर को झनकार जसो सेत। 2 अदी मोरो जवर पेरीत जसो

उपदेस देवन को बरदान सेत। मोला सबा परकार को गियान हो सका सेत, अना सबा राज की गोस्टी समजनो असान सेत। पहाड ला हटान को बिस्वास सेत। पर पिरम नाहती तो काही नाहती। 3 अदी मी आपरो धन कंगालगिन ला दे देऊ, अना आपरो देह ला जलन काजी दे दू अना माया नहीं राखू तो काही फायदा नाहती। 4 माया सहन करनवारा सेत अना दयालू सेत। माया न तो जलन करासेत ना डींग हाका सेत ना गरब करा सेत। 5 माया सोभा नहीं देवनवारा हिजड़ा सेत अना बुराई को गिनती नहीं राखा सेत। 6 उ अन्याय लक नहीं, पर सचो चाल लक खूस होवसेत। 7 उ सबा काही ला ढाँक देसे, सबा काही पर भरोसा ठेवा सेत। सबा काही को आस राखासेत, अना सबा सह लेवा सेत। 8 भविष्यवानी चली जाहेत भासा मुका हो जाहेती। अना गियान मीट जाहेती, पर माया को अन्त नाहती। 9 काहेकी आमरो गियान, अना आमरो भविष्यवानी अधूरो सेत। 10 अना जबा पूरो आय जाहे, तो जोन पूरो नाहती वा मिट जाहेती। 11 जबा मी लेकरा होतो तो मी लेकरा बारा जसो बिचार करत होतो। लेकरा जसो होतो अना वसोच समज होती। पर जबा मी सियानो बन गयो, तो लेकरा जसो गोस्टी छोड़ दियो। 12 अबा अमीला आरसा मा धुधरो-धुधरो चोवा सेत पर वोना बेरा तहताज चोवबिन। अबा तो मोरो गियान अधूरो सेत, पर तबा मी वसोच पूरो लक जानीन, जसो परमेस्वर मोला जानिसेस। 13 पर अबा भरोसा, आस, माया यो तीन हमेसा रव्हेत, पर यो सबा लक मोठो पिरम सेत।

14 पिरम मा बडत चलो। अना भविष्यवानी को बरदान पान को धूनमा लगयो रव्हो। खास करके परमेस्वर को कन लक सांगन को। 2 काहेका जोनला दुसरो को भासा मा बोलन को बरदान भेटयो सेत, वा सहीमा मानूस लक नहीं पर परमेस्वर लक गोस्टी करासेत। काहेका ओको कोनी नहीं समजा सेत पर उ आतमा मा भेद को गोस्टी करा सेत। 3 पर जोनला परमेस्वर कन लक भविष्यवक्ता को बरदान भेटयो सेत, उ आतमीक उन्नती सिक्सा अना सान्ती देवनलाय मानूस लक सांगा सेस। 4 अना जोन दुसरो को भासा सांगासेत, वा आपरो च उन्नती करा सेत। पर जोन भविष्यवानी करा सेत उ कलीसिया को उन्नती करासेत। 5 अब मी चाव्हा सू का तुमी सबा अना भासा सांगो, पर एको लक बडके यो का तुम भविष्यवानी बोलो। काहेका जोन परमेस्वर कन लक बोला सेत, वा वोको लक बडके सेत, जोन दुसरो को भासा सांगासेत। काहेका वा दुसरो को भासा मा तो सांगासेत, पर ओको अनुवाद नहीं कर सका सेत। जोनलक कलीसिया को उन्नती नहि होवत। 6 अगो भाऊ हुन अदी मी तुमरो जवर आयके दुसरो भासा मा बोलू तो मोरो लक तुमला काजक फायदा होहेत। जब तकन मी परमेस्वर कन लक बोलके परकास अना गियान को सिक्सा को गोस्टी ला सांगु। 7 यो बोलनो तो असो सेत, जसो बंसरी अना बीना जसो बेजान बाजा को आवाज अदी वोको लक पैदा होवन वारा आवाज मा कोनी भेद नहीं तो कसो पता चलहेत का बांसरी अना बीना मा कोनतो धुन बज रहिसेत। 8 अना यदि बिगुल लक साजरा आवाज नहीं हिटेत ता

लड़ाई को काजी कउन तैयार होयेत? 9 असो परकार कोनी दूसरो भासा मा जबा तकन का तुमी साजरा लक ना बोलो तबा तकन कोनी कसो समज सकेत। तुमीना काजक कव्हासेव? काहेका असो मा तुमी ता वारा मा सांगन वालो च रव्ह जाहेत। 10 योमा कोनी सक नाहती, का दुनिया मा लगत भासा सेत। उनमा लक कोनी बेअरथ नाहती। 11 एकोलाय जबा तकन मी वोना भासा को जाननवालो नही सेऊ, तबा तकन, बोलन वालो को लाय मी परदेसी कहलाईन, अना वा बोलन वालो भी मोरो लाय एक परदेसी जसो सेत। 12 तुमरो बारे मा भी योच बातसेत। तुम लोकगीन आतमिक बरदान को धुनमा रव्हासो। एकोलाय असो बरदान ला पावो जोन कलीसिया बनान मा उन्नती करे। 13 मजे जोन दूसरो भासा मा बोला सेत, वोला पिराथना करनो पाहिजे, का आपरो सांगयो गयो गोस्टी को अरथ भी सांग सकेत। 14 काहेका अदि मी कोनी दूसरो भासा मा पिराथना करू ता मोरी आतमा पिराथना करासेत। परा मोरी अक्कल बेकार सेत। 15 मंग मला काजक करनो पाहिजे? मि आपरो आतमा लक पिराथना करू अना अक्कल लक भी। मी आपरो आतमा लक गाना गावबिन अना अक्कल लक भी 16 काहेका अदी तू आतमा च लक धन्यवाद करजोस, तो वहान को अनजान मानूस तोरो धनवाद मा ओमेन कसो सांगेत? काहेका उ यो नही जानासेस का तु काजक कव्हासेत? 17 तोरो धनवाद कितरो च साजरा होहेत पर दुजो मानूस को कोनी काम को नाहती। काहेका वा मा वोको काही भी आतमिक उन्नती नाहती। 18 परमेस्वर को धनवाद करासू का मी तुम सब लक बडके दूसरो भासा बोलआ सेऊ। 19 परा कलीसिया मा दूसरो भासा को दहा हजार सबद सांगनो लक, आपरो अक्कल लक पाँच सबद च बोलनो साजरा समजा सेऊ। जोन लक का दूसरो ला भी सिक्सा भेटेत। 20 अगो भाऊ अना बहिनहुन, आपरो समज मा लेकरा नोको बनो। वसो बुराई करन ला लहान सो लेकरा बनो, परा समजन लाय सियानो बन जावो। 21 गिरिंथ मा असो लिखयो सेत “पिरभू सांगा सेत, मी परदेसी बोलि बोलन वालो, परदेसी गिनको होठ लक यो जाती लक गोस्टी करीन। पर यो लोकगीन मोरो गोस्टी नही आयकेत।” 22 एकोलाय दूसरो भासा बोलन को बरदान अबिस्वासी गिनको लाय इसारा करा सेत। बिस्वासी गिन लाय नाही। परा परमेस्वर कन लक बोलनो, अबिस्वासी लाय नाहती, बल्की बिस्वासी गिनको लाय सेत। 23 अता कलीसिया जबा एक जघा जमा होहे अना सबको सब दूसरो-दूसरो भासा बोलन लगेत, अखीन बाहेरवालो अबिस्वासी भितर आय जाय तो का वय तुमला बैताड नोको कहेत? 24 परा अदी हरेक भविस्वयानी बोल रहयो सेत, अना काही अबिस्वासी बाहेर लक आय जाय, ता सबा लोक उनको पाप ला चोवा देहेत, अना सबा लोकजोन कव्हासेत, वोको चमा वोको नियाव होहेत। 25 अना उनको मन को भेद परगत भई जाहेती। तबा वय पाय मा पडके परमेस्वर को स्तुति करन लगहेत, अना मान लेहेत का सहि मा परमेस्वर तुमरो संग सेत। 26 एको निचोड काजक सेत? अगो भाऊ अवो बहिन हुन! जब-जब तुमी पिराथना काजी जमा होवा सो तो कोनी भजन गावा सेत कोनी सिक्सा देवा सेत, कोनी आपरो आपला मिलयो सच सांगासेत। कोनी दूसरो भासा बोला सेत। तो कोनी वोको मतलब सांगासेत, यो सब लक कलीसिया को उन्नती होवनो पाहिजे।


27 जहान तकन दूसरो भासा बोलन को सवाल सेत। दोन या जादा सेत, तो एक को मंघा एक बोले, अना कोनी दूसरो वोको मतलब सांगेत। 28 अदी कलीसिया मा कोनी मतलब सांगन वालो नाहती ता दूसरो भासा बोलनवालो सभा मा उघो मुघो रव्हे। अना परमेस्वर लक गोस्टी करतो रव्हे। 29 परमेस्वर को कन लक बोलन वालो जोनला बरदान भेटयो सेत, एक या दुई वोको दुत को स्पमा गोस्टी करे, अना बाकी, जोन काही कव्हासेत वोको परख करे। 30 अदी बसो लोकगीन मा लक कोनी ला सत मिल जाय, अना उ सांगनो चव्हा सेत तो पयलो चुप भई जाय। 31 तुमी सबा लोक एक-एक करके भविस्वयानी बोल सका सेव, जोन लक सबा सिके अना उन्नती करेत। 32 अना भविस्वयक्ता को आतमा उनको बसमा सेत। 33 काहेका परमेस्वर गडबडी को नही पर सान्ती को परमेस्वर सेत, जसो पवीतर लोकगीन को सब कलीसिया मा होवासेत। 34 आईमाई कलीसिया मा उघो मुघो रव्हे, काहेका उनला कलीसिया मा सांगन को हुक्म नाहती। पर अधीन रहनो को हुक्म सेत, जसो का मोसे को नियम मा लिखयो सेत। 35 अदी वा कोनी गोस्टी को बारेमा वा पुछन चव्हा सेत, तो वा घर जायके आपरो नवरा लक पुसेत। कलीसिया मा बायको ला बोलनो सहि नाहती। 36 का परमेस्वर को साजरा गोस्टी तुमरो च यहान लक फैलो सेत, या तुमी लोकगीन जवर पहुचिसेस। 37 अदी कोनी समजा सेत का उ भविस्वयक्ता से अना परमेस्वर को कन लक बोला सेत। या आतमिक जन सेत, अखीन दूसरो भासा बोला सेत, तो वा साजरा लक जान लेवेका जो मी लिखयो सेऊ, वा पिरभू न को हुक्म सेत। 38 अदी कोनी एको नोको माने, तो वोकी भी कोनी नोको माने। 39 अगो भाऊ अखीन अवो बहिन हुन! सब गोस्टी को निचोड यो सेत का तुमी भविस्वयानी को बरदान को मनसा राखो, दूसरो भासा बोलनवारा ला नोको रोको। 40 पर सबा काही साजरा अना बेवस्थित रीत लक कियो जाय।

15 मोरो संगीहुन! अबा मी तुमी लोकगीन ला वोना साजरो बारता ला हेत दिलावा सेऊ। जेनको परचार मीना तुमरो बीचमा करी सेऊ। अना तुमीना वोला अपनाई सेव, अना वोमा मेडा को जसो मजबुत सेव। 2 यो वा साजरा बारता सेत, जोन मी ना तुम्हिला आयकायो सेऊ। अदि तुमी एला पक्को लक धरा सेव, ता तुमी बचायो गयो सेव। नईतो तुमरो भरोसा राखनो बेकार भई जाहेति। 3 जसो गिरिंथ मा लिखयो सेत, का “मसीह आमरो पाप गिनको लाय मर गयो सेत।” यो गोस्टिको लगत महात्व सेत। मोला भेटयो सेत मी तुमीला सोपदेयी सेऊ। 4 अना असो भी लिखयो सेत का, “वोला दफनायो गयो होतो, अना उ तीन दिवस को मघा जितो भयी गयो।” 5 उ कैफा अना मघा मा बारा चेलागिन ला चोवयो। 6 मंग उ पाँच सम्बर लक लगत बिस्वासी गिनला चोवयो। जोनमा लक लगत आज जितो सेत। अखीन काही मर गइन। 7 मघा उ याकूब अना सबा पेरीत गीनला चोविस। 8 अना सब लक आखीर मा वो मोला भी चोविस। मि बेसमय जनम लेइसेऊ। 9 काहेका मि सब पेरीतगीन लक लहान सेऊ। सहि मायना मा मी पेरीत कहलान को काबिल नही सेऊ। काहेका मी परमेस्वर को कलीसिया पर अतिथाचार करिसेऊ। 10 मि जोन काही सेऊ, परमेस्वर को किरपा लक सेऊ, अना जोन

किरपा मोला मिलिसे उ बेकार नही भई। मी उन सब लक जादा महेनत करिसेऊ। 11 एकोलाय चाहे मी या वय लोक हिन आमी वोच परचार करिसेजन जेनको मा तुमी ना भरोसा राखीसेव। 12 अब्बा अदी मसीह को परचार करयो जासे का उ मरनवालो लक जितो भई से। तो तुमी मा लक काही असो काहे कव्हसेत, का मरो हुवो जी नही सका सेत। 13 अदी मरो हुवो को जितो होवो नाहती, तो मसीह भी नही जिलायो गयो सेत। 14 अना अदी मसीह जितो नही भयो, ता आमरो परचार करनो बेकार सेत। अना तुमरो भी भरोसा बेकार सेत। 15 एकोलक बडके आमी परमेस्वर को खोटो गवाही ठयरा सेजन। काहेका अमिना परमेस्वर को बारेमा यो पुस दियो सेजन। का वोना मसीह ला जितो करिसेत। पर अदी उनको कव्हनो को अनुसर मरया मानूस सहिमा जिलायो नही जावा सेत। तो वोना मसिहा ला भी नही जिलाइस। 16 काहेकी अदी मरनवालो जितो नही होवा सेत, तो मसीह भी नही जिलायो गयो से। 17 अना मसीह नही जितो भयो सेत, तो तुमरो भरोसा बेकार सेत। तुमी अब्बा तकन पाप मा पडयो सेव। 18 तबा वय भी जोन मसीह मा सोय गई सेत, नास भई गइन। 19 अदी अमिना बस यो च जिंदगी लाय मसीह मा आस राखिसेस तो आमरो दसा सबा मानूस लक जादा दया को काबिल सेत। 20 पर अब्बा मसीह तो मरयो मानूस लक जितो भय गयो सेत, अना जोन जपमा होतिन उनमा लक पयलो फर सेत। 21 काहेका जबा एक मानूस लक मिरतु आयी, तो एक मानूस लक मरनो लक जी उचलनो आयो। 22 जसो बाबा आदम को सब अवलाद मरअ सेत, वसोच मसीह मा सबा जिलायो जाहेती। 23 पर मरनो लक जिवनो को पयलो फर मसिहा सेत। तबा मसीह को आवनो पर वोको लोक जितो भई जाहेत। 24 एको मंथा अन्त भई जाहे। वोना बेरा सब सरकार, अधिकार अना ताकत को अन्त करके राज ला परमेस्वर दाअजी को हात मा सोप देहेत। 25 जब तकन उ आपरो बैरी गीन ला अपरो पाय को खाल्या ना कर लेहे। वोको राज करनो जरुरि सेत। 26 सबले आखीर बैरी जेनको अन्त कियो जाहेत, वा मिरतु सेत। 27 काहेका वोना सब काही वोको पाय को खाल्या कर दियो गयो सेत। पर जबा उ कव्हासेत, का सब काही वोको अधिन कर दियो गयो सेत, तो यो सफा सेत का वा खुदच बेगरो रहयो। 28 अना जबा सब अधिन भई जाहेति तो दूरा खुदच वोको अधिन भई जाहेती। जेनमा सब काही वोको अधिन कर दियो, जेनको लक परमेस्वर को च “हात मा सप्पा कासरा तुतारी हो।” 29 काहेका यो जरुरि सेत, का यो नास होवनवारा देह, नास नही होवन नही तो जोन मरया हुवा को बसिस्मा लेवा सेत वय का करीन। अदी मरया हुवा जितो नही होवा सेत, तो मग उनको काजी इनला काहे बपतिस्मा देसेस। 30 आमी भी हरेक बेरा काहे संकट मा रखा सेत। 31 अगो भाऊ अखीन बहिन हुन! तुमी लोकगीन आमरो पिरभू यीसु मसीह मा मोरो गरब सेव। मै तुमरो कसम खायके कव्हसू का मोला हर रोज मिरतु को आमना-सामना करनो पडा सेत। 32 अदी मी इफिसुस नगर मा जंगली जनावर लक लडाई करिया, तो वोको लक मोला काजक फायदा सेत? अदी मरया जितो नही होवासेत, तो आव आमी जेवबीन पीवबिन काहेका काल तो मरनो च सेत। 33 धोका नोको खाय खोटो संगति भलो मानूस ला बिगाड देवासेत। 34 होस मा आव! जसो नेक सेत, अना पाप करनो छोड देव। तुमरो लक

काही मानूस सेत, जोन परमेस्वर को बारेमा काही नही जाना सेत। यो गोस्टी तुमीला लजान काजी सांगी सेऊ। 35 अब कोनी मोरो लक यो सवाल कर सका से, मरो हुवा कसो जितो होवासेत? वय कोनतो देह धरके आवसेत। 36 हे मुख। जोन काही तु पेरअ सेत। जबा तकन उ मरा नही तबा तकन जितो नही होवा। 37 अना जोन काही तु पेरा सेत तु वोच बीज नही पेरत जोन पैदा होवन पर से। पर निरा दाना चाहे गहुँ ला या कोनी अखीन अनाज को। 38 पर परमेस्वर आपरो मरजी लक ओला देह देवासे, अना हरेक बीज ला ओको खास देह। 39 सब देह एक जसो नही, पर मानूस को देह एक परकार को से, जनावर गीन को दूसरो परकार को, पक्सी गीन को देह अखिन से तो मसरी गीन को अलग परकार को, 40 सरग को देह से अना माती को देह भी से, पर सरगीय देह को तेज अलग से ता माती को देह को अलग से 41 सरज को तेज अलग से, चँदा को तेज अलग, मंग तारा को तेज भी अलग से, वरन एक तारा को तेज दूसरो लक अलग से। 42 मरयो हुयो को जितो होवनो भी असोच से। नासमान देह बोयो जावसे, अना अविनासी देह जितो कियो जावसे 43 अपमान को सँग बोयो जावसे, अना महिमा को सँग जितो कियो जावसे। कमजोर दसा मा बोयो जावसे, अना ताकत को सँग जितो कियो जावसे। 44 देह को कन लक बोयो जावसे। अना आतमिक दसा मा जितो कियो जावसे। जबकि सुभाविक देह से, ता आतमिक देह भी से। 45 एकोसाटी यो भी लिखयो से, “पयलो मानूस आदम जितो प्रानी बनयो,” अना अंतिम आदम जीवनदायक आतमा बनयो। 46 ऐना तरीका लक पयलो आतमिक नही, पर सुभाविक होतो। तबा आतमिक आयो, 47 पयलो मानूस धरती को से, दूसरो मानूस सरग को से। 48 जसो उ धरती को से, तसोच वय भी धरती का सेति। अना जसो उ सरगीय से, तसोच वय भी सेत जोन सरगीय सेत। 49 अना जसो अमिना उ माती को देह को स धरिसेस, वसोच सरगीय देह को स धरहिन। 50 अगो भाऊ अना बहिन हुन मी यो कव्हसू का यो मांस अना रक्त को देह परमेस्वर को राज को बारीस नाहती। अना नास होवन वारा अमर हो सकेत। 51 चोवो मी तुमी ला एक लुको गोस्टी सांगास, आमी सब ला जपनी लगेत, पर आमी सब को सब बदल जाबिन। 52 यो एक जरा देर मा मिन्दी मारतच, आखरी तुरा को बाजन को बेरा होहेत। काहेका तुरा बजेत, अना मरो हुवा मानुसगिन अमर दसा मा जितो भई जाहेती। 53 काहेका यो जरुरि सेत, का यो नास होवनवारा देह, नास नही होवन वालो ला, अना यो मरनवारा देह अमरता ला पहन लेवे। 54 पर जबा यो नासवान देह नास नही होवनवारा ला, अना यो मरनवारा देह अमरता ला पहन लेहेत। तबा पवीतर गिरंथ को यो गोस्टी पूरो भई जाहेती। “मिरतु ला जीत ना खाय लेइसेस।” 55 “ओ मिरतु कहान सेत तोरो जीत? ओ मिरतु! कहान से तोरो डंखा?” (Hades g86) 56 मिरतु को डंक तो पाप सेत, अना पाप ला मोसे को नियम लक ताकत मिला सेत। 57 पर परमेस्वर को धनवाद सेत, जोन अमीला पिरभू यीसु मसीह मा जिता सेत। 58 एकोलाय मोरो चहेतो, अगो भाऊ! अना अवो बहिन हुन! तुमी पक्को को सँग जिलायो जावसे। अना अटल भई जावो। अना पिरभू को काम मा हमेसा बडतो चलो। काहेका तुमी जानसो पिरभू मा तुमरो मेहनत बेकाम नाहती।

16 पवीतर लोकगीन लाय दान जमा करन को बारेमा जोन हुकूम मीना गलातिया को कलीसिया ला देई सेऊ, बोला तुमी भी मानो। 2 हफ्ता को पयलो दिवस, तुम मा लक हरेक आपरो आमदानी लक आपरो जवर काही राख देव, का मोरो आवनो पर दान नोको जमा करन पडेत। 3 मोरो उतानी पोहचन मा जोन कोनी परखो मानूस ला तुम्ही चाव्हसो, मी बोला चिट्ठी देय के, दान आन के येस्सलेम नगर धाड देहू। 4 पर अदी मोरो भी जावनो भयो तो वय मोरो संग जाहिन। 5 मी मकीदुनिया लक होयके तुमरो कठा आंह। काहेका मी मकीदुनिया होयके जाय रहयो सेउ। 6 अना बेरा मिलनो पर तुमरो संग रहबिन, हो सके तो मी जाडा को सिजन तुमरो संग बिताह। जेनको लक जहान मोला जानो सेत, वहान लाय तुम मोला धाडदेव। 7 मोरो मनसा यो नाहती का तुमरो लक भेंट करके चले जाऊ, पर पिरभू मा असो आस सेत का काही बेरा तुमरो संग बिताहिन। 8 पर मी पेन्तेकोस्त तिहार तकन इफिसस नगर मा रहिन। 9 काहेका यहान साजरा काम, काजी मोरो लाय एक मोठो बेसकुड उघाडी सेस। पर वहान गजब बिरोधी भी सेत। 10 अदी तीमुथियुस आहेत तो वोको साजरा लक खियाल राखजोस। का उनला कोनी बात को कमी नोको होयेत। काहेका उ मोरो जसो पिरभू को काम मा लगयो रव्हा सेत। 11 उनला कोनी नोको दुरियाने, अना तुमी लोकगीन उनको सान्ती लक आवन को बेवस्था कर देवजो। ताकी वय साजरा लक मोरो कठा आ जाय। काहेका आमी भाऊ हुन को संग उनको बाट चोवी सेजन। 12 भाऊ अपुल्लोस लक मी ना लगत बिनती करियात, का तू भाऊहुन संग जाय। पर उ एकदम आवन को लाय तैय्यार नही भयो। पर सुट्टी मिलन पर जस्स आहेत। 13 तुम लोक जगत रव्हो, भरोसा मा पक्को रव्हो, अना हिम्मत राखो, अना ताकत लक भरो रव्हो। 14 तुमी जोन कही भी करो, पिरम लक करो। 15 अगो भाऊ अना बहिनगिन! तुमी लोकगीन लक मोरो एक पिराथना सेत, तुमी स्तिफनास को घर परिवार ला जाना सेव। वय अखया युनान को पयलो फर सेत। अना पवीतर सन्तगिन को सेवा मा लगयो रव्हा सेत। 16 तुमी असो लोकगीन को अगुवापन ला स्विकार करो। अना उन सबको भी जोन उनको संग मेहनत करासेत। 17 स्तिफनास, फुरतुनातुस, अना अखइकुस को आवन लक मोला मोठयो खुसी भई। उनना तुम लोकगीन को कमी पूरो कर देईन। 18 उनना तुमारो अना मोरो आतमा ला चैन देईसेस। एकोलाय असो मानूस को आदर करो। 19 आसिया को कलीसिया हुन को कन लक तुमला नमस्कार। अक्विला अना त्रिस्क्लिला अना उनको घर को कलीसिया को, तुमला पिरभू मा दिल लक नमस्कार। 20 सब भाऊ गीन को तुमला नमस्कार। पवीतर चुम्मा आन कन एक दुसरो ला नमस्कार कहजोस। 21 मी पौलुस को आपरो हात लक लिखयो नमस्कार 22 अदी कोनी पिरभू लक माया नही ठेवासेस, तो उ सापित सेत। ओ पिरभू आव! 23 पिरभू यीसु को किरपा तुमरो पर होहे। 24 मोरो पिरम यीसु मसीह मा तुम सबको संग हो। आमीन।



The New Jerusalem

"I saw the holy city, New Jerusalem, coming down out of heaven from God, prepared like a bride adorned for her husband. I heard a loud voice out of heaven saying, 'Behold, God's dwelling is with people, and he will dwell with them, and they will be his people, and God himself will be with them as their God.'"

Revelation 21:2-3

Reader's Guide

Powari at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

Powari at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aidios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/Powari---Powari-Bible/Noted

Aionian Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words but may wrongly imply *eternal* or *Hell*. Note placement is skipped or adjusted for verses with non-standard numbering.

Abyssos

लूका 8:31
रोमियो 10:7
Revelation 9:1
Revelation 9:2
Revelation 9:11
Revelation 11:7
Revelation 17:8
Revelation 20:1
Revelation 20:3

पेरीत 3:21
पेरीत 15:18
रोमियो 1:25
रोमियो 9:5
रोमियो 11:36
रोमियो 12:2
रोमियो 16:27
1 कुरिन्थियो 1:20
1 कुरिन्थियो 2:6
1 कुरिन्थियो 2:7
1 कुरिन्थियो 2:8
1 कुरिन्थियो 3:18
1 कुरिन्थियो 8:13
1 कुरिन्थियो 10:11

1 Peter 1:25
1 Peter 4:11
1 Peter 5:11
2 Peter 3:18
1 John 2:17
2 John 1:2
Jude 1:13
Jude 1:25
Revelation 1:6
Revelation 1:18
Revelation 4:9
Revelation 4:10
Revelation 5:13
Revelation 7:12
Revelation 10:6
Revelation 11:15
Revelation 14:11
Revelation 15:7
Revelation 19:3
Revelation 20:10
Revelation 22:5

aidios

रोमियो 1:20
Jude 1:6

aiōn

मत्ती 12:32
मत्ती 13:22
मत्ती 13:39
मत्ती 13:40
मत्ती 13:49
मत्ती 21:19
मत्ती 24:3
मत्ती 28:20
मरकुस 3:29
मरकुस 4:19
मरकुस 10:30
मरकुस 11:14
लूका 1:33
लूका 1:55
लूका 1:70
लूका 16:8
लूका 18:30
लूका 20:34
लूका 20:35
योहन 4:14
योहन 6:51
योहन 6:58
योहन 8:35
योहन 8:51
योहन 8:52
योहन 9:32
योहन 10:28
योहन 11:26
योहन 12:34
योहन 13:8
योहन 14:16

2 कुरिन्थियो 4:4
2 कुरिन्थियो 9:9
2 कुरिन्थियो 11:31
Galatians 1:4
Galatians 1:5
Ephesians 1:21
Ephesians 2:2
Ephesians 2:7
Ephesians 3:9
Ephesians 3:11
Ephesians 3:21
Ephesians 6:12
Philippians 4:20
Colossians 1:26
1 Timothy 1:17
1 Timothy 6:17
2 Timothy 4:10
2 Timothy 4:18
Titus 2:12
Hebrews 1:2
Hebrews 1:8
Hebrews 5:6
Hebrews 6:5
Hebrews 6:20
Hebrews 7:17
Hebrews 7:21
Hebrews 7:24
Hebrews 7:28
Hebrews 9:26
Hebrews 11:3
Hebrews 13:8
Hebrews 13:21
1 Peter 1:23

aiōnios

मत्ती 18:8
मत्ती 19:16
मत्ती 19:29
मत्ती 25:41
मत्ती 25:46
मरकुस 3:29
मरकुस 10:17
मरकुस 10:30
लूका 10:25
लूका 16:9
लूका 18:18
लूका 18:30
योहन 3:15
योहन 3:16
योहन 3:36
योहन 4:14
योहन 4:36
योहन 5:24
योहन 5:39
योहन 6:27
योहन 6:40
योहन 6:47
योहन 6:54
योहन 6:68

योहन 10:28
योहन 12:25
योहन 12:50
योहन 17:2
योहन 17:3
पेरीत 13:46
पेरीत 13:48
रोमियो 2:7
रोमियो 5:21
रोमियो 6:22
रोमियो 6:23
रोमियो 16:25
रोमियो 16:26
2 कुरिन्थियो 4:17
2 कुरिन्थियो 4:18
2 कुरिन्थियो 5:1
Galatians 6:8
2 Thessalonians 1:9
2 Thessalonians 2:16
1 Timothy 1:16
1 Timothy 6:12
1 Timothy 6:16
2 Timothy 1:9
2 Timothy 2:10
Titus 1:2
Titus 3:7
Philemon 1:15
Hebrews 5:9
Hebrews 6:2
Hebrews 9:12
Hebrews 9:14
Hebrews 9:15
Hebrews 13:20
1 Peter 5:10
2 Peter 1:11
1 John 1:2
1 John 2:25
1 John 3:15
1 John 5:11
1 John 5:13
1 John 5:20
Jude 1:7
Jude 1:21
Revelation 14:6

eleēsē

रोमियो 11:32

Geenna

मत्ती 5:22
मत्ती 5:29
मत्ती 5:30
मत्ती 10:28
मत्ती 18:9
मत्ती 23:15
मत्ती 23:33
मरकुस 9:43

मरकुस 9:45
मरकुस 9:47
लुका 12:5
James 3:6

Hadēs

मत्ती 11:23
मत्ती 16:18
लुका 10:15
लुका 16:23
पेरीत 2:27
पेरीत 2:31
1 कुरिन्थियो 15:55
Revelation 1:18
Revelation 6:8
Revelation 20:13
Revelation 20:14

Limnē Pyr

Revelation 19:20
Revelation 20:10
Revelation 20:14
Revelation 20:15
Revelation 21:8

Sheol

Genesis 37:35
Genesis 42:38
Genesis 44:29
Genesis 44:31
Numbers 16:30
Numbers 16:33
Deuteronomy 32:22
1 Samuel 2:6
2 Samuel 22:6
1 Kings 2:6
1 Kings 2:9
Job 7:9
Job 11:8
Job 14:13
Job 17:13
Job 17:16
Job 21:13
Job 24:19
Job 26:6

Psalms 6:5
Psalms 9:17
Psalms 16:10
Psalms 18:5
Psalms 30:3
Psalms 31:17
Psalms 49:14
Psalms 49:15
Psalms 55:15
Psalms 86:13
Psalms 88:3
Psalms 89:48


Psalms 116:3
Psalms 139:8
Psalms 141:7
Proverbs 1:12
Proverbs 5:5
Proverbs 7:27
Proverbs 9:18
Proverbs 15:11
Proverbs 15:24
Proverbs 23:14
Proverbs 27:20
Proverbs 30:16
Ecclesiastes 9:10
Song of Solomon 8:6
Isaiah 5:14
Isaiah 7:11
Isaiah 14:9
Isaiah 14:11
Isaiah 14:15
Isaiah 28:15
Isaiah 28:18
Isaiah 38:10
Isaiah 38:18
Isaiah 57:9
Ezekiel 31:15
Ezekiel 31:16
Ezekiel 31:17
Ezekiel 32:21
Ezekiel 32:27
Hosea 13:14
Amos 9:2
Jonah 2:2
Habakkuk 2:5

Tartaroō

2 Peter 2:4


Questioned

None yet noted




"By faith, Abraham, when he was called, obeyed to go out to the place which he was to receive for an inheritance. He went out, not knowing where he went"


Hebrews 11:8



"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt'" Exodus 13:17



काहे की मानूस को देरा आपरी सेवा करान लाय नही, पर सेवा करन ला अना सबको लाय पाप को दाम चुकावन अना सूटकारा देवन आयो से। अना लगत लोक गीन्ता सोडान को लाय आपरो फास देदे। - Mark 10:45



पौलस को ये चिट्ठी से। जोनला यीसु मसीह ना सेवक अना पेरित को नाता लक निवडले आहेत। अना परमेस्वर को साबरा भारता सांगन लाय बुलाये सेत। - Romans 1:1

Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Usher)

Jesus Christ born 4 B.C.

New Heavens and Earth



- | | |
|-------------|---|
| | Christ returns for his people |
| 1956 | Jim Elliot martyrd in Ecuador |
| 1830 | John Williams reaches Polynesia |
| 1731 | Zinzendorf leads Moravian mission |
| 1614 | Japanese kill 40,000 Christians |
| 1572 | Jesuits reach Mexico |
| 1517 | Martin Luther leads Reformation |
| 1455 | Gutenberg prints first Bible |
| 1323 | Franciscans reach Sumatra |
| 1276 | Ramon Llull trains missionaries |
| 1100 | Crusades tarnish the church |
| 1054 | The Great Schism |
| 997 | Adalbert martyrd in Prussia |
| 864 | Bulgarian Prince Boris converts |
| 716 | Boniface reaches Germany |
| 635 | Alopen reaches China |
| 569 | Longinus reaches Alodia / Sudan |
| 432 | Saint Patrick reaches Ireland |
| 397 | Carthage ratifies Bible Canon |
| 341 | Ulfilas reaches Goth / Romania |
| 325 | Niceae proclaims God is Trinity |
| 250 | Denis reaches Paris, France |
| 197 | Tertullian writes Christian literature |
| 70 | Titus destroys the Jewish Temple |
| 61 | Paul imprisoned in Rome, Italy |
| 52 | Thomas reaches Malabar, India |
| 39 | Peter reaches Gentile Cornelius |
| 33 | Holy Spirit empowers the Church |

(Wikipedia, Timeline of Christian missions)

Resurrected 33 A.D.

What are we?			▶		Genesis 1:26 - 2:3	
How are we sinful?			▶		Romans 5:12-19	
Where are we?			▶			
					Innocence	
			Eternity Past		Creation 4004 B.C.	
▶ Who are we?	God	Father		John 10:30	Genesis 1:31 God's perfect fellowship with Adam in The Garden of Eden	
		Son		God's perfect fellowship		
		Holy Spirit				
	Mankind	Living		Genesis 1:1	No Creation No people	
		Deceased believing				
		Deceased unbelieving				
	Angels	Holy		Genesis 1:1 No Creation No people	Genesis 1:31 No Fall No unholy Angels	
		Imprisoned				
		Fugitive				
		First Beast				
		False Prophet				
		Satan				
	Why are we?			▶		Romans 11:25-36, Ephesian 2:7

Mankind is created in God’s image, male and female He created us

Sin entered the world through Adam and then death through sin

When are we?				
Fallen				Glory
Fall to sin No Law	Moses' Law 1500 B.C.	Christ 33 A.D.	Church Age Kingdom Age	New Heavens and Earth
1 Timothy 6:16 Living in unapproachable light				Acts 3:21 Philippians 2:11 Revelation 20:3 God's perfectly restored fellowship with all Mankind praising Christ as Lord in the Holy City
John 8:58 Pre-incarnate		John 1:14 Incarnate	Luke 23:43 Paradise	
Psalm 139:7 Everywhere		John 14:17 Living in believers		
Ephesians 2:1-5 Serving the Savior or Satan on Earth				
Luke 16:22 Blessed in Paradise				
Luke 16:23, Revelation 20:5,13 Punished in Hades until the final judgment				
Hebrews 1:14 Serving mankind at God's command				
2 Peter 2:4, Jude 6 Imprisoned in Tartarus				Matthew 25:41 Revelation 20:10 Lake of Fire prepared for the Devil and his Angels
			Revelation 20:13 Thalaasa	
1 Peter 5:8, Revelation 12:10 Rebelling against Christ Accusing mankind			Revelation 19:20 Lake of Fire	
			Revelation 20:2 Abyss	

For God has bound all over to disobedience in order to show mercy to all

Destiny

Powari at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, *"the gates of Hades will not prevail,"* Matthew 16:18. Paul asks, *"Hades where is your victory?"* 1 Corinthians 15:55. John wrote, *"Hades gives up,"* Revelation 20:13.

Jesus comforts us saying, *"Do not be afraid,"* because he holds the keys to *unlock* death and Hades, Revelation 1:18. Yet too often our *Good News* sounds like a warning to *"be afraid"* because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, *"out of the frying pan, into the fire?"* Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, *"Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. *"If the first fruit is holy, so is the whole,"* Romans 11:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



यो काजी तुमी जाओ, अना सब गैर यहूदी लोक गीन ला चेला बनाओ। अना उन्ला, परमेस्वर बाबूजी अना दूरा यीसु मसीह, अना पवीतर अलमा को नाव लक, पानी मा बसिस्मा देवो। - Matthew 28:19

